

Namo tassa bhagavato arahato sammāsambuddhassa

Vinayapiṭake

Pārājikapāli

Verañjakaṇḍaṃ

1. Tena samayena buddho bhagavā verañjāyaṃ viharati naḷerupucimandamūle mahatā bhikkhusaṅghena saddhiṃ pañcamattehi bhikkhusatehi. Assosi kho verañjo brāhmaṇo – “samaṇo khalu, bho, gotamo sakyaputto sakyakulā pabbajito verañjāyaṃ viharati naḷerupucimandamūle mahatā bhikkhusaṅghena saddhiṃ pañcamattehi bhikkhusatehi. Taṃ kho pana bhavantam gotamam evam kalyāṇo kittisaddo abbhuggato – ‘itipi so bhagavā araham sammāsambuddho vijjācaraṇasampanno sugato lokavidū anuttaro purisadammasārathi satthā devamanussānam buddho bhagavā [bhagavāti (syā.), dī. ni. 1.157, abbhuggatākārena pana sameti]. So imam lokam sadevakaṃ samārakaṃ sabrahmakam sassamaṇabrāhmaṇiṃ pajam sadevamanussam sayam abhiññā sacchikatvā pavedeti. So dhammam deseti ādikalyāṇam majjhekalyāṇam pariyośanakalyāṇam sāttham sabyañjanam; kevalaparipuṇṇam parisuddham brahmacariyam pakāseti; sādhu kho pana tathārūpānam arahatam dassanam hoti’’ti.

2. [ito param yāva pārā. 15-16 padakkhiṇam katvā pakkāmīti pāṭho a. ni. 8.11] Atha kho verañjo brāhmaṇo yena bhagavā tenupasaṅkami; upasaṅkamtivā bhagavatā saddhiṃ sammodi. Sammodaniyam katham saraṇiyam vītisāretvā ekamantaṃ nisīdi. Ekamantaṃ nisinno kho verañjo brāhmaṇo bhagavantam etadavoca – “sutaṃ metaṃ, bho gotama – ‘na samaṇo gotamo brāhmaṇe jiṇṇe vuḍḍhe mahallake addhagate vayoanuppatte abhivādeti vā paccuṭṭheti vā āsanena vā nimanteti’’ti. Tayidaṃ, bho gotama, tatheva? Na hi bhavam gotamo brāhmaṇe jiṇṇe vuḍḍhe mahallake addhagate vayoanuppatte abhivādeti vā paccuṭṭheti vā āsanena vā nimanteti? Tayidaṃ, bho gotama, na sampannamevā’’ti.

“Nāham taṃ, brāhmaṇa, passāmi sadevake loka samārake sabrahmake sassamaṇabrāhmaṇiyā pajāya sadevamanussāya yamahaṃ abhivādeyyam vā paccuṭṭheyyam vā āsanena vā nimanteyyam. Yañhi, brāhmaṇa, tathāgato abhivādeyya vā paccuṭṭheyya vā āsanena vā nimanteyya, muddhāpi tassa vipateyyā’’ti.

3. “Arasarūpo bhavam gotamo’’ti? “Atthi khvesa, brāhmaṇa, pariyāyo yena maṃ pariyāyena sammā vadamāno vadeyya – ‘arasarūpo samaṇo gotamo’’ti. Ye te, brāhmaṇa, rūparasā saddarasā gandharasā rasarasā phoṭṭhabbarasā te tathāgatassa pahīnā ucchinnamūlā tālāvatthukatā anabhāvaṃkatā [anabhāvakatā (sī.) anabhāvaṃgatā (syā.)] āyatim anuppādadhammā. Ayaṃ kho, brāhmaṇa, pariyāyo yena maṃ pariyāyena sammā vadamāno vadeyya – ‘arasarūpo samaṇo gotamo’’ti, no ca kho yaṃ tvaṃ sandhāya vadesi’’ti.

4. “Nibbhogo bhavam gotamo’’ti? “Atthi khvesa, brāhmaṇa, pariyāyo yena maṃ pariyāyena sammā vadamāno vadeyya – ‘nibbhogo samaṇo gotamo’’ti. Ye te, brāhmaṇa, rūpabhogā saddabhogā gandhabhogā rasabhogā phoṭṭhabbhogā te tathāgatassa pahīnā ucchinnamūlā tālāvatthukatā anabhāvaṃkatā āyatim anuppādadhammā. Ayaṃ kho, brāhmaṇa, pariyāyo yena maṃ pariyāyena sammā vadamāno vadeyya – ‘nibbhogo samaṇo gotamo’’ti, no ca kho yaṃ tvaṃ sandhāya vadesi’’ti.

5. “Akiriyavādo bhavam gotamo’’ti? “Atthi khvesa, brāhmaṇa, pariyāyo yena maṃ pariyāyena sammā vadamāno vadeyya – ‘akiriyavādo samaṇo gotamo’’ti. Ahañhi, brāhmaṇa, akiriyam vadāmi kāyaduccaritassa vacīduccaritassa manoduccaritassa. Anekavihitānam pāpakānam akusalānam

dhammānaṃ akiriyaṃ vadāmi. Ayaṃ kho, brāhmaṇa, pariyaṃ yena maṃ pariyaṃ sammā vadamāno vadeyya – ‘akiriyaṃ vado samaṇo gotamo’ti, no ca kho yaṃ tvaṃ sandhāya vadesī’ti.

6. “Ucchedavādo bhavaṃ gotamo”ti? “Atthi khvesa, brāhmaṇa, pariyaṃ yena maṃ pariyaṃ sammā vadamāno vadeyya – ‘ucchedavādo samaṇo gotamo’ti. Ahañhi, brāhmaṇa, ucchedaṃ vadāmi rāgassa dosassa mohassa. Anekavihitānaṃ pāpakānaṃ akusalānaṃ dhammānaṃ ucchedaṃ vadāmi. Ayaṃ kho, brāhmaṇa, pariyaṃ yena maṃ pariyaṃ sammā vadamāno vadeyya – ‘ucchedavādo samaṇo gotamo’ti, no ca kho yaṃ tvaṃ sandhāya vadesī’ti.

7. “Jegucchī bhavaṃ gotamo”ti? “Atthi khvesa, brāhmaṇa, pariyaṃ yena maṃ pariyaṃ sammā vadamāno vadeyya – ‘jegucchī samaṇo gotamo’ti. Ahañhi, brāhmaṇa, jigucchāmi kāyaduccaritena vacīduccaritena manoduccaritena. Anekavihitānaṃ pāpakānaṃ akusalānaṃ dhammānaṃ samāpattiyā jigucchāmi. Ayaṃ kho, brāhmaṇa, pariyaṃ yena maṃ pariyaṃ sammā vadamāno vadeyya – ‘jegucchī samaṇo gotamo’ti, no ca kho yaṃ tvaṃ sandhāya vadesī’ti.

8. “Venayiko bhavaṃ gotamo”ti? “Atthi khvesa, brāhmaṇa, pariyaṃ yena maṃ pariyaṃ sammā vadamāno vadeyya – ‘venayiko samaṇo gotamo’ti. Ahañhi, brāhmaṇa, vinayāya dhammaṃ desemi rāgassa dosassa mohassa. Anekavihitānaṃ pāpakānaṃ akusalānaṃ dhammānaṃ vinayāya dhammaṃ desemi. Ayaṃ kho, brāhmaṇa, pariyaṃ yena maṃ pariyaṃ sammā vadamāno vadeyya – ‘venayiko samaṇo gotamo’ti, no ca kho yaṃ tvaṃ sandhāya vadesī’ti.

9. “Tapassī bhavaṃ gotamo”ti? “Atthi khvesa, brāhmaṇa, pariyaṃ yena maṃ pariyaṃ sammā vadamāno vadeyya – ‘tapassī samaṇo gotamo’ti. Tapanīyāhaṃ, brāhmaṇa, pāpake akusale dhamme vadāmi, kāyaduccaritaṃ vacīduccaritaṃ manoduccaritaṃ. Yassa kho, brāhmaṇa, tapanīyā pāpakā akusalā dhammā pahīnā ucchinnamūlā tālavatthukatā anabhāvaṃkatā āyatimā anuppādadhammā tamaṃ tapassīti vadāmi. Tathāgatassa kho, brāhmaṇa, tapanīyā pāpakā akusalā dhammā pahīnā ucchinnamūlā tālavatthukatā anabhāvaṃkatā āyatimā anuppādadhammā. Ayaṃ kho, brāhmaṇa, pariyaṃ yena maṃ pariyaṃ sammā vadamāno vadeyya – ‘tapassī samaṇo gotamo’ti, no ca kho yaṃ tvaṃ sandhāya vadesī’ti.

10. “Apagabbho bhavaṃ gotamo”ti? “Atthi khvesa, brāhmaṇa, pariyaṃ yena maṃ pariyaṃ sammā vadamāno vadeyya – ‘apagabbho samaṇo gotamo’ti. Yassa kho, brāhmaṇa, āyatimā gabbhaseyyā punabbhavābhiniṃbatti pahīnā ucchinnamūlā tālavatthukatā anabhāvaṃkatā āyatimā anuppādadhammā tamaṃ apagabbhoti vadāmi. Tathāgatassa kho, brāhmaṇa, āyatimā gabbhaseyyā punabbhavābhiniṃbatti pahīnā ucchinnamūlā tālavatthukatā anabhāvaṃkatā āyatimā anuppādadhammā. Ayaṃ kho, brāhmaṇa, pariyaṃ yena maṃ pariyaṃ sammā vadamāno vadeyya – ‘apagabbho samaṇo gotamo’ti, no ca kho yaṃ tvaṃ sandhāya vadesī’.

11. “Seyyathāpi, brāhmaṇa, kukkuṭiyā aṇḍāni aṭṭha vā dasa vā dvādasa vā. Tānassu kukkuṭiyā sammā adhisayitāni sammā pariseditāni sammā paribhāvitāni. Yo nu kho tesamā kukkuṭacchāpakānaṃ paṭhamataraṃ pādanakhasikhāya vā mukhatuṇḍakena vā aṇḍakosamā padāletvā sotthinā abhinibbhijjeyya, kinti svāssa vacanīyo – ‘jetṭho vā kaniṭṭho vā’ti? “Jetṭhotissa, bho gotama, vacanīyo. So hi nesamā jetṭho hoti”ti. “Evameva kho ahamā, brāhmaṇa, avijjagatāya pajāya aṇḍabhūtāya pariyaṃ avijjagatāya avijjagatāya padāletvā ekova loke anuttaramā sammāsambodhimā abhisambuddho. Svāhaṃ, brāhmaṇa, jetṭho seṭṭho lokassa”.

“Āraddhaṃ kho pana me, brāhmaṇa, vīriyaṃ [viriyam (sī. syā.)] ahoṣi asallīnaṃ, upaṭṭhitā sati asammuttā [appamuṭṭhā (sī. syā.)], passaddho kāyo asāraddho, samāhitaṃ cittaṃ ekaggaṃ. So kho ahamā, brāhmaṇa, vivicca kāmehi vivicca akusalehi dhammehi savitakkaṃ savicāraṃ vivekajamā pītisukhaṃ paṭhamamā jhānamā upasampajja vihāsimā. Vitakkavicārānaṃ vūpasamā ajjhataṃ sampasādanaṃ cetaso ekodibhāvaṃ avitakkaṃ avicāraṃ samādhijamā pītisukhaṃ dutiyaṃ jhānamā

upasampajja vihāsiṃ. Pītiyā ca virāgā upekkhako ca vihāsiṃ sato ca sampajāno, sukhañca kāyena paṭisaṃvedesiṃ, yaṃ taṃ ariyā ācikkhanti – ‘upekkhako satimā sukhavihārī’ ti tatiyaṃ jhānaṃ upasampajja vihāsiṃ. Sukhassa ca pahānā dukkhassa ca pahānā pubbeva somanassadomanassānaṃ atthaṅgamā adukkhamasukhaṃ upekkhāsatiṃpārisuddhiṃ catutthaṃ jhānaṃ upasampajja vihāsiṃ.

12. “So evaṃ samāhite citte parisuddhe pariyodāte anaṅgaṇe vigatūpakkilese mudubhūte kammaniye ṭhite āneñjappatte pubbenivāsānussatiñāyā cittaṃ abhininnāmesim. So anekavihitaṃ pubbenivāsaṃ anussarāmi, seyyathidaṃ – ekampi jātiṃ dvepi jātiyo tissopi jātiyo catassopi jātiyo pañcapi jātiyo dasapi jātiyo vīsampi jātiyo tiṃsampi jātiyo cattālīsampi jātiyo paññāsampi jātiyo jātisatampi, jātisahassampi jātisatasahassampi, anekepi saṃvaṭṭakappe anekepi vivatṭakappe anekepi saṃvaṭṭavivatṭakappe – ‘amutrāsiṃ evaṃnāmo evaṃgotto evaṃvaṇṇo evamāhāro evaṃsukhadukkhappaṭisaṃvedī evamāyupariyanto; so tato cuto amutra udapādiṃ; tatrāpāsiṃ evaṃnāmo evaṃgotto evaṃvaṇṇo evamāhāro evaṃsukhadukkhappaṭisaṃvedī evamāyupariyanto; so tato cuto idhūpapannoti. Iti sākāraṃ sauddesaṃ anekavihitaṃ pubbenivāsaṃ anussarāmi. Ayaṃ kho me, brāhmaṇa, rattiyā paṭhame yāme paṭhamā vijjā adhigatā, avijjā vihatā, vijjā uppannā, tamo vihato, āloko uppanno – yathā taṃ appamattassa ātāpino pahitattassa viharato. Ayaṃ kho me, brāhmaṇa, paṭhamābhiniḃbhidā ahoṣi kukkuṭacchāpakasseva aṇḍakosamhā.

13. “So evaṃ samāhite citte parisuddhe pariyodāte anaṅgaṇe vigatūpakkilese mudubhūte kammaniye ṭhite āneñjappatte sattānaṃ cutūpapātañāyā cittaṃ abhininnāmesim. So dibbena cakkhunā visuddhena atikkantamānusakena [atikkantamānussakena (ka.)] satte passāmi cavamāne upapajjamāne hīne paṇīte suvaṇṇe dubbaṇṇe. Sugate duggate yathākammūpage satte pajānāmi – ‘ime vata bhonto sattā kāyaduccaritena samannāgatā vacīduccaritena samannāgatā manoduccaritena samannāgatā ariyānaṃ upavādakā micchādiṭṭhikā micchādiṭṭhikammasamādānā; te kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapannā. Ime vā pana bhonto sattā kāyasucaritena samannāgatā vacīsucaritena samannāgatā manosucaritena samannāgatā ariyānaṃ anupavādakā sammādiṭṭhikā sammādiṭṭhikammasamādānā; te kāyassa bhedaṃ paraṃ maraṇā sugatiṃ saggaṃ lokaṃ upapannā’ ti. Iti dibbena cakkhunā visuddhena atikkantamānusakena satte passāmi cavamāne upapajjamāne hīne paṇīte suvaṇṇe dubbaṇṇe. Sugate duggate yathākammūpage satte pajānāmi. Ayaṃ kho me, brāhmaṇa, rattiyā majjhime yāme dutiyā vijjā adhigatā, avijjā vihatā, vijjā uppannā, tamo vihato, āloko uppanno – yathā taṃ appamattassa ātāpino pahitattassa viharato. Ayaṃ kho me, brāhmaṇa, dutiyābhiniḃbhidā ahoṣi kukkuṭacchāpakasseva aṇḍakosamhā.

14. “So evaṃ samāhite citte parisuddhe pariyodāte anaṅgaṇe vigatūpakkilese mudubhūte kammaniye ṭhite āneñjappatte āsavānaṃ khayañāyā cittaṃ abhininnāmesim. So ‘idaṃ dukkha’nti yathābhūtaṃ abbhaññāsiṃ, ‘ayaṃ dukkhasamudayo’nti yathābhūtaṃ abbhaññāsiṃ, ‘ayaṃ dukkhanirodho’nti yathābhūtaṃ abbhaññāsiṃ, ‘ayaṃ dukkhanirodhagāminī paṭipadā’nti yathābhūtaṃ abbhaññāsiṃ; ‘ime āsavā’nti yathābhūtaṃ abbhaññāsiṃ, ‘ayaṃ āsavasamudayo’nti yathābhūtaṃ abbhaññāsiṃ, ‘ayaṃ āsavanirodho’nti yathābhūtaṃ abbhaññāsiṃ, ‘ayaṃ āsavanirodhagāminī paṭipadā’nti yathābhūtaṃ abbhaññāsiṃ. Tassa me evaṃ jānato evaṃ passato kāmāsavāpi cittaṃ vimuccittha bhavāsavāpi cittaṃ vimuccittha avijjāsavāpi cittaṃ vimuccittha. Vimuttasmiṃ vimuttamiti ñānaṃ ahoṣi. ‘Khīṇā jāti, vusitaṃ brahmacariyaṃ, kataṃ karaṇiyaṃ, nāparaṃ itthattāyā’nti abbhaññāsiṃ. Ayaṃ kho me, brāhmaṇa, rattiyā pacchime yāme tatiyā vijjā adhigatā, avijjā vihatā, vijjā uppannā, tamo vihato, āloko uppanno – yathā taṃ appamattassa ātāpino pahitattassa viharato. Ayaṃ kho me, brāhmaṇa, tatiyābhiniḃbhidā ahoṣi – kukkuṭacchāpakasseva aṇḍakosamhā’nti.

15. Evaṃ vutte, verañjo brāhmaṇo bhagavantaṃ etadavoca – ‘jeṭṭho bhavaṃ gotamo, seṭṭho bhavaṃ gotamo! Abhikkantaṃ, bho gotama, abhikkantaṃ, bho gotama!! Seyyathāpi, bho gotama, nikkujjitaṃ vā ukkujjeyya, paṭicchannaṃ vā vivareyya, mūlhaṃ vā maggaṃ ācikkheyya, andhakāre vā telapajjotaṃ dhāreyya – cakkhumanto rūpāni dakkhantīti, evamevaṃ bhotā gotamena anekapariyāyena dhammo pakāsito. Esāhaṃ bhavantaṃ gotamaṃ saraṇaṃ gacchāmi dhammañca bhikkhusaṅghaṃca.

Upāsakaṃ maṃ bhavaṃ gotamo dhāretu ajjatagge pāṇupetaṃ saraṇaṃ gataṃ. Adhivāsetu ca me bhavaṃ gotamo verañjāyaṃ vassāvāsaṃ saddhiṃ bhikkhusaṅghena”ti. Adhivāsesi bhagavā tuṅhībhāvena. Atha kho verañjo brāhmaṇo bhagavato adhivāsaṇaṃ viditvā uṭṭhāyāsanā bhagavantaṃ abhivādetvā padakkhiṇaṃ katvā pakkāmi.

16. Tena kho pana samayena verañjā dubbhikkhā hoti dvīhitikā setaṭṭhikā salākāvuttā na sukarā uñchena paggahena yāpetuṃ. Tena kho pana samayena uttarāpathakā [uttarāhakā (sī.)] assavañijā [assavañijā (ka.)] pañcamattehi assasatehi verañjaṃ vassāvāsaṃ upagatā honti. Tehi assamaṇḍalikāsu bhikkhūnaṃ patthapathapulakaṃ [patthapathamūlakaṃ (ka.)] paññattaṃ hoti. Bhikkhū pubbaṇhasamayaṃ nivāsetvā pattacīvaramādāya verañjaṃ piṇḍāya pavisitvā piṇḍaṃ alabhamānā assamaṇḍalikāsu piṇḍāya caritvā patthapathapulakaṃ ārāmaṃ āharitvā udukkhale koṭṭetvā koṭṭetvā paribhuñjanti. Āyasmā pañānando patthapulakaṃ silāyaṃ pisitvā bhagavato upanāmeti. Taṃ bhagavā paribhuñjati.

Assosi kho bhagavā udukkhalasaddaṃ. Jānantāpi tathāgatā pucchanti, jānantāpi na pucchanti; kālaṃ viditvā pucchanti, kālaṃ viditvā na pucchanti; atthasaṃhitā tathāgatā pucchanti, no anattasaṃhitā. Anattasaṃhite setughāto tathāgatānaṃ. Dvīhi ākārehi buddhā bhagavanto bhikkhū paṭipucchanti – dhammaṃ vā desessāma, sāvakānaṃ vā sikkhāpadaṃ paññāpessāmāti [paññāpessāmāti (sī. syā.)]. Atha kho bhagavā āyasmantaṃ ānandaṃ āmantesi – “kiṃ nu kho so, ānanda, udukkhalasaddo”ti? Atha kho āyasmā ānando bhagavato etamatthaṃ ārocesi. “Sādhu sādhu, ānanda! Tumhehi, ānanda sappurisehi vijitaṃ. Pacchimā janatā sālīmaṃsodanaṃ atīmaññissatī”ti.

17. Atha kho āyasmā mahāmoggallāno [mahāmoggallāno (ka.)] yena bhagavā tenupasaṅkama; upasaṅkamtivā bhagavantaṃ abhivādetvā ekamantaṃ nisīdi. Ekamantaṃ nisīno kho āyasmā mahāmoggallāno bhagavantaṃ etadavoca – “etarahi, bhante, verañjā dubbhikkhā dvīhitikā setaṭṭhikā salākāvuttā. Na sukarā uñchena paggahena yāpetuṃ. Imissā, bhante, mahāpathaviyā heṭṭhimatalaṃ sampannaṃ – seyyathāpi khuddamadhuṃ anīlakaṃ evamassādaṃ. Sādhāhaṃ, bhante, pathaviṃ parivatteyyaṃ. Bhikkhū pappātaḷkaṃ paribhuñjissanti”ti. “Ye pana te, moggallāna, pathavinissitā pāṇā te kathaṃ karissasi”ti? “Ekāhaṃ, bhante, pāṇiṃ abhinimminissāmi – seyyathāpi mahāpathavī. Ye pathavinissitā pāṇā te tattha saṅkāmessāmi. Ekena hatthena pathaviṃ parivattessāmi”ti. “Alaṃ, moggallāna, mā te rucci pathaviṃ parivattetuṃ. Vipallāsampi sattā paṭilabheyyu”nti. “Sādhu, bhante, sabbo bhikkhusaṅgho uttarakuruṃ piṇḍāya gaccheyyā”ti. “Alaṃ, moggallāna, mā te rucci sabbassa bhikkhusaṅghassa uttarakuruṃ piṇḍāya gamana”nti.

18. Atha kho āyasmato sārīputtassa rahogatassa paṭisallīnassa evaṃ cetaso parivattakko udapādi – “katamesānaṃ kho buddhānaṃ bhagavantānaṃ brahmacariyaṃ na ciraṭṭhitikaṃ ahoṣi; katamesānaṃ buddhānaṃ bhagavantānaṃ brahmacariyaṃ ciraṭṭhitikaṃ ahoṣi”ti? Atha kho āyasmā sārīputto sāyaṇhasamayaṃ [sāyaṇhasamayaṃ (sī.)] paṭisallānā vuṭṭhito yena bhagavā tenupasaṅkama; upasaṅkamtivā bhagavantaṃ abhivādetvā ekamantaṃ nisīdi. Ekamantaṃ nisīno kho āyasmā sārīputto bhagavantaṃ etadavoca – “idha mayhaṃ, bhante, rahogatassa paṭisallīnassa evaṃ cetaso parivattakko udapādi – “katamesānaṃ kho buddhānaṃ bhagavantānaṃ brahmacariyaṃ na ciraṭṭhitikaṃ ahoṣi, katamesānaṃ buddhānaṃ bhagavantānaṃ brahmacariyaṃ ciraṭṭhitikaṃ ahoṣi”ti. “Katamesānaṃ nu kho, bhante, buddhānaṃ bhagavantānaṃ brahmacariyaṃ na ciraṭṭhitikaṃ ahoṣi, katamesānaṃ buddhānaṃ bhagavantānaṃ brahmacariyaṃ ciraṭṭhitikaṃ ahoṣi”ti?

“Bhagavato ca, sārīputta, vipassissa bhagavato ca sikhissa bhagavato ca vessabhussa brahmacariyaṃ na ciraṭṭhitikaṃ ahoṣi. Bhagavato ca, sārīputta, kakusandhassa bhagavato ca koṇāgamanassa bhagavato ca kassapassa brahmacariyaṃ ciraṭṭhitikaṃ ahoṣi”ti.

19. “Ko nu kho, bhante, hetu ko paccayo, yena bhagavato ca vipassissa bhagavato ca sikhissa bhagavato ca vessabhussa brahmacariyaṃ na ciraṭṭhitikaṃ ahoṣi”ti? “Bhagavā ca, sārīputta, vipassī

bhagavā ca sikhī bhagavā ca vessabhū kilāsuno ahesuṃ sāvakānaṃ vitthārena dhammaṃ desetum. Appakañca nesam ahoṣi suttaṃ geyyaṃ veyyākaraṇaṃ gāthā udānaṃ itivuttakaṃ jātakaṃ abbhutadhammaṃ vedallaṃ. Apaññattaṃ sāvakānaṃ sikkhāpadaṃ. Anuddiṭṭhaṃ pātimokkhaṃ. Tesam buddhānaṃ bhagavantānaṃ antaradhānena buddhānubuddhānaṃ sāvakānaṃ antaradhānena ye te pacchimā sāvakā nānānāmā nānāgottā nānājaccā nānākulā pabbajitā te taṃ brahmacariyaṃ khippaṇṇeva antaradhāpesuṃ. Seyyathāpi, sārīputta, nānāpupphāni phalake nikkhittāni suttana asaṅgahitāni tāni vāto vikirati vidhamati viddhamseti. Taṃ kissa hetu? Yathā taṃ suttana asaṅgahitattā. Evameva kho, sārīputta, tesam buddhānaṃ bhagavantānaṃ antaradhānena buddhānubuddhānaṃ sāvakānaṃ antaradhānena ye te pacchimā sāvakā nānānāmā nānāgottā nānājaccā nānākulā pabbajitā te taṃ brahmacariyaṃ khippaṇṇeva antaradhāpesuṃ.

“Akilāsuno ca te bhagavanto ahesuṃ sāvake cetasā ceto paricca ovadituṃ. Bhūtapubbaṃ, sārīputta, vessabhū bhagavā arahaṃ sammāsambuddho aññatarasmiṃ bhīṃsanake [bhīsanake (ka.)] vanasaṅḍe sahasaṃ bhikkhusaṅghaṃ cetasā ceto paricca ovadati anusāsati – ‘evaṃ vitakketha, mā evaṃ vitakkayittha; evaṃ manasikarotha, mā evaṃ manasākattha [manasākarittha (ka.)]; idaṃ pajahatha, idaṃ upasampajja viharathā’ ti. Atha kho, sārīputta, tassa bhikkhusahassassa vessabhunā bhagavatā arahatā sammāsambuddhena evaṃ ovadiyamānānaṃ evaṃ anusāsīyamānānaṃ anupādāya āsavehi cittāni vimuccīmsu. Tatra sudam, sārīputta, bhīṃsanakassa vanasaṅḍassa bhīṃsanakatasmīṃ hoti – yo koci avītarāgo taṃ vanasaṅḍaṃ pavīsati, yebhuyyena lomāni haṃsanti. Ayaṃ kho, sārīputta, hetu ayaṃ paccayo yena bhagavato ca vipassissa bhagavato ca sikhissa bhagavato ca vessabhussa brahmacariyaṃ na ciraṭṭhitikaṃ ahoṣi’ ti.

20. “Ko pana, bhante, hetu ko paccayo yena bhagavato ca kakusandhassa bhagavato ca koṇāgamanassa bhagavato ca kassapassa brahmacariyaṃ ciraṭṭhitikaṃ ahoṣi’ ti? “Bhagavā ca, sārīputta, kakusandho bhagavā ca koṇāgamaṇo bhagavā ca kassapo akilāsuno ahesuṃ sāvakānaṃ vitthārena dhammaṃ desetum. Bahuñca nesam ahoṣi suttaṃ geyyaṃ veyyākaraṇaṃ gāthā udānaṃ itivuttakaṃ jātakaṃ abbhutadhammaṃ vedallaṃ, paññattaṃ sāvakānaṃ sikkhāpadaṃ, uddiṭṭhaṃ pātimokkhaṃ. Tesam buddhānaṃ bhagavantānaṃ antaradhānena buddhānubuddhānaṃ sāvakānaṃ antaradhānena ye te pacchimā sāvakā nānānāmā nānāgottā nānājaccā nānākulā pabbajitā te taṃ brahmacariyaṃ ciraṃ dīghamaddhānaṃ ṭhapesuṃ. Seyyathāpi, sārīputta, nānāpupphāni phalake nikkhittāni suttana susaṅgahitāni tāni vāto na vikirati na vidhamati na viddhamseti. Taṃ kissa hetu? Yathā taṃ suttana susaṅgahitattā. Evameva kho, sārīputta, tesam buddhānaṃ bhagavantānaṃ antaradhānena buddhānubuddhānaṃ sāvakānaṃ antaradhānena ye te pacchimā sāvakā nānānāmā nānāgottā nānājaccā nānākulā pabbajitā te taṃ brahmacariyaṃ ciraṃ dīghamaddhānaṃ ṭhapesuṃ. Ayaṃ kho, sārīputta, hetu ayaṃ paccayo yena bhagavato ca kakusandhassa bhagavato ca koṇāgamanassa bhagavato ca kassapassa brahmacariyaṃ ciraṭṭhitikaṃ ahoṣi’ ti.

21. Atha kho āyasmā sārīputto utṭhāyāsanā ekaṃsaṃ uttarāsaṅgaṃ karitvā yena bhagavā tenañjalim paṇāmetvā bhagavantaṃ etadavoca – ‘etassa, bhagavā, kālo! Etassa, sugata, kālo! Yaṃ bhagavā sāvakānaṃ sikkhāpadaṃ paññapeyya [paññapeyya (sī. syā.)], uddiseyya pātimokkhaṃ, yathayidaṃ brahmacariyaṃ addhaniyaṃ assa ciraṭṭhitika’ nti. “Āgamehi tvaṃ, sārīputta! Āgamehi tvaṃ, sārīputta! Tathāgatova tattha kālaṃ jānissati. Na tāva, sārīputta, satthā sāvakānaṃ sikkhāpadaṃ paññapeti uddisati [na uddisati (sī.)] pātimokkhaṃ yāva na idhekacce āsavaṭṭhānīyā dhammā saṅghe pātubhavanti. Yato ca kho, sārīputta, idhekacce āsavaṭṭhānīyā dhammā saṅghe pātubhavanti, atha satthā sāvakānaṃ sikkhāpadaṃ paññapeti uddisati pātimokkhaṃ tesameva āsavaṭṭhānīyānaṃ dhammānaṃ paṭighātāya. Na tāva, sārīputta, idhekacce āsavaṭṭhānīyā dhammā saṅghe pātubhavanti yāva na saṅgho rattaññumahattaṃ patto hoti. Yato ca kho, sārīputta, saṅgho rattaññumahattaṃ patto hoti atha idhekacce āsavaṭṭhānīyā dhammā saṅghe pātubhavanti, atha, satthā sāvakānaṃ sikkhāpadaṃ paññapeti uddisati pātimokkhaṃ tesameva āsavaṭṭhānīyānaṃ dhammānaṃ paṭighātāya. Na tāva, sārīputta, idhekacce āsavaṭṭhānīyā dhammā saṅghe pātubhavanti, yāva na saṅgho vepullamahattaṃ patto hoti. Yato ca kho, sārīputta, saṅgho vepullamahattaṃ patto hoti, atha idhekacce āsavaṭṭhānīyā dhammā saṅghe

pātubhavanti, atha satthā sāvakānaṃ sikkhāpadaṃ paññāpeti uddisati pātimokkhaṃ tesamyeva āsavaṭṭhānīyānaṃ dhammānaṃ paṭighātāya. Na tāva, sārīputta, idhekacce āsavaṭṭhānīyā dhammā saṅghe pātubhavanti, yāva na saṅgho lābhaggaṃmahattaṃ patto hoti. Yato ca kho, sārīputta, saṅgho lābhaggaṃmahattaṃ patto hoti, atha idhekacce āsavaṭṭhānīyā dhammā saṅghe pātubhavanti, atha satthā sāvakānaṃ sikkhāpadaṃ paññāpeti uddisati pātimokkhaṃ tesamyeva āsavaṭṭhānīyānaṃ dhammānaṃ paṭighātāya. Na tāva, sārīputta, idhekacce āsavaṭṭhānīyā dhammā saṅghe pātubhavanti, yāva na saṅgho bāhusaccamaṃmahattaṃ patto hoti. Yato ca kho, sārīputta, saṅgho bāhusaccamaṃmahattaṃ patto hoti, atha idhekacce āsavaṭṭhānīyā dhammā saṅghe pātubhavanti, atha satthā sāvakānaṃ sikkhāpadaṃ paññāpeti uddisati pātimokkhaṃ tesamyeva āsavaṭṭhānīyānaṃ dhammānaṃ paṭighātāya. Nirabbudo hi, sārīputta, bhikkhusaṅgho nirādīnavo apagatakāḷako suddho sāre paṭiṭṭhito. Imesañhi, sārīputta, pañcannaṃ bhikkhusatānaṃ yo pacchimako bhikkhu so sotāpanno avinipātadhammo niyato sambodhiparāyaṇo”ti.

22. Atha kho bhagavā āyasmantaṃ ānandaṃ āmantesi – “āciññaṃ kho panetaṃ, ānanda, tathāgatānaṃ yehi nimantitā vassaṃ vasanti, na te anapaloketvā janapada-cārikaṃ pakkamanti. Āyāmananda, verañjaṃ brāhmaṇaṃ apalokessāmā”ti. “Evaṃ bhante”ti kho āyasmā ānando bhagavato paccassosi. Atha kho bhagavā nivāsetvā pattacīvaramādāya āyasmatā ānandena pacchāsamaṇena yena verañjassa brāhmaṇassa nivesanaṃ tenupasaṅkami; upasaṅkamitvā paññatte āsane nisīdi. Atha kho verañjo brāhmaṇo yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinnaṃ kho verañjaṃ brāhmaṇaṃ bhagavā etadavoca – “nimantitamha tayā, brāhmaṇa, vassaṃvuṭṭhā [vassaṃvuṭṭhā (sī. syā. ka.)], apalokema taṃ, icchāma mayaṃ janapada-cārikaṃ pakkamitu”nti. “Saccaṃ, bho gotama, nimantitatha mayā vassaṃvuṭṭhā; api ca, yo deyyadhammo so na dinno. Tañca kho no asantaṃ, nopi adātukamyatā, taṃ kutettha labbhā bahukiccā gharāvāsā bahukaraṇīyā. Adhivāsetu me bhavaṃ gotamo svātānāya bhattaṃ saddhiṃ bhikkhusaṅghenā”ti. Adhivāsesi bhagavā tuṅhībhāvena. Atha kho bhagavā verañjaṃ brāhmaṇaṃ dhammiyā kathāya sandassetvā samādapetvā samuttejetvā sampahaṃsetvā uṭṭhāyāsanaṃ pakkāmi. Atha kho verañjo brāhmaṇo tassā rattiyā accayena sake nivesane pañītaṃ khādanīyaṃ bhojanīyaṃ paṭiyādāpetvā bhagavato kālaṃ ārocāpesi – “kālo, bho gotama, niṭṭhitaṃ bhatta”nti.

23. Atha kho bhagavā pubbaṅhasamayaṃ nivāsetvā pattacīvaramādāya yena verañjassa brāhmaṇassa nivesanaṃ tenupasaṅkami; upasaṅkamitvā paññatte āsane nisīdi saddhiṃ bhikkhusaṅghena. Atha kho verañjo brāhmaṇo buddhappamukkaṃ bhikkhusaṅghaṃ pañītena khādanīyena bhojanīyena sahatthā santappetvā sampavāretvā bhagavantaṃ bhuttāviṃ onītapattapāṇiṃ [onītapattapāṇiṃ (ka.)] ticīvarena acchādesi, ekamekañca bhikkhuṃ ekamekena dussayugena acchādesi. Atha kho bhagavā verañjaṃ brāhmaṇaṃ dhammiyā kathāya sandassetvā samādapetvā samuttejetvā sampahaṃsetvā uṭṭhāyāsanaṃ pakkāmi. Atha kho bhagavā verañjāyaṃ yathābhirantaṃ viharitvā anupagamma soreyyaṃ saṅkassaṃ kaṇṇakujjaṃ yena payāgapatiṭṭhānaṃ tenupasaṅkami; upasaṅkamitvā payāgapatiṭṭhāne gaṅgaṃ nadiṃ uttaritvā yena bārāṇasī tadavasari. Atha kho bhagavā bārāṇasiyaṃ yathābhirantaṃ viharitvā yena vesālī tena cārikaṃ pakkāmi. Anupubbena cārikaṃ caramāno yena vesālī tadavasari. Tatra sudaṃ bhagavā vesāliyaṃ viharati mahāvane kūṭāgārasālāyanti.

Verañjabhāṇavāro niṭṭhito.

1. Pārājikakaṇḍaṃ

1. Paṭhamapārājikaṃ

Sudinnabhāṇavāro

24. Tena kho pana samayena vesāliyā avidūre kalandagāmo nāma atthi [kalandagāmo nāma hoti (sī.), kalandagāmo hoti (syā.)]. Tattha sudinno nāma kalandaputto seṭṭhiputto hoti. Atha kho sudinno

kalandaputto sambahulehi [sambahūlehi (sī.)] sahāyakehi saddhiṃ vesāliṃ agamāsi kenacideva karaṇīyena. Tena kho pana samayena bhagavā mahatiyā parisāya parivuto dhammaṃ desento nisinno hoti. Addasa kho sudinno kalandaputto bhagavantam mahatiyā parisāya parivutam dhammam desentam nisinnam. Disvānassa etadahosi – “yaṃnūnāhampi dhammam suṇeyya”nti. Atha kho sudinno kalandaputto yena sā parisā tenupasaṅkami; upasaṅkamitvā ekamantaṃ nisīdi. Ekamantaṃ nisinnassa kho sudinnassa kalandaputtassa etadahosi – “yathā yathā kho aham bhagavatā dhammam desitam ājānāmi, nayidaṃ sukaram agāram ajjhāvasatā ekantaparipuṇṇam ekantaparisuddham saṅkhalikhitaṃ brahmacariyam caritum; yaṃnūnāham kesamassum ohāretvā kāsāyāni vatthāni acchādetvā agārasmā anagāriyam pabbajeyya”nti. Atha kho sā parisā bhagavatā dhammiyā kathāya sandassitā samādapitā samuttejitā sampahaṃsitā utthāyāsana bhagavantam abhivādetvā padakkhiṇam katvā pakkāmi.

25. Atha kho sudinno kalandaputto aciravutthitāya parisāya yena bhagavā tenupasaṅkami; upasaṅkamitvā bhagavantam abhivādetvā ekamantaṃ nisīdi. Ekamantaṃ nisinno kho sudinno kalandaputto bhagavantam etadavoca – “yathā yathāham, bhante, bhagavatā dhammam desitam ājānāmi, nayidaṃ sukaram agāram ajjhāvasatā ekantaparipuṇṇam ekantaparisuddham saṅkhalikhitaṃ brahmacariyam caritum; icchāmahaṃ, bhante, kesamassum ohāretvā kāsāyāni vatthāni acchādetvā agārasmā anagāriyam pabbajitum. Pabbājetu maṃ bhagavā”ti. “Anuññātosī pana tvam, suddinna, mātāpitūhi agārasmā anagāriyam pabbajjāyā”ti? “Na kho aham, bhante, anuññāto mātāpitūhi agārasmā anagāriyam pabbajjāyā”ti. “Na kho, suddinna, tathāgatā ananuññātam mātāpitūhi puttam pabbājentī”ti. “Soham, bhante, tathā karissāmi yathā maṃ mātāpitāro anujānissanti agārasmā anagāriyam pabbajjāyā”ti.

26. Atha kho sudinno kalandaputto vesāliyam tam karaṇīyam tīretvā yena kalandagāmo yena mātāpitāro tenupasaṅkami; upasaṅkamitvā mātāpitāro etadavoca – “ammatātā, yathā yathāham bhagavatā dhammam desitam ājānāmi, nayidaṃ sukaram agāram ajjhāvasatā ekantaparipuṇṇam ekantaparisuddham saṅkhalikhitaṃ brahmacariyam caritum; icchāmahaṃ kesamassum ohāretvā kāsāyāni vatthāni acchādetvā agārasmā anagāriyam pabbajitum. Anujānātha maṃ agārasmā anagāriyam pabbajjāyā”ti. Evaṃ vutte sudinnassa kalandaputtassa mātāpitāro sudinnaṃ kalandaputtam etadavocum – “tvam khosī, tāta suddinna, amhākaṃ ekaputtako piyo manāpo sukhedhito sukhaparihato. Na tvam, tāta suddinna, kiñci dukkhassa jānāsi. Maraṇenapi mayam te akāmakā vinā bhavissāma, kiṃ pana mayam tam jīvantam anujānissāma agārasmā anagāriyam pabbajjāyā”ti. Dutiyampi kho sudinno kalandaputto mātāpitāro etadavoca – “ammatātā, yathā yathāham bhagavatā dhammam desitam ājānāmi, nayidaṃ sukaram agāram ajjhāvasatā ekantaparipuṇṇam ekantaparisuddham saṅkhalikhitaṃ brahmacariyam caritum; icchāmahaṃ kesamassum ohāretvā kāsāyāni vatthāni acchādetvā agārasmā anagāriyam pabbajitum. Anujānātha maṃ agārasmā anagāriyam pabbajjāyā”ti. Dutiyampi kho sudinnassa kalandaputtassa mātāpitāro sudinnaṃ kalandaputtam etadavocum – “tvam khosī, tāta suddinna, amhākaṃ ekaputtako piyo manāpo sukhedhito sukhaparihato. Na tvam, tāta suddinna, kiñci dukkhassa jānāsi. Maraṇenapi mayam te akāmakā vinā bhavissāma, kiṃ pana mayam tam jīvantam anujānissāma agārasmā anagāriyam pabbajjāyā”ti! Tatiyampi kho sudinno kalandaputto mātāpitāro etadavoca – “ammatātā, yathā yathāham bhagavatā dhammam desitam ājānāmi, nayidaṃ sukaram agāram ajjhāvasatā ekantaparipuṇṇam ekantaparisuddham saṅkhalikhitaṃ brahmacariyam caritum; icchāmahaṃ kesamassum ohāretvā kāsāyāni vatthāni acchādetvā agārasmā anagāriyam pabbajitum. Anujānātha maṃ agārasmā anagāriyam pabbajjāyā”ti. Tatiyampi kho sudinnassa kalandaputtassa mātāpitāro sudinnaṃ kalandaputtam etadavocum – “tvam khosī, tāta suddinna, amhākaṃ ekaputtako piyo manāpo sukhedhito sukhaparihato. Na tvam, tāta suddinna, kiñci dukkhassa jānāsi. Maraṇenapi mayam te akāmakā vinā bhavissāma, kiṃ pana mayam tam jīvantam anujānissāma agārasmā anagāriyam pabbajjāyā”ti!

27. Atha kho sudinno kalandaputto – “na maṃ mātāpitāro anujānanti agārasmā anagāriyam pabbajjāyā”ti, tattheva anantarahitāya bhūmiyā nipajji – idheva me maraṇam bhavissati pabbajjā vāti. Atha kho sudinno kalandaputto ekampi bhattam na bhuñji, dvepi bhattāni na bhuñji, tūpīpi bhattāni na bhuñji, cattāripi bhattāni na bhuñji, pañcapi bhattāni na bhuñji, chapi bhattāni na bhuñji, sattapi bhattāni

na bhuñji.

28. Atha kho sudinnassa kalandaputtassa mātāpitaro sudinnaṃ kalandaputtaṃ etadavocum – “tvam khosi, tāta sudinna, amhākaṃ ekaputtako piyo manāpo sukhedhito sukhaparihato. Na tvam, tāta sudinna, kiñci dukkhassa jānāsi. Maraṇenapi mayaṃ te akāmakā vinā bhavissāma, kiṃ pana mayaṃ taṃ jīvantam anujānissāma agārasmā anagāriyaṃ pabbajjāya? Uṭṭhehi, tāta sudinna, bhuñja ca piva ca paricārehi ca, bhuñjanto pivanto paricārento kāme paribhuñjanto puññāni karonto abhiramassu. Na taṃ mayaṃ anujānāma agārasmā anagāriyaṃ pabbajjāya”ti. Evaṃ vutte sudinno kalandaputto tuṅhī ahoṣi. Dutiyampi kho...pe... tatiyampi kho sudinnassa kalandaputtassa mātāpitaro sudinnaṃ kalandaputtaṃ etadavocum – “tvam khosi, tāta sudinna, amhākaṃ ekaputtako piyo manāpo sukhedhito sukhaparihato. Na tvam, tāta sudinna, kiñci dukkhassa jānāsi. Maraṇenapi mayaṃ te akāmakā vinā bhavissāma, kiṃ pana mayaṃ taṃ jīvantam anujānissāma agārasmā anagāriyaṃ pabbajjāya! Uṭṭhehi, tāta sudinna, bhuñja ca piva ca paricārehi ca, bhuñjanto pivanto paricārento kāme paribhuñjanto puññāni karonto abhiramassu. Na taṃ mayaṃ anujānāma agārasmā anagāriyaṃ pabbajjāya”ti. Tatiyampi kho sudinno kalandaputto tuṅhī ahoṣi.

Atha kho sudinnassa kalandaputtassa saḥāyakā yena sudinno kalandaputto tenupasaṅkamimṣu; upasaṅkamitvā sudinnaṃ kalandaputtaṃ etadavocum – “tvam khosi, samma sudinna, mātāpitūnaṃ ekaputtako piyo manāpo sukhedhito sukhaparihato. Na tvam, samma sudinna, kiñci dukkhassa jānāsi. Maraṇenapi te mātāpitaro akāmakā vinā bhavissanti, kiṃ pana taṃ jīvantam anujānissanti agārasmā anagāriyaṃ pabbajjāya! Uṭṭhehi, samma sudinna, bhuñja ca piva ca paricārehi ca, bhuñjanto pivanto paricārento kāme paribhuñjanto puññāni karonto abhiramassu, na taṃ mātāpitaro anujānissanti agārasmā anagāriyaṃ pabbajjāya”ti. Evaṃ vutte, sudinno kalandaputto tuṅhī ahoṣi. Dutiyampi kho...pe... tatiyampi kho sudinnassa kalandaputtassa saḥāyakā sudinnaṃ kalandaputtaṃ etadavocum – “tvam khosi, samma sudinna...pe... tatiyampi kho sudinno kalandaputto tuṅhī ahoṣi.

29. Atha kho sudinnassa kalandaputtassa saḥāyakā yena sudinnassa kalandaputtassa mātāpitaro tenupasaṅkamimṣu; upasaṅkamitvā sudinnassa kalandaputtassa mātāpitaro etadavocum – “ammaṭātā, eso sudinno anantarāhitāya bhūmiyā nipanno – ‘idheva me maraṇam bhavissati pabbajjā vā’ti. Sace tumhe sudinnaṃ nānujānissatha agārasmā anagāriyaṃ pabbajjāya, tattheva maraṇam āgamissati. Sace pana tumhe sudinnaṃ anujānissatha agārasmā anagāriyaṃ pabbajjāya, pabbajitampi naṃ dakkhissatha. Sace sudinno nābhiramissati agārasmā anagāriyaṃ pabbajjāya, kā tassa aññā gati bhavissati, idheva paccāgamissati. Anujānātha sudinnaṃ agārasmā anagāriyaṃ pabbajjāya”ti. “Anujānāma, tāta, sudinnaṃ agārasmā anagāriyaṃ pabbajjāya”ti. Atha kho sudinnassa kalandaputtassa saḥāyakā yena sudinno kalandaputto tenupasaṅkamimṣu; upasaṅkamitvā sudinnaṃ kalandaputtaṃ etadavocum – “uṭṭhehi, samma sudinna, anuññātosī mātāpitūhi agārasmā anagāriyaṃ pabbajjāya”ti.

30. Atha kho sudinno kalandaputto – “anuññātomhi kira mātāpitūhi agārasmā anagāriyaṃ pabbajjāya”ti, haṭṭho udaggo pāṇinā gattāni paripuñchanto vuṭṭhāsi. Atha kho sudinno kalandaputto katipāhaṃ balaṃ gāhetvā yena bhagavā tenupasaṅkami; upasaṅkamitvā bhagavantam abhivādetvā ekamantaṃ nisīdi. Ekamantaṃ nisanno kho sudinno kalandaputto bhagavantam etadavoca – “anuññāto [\[anuññātomhi \(sī. syā.\)\]](#) ahaṃ, bhante, mātāpitūhi agārasmā anagāriyaṃ pabbajjāya. Pabbājetu maṃ bhagavā”ti. Alatta kho sudinno kalandaputto bhagavato santike pabbajjaṃ, alatta upasampadam. Acirūpasampanno ca panāyasmā sudinno evarūpe dhutaguṇe samādāya vattati, āraññiko hoti piṇḍapātiko paṃsukūliko sapadānacāriko, aññataram vājigāmaṃ upanissāya viharati.

Tena kho pana samayena vājī dubbhikkhā hoti dvīhitikā setaṭṭhikā salākāvuttā, na sukarā uñchena paggahena yāpetum. Atha kho āyasmato sudinnassa etadahosi – “etarahi kho vājī dubbhikkhā dvīhitikā setaṭṭhikā salākāvuttā, na sukarā uñchena paggahena yāpetum. Bahū kho pana me vesāliyaṃ ñāti aḍḍhā mahaddhanā mahābhogā pahūtajātarūparajātā pahūtavittūpakaraṇā pahūtadhanadhaññā. Yaṃnūnāhaṃ ñāti upanissāya vihareyyam! Ñāti maṃ [\[ñātakāpi maṃ \(syā.\)\]](#) nissāya dānāni dassanti puññāni

karissanti, bhikkhū ca lābhaṃ lacchanti, ahañca piṇḍakena na kilamissāmī”ti. Atha kho āyasmā sudinno senāsanam saṃsāmetvā pattacīvaramādāya yena vesālī tena pakkāmi. Anupubbena yena vesālī tadavasari. Tatra sudam āyasmā sudinno vesāliyaṃ viharati mahāvane kūṭāgārasālāyaṃ. Assosum kho āyasmato sudinnassa nātākā – “sudinno kira kalandaputto vesāliṃ anuppatto”ti. Te āyasmato sudinnassa saṭṭhimatte thālipāke bhattābhīhāraṃ abhiharimṣu. Atha kho āyasmā sudinno te saṭṭhimatte thālipāke bhikkhūnaṃ vissajjetvā pubbaṅhasamayam nivāsetvā pattacīvaramādāya kalandagāmaṃ piṇḍāya pāvisi. Kalandagāme sapadānaṃ piṇḍāya caramāno yena sakapitu nivesanaṃ tenupasaṅkami.

31. Tena kho pana samayena āyasmato sudinnassa nātīdāsī ābhidosikaṃ kummāsaṃ chaḍḍetukāmā [chaḍḍetukāmā (ka.)] hoti. Atha kho āyasmā sudinno taṃ nātīdāsīṃ etadavoca – “sace taṃ, bhagini, chaḍḍanīyadhammaṃ, idha me patte ākirā”ti. Atha kho āyasmato sudinnassa nātīdāsī taṃ ābhidosikaṃ kummāsaṃ āyasmato sudinnassa patte ākirantī hatthānañca pādānañca sarassa ca nimittaṃ aggahesi. Atha kho āyasmato sudinnassa nātīdāsī yenāyasmato sudinnassa mātā tenupasaṅkami; upasaṅkamitvā āyasmato sudinnassa mātaraṃ etadavoca – “yaggheyye, jāneyyāsī, ayyaputto sudinno anuppatto”ti. “Sace, je, tvaṃ saccam bhaṇasi, adāsīṃ taṃ karomī”ti.

32. Tena kho pana samayena āyasmā sudinno taṃ ābhidosikaṃ kummāsaṃ aññataraṃ kuṭṭamūlaṃ [kuḍḍamūlaṃ (sī. syā.)] nissāya paribhuñjati. Pitāpi kho āyasmato sudinnassa kammantā āgacchanto addasa āyasmantaṃ sudinnaṃ taṃ ābhidosikaṃ kummāsaṃ aññataraṃ kuṭṭamūlaṃ nissāya paribhuñjantaṃ. Disvāna yenāyasmā sudinno tenupasaṅkami; upasaṅkamitvā āyasmantaṃ sudinnaṃ etadavoca – “atthi nāma, tāta sudinna, ābhidosikaṃ kummāsaṃ paribhuñjissasi! Nanu nāma, tāta sudinna, sakaṃ gehaṃ gantabba”nti? “Agamimha [agamamhā (ka.)] kho te gahapati, gehaṃ. Tatoyaṃ ābhidosiko kummāso”ti. Atha kho āyasmato sudinnassa pitā āyasmato sudinnassa bāhāyaṃ gahetvā āyasmantaṃ sudinnaṃ etadavoca – “ehi, tāta sudinna, gharaṃ gamissāmā”ti. Atha kho āyasmā sudinno yena sakapitu nivesanaṃ tenupasaṅkami; upasaṅkamitvā paññatte āsane nisīdi. Atha kho āyasmato sudinnassa pitā āyasmantaṃ sudinnaṃ etadavoca – “bhuñja, tāta sudinnā”ti. “Alaṃ, gahapati, kataṃ me ajja bhattakicca”nti. “Adhivāsehi, tāta sudinna, svātanāya bhatta”nti. Adhivāsesi kho āyasmā sudinno tuṅhībhāvena. Atha kho āyasmā sudinno uṭṭhāyāsanaṃ pakkāmi.

33. Atha kho āyasmato sudinnassa mātā tassā rattiyaṃ accayena haritena gomayena pathaviṃ opuñjāpetvā [opucchāpetvā (sī. syā.)] dve puñje kārāpesi – ekaṃ hiraññassa, ekaṃ suvaṇṇassa. Tāva mahantā puñjā ahesum, orato ṭhito puriso pārato ṭhitaṃ purisaṃ na passati; pārato ṭhito puriso orato ṭhitaṃ purisaṃ na passati. Te puñje kilañjehi paṭicchādāpetvā majjhe āsanaṃ paññāpetvā tirokaraṇīyaṃ parikkhipitvā āyasmato sudinnassa purāṇadutiyaṃ āmantesi – “tena hi, vadhu, yena alaṅkārena alaṅkatā puttassa me sudinnassa piyā ahosi manāpā tena alaṅkārena alaṅkarā”ti. “Evaṃ, ayye”ti, kho āyasmato sudinnassa purāṇadutiyaṃ āyasmato sudinnassa mātuyā paccassosi.

34. Atha kho āyasmā sudinno pubbaṅhasamayam nivāsetvā pattacīvaramādāya yena sakapitu nivesanaṃ tenupasaṅkami; upasaṅkamitvā paññatte āsane nisīdi. Atha kho āyasmato sudinnassa pitā yenāyasmā sudinno tenupasaṅkami; upasaṅkamitvā te puñje vivarāpetvā āyasmantaṃ sudinnaṃ etadavoca – “idaṃ te, tāta sudinna, mātu mattikaṃ itthikāya itthidhanaṃ, aññaṃ pettikaṃ aññaṃ pitāmaṃ. Labbhā, tāta sudinna, hīnāyāvattitvā bhogā ca bhuñjitum puññāni ca kātum. Ehi tvaṃ, tāta sudinna, hīnāyāvattitvā bhoge ca bhuñjassu puññāni ca karohī”ti. “Tāta, na ussahāmi na visahāmi, abhirato ahaṃ brahmacariyaṃ carāmi”ti. Dutiyampi kho...pe... tatiyampi kho āyasmato sudinnassa pitā āyasmantaṃ sudinnaṃ etadavoca – “idaṃ te, tāta sudinna, mātu mattikaṃ, itthikāya itthidhanaṃ, aññaṃ pettikaṃ, aññaṃ pitāmaṃ. Labbhā, tāta sudinna, hīnāyāvattitvā bhogā ca bhuñjitum puññāni ca kātum. Ehi tvaṃ, tāta sudinna, hīnāyāvattitvā bhoge ca bhuñjassu puññāni ca karohī”ti. “Vadeyyāma kho taṃ, gahapati, sace tvaṃ nātikaḍḍheyysī”ti. “Vadehi, tāta sudinnā”ti. Tena hi tvaṃ, gahapati, mahante mahante sāṇipasibbake kārāpetvā hiraññasuvaṇṇassa pūrāpetvā sakāṭehi nibbāhāpetvā majjhe gaṅgāya sote opātehi [osādehi (sī. syā.)]. Taṃ kissa hetu? Yañhi te, gahapati, bhavissati tatonidānaṃ bhayaṃ vā chambhitattaṃ vā lomahaṃso vā ārakkho vā so te na bhavissati”ti. Evaṃ vutte, āyasmato

sudinnassa pitā anattamano ahosi – “kathañhi nāma putto sudinno evaṃ vakkhatī”ti!

35. Atha kho āyasmato sudinnassa pitā āyasmato sudinnassa purāṇadutiyaikaṃ āmantesi – “tena hi, vadhu, tvaṃ piyā ca manāpā ca [tvampi yāca (sī.)]. Appeva nāma putto sudinno tuyhampi vacanaṃ kareyyā”ti! Atha kho āyasmato sudinnassa purāṇadutiyaikā āyasmato sudinnassa pādesu gahetvā āyasmantaṃ sudinnaṃ etadavoca – “kīdisā nāma tā, ayyaputta, accharāyo yāsaṃ tvaṃ hetu brahmacariyaṃ carasī”ti? “Na kho ahaṃ, bhagini, accharānaṃ hetu brahmacariyaṃ carāmi”ti. Atha kho āyasmato sudinnassa purāṇadutiyaikā – “ajjatagge maṃ ayyaputto sudinno bhaginivādena samudācaratī”ti, tattheva mucchitā papatā.

Atha kho āyasmā sudinno pitaraṃ etadavoca – “sace, gahapati, bhojanaṃ dātabbaṃ detha, mā no viheṭhayitthā”ti. “Bhuñja, tāta sudinna”ti. Atha kho āyasmato sudinnassa mātā ca pitā ca āyasmantaṃ sudinnaṃ pañītena khādanīyena bhojanīyena sahatthā santappesuṃ sampavāresuṃ. Atha kho āyasmato sudinnassa mātā āyasmantaṃ sudinnaṃ bhuttāviṃ onītapattapāṇiṃ etadavoca – “idaṃ, tāta sudinna, kulaṃ aḍḍhaṃ mahaddhanaṃ mahābhogaṃ pahūtajātarūparajataṃ pahūtavittūpakaraṇaṃ pahūtadhanadhaññaṃ. Labbhā, tāta sudinna, hīnāyāvattitvā bhogā ca bhuñjituṃ puññāni ca kātuṃ. Ehi tvaṃ, tāta sudinna, hīnāyāvattitvā bhoge ca bhuñjassu puññāni ca karohī”ti. “Amma, na ussahāmi na visahāmi, abhirato ahaṃ brahmacariyaṃ carāmi”ti. Dutiyaṃpi kho...pe... tatiyaṃpi kho āyasmato sudinnassa mātā āyasmantaṃ sudinnaṃ etadavoca – “idaṃ, tāta sudinna, kulaṃ aḍḍhaṃ mahaddhanaṃ mahābhogaṃ pahūtajātarūparajataṃ pahūtavittūpakaraṇaṃ pahūtadhanadhaññaṃ [pahūtadhanadhaññaṃ (pa. carāmi) itipāṭho sabbattha natthi, ūno maññe]. Tena hi, tāta sudinna, bījakampi dehi – mā no aputtakaṃ sāpateyyaṃ licchavayo atiharāpesu”nti. “Etaṃ kho me, amma, sakkā kātu”nti. “Kahaṃ pana, tāta sudinna, etarahi viharasī”ti? “Mahāvane, amma”ti. Atha kho āyasmā sudinno utthāyāsanaṃ pakkāmi.

36. Atha kho āyasmato sudinnassa mātā āyasmato sudinnassa purāṇadutiyaikaṃ āmantesi – “tena hi, vadhu, yadā utunī hosi, pupphaṃ te uppannaṃ hoti, atha me āroceyyāsī”ti. “Evaṃ ayye”ti kho āyasmato sudinnassa purāṇadutiyaikā āyasmato sudinnassa mātuyā paccassosi. Atha kho āyasmato sudinnassa purāṇadutiyaikā nacirasseva utunī ahosi, pupphaṃsā uppajji. Atha kho āyasmato sudinnassa purāṇadutiyaikā āyasmato sudinnassa mātaraṃ etadavoca – “utunīmhi, ayye, pupphaṃ me uppanna”nti. “Tena hi, vadhu, yena alaṅkārena alaṅkatā puttassa sudinnassa piyā ahosi manāpā tena alaṅkārena alaṅkarā”ti. “Evaṃ ayye”ti kho āyasmato sudinnassa purāṇadutiyaikā āyasmato sudinnassa mātuyā paccassosi. Atha kho āyasmato sudinnassa mātā āyasmato sudinnassa purāṇadutiyaikaṃ ādāya yena mahāvanaṃ yenāyasmā sudinno tenupasaṅkami; upasaṅkamitvā āyasmantaṃ sudinnaṃ etadavoca – “idaṃ, tāta sudinna, kulaṃ aḍḍhaṃ mahaddhanaṃ mahābhogaṃ pahūtajātarūparajataṃ pahūtavittūpakaraṇaṃ pahūtadhanadhaññaṃ. Labbhā, tāta sudinna, hīnāyāvattitvā bhogā ca bhuñjituṃ puññāni ca kātuṃ. Ehi tvaṃ, tāta sudinna, hīnāyāvattitvā bhoge ca bhuñjassu puññāni ca karohī”ti. “Amma, na ussahāmi na visahāmi, abhirato ahaṃ brahmacariyaṃ carāmi”ti. Dutiyaṃpi kho...pe... tatiyaṃpi kho āyasmato sudinnassa mātā āyasmantaṃ sudinnaṃ etadavoca – “idaṃ, tāta sudinna, kulaṃ aḍḍhaṃ mahaddhanaṃ mahābhogaṃ pahūtajātarūparajataṃ pahūtavittūpakaraṇaṃ pahūtadhanadhaññaṃ. Tena hi, tāta sudinna, bījakampi dehi – mā no aputtakaṃ sāpateyyaṃ licchavayo atiharāpesu”nti. “Etaṃ kho me, amma, sakkā kātu”nti, purāṇadutiyaikāya bhāyaṃ gahetvā mahāvanaṃ ajjhogāhetvā apaññatte sikkhāpade anādīnavadasso purāṇadutiyaikāya tickhattuṃ methunaṃ dhammaṃ abhiviññāpesi. Sā tena gabbhaṃ gaṇhi. Bhumma devā saddamanussāvesuṃ – “nirabbudo vata, bho, bhikkhusaṅgho nirādīnavo; sudinnena kalandaputtana abbudaṃ uppāditaṃ, ādīnavo uppādito”ti. Bhummaṇaṃ devānaṃ saddaṃ sutvā cātumahārājikā [cātummahārājikā (sī. syā.)] devā saddamanussāvesuṃ...pe... tāvatimsā devā... yāmā devā ... tusitā devā... nimmānaratī devā... paranimmitavasavatī devā... brahmakāyikā devā saddamanussāvesuṃ – “nirabbudo vata, bho, bhikkhusaṅgho nirādīnavo; sudinnena kalandaputtana abbudaṃ uppāditaṃ, ādīnavo uppādito”ti. Itiha tena khaṇena tena muhuttana yāva brahmalokā saddo abbhugacchi.

Atha kho āyasmato sudinnassa purāṇadutiyaikā tassa gabbhassa paripākamanvāya puttam vijāyi. Atha kho āyasmato sudinnassa sahāyakā tassa dārakassa ‘bījako’ ti nāmaṃ akaṃsu. Āyasmato sudinnassa purāṇadutiyaikāya bījakamātāti nāmaṃ akaṃsu. Āyasmato sudinnassa bījakapitāti nāmaṃ akaṃsu. Te aparena samayena ubho agārasmā anagāriyaṃ pabbajitvā arahattaṃ sacchākaṃsu.

37. Atha kho āyasmato sudinnassa ahudeva kukkucçaṃ, ahu vippaṭṭisāro – “alābhā vata me, na vata me lābhā! Dulladdhaṃ vata me, na vata me suladdhaṃ! Yo haṃ evaṃ svākkhāte dhammavinaye pabbajitvā nāsakkhiṃ yāvajīvaṃ paripuṇṇaṃ parisuddhaṃ brahmacariyaṃ caritu’ nti. So teneva kukkuccena tena vippaṭṭisārena kiso ahosi lūkho dubbaṇṇo uppaṇḍuppaṇḍukajāto dhamanisanthataगतto antomano līnamano dukkhī dummano vippaṭṭisārī pajjhāyi.

38. Atha kho āyasmato sudinnassa sahāyakā bhikkhū āyasmantaṃ sudinnaṃ etadavocum – “pubbe kho tvaṃ, āvuso sudinna, vaṇṇavā ahosi piṇḍriyo pasannamukhavaṇṇo vippasannachavivaṇṇo; so dāni tvaṃ etarahi kiso lūkho dubbaṇṇo uppaṇḍuppaṇḍukajāto dhamanisanthataगतto antomano līnamano dukkhī dummano vippaṭṭisārī pajjhāyasi. Kacci no tvaṃ, āvuso sudinna, anabhirato brahmacariyaṃ carasi’ ti? “Na kho ahaṃ, āvuso, anabhirato brahmacariyaṃ carāmi. Atthi me pāpakammaṃ kataṃ; purāṇadutiyaikāya methuno dhammo paṭisevito; tassa mayhaṃ, āvuso, ahudeva kukkucçaṃ ahu vippaṭṭisāro – ‘alābhā vata me, na vata me lābhā; dulladdhaṃ vata me, na vata me suladdhaṃ; yo haṃ evaṃ svākkhāte dhammavinaye pabbajitvā nāsakkhiṃ yāvajīvaṃ paripuṇṇaṃ parisuddhaṃ brahmacariyaṃ caritu’ nti. “Alañhi te, āvuso sudinna, kukkucçāya alaṃ vippaṭṭisārāya yaṃ tvaṃ evaṃ svākkhāte dhammavinaye pabbajitvā na sakkhissasi yāvajīvaṃ paripuṇṇaṃ parisuddhaṃ brahmacariyaṃ carituṃ. Nanu, āvuso, bhagavatā anekapariyāyena virāgāya dhammo desito, no sarāgāya; viṣaṃyogāya dhammo desito, no saṃyogāya; anupādānāya dhammo desito, no saupādānāya. Tattha nāma tvaṃ, āvuso, bhagavatā virāgāya dhamme desite sarāgāya cetessasi, viṣaṃyogāya dhamme desite saṃyogāya cetessasi, anupādānāya dhamme desite saupādānāya cetessasi! Nanu, āvuso, bhagavatā anekapariyāyena rāgavirāgāya dhammo desito, madanimmadānāya pipāsavinayāya ālayasamugghātāya vaṭṭupacchedāya taṇhākkhayāya virāgāya nirodhāya nibbānāya dhammo desito! Nanu, āvuso, bhagavatā anekapariyāyena kāmānaṃ pahānaṃ akkhātaṃ, kāmasaññānaṃ pariññā akkhātā, kāmapipāsānaṃ paṭivinayo akkhāto, kāmavitakkānaṃ samugghāto akkhāto, kāmapariḷhānaṃ vūpasamo akkhāto! Netam, āvuso, appasannānaṃ vā pasādāya, pasannānaṃ vā bhīyyobhāvāya. Atha khvetam, āvuso, appasannānaṃceva appasādāya pasannānaṃ ekaccānaṃ aññathattā’ ti.

39. Atha kho te bhikkhū āyasmantaṃ sudinnaṃ anekapariyāyena vīgarahitvā bhagavato etamatthaṃ ārocesum. Atha kho bhagavā etasmiṃ nidāne etasmiṃ pakaraṇe bhikkhusaṅghaṃ sannipātāpetvā āyasmantaṃ sudinnaṃ paṭipucchi – “saccaṃ kira tvaṃ, sudinna, purāṇadutiyaikāya methunaṃ dhammaṃ paṭisevī’ ti? “Saccaṃ, bhagavā’ ti. Vīgarahi buddho bhagavā – “ananucchavikaṃ [ananucchaviyaṃ (sī.)], moghapurisa, ananulomikaṃ appaṭirūpaṃ assāmaṇakaṃ akappiyaṃ akaraṇiyaṃ. Kathañhi nāma tvaṃ, moghapurisa, evaṃ svākkhāte dhammavinaye pabbajitvā na sakkhissasi yāvajīvaṃ paripuṇṇaṃ parisuddhaṃ brahmacariyaṃ carituṃ! Nanu mayā, moghapurisa, anekapariyāyena virāgāya dhammo desito, no sarāgāya; viṣaṃyogāya dhammo desito, no saṃyogāya; anupādānāya dhammo desito, no saupādānāya! Tattha nāma tvaṃ, moghapurisa, mayā virāgāya dhamme desite sarāgāya cetessasi, viṣaṃyogāya dhamme desite saṃyogāya cetessasi, anupādānāya dhamme desite saupādānāya cetessasi! Nanu mayā, moghapurisa, anekapariyāyena rāgavirāgāya dhammo desito! Madanimmadānāya pipāsavinayāya ālayasamugghātāya vaṭṭupacchedāya taṇhākkhayāya virāgāya nirodhāya nibbānāya dhammo desito! Nanu mayā, moghapurisa, anekapariyāyena kāmānaṃ pahānaṃ akkhātaṃ, kāmasaññānaṃ pariññā akkhātā, kāmapipāsānaṃ paṭivinayo akkhāto, kāmavitakkānaṃ samugghāto akkhāto, kāmapariḷhānaṃ vūpasamo akkhāto! Varam te, moghapurisa, āsivissassa [āsivissassa (sī. syā.)] ghoravissassa mukhe aṅgajātaṃ pakkhittaṃ, na tveva mātugāmassa aṅgajāte aṅgajātaṃ pakkhittaṃ. Varam te, moghapurisa, kaṇhasappassa mukhe aṅgajātaṃ pakkhittaṃ, na tveva mātugāmassa aṅgajāte aṅgajātaṃ pakkhittaṃ. Varam te, moghapurisa, aṅgarakāsuyā ādittāya sampajjalitāya sajotibhūtāya aṅgajātaṃ pakkhittaṃ, na tveva mātugāmassa aṅgajāte aṅgajātaṃ

pakkhittam. Tam kissa hetu? Tatonidānañhi, moghapurisa, maraṇam vā nigaccheyya maraṇamattam vā dukkham, na tveva tappaccayā kāyassa bheda param maraṇā apāyam duggatiṃ vinipātam nirayam upapajjeyya. Itonidānañca kho, moghapurisa, kāyassa bheda param maraṇā apāyam duggatiṃ vinipātam nirayam upapajjeyya. Tattha nāma tvam, moghapurisa, yam tvam asaddhammam gāmadhammam vasaladhammam duṭṭhullam odakantikam rahassam dvayamdvayasamāpattiṃ samāpajjissasi, bahūnam kho tvam, moghapurisa, akusalānam dhammānam ādikattā pubbaṅgamo. Netam, moghapurisa, appasannānam vā pasādāya, pasannānam vā bhiyyobhāvāya; atha khvetam, moghapurisa, appasannānañceva appasādāya, pasannānañca ekaccānam aññathattāyā’ ti.

Atha kho bhagavā āyasmantaṃ sudinnaṃ anekapariyāyena vīgarahitvā dubbharatāya dupposatāya mahicchatāya asantuṭṭhitāya [asantuṭṭhatāya (syā.)] saṅgaṇikāya kosajjassa avaṇṇam bhāsivā anekapariyāyena subharatāya suposatāya appicchassa santuṭṭhassa sallekhasa dhutassa pāsādikassa apacayassa vīriyārambhassa [vīriyārabbhassa (ka.)] vaṇṇam bhāsivā bhikkhūnam tadanucchavikam tadanulomikam dhammiṃ katham katvā bhikkhū āmantesi – “tena hi, bhikkhave, bhikkhūnam sikkhāpadaṃ paññapessāmi [paññāpessāmi (sī. syā.)] dasa atthavase paṭicca – saṅghasutṭhātāya, saṅghaphāsutāya, dummaṅkūnam puggalānam niggahāya, pesalānam bhikkhūnam phāsuvihārāya, diṭṭhadhammikānam āsavānam saṃvarāya, samparāyikānam āsavānam paṭighātāya, appasannānam pasādāya, pasannānam bhiyyobhāvāya, saddhammaṭṭhitiyā, vinayānuggahāya. Evañca pana, bhikkhave, imaṃ sikkhāpadaṃ uddiseyyātha –

“Yo pana bhikkhu methunam dhammam paṭiseveyya, pārājiko hoti asaṃvāso” ti.

Evañcidam bhagavatā bhikkhūnam sikkhāpadaṃ paññattam hoti.

Sudinnabhānavāro niṭṭhito.

Makkaṭivattu

40. Tena kho pana samayena aññataro bhikkhu vesāliyam mahāvane makkaṭiṃ āmisena upalāpetvā tassā methunam dhammam paṭisevatī. Atha kho so bhikkhu pubbaṅhasamayam nivāsetvā pattacīvaram ādāya vesāliṃ piṇḍāya pāvīsi. Tena kho pana samayena sambahulā bhikkhū senāsanacārikam āhiṇḍantā yena tassa bhikkhuno vihāro tenupasaṅkamīsu. Addasa kho sā makkaṭi te bhikkhū dūrato āgacchante. Disvāna yena te bhikkhū tenupasaṅkami; upasaṅkamitvā tesam bhikkhūnam purato kaṭimpi cālesi cheppampi cālesi, kaṭimpi oḍḍi, nimittampi akāsi. Atha kho tesam bhikkhūnam etadahosi – “nissamsayam kho so bhikkhu imissā makkaṭiyā methunam dhammam paṭisevatī” ti. Ekamantaṃ nilīyīsu. Atha kho so bhikkhu vesāliyam piṇḍāya caritvā piṇḍapātam ādāya paṭikkami.

41. Atha kho sā makkaṭi yena so bhikkhu tenupasaṅkami. Atha kho so bhikkhu tam piṇḍapātam ekadesam bhuñjitvā ekadesam tassā makkaṭiyā adāsi. Atha kho sā makkaṭi tam piṇḍapātam bhuñjitvā tassa bhikkhuno kaṭim oḍḍi. Atha kho so bhikkhu tassā makkaṭiyā methunam dhammam paṭisevatī. Atha kho te bhikkhū tam bhikkhum etadavocum – “nanu, āvuso, bhagavatā sikkhāpadaṃ paññattam; kissa tvam, āvuso, makkaṭiyā methunam dhammam paṭisevasi” ti? “Saccam, āvuso, bhagavatā sikkhāpadaṃ paññattam; tañca kho manussitthiyā, no tiracchānagatāyā” ti. “Nanu, āvuso, tatheva tam hoti. Ananucchavikam, āvuso, ananulomikam appaṭirūpaṃ assāmaṇakam akappiyam akaraṇiyam. Kathañhi nāma tvam, āvuso, evam svākkhāte dhammavinaye pabbajitvā na sakkhissasi yāvajīvam paripuṇṇam parisuddham brahmacariyam caritum! Nanu, āvuso, bhagavatā anekapariyāyena virāgāya dhammo desito, no sarāgāya...pe... kāmapariḷhānam vūpasamo akkhāto! Netam, āvuso, appasannānam vā pasādāya pasannānam vā bhiyyobhāvāya. Atha khvetam, āvuso, appasannānañceva appasādāya, pasannānañca ekaccānam aññathattāyā” ti. Atha kho te bhikkhū tam bhikkhum anekapariyāyena vīgarahitvā bhagavato etamattham arocesum.

42. Atha kho bhagavā etasmim̐ nidāne etasmim̐ pakaraṇe bhikkhusaṅghaṃ sannipātāpetvā taṃ bhikkhuṃ paṭipucchi – “saccaṃ kira tvaṃ, bhikkhu, makkaṭṭiyā methunaṃ dhammaṃ paṭisevī”ti? “Saccaṃ, bhagavā”ti. Vigarahi buddho bhagavā – “ananucchavikaṃ, moghapurisa, ananulomikaṃ appatirūpaṃ assāmaṇakaṃ akappiyaṃ akaraṇiyaṃ. Kathañhi nāma tvaṃ, moghapurisa, evaṃ svākkhāte dhammavinaye pabbajitvā na sakkhissasi yāvajīvaṃ paripuṇṇaṃ parisuddhaṃ brahmacariyaṃ carituṃ! Nanu mayā, moghapurisa, anekapariyāyena virāgāya dhammo desito, no sarāgāya ...pe... kāmāpariḷhānaṃ vūpasamo akkhāto! Varam̐ te, moghapurisa, āsīvisassa ghoravisassa mukhe aṅgajātaṃ pakkhitaṃ, na tveva makkaṭṭiyā aṅgajāte aṅgajātaṃ pakkhitaṃ. Varam̐ te, moghapurisa, kaṇhasappassa mukhe aṅgajātaṃ pakkhitaṃ, na tveva makkaṭṭiyā aṅgajāte aṅgajātaṃ pakkhitaṃ. Varam̐ te, moghapurisa, aṅgārakāsuyā ādittāya sampajjalitāya sajotibhūtāya aṅgajātaṃ pakkhitaṃ, na tveva makkaṭṭiyā aṅgajāte aṅgajātaṃ pakkhitaṃ. Taṃ kissa hetu? Tattonidānañhi, moghapurisa, maraṇaṃ vā nigaccheyya maraṇamattaṃ vā dukkhaṃ; na tveva tappaccayā kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapajjeyya. Ittonidānañca kho, moghapurisa, kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapajjeyya. Tattha nāma tvaṃ, moghapurisa, yaṃ tvaṃ asaddhammaṃ gāmadhammaṃ vasaladhammaṃ duṭṭhullaṃ odakantikaṃ rahassaṃ dvayaṃ dvayasamāpattiṃ samāpajjissasi! Netam̐, moghapurisa, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

“Yo pana bhikkhu methunaṃ dhammaṃ paṭiseveyya antamaso tiracchānagatāyapi, pārājiko hoti asaṃvāso”ti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

Makkaṭṭivatthu niṭṭhitaṃ.

Santhatabhāṇavāro

43. Tena kho pana samayena sambahulā vesālikā vajjiputtakā bhikkhū yāvadatthaṃ bhuñjimsu, yāvadatthaṃ supimsu, yāvadatthaṃ nhāyimsu. Yāvadatthaṃ bhuñjitvā yāvadatthaṃ supitvā yāvadatthaṃ nhāyitvā ayoniso manasi karitvā sikkhaṃ apaccakkhāya dubbalyaṃ anāvikatvā methunaṃ dhammaṃ paṭisevimsu. Te aparena samayena ñātībyasanenapi phuṭṭhā bhogabyasanenapi phuṭṭhā rogabyasanenapi phuṭṭhā āyasmantaṃ ānandaṃ upasaṅkamitvā evaṃ vadanti – “na mayaṃ, bhante ānanda, buddhagarahino na dhammagarahino na saṅhagarahino; attagarahino mayaṃ, bhante ānanda, anaññagarahino. Mayamevamhā alakkhikā mayaṃ appapuññā, ye mayaṃ evaṃ svākkhāte dhammavinaye pabbajitvā nāsakkhimhā yāvajīvaṃ paripuṇṇaṃ parisuddhaṃ brahmacariyaṃ carituṃ. Idāni cepi [idānipi ce (syā.)] mayaṃ, bhante ānanda, labheyyāma bhagavato santike pabbajjaṃ labheyyāma upasampadaṃ, idānipi mayaṃ vipassakā kusalānaṃ dhammānaṃ pubbarattāpararattaṃ bodhipakkhikānaṃ dhammānaṃ bhāvanānuyogamanuyuttā vihareyyāma. Sādhu, bhante ānanda, bhagavato etamatthaṃ ārocehi”ti. “Evamāvuso”ti kho āyasmā ānando vesālikānaṃ vajjiputtakānaṃ paṭissuṇitvā yena bhagavā tenupasaṅkami; upasaṅkamitvā bhagavato etamatthaṃ ārocesi.

“Aṭṭhānametaṃ, ānanda, anavakāso yaṃ tathāgato vajjīnaṃ vā vajjiputtakānaṃ vā kāraṇā sāvakānaṃ pārājikaṃ sikkhāpadaṃ paññattaṃ samūhaneyyā”ti.

Atha kho bhagavā etasmim̐ nidāne etasmim̐ pakaraṇe dhammiṃ kathaṃ katvā bhikkhū āmantesi – “yo, bhikkhave [yo pana bhikkhave bhikkhu (sī.) yo kho bhikkhave bhikkhu (syā.)], sikkhaṃ apaccakkhāya dubbalyaṃ anāvikatvā methunaṃ dhammaṃ paṭisevati so āgato na upasampādetabbo; yo ca kho, bhikkhave [yo ca kho bhikkhave bhikkhu (sī. syā.)], sikkhaṃ paccakkhāya dubbalyaṃ āvikatvā methunaṃ dhammaṃ paṭisevati so āgato upasampādetabbo. Evañca pana, bhikkhave, imaṃ sikkhāpadaṃ uddiseyyātha –

44. “Yo pana bhikkhu bhikkhūnaṃ sikkhāsājīvasamāpanno sikkhaṃ apaccakkhāya dubbalyaṃ anāvikatvā methunaṃ dhammaṃ paṭisevya antamaso tiracchānagatāyapi, pārājiko hoti asaṃvāso”ti.

45. Yo panāti yo yādiso yathāyutto yathājacco yathānāmo yathāgotto yathāsīlo yathāvihārī yathāgocaro thero vā navo vā majjhimo vā. Eso vuccati ‘yo panā’ti.

[vibha. 510, jhānavibhaṅgepi] **Bhikkhūti** bhikkhakoti bhikkhu, bhikkhācariyaṃ ajjhupagatoti bhikkhu, bhinnapaṭadharoti bhikkhu, samaññāya bhikkhu, paṭiññāya bhikkhu, ehi bhikkhūti bhikkhu, tīhi saraṇagamanehi upasampannoti bhikkhu, bhadro bhikkhu, sāro bhikkhu, sekho bhikkhu, asekho bhikkhu, samaggena saṅghena ñatticatutthena kammaena akuppēna ṭhānārahena upasampannoti bhikkhu. Tatra yvāyaṃ bhikkhu samaggena saṅghena ñatticatutthena kammaena akuppēna ṭhānārahena upasampanno, ayaṃ imasmiṃ atthe adhippeto bhikkhūti.

[dī. ni. 3.305] **Sikkhāti** tisso sikkhā – adhisīlasikkhā, adhicittasikkhā, adhipaññāsikkhā. Tatra yāyaṃ adhisīlasikkhā, ayaṃ imasmiṃ atthe adhippetā sikkhāti.

Sājīvaṃ nāma yaṃ bhagavatā paññattaṃ sikkhāpadaṃ, etaṃ sājīvaṃ nāma. Tasmīṃ sikkhati, tena vuccati sājīvasamāpannoti.

Sikkhaṃ apaccakkhāya dubbalyaṃ anāvikatvāti atthi, bhikkhave, dubbalyāvikammañceva hoti sikkhā ca apaccakkhātā; atthi, bhikkhave, dubbalyāvikammañceva hoti sikkhā ca paccakkhātā.

“Kathaṅca, bhikkhave, dubbalyāvikammañceva hoti sikkhā ca apaccakkhātā. Idha, bhikkhave, bhikkhu ukkaṅṭhito anabhirato sāmāññā cavitukāmo bhikkhubhāvaṃ aṭṭiyamāno harāyamāno jigucchamāno gihibhāvaṃ patthayamāno upāsakabhāvaṃ patthayamāno āramikabhāvaṃ patthayamāno sāmaṇerabhāvaṃ patthayamāno titthiyabhāvaṃ patthayamāno titthiyasāvakaḥ bhāvaṃ patthayamāno assamaṇabhāvaṃ patthayamāno asakyaputtīyabhāvaṃ patthayamāno – ‘yaṃnūnāhaṃ buddhaṃ paccakkheyya’nti vadati viññāpeti. Evampi, bhikkhave, dubbalyāvikammañceva hoti sikkhā ca apaccakkhātā.

“Atha vā pana ukkaṅṭhito anabhirato sāmāññā cavitukāmo bhikkhubhāvaṃ aṭṭiyamāno harāyamāno jigucchamāno gihibhāvaṃ patthayamāno...pe... asakyaputtīyabhāvaṃ patthayamāno – ‘yaṃnūnāhaṃ dhammaṃ paccakkheyya’nti vadati viññāpeti...pe... yaṃnūnāhaṃ saṅghaṃ... yaṃnūnāhaṃ sikkhaṃ... yaṃnūnāhaṃ vinayaṃ... yaṃnūnāhaṃ pātimokkhaṃ... yaṃnūnāhaṃ uddesaṃ... yaṃnūnāhaṃ upajjhāyaṃ... yaṃnūnāhaṃ ācariyaṃ... yaṃnūnāhaṃ saddhivihārikaṃ... yaṃnūnāhaṃ antevāsikaṃ... yaṃnūnāhaṃ samānupajjhāyakaṃ... yaṃnūnāhaṃ samānācariyakaṃ yaṃnūnāhaṃ sabrahmacāriṃ paccakkheyya’nti vadati viññāpeti. ‘Yaṃnūnāhaṃ gihī assa’nti vadati viññāpeti. ‘Yaṃnūnāhaṃ upāsako assa’nti... ‘yaṃnūnāhaṃ āramiko assa’nti... ‘yaṃnūnāhaṃ sāmaṇero assa’nti... ‘yaṃnūnāhaṃ titthiyo assa’nti... ‘yaṃnūnāhaṃ titthiyasāvako assa’nti... ‘yaṃnūnāhaṃ assamaṇo assa’nti... ‘yaṃnūnāhaṃ asakyaputtiyo assa’nti vadati viññāpeti. Evampi, bhikkhave, dubbalyāvikammañceva hoti sikkhā ca apaccakkhātā.

46. “Atha vā pana ukkaṅṭhito anabhirato sāmāññā cavitukāmo bhikkhubhāvaṃ aṭṭiyamāno harāyamāno jigucchamāno gihibhāvaṃ patthayamāno...pe... asakyaputtīyabhāvaṃ patthayamāno – ‘yadi panāhaṃ buddhaṃ paccakkheyya’nti vadati viññāpeti...pe... ‘yadi panāhaṃ asakyaputtiyo assa’nti vadati viññāpeti...pe... ‘apāhaṃ buddhaṃ paccakkheyya’nti vadati viññāpeti...pe... ‘apāhaṃ asakyaputtiyo assa’nti vadati viññāpeti...pe... ‘handāhaṃ buddhaṃ paccakkheyya’nti vadati viññāpeti...pe... ‘handāhaṃ asakyaputtiyo assa’nti vadati viññāpeti...pe... ‘hoti me buddhaṃ paccakkheyya’nti vadati viññāpeti...pe... ‘hoti me asakyaputtiyo assa’nti vadati viññāpeti. Evampi, bhikkhave, dubbalyāvikammañceva hoti sikkhā ca apaccakkhātā.

47. “Atha vā pana ukkaṅṅhito anabhirato sāmaññā cavitukāmo bhikkhubhāvaṃ aṭṭiyamāno harāyamāno jigucchamāno gihibhāvaṃ patthayamāno...pe... asakyaputtīyabhāvaṃ patthayamāno ‘mātaraṃ sarāmī’ti vadati viññāpeti... ‘pitaraṃ sarāmī’ti vadati viññāpeti... ‘bhātaraṃ sarāmī’ti vadati viññāpeti... ‘bhaginīṃ sarāmī’ti vadati viññāpeti... ‘puttaṃ sarāmī’ti vadati viññāpeti... ‘dhītaraṃ sarāmī’ti vadati viññāpeti... ‘pajāpatiṃ sarāmī’ti vadati viññāpeti... ‘ñātake sarāmī’ti vadati viññāpeti... ‘mitte sarāmī’ti vadati viññāpeti... ‘gāmaṃ sarāmī’ti vadati viññāpeti... ‘nigamaṃ sarāmī’ti vadati viññāpeti... ‘khettaṃ sarāmī’ti vadati viññāpeti... ‘vatthūṃ sarāmī’ti vadati viññāpeti... ‘hiraññaṃ sarāmī’ti vadati viññāpeti... ‘suvaṇṇaṃ sarāmī’ti vadati viññāpeti... ‘sippaṃ sarāmī’ti vadati viññāpeti... ‘pubbe hasitaṃ lapitaṃ kīḷitaṃ samanussarāmī’ti vadati viññāpeti. Evampi, bhikkhave, dubbalyāvikammañceva hoti sikkhā ca apaccakkhātā.

48. “Atha vā pana ukkaṅṅhito anabhirato sāmaññā cavitukāmo bhikkhubhāvaṃ aṭṭiyamāno harāyamāno jigucchamāno gihibhāvaṃ patthayamāno...pe... asakyaputtīyabhāvaṃ patthayamāno – ‘mātā me atthi, sā mayā poasetabbā’ti vadati viññāpeti... ‘pitā me atthi, so mayā poasetabbo’ti vadati viññāpeti... ‘bhātā me atthi, so mayā poasetabbo’ti vadati viññāpeti... ‘bhaginī me atthi, sā mayā poasetabbā’ti vadati viññāpeti... ‘putto me atthi, so mayā poasetabbo’ti vadati viññāpeti... ‘dhītā me atthi, sā mayā poasetabbā’ti vadati viññāpeti... ‘pajāpati me atthi, sā mayā poasetabbā’ti vadati viññāpeti... ‘ñātakā me atthi, te mayā poasetabbā’ti vadati viññāpeti... ‘mittā me atthi, te mayā poasetabbā’ti vadati viññāpeti. Evampi, bhikkhave, dubbalyāvikammañceva hoti sikkhā ca apaccakkhātā.

49. “Atha vā pana ukkaṅṅhito anabhirato sāmaññā cavitukāmo bhikkhubhāvaṃ aṭṭiyamāno harāyamāno jigucchamāno gihibhāvaṃ patthayamāno...pe... asakyaputtīyabhāvaṃ patthayamāno – ‘mātā me atthi, sā maṃ possessatī’ti vadati viññāpeti... ‘pitā me atthi, so maṃ possessatī’ti vadati viññāpeti... ‘bhātā me atthi, so maṃ possessatī’ti vadati viññāpeti... ‘bhaginī me atthi, sā maṃ possessatī’ti vadati viññāpeti... ‘putto me atthi, so maṃ possessatī’ti vadati viññāpeti... ‘dhītā me atthi, sā maṃ possessatī’ti vadati viññāpeti... ‘pajāpati me atthi, sā maṃ possessatī’ti vadati viññāpeti... ‘ñātakā me atthi, te maṃ possessantī’ti vadati viññāpeti... ‘mittā me atthi, te maṃ possessantī’ti vadati viññāpeti... ‘gāmo me atthi, tenāhaṃ jīvissāmī’ti vadati viññāpeti... ‘nigamo me atthi, tenāhaṃ jīvissāmī’ti vadati viññāpeti... ‘khettaṃ me atthi, tenāhaṃ jīvissāmī’ti vadati viññāpeti... ‘vatthu me atthi, tenāhaṃ jīvissāmī’ti vadati viññāpeti... ‘hiraññaṃ me atthi, tenāhaṃ jīvissāmī’ti vadati viññāpeti... ‘suvaṇṇaṃ me atthi, tenāhaṃ jīvissāmī’ti vadati viññāpeti... ‘sippaṃ me atthi, tenāhaṃ jīvissāmī’ti vadati viññāpeti. Evampi, bhikkhave, dubbalyāvikammañceva hoti sikkhā ca apaccakkhātā.

50. “Atha vā pana ukkaṅṅhito anabhirato sāmaññā cavitukāmo bhikkhubhāvaṃ aṭṭiyamāno harāyamāno jigucchamāno gihibhāvaṃ patthayamāno...pe... asakyaputtīyabhāvaṃ patthayamāno ‘dukkara’nti vadati viññāpeti... ‘na sukara’nti vadati viññāpeti... ‘duccara’nti vadati viññāpeti... ‘na sucara’nti vadati viññāpeti... ‘na ussahāmī’ti vadati viññāpeti... ‘na visahāmī’ti vadati viññāpeti... ‘na ramāmī’ti vadati viññāpeti... ‘nābhiramāmī’ti vadati viññāpeti. Evampi kho, bhikkhave, dubbalyāvikammañceva hoti sikkhā ca apaccakkhātā.

51. “Kathañca, bhikkhave, dubbalyāvikammañceva hoti sikkhā ca paccakkhātā? Idha, bhikkhave, bhikkhu ukkaṅṅhito anabhirato sāmaññā cavitukāmo bhikkhubhāvaṃ aṭṭiyamāno harāyamāno jigucchamāno gihibhāvaṃ patthayamāno...pe... asakyaputtīyabhāvaṃ patthayamāno – ‘buddhaṃ paccakkhāmī’ti vadati viññāpeti. Evampi, bhikkhave, dubbalyāvikammañceva hoti sikkhā ca paccakkhātā.

“Atha vā pana ukkaṅṅhito anabhirato sāmaññā cavitukāmo bhikkhubhāvaṃ aṭṭiyamāno harāyamāno jigucchamāno gihibhāvaṃ patthayamāno...pe... asakyaputtīyabhāvaṃ patthayamāno – ‘dhammaṃ paccakkhāmī’ti vadati viññāpeti... ‘saṅghaṃ paccakkhāmī’ti vadati viññāpeti... ‘sikkhaṃ paccakkhāmī’ti vadati viññāpeti... ‘vinayaṃ paccakkhāmī’ti vadati viññāpeti... ‘pātimokkhaṃ paccakkhāmī’ti vadati viññāpeti... ‘uddesaṃ paccakkhāmī’ti vadati viññāpeti... ‘upajjhāyaṃ

paccakkhāmī’ ti vadati viññāpeti... ‘ācariyaṃ paccakkhāmī’ ti vadati viññāpeti... ‘saddhivihārikaṃ paccakkhāmī’ ti vadati viññāpeti... ‘antevāsikaṃ paccakkhāmī’ ti vadati viññāpeti... ‘samānupajjhāyakaṃ paccakkhāmī’ ti vadati viññāpeti... ‘samānācariyakaṃ paccakkhāmī’ ti vadati viññāpeti... ‘sabrahmacāriṃ paccakkhāmī’ ti vadati viññāpeti... ‘gihīti maṃ dhārehi’ ti vadati viññāpeti... ‘upāsakoti maṃ dhārehi’ ti vadati viññāpeti... ‘ārāmikoti maṃ dhārehi’ ti vadati viññāpeti... ‘sāmaṇeroti maṃ dhārehi’ ti vadati viññāpeti... ‘titthiyoti maṃ dhārehi’ ti vadati viññāpeti... ‘titthiyasāvakoti maṃ dhārehi’ ti vadati viññāpeti... ‘assamaṇoti maṃ dhārehi’ ti vadati viññāpeti... ‘asakyaputtiiyoti maṃ dhārehi’ ti vadati viññāpeti. Evampi, bhikkhave, dubbalyāvikkammañceva hoti sikkhā ca paccakkhātā.

52. “Atha vā pana ukkaṅṅhito anabhirato sāmāññā cavitukāmo bhikkhubhāvaṃ aṭṭiyamāno harāyamāno jigucchamāno gihibhāvaṃ patthayamāno...pe... asakyaputtiiyabhāvaṃ patthayamāno – ‘alaṃ me buddhenā’ ti vadati viññāpeti...pe... ‘alaṃ me sabrahmacārīhī’ ti vadati viññāpeti. Evampi... pe... atha vā pana...pe... ‘kiṃ nu me buddhenā’ ti vadati viññāpeti...pe... ‘kiṃ nu me sabrahmacārīhī’ ti vadati viññāpeti... ‘na mamattho buddhenā’ ti vadati viññāpeti...pe... ‘na mamattho sabrahmacārīhī’ ti vadati viññāpeti... ‘sumuttāhaṃ buddhenā’ ti vadati viññāpeti...pe... ‘sumuttāhaṃ sabrahmacārīhī’ ti vadati viññāpeti. Evampi, bhikkhave, dubbalyāvikkammañceva hoti sikkhā ca paccakkhātā.

53. “Yāni vā panaññānīpi atthi buddhavevacanāni vā dhammavevacanāni vā saṅghavevacanāni vā sikkhāvevacanāni vā vinayavevacanāni vā pātimokkhavevacanāni vā uddesavevacanāni vā upajjhāyavevacanāni vā ācariyavevacanāni vā saddhivihārikavevacanāni vā antevāsikavevacanāni vā samānupajjhāyakevacanāni vā samānācariyakevacanāni vā sabrahmacārivevacanāni vā gihivevacanāni vā upāsakavevacanāni vā ārāmikavevacanāni vā sāmaṇeravevacanāni vā titthiyavevacanāni vā titthiyasāvakevacanāni vā assamaṇavevacanāni vā asakyaputtiiyavevacanāni vā, tehi ākārehi tehi liṅgehi tehi nimittehi vadati viññāpeti. Evaṃ kho, bhikkhave, dubbalyāvikkammañceva hoti sikkhā ca paccakkhātā.

54. “Kathaṅca, bhikkhave, apaccakkhātā hoti sikkhā? Idha, bhikkhave, yehi ākārehi yehi liṅgehi yehi nimittehi sikkhā paccakkhātā hoti tehi ākārehi tehi liṅgehi tehi nimittehi ummattako sikkhaṃ paccakkhāti, apaccakkhātā hoti sikkhā. Ummattakassa santike sikkhaṃ paccakkhāti, apaccakkhātā hoti sikkhā. Khittacitto sikkhaṃ paccakkhāti, apaccakkhātā hoti sikkhā. Khittacittassa santike sikkhaṃ paccakkhāti, apaccakkhātā hoti sikkhā. Vedanāṭṭo sikkhaṃ paccakkhāti, apaccakkhātā hoti sikkhā. Vedanāṭṭassa santike sikkhaṃ paccakkhāti, apaccakkhātā hoti sikkhā. Devatāya santike sikkhaṃ paccakkhāti, apaccakkhātā hoti sikkhā. Tiracchānagatassa santike sikkhaṃ paccakkhāti, apaccakkhātā hoti sikkhā. Ariyakena milakkhassa [milakkhakassa (sī. syā.) milakkhussa (ka.)] santike sikkhaṃ paccakkhāti, so ca na paṭivijānāti, apaccakkhātā hoti sikkhā. Milakkhakena ariyakassa santike sikkhaṃ paccakkhāti, so ca na paṭivijānāti, apaccakkhātā hoti sikkhā. Ariyakena ariyassa santike sikkhaṃ paccakkhāti, so ca na paṭivijānāti, apaccakkhātā hoti sikkhā. Milakkhakena milakkhassa santike sikkhaṃ paccakkhāti, so ca na paṭivijānāti, apaccakkhātā hoti sikkhā. Davāya sikkhaṃ paccakkhāti, apaccakkhātā hoti sikkhā. Ravāya sikkhaṃ paccakkhāti, apaccakkhātā hoti sikkhā. Asāvetukāmo sāveti, apaccakkhātā hoti sikkhā. Sāvetukāmo na sāveti, apaccakkhātā hoti sikkhā. Aviññussa sāveti, apaccakkhātā hoti sikkhā. Viññussa na sāveti, apaccakkhātā hoti sikkhā. Sabbaso vā pana na sāveti, apaccakkhātā hoti sikkhā. Evaṃ kho, bhikkhave, apaccakkhātā hoti sikkhā”.

55. [mahāni. 49, 50, 51] **Methunadhammo** nāma yo so asaddhammo gāmadhammo vasaladhammo duṭṭhullaṃ odakantikaṃ rahassaṃ dvayaṃdvayasamāpatti, eso methunadhammo nāma.

Paṭisevati nāma yo nimittena nimittaṃ aṅgajātena aṅgajātaṃ antamaso tilaphalamattampi paveseti, eso paṭisevati nāma.

Antamaso tiracchānagatāyapīti tiracchānagatitthiyāpi methunaṃ dhammaṃ paṭisevitvā assamaṇo

hoti asakyaputtiyo, pageva manussitthiyā. Tena vuccati – ‘antamaso tiracchānagatāyapī’ti.

Pārājiko hotīti seyyathāpi nāma puriso sīsacchinno abhabbo tena sarīrabandhanena jīvitum, evameva bhikkhu methunaṃ dhammaṃ paṭisevitvā assamaṇo hoti asakyaputtiyo. Tena vuccati – ‘pārājiko hotī’ti.

Asaṃvāsoti saṃvāso nāma ekakammaṃ ekuddeso samasikkhatā – eso saṃvāso nāma. So tena saddhiṃ natthi. Tena vuccati – ‘asaṃvāso’ti.

56. Tisso itthiyo – manussitthī, amanussitthī, tiracchānagatitthī. Tayo ubhatobyañjanakā – manussubhatobyañjanako, amanussubhatobyañjanako, tiracchānagatubhatobyañjanako. Tayo paṇḍakā – manussapaṇḍako, amanussapaṇḍako, tiracchānagatapaṇḍako. Tayo purisā – manussapuriso, amanussapuriso, tiracchānagatapuriso.

Manussitthiyā tayo magge methunaṃ dhammaṃ paṭisevantassa āpatti pārājikassa – vaccamagge, passāvamagge, mukhe. Amanussitthiyā...pe... tiracchānagatitthiyā tayo magge methunaṃ dhammaṃ paṭisevantassa āpatti pārājikassa – vaccamagge, passāvamagge, mukhe. Manussubhatobyañjanakassa... amanussubhatobyañjanakassa... tiracchānagatubhatobyañjanakassa tayo magge methunaṃ dhammaṃ paṭisevantassa āpatti pārājikassa – vaccamagge, passāvamagge, mukhe. Manussapaṇḍakassa dve magge methunaṃ dhammaṃ paṭisevantassa āpatti pārājikassa – vaccamagge, mukhe. Amanussapaṇḍakassa... tiracchānagatapaṇḍakassa... manussapurisassa... amanussapurisassa... tiracchānagatapurisassa dve magge methunaṃ dhammaṃ paṭisevantassa āpatti pārājikassa – vaccamagge, mukhe.

57. Bhikkhussa sevanacittaṃ upaṭṭhite manussitthiyā vaccamaggaṃ aṅgajātaṃ pavesentassa āpatti pārājikassa. Bhikkhussa sevanacittaṃ upaṭṭhite manussitthiyā passāvamaggaṃ... mukhaṃ aṅgajātaṃ pavesentassa āpatti pārājikassa. Bhikkhussa sevanacittaṃ upaṭṭhite amanussitthiyā... tiracchānagatitthiyā... manussubhatobyañjanakassa... amanussubhatobyañjanakassa... tiracchānagatubhatobyañjanakassa... vaccamaggaṃ passāvamaggaṃ mukhaṃ aṅgajātaṃ pavesentassa āpatti pārājikassa. Bhikkhussa sevanacittaṃ upaṭṭhite manussapaṇḍakassa vaccamaggaṃ mukhaṃ aṅgajātaṃ pavesentassa āpatti pārājikassa. Bhikkhussa sevanacittaṃ upaṭṭhite amanussapaṇḍakassa... tiracchānagatapaṇḍakassa... manussapurisassa... amanussapurisassa... tiracchānagatapurisassa vaccamaggaṃ mukhaṃ aṅgajātaṃ pavesentassa āpatti pārājikassa.

58. Bhikkhupaccatthikā manussitthiṃ bhikkhussa santike ānetvā vaccamaggena aṅgajātaṃ abhinisīdenti. So ce pavesanaṃ sādīyati [pavisanaṃ sādīyati (ka.)], pavitṭhaṃ sādīyati, ṭhitāṃ sādīyati, uddharaṇaṃ sādīyati, āpatti pārājikassa. Bhikkhupaccatthikā manussitthiṃ bhikkhussa santike ānetvā vaccamaggena aṅgajātaṃ abhinisīdenti. So ce pavesanaṃ na sādīyati, pavitṭhaṃ sādīyati, ṭhitāṃ sādīyati, uddharaṇaṃ sādīyati, āpatti pārājikassa. Bhikkhupaccatthikā manussitthiṃ bhikkhussa santike ānetvā vaccamaggena aṅgajātaṃ abhinisīdenti. So ce pavesanaṃ na sādīyati, pavitṭhaṃ na sādīyati, ṭhitāṃ sādīyati, uddharaṇaṃ sādīyati, āpatti pārājikassa. Bhikkhupaccatthikā manussitthiṃ bhikkhussa santike ānetvā vaccamaggena aṅgajātaṃ abhinisīdenti. So ce pavesanaṃ na sādīyati, pavitṭhaṃ na sādīyati, ṭhitāṃ na sādīyati, uddharaṇaṃ sādīyati, āpatti pārājikassa. Bhikkhupaccatthikā manussitthiṃ bhikkhussa santike ānetvā vaccamaggena aṅgajātaṃ abhinisīdenti. So ce pavesanaṃ na sādīyati, pavitṭhaṃ na sādīyati, ṭhitāṃ na sādīyati, uddharaṇaṃ na sādīyati, anāpatti.

Bhikkhupaccatthikā manussitthiṃ bhikkhussa santike ānetvā passāvamaggena... mukhena aṅgajātaṃ abhinisīdenti. So ce pavesanaṃ sādīyati, pavitṭhaṃ sādīyati, ṭhitāṃ sādīyati, uddharaṇaṃ sādīyati, āpatti pārājikassa...pe... na sādīyati, anāpatti.

59. Bhikkhupaccatthikā manussitthiṃ jāgarantiṃ... suttaṃ... mattaṃ... ummattaṃ... pamattaṃ... mataṃ akkhāyitaṃ... mataṃ yebhuyyena akkhāyitaṃ...pe... āpatti pārājikassa. Mataṃ yebhuyyena

khāyitaṃ bhikkhussa santike ānetvā vaccamaggena... passāvamaggena... mukhena aṅgajātaṃ abhinisīdenti. So ce pavesanaṃ sādiyati, pavitṭhaṃ sādiyati, ṭhitaṃ sādiyati, uddharaṇaṃ sādiyati, āpatti thullaccayassa...pe... na sādiyati, anāpatti.

Bhikkhupaccatthikā amanussitthiṃ... tiracchānagatitthiṃ... manussubhatobyañjanakaṃ... amanussubhatobyañjanakaṃ... tiracchānagatubhatobyañjanakaṃ bhikkhussa santike ānetvā vaccamaggena... passāvamaggena... mukhena aṅgajātaṃ abhinisīdenti. So ce pavesanaṃ sādiyati, pavitṭhaṃ sādiyati, ṭhitaṃ sādiyati, uddharaṇaṃ sādiyati, āpatti pārājikassa...pe... na sādiyati, anāpatti.

Bhikkhupaccatthikā tiracchānagatubhatobyañjanakaṃ jāgarantaṃ... suttaṃ... mattaṃ... ummattaṃ... pamattaṃ... mataṃ akkhāyitaṃ... mataṃ yebhuyyena akkhāyitaṃ...pe... āpatti pārājikassa. Mataṃ yebhuyyena khāyitaṃ bhikkhussa santike ānetvā vaccamaggena... passāvamaggena... mukhena aṅgajātaṃ abhinisīdenti. So ce pavesanaṃ sādiyati, pavitṭhaṃ sādiyati, ṭhitaṃ sādiyati, uddharaṇaṃ sādiyati, āpatti thullaccayassa...pe... na sādiyati, anāpatti.

Bhikkhupaccatthikā manussapaṇḍakaṃ... amanussapaṇḍakaṃ... tiracchānagatapaṇḍakaṃ bhikkhussa santike ānetvā vaccamaggena... mukhena aṅgajātaṃ abhinisīdenti. So ce pavesanaṃ sādiyati, pavitṭhaṃ sādiyati, ṭhitaṃ sādiyati, uddharaṇaṃ sādiyati, āpatti pārājikassa...pe... na sādiyati, anāpatti.

Bhikkhupaccatthikā tiracchānagatapaṇḍakaṃ jāgarantaṃ... suttaṃ... mattaṃ... ummattaṃ... pamattaṃ... mataṃ akkhāyitaṃ... mataṃ yebhuyyena akkhāyitaṃ...pe... āpatti pārājikassa. Mataṃ yebhuyyena khāyitaṃ bhikkhussa santike ānetvā vaccamaggena... mukhena aṅgajātaṃ abhinisīdenti. So ce pavesanaṃ sādiyati, pavitṭhaṃ sādiyati, ṭhitaṃ sādiyati, uddharaṇaṃ sādiyati, āpatti thullaccayassa...pe... na sādiyati, anāpatti.

60. Bhikkhupaccatthikā manussapurisaṃ... amanussapurisaṃ... tiracchānagatapurisaṃ bhikkhussa santike ānetvā vaccamaggena... mukhena aṅgajātaṃ abhinisīdenti. So ce pavesanaṃ sādiyati, pavitṭhaṃ sādiyati, ṭhitaṃ sādiyati, uddharaṇaṃ sādiyati, āpatti pārājikassa...pe... na sādiyati, anāpatti.

Bhikkhupaccatthikā tiracchānagatapurisaṃ jāgarantaṃ... suttaṃ... mattaṃ... ummattaṃ... pamattaṃ... mataṃ akkhāyitaṃ... mataṃ yebhuyyena akkhāyitaṃ...pe... āpatti pārājikassa. Mataṃ yebhuyyena khāyitaṃ bhikkhussa santike ānetvā vaccamaggena... mukhena aṅgajātaṃ abhinisīdenti. So ce pavesanaṃ sādiyati, pavitṭhaṃ sādiyati, ṭhitaṃ sādiyati, uddharaṇaṃ sādiyati, āpatti thullaccayassa...pe... na sādiyati, anāpatti.

61. Bhikkhupaccatthikā manussitthiṃ bhikkhussa santike ānetvā vaccamaggena... passāvamaggena... mukhena aṅgajātaṃ abhinisīdenti santhatāya asanthatassa, asanthatāya santhatassa, santhatāya santhatassa, asanthatāya asanthatassa. So ce pavesanaṃ sādiyati, pavitṭhaṃ sādiyati, ṭhitaṃ sādiyati, uddharaṇaṃ sādiyati, āpatti pārājikassa...pe... na sādiyati, anāpatti.

Bhikkhupaccatthikā manussitthiṃ jāgarantiṃ... suttaṃ... mattaṃ... ummattaṃ... pamattaṃ... mataṃ akkhāyitaṃ... mataṃ yebhuyyena akkhāyitaṃ...pe... āpatti pārājikassa. Mataṃ yebhuyyena khāyitaṃ bhikkhussa santike ānetvā vaccamaggena... passāvamaggena... mukhena aṅgajātaṃ abhinisīdenti, santhatāya asanthatassa, asanthatāya santhatassa, santhatāya santhatassa, asanthatāya asanthatassa. So ce pavesanaṃ sādiyati, pavitṭhaṃ sādiyati, ṭhitaṃ sādiyati, uddharaṇaṃ sādiyati, āpatti thullaccayassa...pe... na sādiyati, anāpatti.

Bhikkhupaccatthikā amanussitthiṃ... tiracchānagatitthiṃ... manussubhatobyañjanakaṃ... amanussubhatobyañjanakaṃ... tiracchānagatubhatobyañjanakaṃ bhikkhussa santike ānetvā vaccamaggena... passāvamaggena... mukhena aṅgajātaṃ abhinisīdenti santhatassa asanthatassa,

asanthatassa santhatassa, santhatassa santhatassa, asanthatassa asanthatassa. So ce pavesanaṃ sādiyati, pavīṭṭhaṃ sādiyati, ṭhitāṃ sādiyati, uddharaṇaṃ sādiyati, āpatti pārājikassa...pe... na sādiyati, anāpatti.

Bhikkhupaccatthikā tiracchānagatubhatobyañjanakaṃ jāgarantaṃ... suttaṃ... mattaṃ... ummattaṃ... pamattaṃ... mataṃ akkhāyitaṃ... mataṃ yebhuyyena akkhāyitaṃ...pe... āpatti pārājikassa. Mataṃ yebhuyyena khāyitaṃ bhikkhussa santike ānetvā vaccamaggena... passāvamaggena... mukhena aṅgajātaṃ abhinisīdenti, santhatassa asanthatassa, asanthatassa santhatassa, santhatassa santhatassa, asanthatassa asanthatassa. So ce pavesanaṃ sādiyati, pavīṭṭhaṃ sādiyati, ṭhitāṃ sādiyati, uddharaṇaṃ sādiyati, āpatti thullaccayassa...pe... na sādiyati, anāpatti.

62. Bhikkhupaccatthikā manussapaṇḍakaṃ... amanussapaṇḍakaṃ... tiracchānagatapaṇḍakaṃ... manussapurisaṃ... amanussapurisaṃ... tiracchānagatapurisaṃ bhikkhussa santike ānetvā vaccamaggena... mukhena aṅgajātaṃ abhinisīdenti santhatassa asanthatassa, asanthatassa santhatassa, santhatassa santhatassa, asanthatassa asanthatassa. So ce pavesanaṃ sādiyati, pavīṭṭhaṃ sādiyati, ṭhitāṃ sādiyati, uddharaṇaṃ sādiyati, āpatti pārājikassa...pe... na sādiyati, anāpatti.

Bhikkhupaccatthikā tiracchānagatapurisaṃ jāgarantaṃ... suttaṃ... mattaṃ... ummattaṃ... pamattaṃ... mataṃ akkhāyitaṃ... mataṃ yebhuyyena akkhāyitaṃ...pe... āpatti pārājikassa. Mataṃ yebhuyyena khāyitaṃ bhikkhussa santike ānetvā vaccamaggena... mukhena aṅgajātaṃ abhinisīdenti, santhatassa asanthatassa, asanthatassa santhatassa, santhatassa santhatassa, asanthatassa asanthatassa. So ca pavesanaṃ sādiyati, pavīṭṭhaṃ sādiyati, ṭhitāṃ sādiyati, uddharaṇaṃ sādiyati, āpatti thullaccayassa...pe... na sādiyati, anāpatti.

63. Bhikkhupaccatthikā bhikkhuṃ manussitthiyā santike ānetvā aṅgajātena vaccamaggaṃ... passāvamaggaṃ... mukhaṃ abhinisīdenti. So ce pavesanaṃ sādiyati, pavīṭṭhaṃ sādiyati, ṭhitāṃ sādiyati, uddharaṇaṃ sādiyati, āpatti pārājikassa...pe... na sādiyati, anāpatti.

Bhikkhupaccatthikā bhikkhuṃ manussitthiyā jāgarantiyā... suttāya... mattāya... ummattāya... pamattāya ... matāya akkhāyitāya... matāya yebhuyyena akkhāyitāya...pe... āpatti pārājikassa. Matāya yebhuyyena khāyitāya santike ānetvā aṅgajātena vaccamaggaṃ... passāvamaggaṃ... mukhaṃ abhinisīdenti. So ce pavesanaṃ sādiyati, pavīṭṭhaṃ sādiyati, ṭhitāṃ sādiyati, uddharaṇaṃ sādiyati, āpatti thullaccayassa...pe... na sādiyati, anāpatti.

Bhikkhupaccatthikā bhikkhuṃ amanussitthiyā... tiracchānagatitthiyā... manussubhatobyañjanakassa... amanussubhatobyañjanakassa... tiracchānagatubhatobyañjanakassa... manussapaṇḍakassa... amanussapaṇḍakassa... tiracchānagatapaṇḍakassa... manussapurisassa... amanussapurisassa... tiracchānagatapurisassa santike ānetvā aṅgajātena vaccamaggaṃ... mukhaṃ abhinisīdenti. So ce pavesanaṃ sādiyati, pavīṭṭhaṃ sādiyati, ṭhitāṃ sādiyati, uddharaṇaṃ sādiyati, āpatti pārājikassa...pe... na sādiyati, anāpatti.

Bhikkhupaccatthikā bhikkhuṃ tiracchānagatapurisassa jāgarantassa... suttassa... mattassa... ummattassa... pamattassa... matassa akkhāyitassa... matassa yebhuyyena akkhāyitassa...pe... āpatti pārājikassa. Matassa yebhuyyena khāyitassa santike ānetvā aṅgajātena vaccamaggaṃ... mukhaṃ abhinisīdenti. So ce pavesanaṃ sādiyati, pavīṭṭhaṃ sādiyati, ṭhitāṃ sādiyati, uddharaṇaṃ sādiyati, āpatti thullaccayassa...pe... na sādiyati, anāpatti.

64. Bhikkhupaccatthikā bhikkhuṃ manussitthiyā santike ānetvā aṅgajātena vaccamaggaṃ... passāvamaggaṃ... mukhaṃ abhinisīdenti santhatassa asanthatāya, asanthatassa santhatāya, santhatassa santhatāya, asanthatassa asanthatāya. So ce pavesanaṃ sādiyati, pavīṭṭhaṃ sādiyati, ṭhitāṃ sādiyati, uddharaṇaṃ sādiyati, āpatti pārājikassa...pe... na sādiyati, anāpatti.

Bhikkhupaccatthikā bhikkhuṃ manussitthiyā jāgarantiyā... suttāya... mattāya... ummattāya... pamattāya... matāya akkhāyitāya... matāya yebhuyyena akkhāyitāya...pe... āpatti pārājikassa. Matāya yebhuyyena khāyitāya santike ānetvā āngajātena vaccamaggaṃ... passāvamaggaṃ... mukhaṃ abhinisīdenti santhatassa asanthatāya, asanthatassa santhatāya, santhatassa santhatāya, asanthatassa asanthatāya. So ce pavesanaṃ sādīyati, pavīṭṭhaṃ sādīyati, ṭhitāṃ sādīyati, uddharaṇaṃ sādīyati, āpatti thullaccayassa...pe... na sādīyati, anāpatti.

Bhikkhupaccatthikā bhikkhuṃ amanussitthiyā... tiracchānagatitthiyā... manussubhatobyañjanakassa... amanussubhatobyañjanakassa... tiracchānagatubhatobyañjanakassa... manussapaṇḍakassa... amanussapaṇḍakassa... tiracchānagatapaṇḍakassa... manussapurisassa... amanussapurisassa... tiracchānagatapurisassa santike ānetvā āngajātena vaccamaggaṃ... mukhaṃ abhinisīdenti santhatassa asanthatassa, asanthatassa santhatassa, santhatassa santhatassa, asanthatassa asanthatassa. So ce pavesanaṃ sādīyati, pavīṭṭhaṃ sādīyati, ṭhitāṃ sādīyati, uddharaṇaṃ sādīyati, āpatti pārājikassa...pe... na sādīyati, anāpatti.

65. Bhikkhupaccatthikā bhikkhuṃ tiracchānagatapurisassa jāgarantassa... suttassa... mattassa... ummattassa... pamattassa... matassa akkhāyitassa... matassa yebhuyyena akkhāyitassa...pe... āpatti pārājikassa. Matassa yebhuyyena khāyitassa santike ānetvā āngajātena vaccamaggaṃ... mukhaṃ abhinisīdenti santhatassa asanthatassa, asanthatassa santhatassa, santhatassa santhatassa, asanthatassa asanthatassa. So ce pavesanaṃ sādīyati, pavīṭṭhaṃ sādīyati, ṭhitāṃ sādīyati, uddharaṇaṃ sādīyati, āpatti thullaccayassa...pe... na sādīyati, anāpatti.

Yathā bhikkhupaccatthikā vitthāritā, evaṃ vitthāretabbā.

Rājapaccatthikā... corapaccatthikā... dhuttapaccatthikā... uppaḷagandhapaccatthikā. Saṃkhittāṃ.

66. Maggena maggaṃ paveseti, āpatti pārājikassa. Maggena amaggaṃ paveseti, āpatti pārājikassa. Amaggena maggaṃ paveseti, āpatti pārājikassa. Amaggena amaggaṃ paveseti, āpatti thullaccayassa.

Bhikkhu suttabhikkhumhi vippaṭipajjati; paṭibuddho sādīyati, ubho nāsetabbā. Paṭibuddho na sādīyati, dūsako nāsetabbo. Bhikkhu suttasāmaṇeramhi vippaṭipajjati; paṭibuddho sādīyati, ubho nāsetabbā. Paṭibuddho na sādīyati, dūsako nāsetabbo. Sāmaṇero suttabhikkhumhi vippaṭipajjati; paṭibuddho sādīyati, ubho nāsetabbā. Paṭibuddho na sādīyati, dūsako nāsetabbo. Sāmaṇero suttasāmaṇeramhi vippaṭipajjati; paṭibuddho sādīyati, ubho nāsetabbā. Paṭibuddho na sādīyati, dūsako nāsetabbo.

Anāpatti ajānantassa, asādīyantassa, ummattakassa, khittacittassa, vedanāṭṭassa, ādikammikassāti.

Santhatabhāṇavāro niṭṭhito.

Vinītavatthuuddānagāthā

Makkaṭī vajjiputtā ca, gihī naggo ca titthiyā;
Dārikuppalavaṇṇā ca, byañjanehipare duve.

Mātā dhītā bhaginī ca, jāyā ca mudu lambinā;
Dve vaṇā lepaccitañca, dārudhītalikāya ca.

Sundarena saha pañca, pañca sivathikaṭṭhikā;
Nāgī yakkhī ca petī ca, paṇḍakopahato chupe.

Bhaddiye araham sutto, sāvattiyā caturo pare;
Vesāliyā tayo mālā, supine bhārukacchako.

Supabbā saddhā bhikkhunī, sikkhamānā sāmaṇerī ca;
Vesiyā paṇḍako gihī, aññamaññaṃ vuḍḍhapabbajito migoti.

Vinītavatthu

67. Tena kho pana samayena aññataro bhikkhu makkaṭṭiyā methunaṃ dhammaṃ paṭisevi. Tassa kukkucçaṃ ahosi – “bhagavatā sikkhāpadaṃ paññattaṃ, kacci nu kho ahaṃ pārājikaṃ āpattiṃ āpanno”ti? Bhagavato etamatthaṃ ārocesi. “Āpattiṃ tvam, bhikkhu, āpanno pārājika”nti.

Tena kho pana samayena sambahulā vesālikā vajjiputtakā bhikkhū sikkhaṃ apaccakkhāya dubbalyaṃ anāvikatvā methunaṃ dhammaṃ paṭiseviṃsu. Tesam kukkucçaṃ ahosi – “bhagavatā sikkhāpadaṃ paññattaṃ, kacci nu kho mayaṃ pārājikaṃ āpattiṃ āpannā”ti? Bhagavato etamatthaṃ ārocesuṃ. “Āpattiṃ tumhe, bhikkhave, āpannā pārājika”nti.

Tena kho pana samayena aññataro bhikkhu – ‘evaṃ me anāpatti bhavissatī’ti, gihilingena methunaṃ dhammaṃ paṭisevi. Tassa kukkucçaṃ ahosi “bhagavatā sikkhāpadaṃ paññattaṃ, kacci nu kho ahaṃ pārājikaṃ āpattiṃ āpanno”ti? Bhagavato etamatthaṃ ārocesi. “Āpattiṃ tvam, bhikkhu, āpanno pārājika”nti.

Tena kho pana samayena aññataro bhikkhu – ‘evaṃ me anāpatti bhavissatī’ti, naggo hutvā methunaṃ dhammaṃ paṭisevi. Tassa kukkucçaṃ ahosi...pe... “āpattiṃ tvam, bhikkhu, āpanno pārājika”nti.

Tena kho pana samayena aññataro bhikkhu – ‘evaṃ me anāpatti bhavissatī’ti, kusacīraṃ nivāsetvā... vākacīraṃ nivāsetvā... phalakacīraṃ nivāsetvā... kesakambalaṃ nivāsetvā... vālakambalaṃ nivāsetvā... ulūkapakkhikaṃ nivāsetvā... ajinakkhipaṃ nivāsetvā methunaṃ dhammaṃ paṭisevi. Tassa kukkucçaṃ ahosi...pe... “āpattiṃ tvam, bhikkhu, āpanno pārājika”nti.

Tena kho pana samayena aññataro piṇḍacāriko bhikkhu pīṭhake nīpannaṃ dārikaṃ passivā sāratto aṅguṭṭhaṃ aṅgajātaṃ pavesesi. Sā kalamakāsi. Tassa kukkucçaṃ ahosi...pe... “anāpatti, bhikkhu, pārājikassa. Āpatti saṅghādisesassā”ti.

68. Tena kho pana samayena aññataro māṇavako uppalavaṇṇāya bhikkhuniyā paṭibaddhacitto hoti. Atha kho so māṇavako uppalavaṇṇāya bhikkhuniyā gāmaṃ piṇḍāya pavitṭhāya kuṭikaṃ pavisitvā nilīno acchi. Uppalavaṇṇā bhikkhunī pacchābhattaṃ piṇḍapātaṭṭikkantā pāde pakkhāletvā kuṭikaṃ pavisitvā mañcake nisīdi. Atha kho so māṇavako uppalavaṇṇaṃ bhikkhuniṃ uggahetvā dūsesi. Uppalavaṇṇā bhikkhunī bhikkhunīnaṃ etamatthaṃ ārocesi. Bhikkhuniyo bhikkhūnaṃ etamatthaṃ ārocesuṃ. Bhikkhū bhagavato etamatthaṃ ārocesuṃ. “Anāpatti, bhikkhave, asādiyantiyā”ti.

69. Tena kho pana samayena aññatarassa bhikkhuno itthilingaṃ pātubhūtaṃ hoti. Bhagavato etamatthaṃ ārocesuṃ. “Anujānāmi, bhikkhave, taṃyeva upajjhaṃ tameva upasampadaṃ tāniyeva [tāni (sī. syā.)] vassāni bhikkhunīhi saṅgamituṃ [saṅkamituṃ (sī. syā.)]. Yā āpattiyo bhikkhūnaṃ bhikkhunīhi sādharmaṇā tā āpattiyo bhikkhūnaṃ santike vuṭṭhātuṃ. Yā āpattiyo bhikkhūnaṃ bhikkhunīhi asādharaṇā tāhi āpattīhi anāpattī”ti.

Tena kho pana samayena aññatarissā bhikkhuniyā purisalingaṃ pātubhūtaṃ hoti. Bhagavato etamatthaṃ ārocesuṃ. “Anujānāmi, bhikkhave, taṃyeva upajjhaṃ tameva upasampadaṃ tāniyeva [tāni (sī. syā.)] vassāni bhikkhūhi saṅgamituṃ [saṅkamituṃ (sī. syā.)]. Yā āpattiyo bhikkhūnaṃ bhikkhūhi

sādhāraṇā tā āpattiyo bhikkhūnaṃ santike vuṭṭhātuṃ. Yā āpattiyo bhikkhūnaṃ bhikkhūhi asādhāraṇā tāhi āpattihi anāpatti”ti.

70. Tena kho pana samayena aññataro bhikkhu – ‘evaṃ me anāpatti bhavissatī’ti, mātuyā methunaṃ dhammaṃ paṭisevi... dhītuyā methunaṃ dhammaṃ paṭisevi... bhaginiyā methunaṃ dhammaṃ paṭisevi... tassa kukkucçaṃ ahosi...pe... “āpattiṃ tvam, bhikkhu, āpanno pārājika”nti.

Tena kho pana samayena aññataro bhikkhu purāṇadutiyikāya methunaṃ dhammaṃ paṭisevi. Tassa kukkucçaṃ ahosi...pe... “āpattiṃ tvam, bhikkhu, āpanno pārājika”nti.

71. Tena kho pana samayena aññataro bhikkhu mudupiṭṭhiko hoti. So anabhiratiyā pīḷito attano aṅgajātaṃ mukhena aggahesi. Tassa kukkucçaṃ ahosi...pe... “āpattiṃ tvam, bhikkhu, āpanno pārājika”nti.

Tena kho pana samayena aññataro bhikkhu lambī hoti. So anabhiratiyā pīḷito attano aṅgajātaṃ attano vaccamaggaṃ pavesesi. Tassa kukkucçaṃ ahosi...pe... “āpattiṃ tvam, bhikkhu, āpanno pārājika”nti.

Tena kho pana samayena aññataro bhikkhu matasarīraṃ passi. Tasmiṅca sarīre aṅgajātasāmantā vaṇo hoti. So – ‘evaṃ me anāpatti bhavissatī’ti, aṅgajāte aṅgajātaṃ pavesetvā vaṇena nīhari. Tassa kukkucçaṃ ahosi...pe... “āpattiṃ tvam, bhikkhu, āpanno pārājika”nti.

Tena kho pana samayena aññataro bhikkhu matasarīraṃ passi. Tasmiṅca sarīre aṅgajātasāmantā vaṇo hoti. So – ‘evaṃ me anāpatti bhavissatī’ti, vaṇe aṅgajātaṃ pavesetvā aṅgajātena nīhari. Tassa kukkucçaṃ ahosi...pe... “āpattiṃ tvam, bhikkhu, āpanno pārājika”nti.

Tena kho pana samayena aññataro bhikkhu sāratto lepacittassa nimittaṃ aṅgajātena chupi. Tassa kukkucçaṃ ahosi...pe... “anāpatti, bhikkhu, pārājikassa. Āpatti dukkaṭassā”ti.

Tena kho pana samayena aññataro bhikkhu sāratto dārudhītalikāya nimittaṃ aṅgajātena chupi. Tassa kukkucçaṃ ahosi...pe... “anāpatti, bhikkhu, pārājikassa. Āpatti dukkaṭassā”ti.

72. Tena kho pana samayena sundaro nāma bhikkhu rājagahā pabbajito rathikāya [rathiyāya (ka.)] gacchati. Aññatarā itthī – ‘muhuttaṃ [itthī taṃ passitvā etadavoca muhuttaṃ (syā.)], bhante, āgamehi, vandissāmī’ti sā vandantī antaravāsakaṃ ukkhipitvā mukhena aṅgajātaṃ aggahesi. Tassa kukkucçaṃ ahosi...pe... “sādiyi tvam, bhikkhū”ti? “Nāhaṃ, bhagavā, sādiyi”nti. “Anāpatti, bhikkhu, asādiyantassā”ti.

Tena kho pana samayena aññatarā itthī bhikkhuṃ passitvā etadavoca – ‘ehi, bhante, methunaṃ dhammaṃ paṭisevā”ti. “Alaṃ, bhagini, netam kappatī”ti. “Ehi, bhante, ahaṃ vāyamissāmi, tvam mā vāyami, evaṃ te anāpatti bhavissatī”ti. So bhikkhu tathā akāsi. Tassa kukkucçaṃ ahosi...pe... “āpattiṃ tvam, bhikkhu, āpanno pārājika”nti.

Tena kho pana samayena aññatarā itthī bhikkhuṃ passitvā etadavoca – ‘ehi, bhante, methunaṃ dhammaṃ paṭisevā”ti. “Alaṃ, bhagini, netam kappatī”ti. “Ehi bhante, tvam vāyama, ahaṃ na vāyamissāmi, evaṃ te anāpatti bhavissatī”ti. So bhikkhu tathā akāsi. Tassa kukkucçaṃ ahosi...pe... “āpattiṃ tvam, bhikkhu, āpanno pārājika”nti.

Tena kho pana samayena aññatarā itthī bhikkhuṃ passitvā etadavoca – ‘ehi, bhante, methunaṃ dhammaṃ paṭisevā”ti. “Alaṃ, bhagini, netam kappatī”ti. “Ehi, bhante, abbhantaram ghaṭṭetvā bahi mocehi...pe... bahi ghaṭṭetvā abbhantaram mocehi, evaṃ te anāpatti bhavissatī”ti. So bhikkhu tathā

akāsi. Tassa kukkucçaṃ ahosi...pe... “āpattiṃ tvam, bhikkhu, āpanno pārājika”nti.

73. Tena kho pana samayena aññataro bhikkhu sivathikaṃ gantvā akkhāyitaṃ sarīraṃ passitvā tasmīṃ methunaṃ dhammaṃ paṭisevi. Tassa kukkucçaṃ ahosi...pe... “āpattiṃ tvam, bhikkhu, āpanno pārājika”nti.

Tena kho pana samayena aññataro bhikkhu sivathikaṃ gantvā yebhuyyena akkhāyitaṃ sarīraṃ passitvā tasmīṃ methunaṃ dhammaṃ paṭisevi. Tassa kukkucçaṃ ahosi...pe... “āpattiṃ tvam, bhikkhu, āpanno pārājika”nti.

Tena kho pana samayena aññataro bhikkhu sivathikaṃ gantvā yebhuyyena khāyitaṃ sarīraṃ passitvā tasmīṃ methunaṃ dhammaṃ paṭisevi. Tassa kukkucçaṃ ahosi...pe... “anāpatti, bhikkhu, pārājikassa. Āpatti thullaccayassā”ti.

Tena kho pana samayena aññataro bhikkhu sivathikaṃ gantvā chinnaśīsaṃ passitvā vaṭṭakate mukhe chupantaṃ aṅgajātaṃ pavesesi. Tassa kukkucçaṃ ahosi...pe... “āpattiṃ tvam, bhikkhu, āpanno pārājika”nti.

Tena kho pana samayena aññataro bhikkhu sivathikaṃ gantvā chinnaśīsaṃ passitvā vaṭṭakate mukhe acchupantaṃ aṅgajātaṃ pavesesi. Tassa kukkucçaṃ ahosi...pe... “anāpatti, bhikkhu, pārājikassa. Āpatti dukkaṭassā”ti.

Tena kho pana samayena aññataro bhikkhu aññatarissā itthiyā paṭibaddhacitto hoti. Sā kālaṅkatā [kālakatā (sī. syā.)] susāne chaḍḍitā. Aṭṭhikāni vippakiṇṇāni honti. Atha kho so bhikkhu sivathikaṃ gantvā aṭṭhikāni saṅkaḍḍhitvā nimitte aṅgajātaṃ paṭipādesi. Tassa kukkucçaṃ ahosi...pe... “anāpatti, bhikkhu, pārājikassa. Āpatti dukkaṭassā”ti.

Tena kho pana samayena aññataro bhikkhu nāgiyā methunaṃ dhammaṃ paṭisevi... yakkhiniyā methunaṃ dhammaṃ paṭisevi... petiyā methunaṃ dhammaṃ paṭisevi ... paṇḍakassa methunaṃ dhammaṃ paṭisevi. Tassa kukkucçaṃ ahosi...pe... “āpattiṃ tvam, bhikkhu, āpanno pārājika”nti.

Tena kho pana samayena aññataro bhikkhu upahatindriyo hoti. So – ‘nāhaṃ vediyāmi [vedayāmi (ka.)] sukhaṃ vā dukkhaṃ vā, anāpatti me bhavissati”ti, methunaṃ dhammaṃ paṭisevi. Bhagavato etamatthaṃ ārocesuṃ. “Vedayi vā so, bhikkhave, moghapuriso na vā vedayi, āpatti pārājikassa”ti.

Tena kho pana samayena aññataro bhikkhu – ‘itthiyā methunaṃ dhammaṃ paṭisevissāmī”ti, chupitamatte vippaṭisārī ahosi. Tassa kukkucçaṃ ahosi...pe... “anāpatti, bhikkhu, pārājikassa. Āpatti saṅghādisassā”ti.

74. Tena kho pana samayena aññataro bhikkhu bhaddiye jātiyāvane divāvihāragato nipanno hoti. Tassa aṅgamaṅgāni vātūpatthaddhāni honti. Aññatarā itthī passitvā aṅgajāte abhinisīditvā yāvadatthaṃ katvā pakkāmi. Bhikkhū kilinnaṃ passitvā bhagavato etamatthaṃ ārocesuṃ. “Pañcahi, bhikkhave, ākārehi aṅgajātaṃ kammaniyāṃ hoti – rāgena, vaccena, passāvena, vātena, uccāliṅgapāṇakadaṭṭhena. Imehi kho, bhikkhave, pañcahākārehi aṅgajātaṃ kammaniyāṃ hoti. Aṭṭhānametaṃ, bhikkhave, anavakāso yaṃ tassa bhikkhuno rāgena aṅgajātaṃ kammaniyāṃ assa. Arahaṃ so, bhikkhave, bhikkhu. Anāpatti, bhikkhave, tassa bhikkhuno”ti.

Tena kho pana samayena aññataro bhikkhu sāvatthiyā andhavane divāvihāragato nipanno hoti. Aññatarā gopālikā passitvā aṅgajāte abhinisīdi. So bhikkhu pavesanaṃ sādiyi, pavitṭhaṃ sādiyi, ṭhitaṃ sādiyi, uddharaṇaṃ sādiyi. Tassa kukkucçaṃ ahosi...pe... “āpattiṃ tvam, bhikkhu, āpanno pārājika”nti.

Tena kho pana samayena aññataro bhikkhu sāvattthiyā andhavane divāvihāragato nipanno hoti. Aññatarā ajapālīkā passitvā... aññatarā kaṭṭhahārikā passitvā... aññatarā gomayahārikā passitvā aṅgajāte abhinisīdi. So bhikkhu pavesanaṃ sādiyi, pavitṭhaṃ sādiyi, ṭhitāṃ sādiyi, uddharaṇaṃ sādiyi. Tassa kukkucçaṃ ahosi...pe... “āpattim tvam, bhikkhu, āpanno pārājika”nti.

75. Tena kho pana samayena aññataro bhikkhu vesāliyaṃ mahāvane divāvihāragato nipanno hoti. Aññatarā itthī passitvā aṅgajāte abhinisīditvā yāvadatthaṃ katvā sāmantā hasamānā ṭhitā hoti. So bhikkhu paṭibujjhivā taṃ itthim etadavoca – “tuyhidaṃ kamma”nti? “Āma, mayhaṃ kamma”nti. Tassa kukkucçaṃ ahosi...pe... “sādiyi tvam, bhikkhū”ti? “Nāhaṃ, bhagavā, jānāmi”ti. “Anāpatti, bhikkhu, aṅānantassā”ti.

76. Tena kho pana samayena aññataro bhikkhu vesāliyaṃ mahāvane divāvihāragato rukkhaṃ apassāya nipanno hoti. Aññatarā itthī passitvā aṅgajāte abhinisīdi. So bhikkhu sahasā vuṭṭhāsī. Tassa kukkucçaṃ ahosi...pe... “sādiyi tvam, bhikkhū”ti? “Nāhaṃ, bhagavā, sādiyi”nti. “Anāpatti, bhikkhu, asādiyantassā”ti.

Tena kho pana samayena aññataro bhikkhu vesāliyaṃ mahāvane divāvihāragato rukkhaṃ apassāya nipanno hoti. Aññatarā itthī passitvā aṅgajāte abhinisīdi. So bhikkhu akkamitvā pavattesi [pavattesi (sī. syā.)]. Tassa kukkucçaṃ ahosi...pe... “sādiyi tvam, bhikkhū”ti? “Nāhaṃ, bhagavā, sādiyi”nti. “Anāpatti, bhikkhu, asādiyantassā”ti.

77. Tena kho pana samayena aññataro bhikkhu vesāliyaṃ mahāvane kūtāgārasālāyaṃ divāvihāragato dvāraṃ vivaritvā nipanno hoti. Tassa aṅgamaṅgāni vātūpatthaddhāni honti. Tena kho pana samayena sambahulā itthiyo gandhañca mālañca ādāya ārāmaṃ āgamaṃsu vihārapekkhikāyo. Atha kho tā itthiyo taṃ bhikkhuṃ passitvā aṅgajāte abhinisīditvā yāvadatthaṃ katvā, purisūsabho vatāyanti vatvā gandhañca mālañca āropetvā pakkamimsu. Bhikkhū kilinnaṃ passitvā bhagavato etamatthaṃ ārocesuṃ. “Pañcahi, bhikkhave, ākārehi aṅgajātaṃ kammaniyaṃ hoti – rāgena, vaccena, passāvena, vātena, uccāliṅgapāṇakadaṭṭhena. Imehi kho, bhikkhave, pañcahākārehi aṅgajātaṃ kammaniyaṃ hoti. Atṭhānametaṃ, bhikkhave, anavakāso, yaṃ tassa bhikkhuno rāgena aṅgajātaṃ kammaniyaṃ assa. Arahaṃ so, bhikkhave, bhikkhu. Anāpatti, bhikkhave, tassa bhikkhuno. Anujānāmi, bhikkhave, divā paṭisalliyantena dvāraṃ saṃvaritvā paṭisalliyitu”nti.

78. Tena kho pana samayena aññataro bhārukacchako bhikkhu supinante [supinante (sī. syā.)] purānadutiyaikāya methunaṃ dhammaṃ paṭisevitvā – ‘assamaṇo ahaṃ, vibbhamissāmi’ti, bhārukacchaṃ gacchanto antarāmagge āyasmantaṃ upāliṃ passitvā etamatthaṃ ārocesi. Āyasmā upāli evamāha – “anāpatti, āvuso, supinanteṇā”ti.

Tena kho pana samayena rājagahe supabbā nāma upāsikā mudhappasannā [muddhappasannā (sī.)] hoti. Sā evaṃdiṭṭhikā hoti – “yā methunaṃ dhammaṃ deti sā aggadānaṃ deti”ti. Sā bhikkhuṃ passitvā etadavoca – “ehi, bhante, methunaṃ dhammaṃ paṭisevā”ti. “Alaṃ, bhagini, netam kappati”ti. “Ehi, bhante, ūruntarikāya [ūruntarikāya (sī.)] ghaṭṭehi, evaṃ te anāpatti bhavissati”ti...pe... ehi, bhante, nābhiyaṃ ghaṭṭehi... ehi, bhante, udaravattiyaṃ ghaṭṭehi... ehi, bhante, upakacchake ghaṭṭehi... ehi, bhante, gīvāyaṃ ghaṭṭehi... ehi, bhante, kaṇṇacchidde ghaṭṭehi... ehi, bhante, kesavattiyaṃ ghaṭṭehi... ehi, bhante, aṅgulantarikāya ghaṭṭehi... “ehi, bhante, hatthena upakkamitvā mocessāmi, evaṃ te anāpatti bhavissati”ti. So bhikkhu tathā akāsi. Tassa kukkucçaṃ ahosi...pe... “anāpatti, bhikkhu, pārājikassa. Āpatti saṅghādisesassā”ti.

79. Tena kho pana samayena sāvattthiyaṃ saddhā nāma upāsikā mudhappasannā hoti. Sā evaṃdiṭṭhikā hoti – “yā methunaṃ dhammaṃ deti sā aggadānaṃ deti”ti. Sā bhikkhuṃ passitvā etadavoca – “ehi, bhante, methunaṃ dhammaṃ paṭisevā”ti. “Alaṃ, bhagini, netam kappati”ti. “Ehi, bhante, ūruntarikāya ghaṭṭehi...pe... ehi, bhante, hatthena upakkamitvā mocessāmi, evaṃ te anāpatti

bhavissatī’’ti. So bhikkhu tathā akāsi. Tassa kukkucçaṃ ahosi...pe... ‘‘anāpatti, bhikkhu, pārājikassa. Āpatti saṅghādisesassā’’ti.

80. Tena kho pana samayena vesāliyaṃ licchavikumārakā bhikkhuṃ gahetvā bhikkhuniyā vippaṭipādesuṃ... sikkhamānāya vippaṭipādesuṃ... sāmaṇeriyā vippaṭipādesuṃ. Ubho sādiiṃsu. Ubho nāsetabbā. Ubho na sādiiṃsu. Ubhinnaṃ anāpatti.

81. Tena kho pana samayena vesāliyaṃ licchavikumārakā bhikkhuṃ gahetvā vesiyā vippaṭipādesuṃ... paṇḍake vippaṭipādesuṃ... gihiniyā vippaṭipādesuṃ. Bhikkhu sādii. Bhikkhu nāsetabbo. Bhikkhu na sādii. Bhikkhussa anāpatti.

Tena kho pana samayena vesāliyaṃ licchavikumārakā bhikkhū gahetvā aññamaññaṃ vippaṭipādesuṃ. Ubho sādiiṃsu. Ubho nāsetabbā. Ubho na sādiiṃsu. Ubhinnaṃ anāpatti.

82. Tena kho pana samayena aññataro vuḍḍhapabbajito bhikkhu purāṇadutiyaikāya dassanaṃ agamāsi. Sā – ‘ehi, bhante, vibbhamā’’ti aggahesi. So bhikkhu paṭikkamanto uttāno paripati. Sā ubbhajitvā [ubbhujitvā (sī. syā.)] aṅgajāte [aṅgajātena (sī.)] abhinisīdi. Tassa kukkucçaṃ ahosi ...pe... ‘‘sādiiyi tvaṃ, bhikkhū’’ti? ‘‘Nāhaṃ, bhagavā, sādiiyi’’nti. ‘‘Anāpatti, bhikkhu, asādiiyantassā’’ti.

83. Tena kho pana samayena aññataro bhikkhu araññe viharati. Migapotako tassa passāvaṭṭhānaṃ āgantvā passāvaṃ pivanto mukhena aṅgajātaṃ aggahesi. So bhikkhu sādii. Tassa kukkucçaṃ ahosi... pe... ‘‘āpattiṃ tvaṃ, bhikkhu, āpanno pārājika’’nti.

Paṭhamapārājikaṃ samattaṃ.

2. Dutiyapārājikaṃ

84. Tena samayena buddho bhagavā rājagahe viharati gijjhakūṭe pabbate. Tena kho pana samayena sambahulā sandiṭṭhā sambhattā bhikkhū isigilipasse tiṇakuṭiyo karitvā vassaṃ upagacchiṃsu. Āyasmāpi dhaniyo kumbhakāraputto tiṇakuṭikaṃ karitvā vassaṃ upagacchi. Atha kho te bhikkhū vassaṃvuṭṭhā temāsaccayena tiṇakuṭiyo bhinditvā tiṇaṅca kaṭṭhaṅca paṭisāmetvā janapadacārikaṃ pakkamiṃsu. Āyasmā pana dhaniyo kumbhakāraputto tattheva vassaṃ vasi, tattha hemantaṃ, tattha gimhaṃ. Atha kho āyasmato dhaniyassa kumbhakāraputtassa gāmaṃ piṇḍāya pavitṭhassa tiṇahāriyo kaṭṭhahāriyo tiṇakuṭikaṃ bhinditvā tiṇaṅca kaṭṭhaṅca ādāya agamaṃsu. Dutiyampi kho āyasmā dhaniyo kumbhakāraputto tiṇaṅca kaṭṭhaṅca saṃkaḍḍhitvā tiṇakuṭikaṃ akāsi. Dutiyampi kho āyasmato dhaniyassa kumbhakāraputtassa gāmaṃ piṇḍāya pavitṭhassa tiṇahāriyo kaṭṭhahāriyo tiṇakuṭikaṃ bhinditvā tiṇaṅca kaṭṭhaṅca ādāya agamaṃsu. Tatiyampi kho āyasmā dhaniyo kumbhakāraputto tiṇaṅca kaṭṭhaṅca saṃkaḍḍhitvā tiṇakuṭikaṃ akāsi. Tatiyampi kho āyasmato dhaniyassa kumbhakāraputtassa gāmaṃ piṇḍāya pavitṭhassa tiṇahāriyo kaṭṭhahāriyo tiṇakuṭikaṃ bhinditvā tiṇaṅca kaṭṭhaṅca ādāya agamaṃsu.

Atha kho āyasmato dhaniyassa kumbhakāraputtassa etadahosi – ‘‘yāvataṭṭhānaṃ kho me gāmaṃ piṇḍāya pavitṭhassa tiṇahāriyo kaṭṭhahāriyo tiṇakuṭikaṃ bhinditvā tiṇaṅca kaṭṭhaṅca ādāya agamaṃsu. Ahaṃ kho pana susikkhito anavayo sake ācariyake kumbhakārakamme pariyodātasippo. Yaṃnūnāhaṃ sāmaṃ cikkhallaṃ madditvā sabbamattikāmayāṃ kuṭikaṃ kareyya’’nti! Atha kho āyasmā dhaniyo kumbhakāraputto sāmaṃ cikkhallaṃ madditvā sabbamattikāmayāṃ kuṭikaṃ karitvā tiṇaṅca kaṭṭhaṅca gomayaṅca saṃkaḍḍhitvā taṃ kuṭikaṃ paci. Sā ahosi kuṭikā abhirūpā dassaniyā pāsādikā lohitikā [lohitakā (syā.)], seyyathāpi indagopako. Seyyathāpi nāma kiṅkaṇikasaddo [kiṅkaṇikasaddo (sī. syā.)] evamevaṃ tassā kuṭikāya saddo ahosi.

85. Atha kho bhagavā sambahulehi bhikkhūhi saddhiṃ gijjhakūṭā pabbatā orhanto addasa taṃ

kuṭīkaṃ abhirūpaṃ dassanīyaṃ pāsādikāṃ lohitaṃ. Disvāna bhikkhū āmantesi – “kiṃ etaṃ, bhikkhave, abhirūpaṃ dassanīyaṃ pāsādikāṃ lohitaṃ, seyyathāpi indagopako”ti? Atha kho te bhikkhū bhagavato etamatthaṃ ārocesuṃ. Vigarahi buddho bhagavā – “ananucchavikaṃ, bhikkhave, tassa moghapurisassa ananulomikaṃ appatirūpaṃ assāmaṇakaṃ akappiyaṃ akaraṇīyaṃ. Kathañhi nāma so, bhikkhave, moghapuriso sabbamattikāmayā kuṭīkaṃ karissati! Na hi nāma, bhikkhave, tassa moghapurisassa paṇesu anuddayā anukampā avihesā bhavissati! Gacchathetaṃ, bhikkhave, kuṭīkaṃ bhindatha. Mā pacchimā janatā paṇesu pātabyataṃ āpajji. Na ca, bhikkhave, sabbamattikāmayā kuṭīkā kātābbā. Yo kareyya, āpatti dukkaṭassā”ti. “Evaṃ, bhante”ti, kho te bhikkhū bhagavato paṭissuṇitvā yena sā kuṭīkā tenupasaṅkamiṃsu; upasaṅkamitvā taṃ kuṭīkaṃ bhindimṃsu. Atha kho āyasmā dhaniyo kumbhakāraputto te bhikkhū etadavoca – “kissa me tumhe, āvuso, kuṭīkaṃ bhindathā”ti? “Bhagavā, āvuso, bhedāpetī”ti. “Bhindathāvuso, sace dhammassāmī bhedāpetī”ti.

86. Atha kho āyasmato dhaniyassa kumbhakāraputtassa etadahosi – “yāvattiyakaṃ kho me gāmaṃ piṇḍāya pavitṭhassa tiṇahāriyo kaṭṭhahāriyo tiṇakuṭīkaṃ bhinditvā tiṇañca kaṭṭhañca ādāya agamaṃsu. Yāpi mayā sabbamattikāmayā kuṭīkā katā sāpi bhagavatā bhedāpitā. Atthi ca me dārugahe gaṇako sandiṭṭho. Yaṃnūnāhaṃ dārugahe gaṇakaṃ dārūni yācitvā dārukuṭīkaṃ kareyya”nti. Atha kho āyasmā dhaniyo kumbhakāraputto yena dārugahe gaṇako tenupasaṅkami; upasaṅkamitvā dārugahe gaṇakaṃ etadavoca – “yāvattiyakaṃ kho me, āvuso, gāmaṃ piṇḍāya pavitṭhassa tiṇahāriyo kaṭṭhahāriyo tiṇakuṭīkaṃ bhinditvā tiṇañca kaṭṭhañca ādāya agamaṃsu. Yāpi mayā sabbamattikāmayā kuṭīkā katā sāpi bhagavatā bhedāpitā. Dehi me, āvuso, dārūni. Icchāmi dārukuṭīkaṃ [dārukuḍḍikaṃ kuṭīkaṃ (sī.)] kātu”nti. “Natthi, bhante, tādisāni dārūni yānāhaṃ ayyassa dadeyyaṃ. Atthi, bhante, devagahadārūni nagarapaṭisaṅkhārikāni āpadatthāya nikkhittāni. Sace tāni dārūni rājā dāpeti harāpetha, bhante”ti. “Dinnāni, āvuso, raññā”ti. Atha kho dārugahe gaṇakassa etadahosi – “ime kho samaṇā sakyaputtiyā dhammacārino samacārino [sammacārino (ka.)] brahmacārino saccavādino sīlavanto kalyāṇadhammā. Rājāpimesaṃ abhippasanno. Nārahatī adinnaṃ dinnanti vattu”nti. Atha kho dārugahe gaṇako āyasmantaṃ dhaniyaṃ kumbhakāraputtaṃ etadavoca – “harāpetha, bhante”ti. Atha kho āyasmā dhaniyo kumbhakāraputto tāni dārūni khaṇḍākhaṇḍikaṃ chedāpetvā sakaṭehi nibbāhāpetvā dārukuṭīkaṃ akāsi.

87. Atha kho vassakāro brāhmaṇo magadhamahāmatto rājagahe kammante anusaññāyamāno yena dārugahe gaṇako tenupasaṅkami; upasaṅkamitvā dārugahe gaṇakaṃ etadavoca – “yāni tāni, bhāṇe, devagahadārūni nagarapaṭisaṅkhārikāni āpadatthāya nikkhittāni kahaṃ tāni dārūni”ti? “Tāni, sāmi, dārūni devena ayyassa dhaniyassa kumbhakāraputtassa dinnāni”ti. Atha kho vassakāro brāhmaṇo magadhamahāmatto anattamano ahosi – “kathañhi nāma devo devagahadārūni nagarapaṭisaṅkhārikāni āpadatthāya nikkhittāni dhaniyassa kumbhakāraputtassa dassatī”ti! Atha kho vassakāro brāhmaṇo magadhamahāmatto yena rājā māgadho seniyo bimbisāro tenupasaṅkami; upasaṅkamitvā rājānaṃ māgadhaṃ seniyaṃ bimbisāraṃ etadavoca – “saccaṃ kira, devena [saccaṃ kira deva devena (sī.)] devagahadārūni nagarapaṭisaṅkhārikāni āpadatthāya nikkhittāni dhaniyassa kumbhakāraputtassa dinnāni”ti? “Ko evamāhā”ti? “Dārugahe gaṇako, devā”ti. “Tena hi, brāhmaṇa, dārugahe gaṇakaṃ āṇāpehi”ti. Atha kho vassakāro brāhmaṇo magadhamahāmatto dārugahe gaṇakaṃ bandhaṃ [baddhaṃ (sī.)] āṇāpesi. Addasa kho āyasmā dhaniyo kumbhakāraputto dārugahe gaṇakaṃ bandhaṃ niyyamānaṃ. Disvāna dārugahe gaṇakaṃ etadavoca – “kissa tvamaṃ, āvuso, bandho niyyāsī”ti? “Tesaṃ, bhante, dārūnaṃ kiccā”ti. “Gacchāvuso, ahampi āgacchāmi”ti. “Eyyāsi, bhante, purāhaṃ haññāmi”ti.

88. Atha kho āyasmā dhaniyo kumbhakāraputto yena rañño māgadhaṃ seniyassa bimbisārassa nivesanaṃ tenupasaṅkami; upasaṅkamitvā paññatte āsane nisīdi. Atha kho rājā māgadho seniyo bimbisāro yenāyasmā dhaniyo kumbhakāraputto tenupasaṅkami; upasaṅkamitvā āyasmantaṃ dhaniyaṃ kumbhakāraputtaṃ abhivādetvā ekamantaṃ nisīdi. Ekamantaṃ nisinna kho rājā māgadho seniyo bimbisāro āyasmantaṃ dhaniyaṃ kumbhakāraputtaṃ etadavoca – “saccaṃ kira mayā, bhante, devagahadārūni nagarapaṭisaṅkhārikāni āpadatthāya nikkhittāni ayyassa dinnāni”ti? “Evaṃ, mahārājā”ti. “Mayaṃ kho, bhante, rājāno nāma bahukiccā bahukaraṇīyā, datvāpi na sareyyāma; iṅha,

bhante, sarāpehī”ti. “Sarasi tvam, mahārāja, paṭhamābhisitto evarūpiṃ vācam bhāsītā – “dinnaññeva samaṇabrāhmaṇaṃ tiṇakatṭhodakam paribhuñjantū”ti. “Sarāmaham, bhante. Santi, bhante, samaṇabrāhmaṇā lajjino kukkucakā sikkhākāmā. Tesam appamattakepi kukkucam uppajjati. Tesam mayā sandhāya bhāsitaṃ, tañca kho araññe apariggahitaṃ. So tvam, bhante, tena lesena dārūni adinnaṃ harituṃ maññasi! Kathañhi nāma mādiso samaṇaṃ vā brāhmaṇaṃ vā vijite vasantaṃ haneyya vā bandheyya vā pabbājeyya vā! Gaccha, bhante, lomena tvam muttosi. Māssu punapi evarūpaṃ akāsī”ti. Manussā ujjhāyanti khiyyanti vipācenti – “alajjino ime samaṇā sakyaputtiyā dussilā musāvādino. Ime hi nāma dhammacārino samacārino brāhmacārino saccavādino silavanto kalyāṇadhammā paṭijānissanti! Natthi imesaṃ sāmāññaṃ, natthi imesaṃ brahmaññaṃ. Naṭṭham imesaṃ sāmāññaṃ, naṭṭham imesaṃ brahmaññaṃ. Kuto imesaṃ sāmāññaṃ, kuto imesaṃ brahmaññaṃ! Apagatā ime sāmāñña, apagatā ime brahmañña. Rājānampi ime vañcenti, kiṃ panaññe manusse”ti! Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā santutṭhā lajjino kukkucakā sikkhākāmā te ujjhāyanti khiyyanti vipācenti – “kathañhi nāma āyasmā dhaniyo kumbhakāraputto rañño dārūni adinnaṃ ādiyissati”ti! Atha kho te bhikkhū āyasmantaṃ dhaniyaṃ kumbhakāraputtaṃ anekapariyāyena vīgarahitvā bhagavato etamatthaṃ ārocesum. Atha kho bhagavā etasmim nidāne etasmim pakaraṇe bhikkhusaṅghaṃ sannipātāpetvā āyasmantaṃ dhaniyaṃ kumbhakāraputtaṃ paṭipucchi – “saccaṃ kira tvam, dhaniya, rañño dārūni adinnaṃ ādiyī”ti? “Saccaṃ, bhagavā”ti. Vīgarahi buddho bhagavā – “ananucchavikaṃ, moghapurisa, ananulomikaṃ appatirūpaṃ assāmaṇakaṃ akappiyaṃ akaraṇīyaṃ. Kathañhi nāma tvam, moghapurisa, rañño dārūni adinnaṃ ādiyissasi! Netam, moghapurisa, appasannānaṃ vā pasādāya pasannānaṃ vā bhīyyobhāvāya; athakhvetam, moghapurisa, appasannānañceva appasādāya pasannānañca ekaccānaṃ aññathattāyā”ti.

Tena kho pana samayena aññataro purāṇavohāriko mahāmatto bhikkhūsu pabbajito bhagavato avidūre nisinno hoti. Atha kho bhagavā taṃ bhikkhuṃ etadavoca – “kittakena kho bhikkhu rājā māgadho seniyo bimbisāro coraṃ gahetvā hanati vā bandhati vā pabbājeti vā”ti? “Pādena vā, bhagavā, pādārahena vā”ti [pādārahena vā atirekapādenavāti (syā.)]. Tena kho pana samayena rājagahe pañcamāsako pādo hoti. Atha kho bhagavā āyasmantaṃ dhaniyaṃ kumbhakāraputtaṃ anekapariyāyena vīgarahitvā dubbharatāya...pe... evañca pana, bhikkhave, imaṃ sikkhāpadaṃ uddiseyyātha –

89. “Yo pana bhikkhu adinnaṃ theyyasaṅkhātaṃ ādiyeyya, yathārūpe adinnādāne rājāno coraṃ gahetvā haneyyum vā bandheyyum vā pabbājeyyum vā – ‘corosi bālosi mūlhosī thenosī’ti, tathārūpaṃ bhikkhu adinnaṃ ādiyamāno ayampi pārājiko hoti asaṃvāso”ti.

Evañcidam bhagavatā bhikkhūnaṃ sikkhāpadaṃ paññattaṃ hoti.

90. Tena kho pana samayena chabbaggiyā bhikkhū rajakattharaṇaṃ gantvā rajakabhaṇḍikaṃ avaharivā ārāmaṃ haritvā bhājesum. Bhikkhū evamāhaṃsu – “mahāpuññattha tumhe, āvuso. Bahuṃ tumhākaṃ cīvaraṃ uppanna”nti. “Kuto āvuso, amhākaṃ puññaṃ, idāni mayaṃ rajakattharaṇaṃ gantvā rajakabhaṇḍikaṃ avaharimhā”ti. “Nanu, āvuso, bhagavatā sikkhāpadaṃ paññattaṃ. Kissa tumhe, āvuso, rajakabhaṇḍikaṃ avaharitthā”ti? “Saccaṃ, āvuso, bhagavatā sikkhāpadaṃ paññattaṃ. Tañca kho gāme, no araññe”ti. “Nanu, āvuso, tathetvam hoti. Ananucchavikaṃ, āvuso, ananulomikaṃ appatirūpaṃ assāmaṇakaṃ akappiyaṃ akaraṇīyaṃ. Kathañhi nāma tumhe, āvuso, rajakabhaṇḍikaṃ avaharissatha! Netam, āvuso, appasannānaṃ vā pasādāya pasannānaṃ vā bhīyyobhāvāya; athakhvetam, āvuso, appasannānañceva appasādāya pasannānañca ekaccānaṃ aññathattāyā”ti. Atha kho te bhikkhū chabbaggiye bhikkhū anekapariyāyena vīgarahitvā bhagavato etamatthaṃ ārocesum. Atha kho bhagavā etasmim nidāne etasmim pakaraṇe bhikkhusaṅghaṃ sannipātāpetvā chabbaggiye bhikkhū paṭipucchi – “saccaṃ kira tumhe, bhikkhave, rajakattharaṇaṃ gantvā rajakabhaṇḍikaṃ avaharitthā”ti? “Saccaṃ, bhagavā”ti. Vīgarahi buddho bhagavā – “ananucchavikaṃ, moghapurisa, ananulomikaṃ appatirūpaṃ assāmaṇakaṃ akappiyaṃ akaraṇīyaṃ. Kathañhi nāma tumhe, moghapurisa, rajakabhaṇḍikaṃ avaharissatha! Netam, moghapurisa, appasannānaṃ vā pasādāya pasannānaṃ vā bhīyyobhāvāya; atha

khvetam, moghapurisā, appasannānañceva appasādāya pasannānañca ekaccānaṃ aññathattāyā’’ti. Atha kho bhagavā chabbaggiye bhikkhū anekapariyāyena vigarahitvā dubbharatāya...pe... vīriyārambassa vaṇṇaṃ bhāsivā bhikkhūnaṃ tadanucchavikaṃ tadanulomikaṃ dhammiṃ kathaṃ katvā bhikkhū āmantesi...pe... ‘‘evañca pana, bhikkhave, imaṃ sikkhāpadaṃ uddiseyyātha –

91. ‘‘Yo pana bhikkhu gāmā vā araññā vā adinnaṃ theyyasaṅkhātāṃ ādiyeyya, yathārūpe adinnādāne rājāno coraṃ gahetvā haneyyūṃ vā bandheyyūṃ vā pabbājeyyūṃ vā – ‘corosi bālosi mūlhosi thenosī’’ti, tathārūpaṃ bhikkhu adinnaṃ ādiyamāno ayampi pārājiko hoti asaṃvāso’’ti.

92. Yo panāti yo yādiso...pe... **bhikkhūti**...pe... ayaṃ imasmiṃ atthe adhippeto bhikkhūti.

Gāmo nāma ekakuṭīkopi gāmo, dvikuṭīkopi gāmo, tikuṭīkopi gāmo, catukuṭīkopi gāmo, samanussopi gāmo, amanussopi gāmo, parikkhittopi gāmo, aparikkhittopi gāmo, gonisādinivīṭṭhopi gāmo, yopi sattho atirekacatumāsanivīṭṭho sopi vuccati gāmo.

Gāmūpacāro nāma parikkhittassa gāmassa indakhīle [[indakhile \(ka.\)](#)] ṭhitassa majjhimassa purisassa leḍḍupāto, aparikkhittassa gāmassa gharūpacāre ṭhitassa majjhimassa purisassa leḍḍupāto.

Araññaṃ nāma ṭhapetvā gāmañca gāmūpacārañca avasesaṃ araññaṃ nāma.

Adinnaṃ nāmaṃ yaṃ adinnaṃ anissatṭhaṃ apariccattaṃ rakkhitaṃ gopitaṃ mamāyitaṃ parapariggahitaṃ. Etaṃ adinnaṃ nāma.

Theyyasaṅkhātanti theyyacitto avaharaṇacitto.

Ādiyeyyāti ādiyeyya hareyya avahareyya iriyāpathaṃ vikoṭṭeyya ṭhānā cāveyya saṅketāṃ vītināmeyya.

Yathārūpaṃ nāma pādaṃ vā pādārahaṃ vā atirekapādaṃ vā.

Rājāno nāma pathabyārājā padesarājā maṇḍalikā antarabhogikā akkhadassā mahāmattā, ye vā pana chejjabhejjaṃ karontā anusāsanti. Ete rājāno nāma.

Coro nāma yo pañcamāsakaṃ vā atirekapañcamāsakaṃ vā agghanakaṃ adinnaṃ theyyasaṅkhātāṃ ādiyati. Eso coro nāma.

Haneyyūṃ vāti hatthena vā pādena vā kasāya vā vettena vā aḍḍhadanḍakena vā chejjāya vā haneyyūṃ.

Bandheyyūṃ vāti rajjubandhanena vā andubandhanena vā saṅkhalikabandhanena vā gharabandhanena vā nagarabandhanena vā gāmabandhanena vā nigamabandhanena vā bandheyyūṃ, purisaguttiṃ vā kareyyūṃ.

Pabbājeyyūṃ vāti gāmā vā nigamā vā nagarā vā janapadā vā janapadapadesā vā pabbājeyyūṃ.

Corosi bālosi mūlhosi thenosīti paribhāso eso.

Tathārūpaṃ nāma pādaṃ vā pādārahaṃ vā atirekapādaṃ vā.

Ādiyamānoti ādiyamāno haramāno avaharamāno iriyāpathaṃ vikopayamāno ṭhānā cāvayamāno

sanketaṃ vītināmayamāno.

Ayampīti purimaṃ upādāya vuccati.

Pārājiko hotīti seyyathāpi nāma paṇḍupalāso bandhanā pavutto [haritattāya (sī. syā.)] abhabbo haritattāya [haritattāya (sī. syā.)], evameva bhikkhu pādaṃ vā pādārahaṃ vā atirekapādaṃ vā adinnaṃ theyyasaṅkhātaṃ ādiyitvā assamaṇo hoti asakyaputtiyo. Tena vuccati – ‘pārājiko hotī’ti.

Asaṃvāsoti saṃvāso nāma ekakammaṃ ekuddeso samasikkhatā. Eso saṃvāso nāma. So tena saddhim natthi. Tena vuccati – ‘asaṃvāso’ti.

93. Bhūmaṭṭhaṃ thalaṭṭhaṃ ākāsaṭṭhaṃ vehāsaṭṭhaṃ udakaṭṭhaṃ nāvaṭṭhaṃ yānaṭṭhaṃ bhāraṭṭhaṃ ārāmaṭṭhaṃ vihāraṭṭhaṃ khettaṭṭhaṃ vatthuṭṭhaṃ gāmaṭṭhaṃ araṇṇaṭṭhaṃ udakaṃ dantaponaṃ [dantaponaṃ (sī. ka.)] vanappati haraṇakaṃ upanidhi suṅkaghātaṃ pāṇo apadaṃ dvipadaṃ catuppadaṃ bahuppadaṃ ocarako oṇirakkho saṃvidāvahāro saṅketakammaṃ nimittakammanti.

94. Bhūmaṭṭhaṃ nāma bhaṇḍaṃ bhūmiyaṃ nikkhattaṃ hoti nikhātaṃ paṭicchannaṃ. Bhūmaṭṭhaṃ bhaṇḍaṃ avaharissāmīti theyyacitto dutiyaṃ vā pariyesati kudālaṃ vā piṭakaṃ vā pariyesati gacchati vā, āpatti dukkaṭassa. Tattha jātaṃ kaṭṭhaṃ vā lataṃ vā chindati, āpatti dukkaṭassa. Tattha paṃsum khaṇati vā byūhati [viyūhati (syā.)] vā uddharati vā, āpatti dukkaṭassa. Kumbhiṃ āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa. Attano bhājanaṃ pavesetvā pañcamāsakaṃ vā atirekapañcamāsakaṃ vā agghanakaṃ theyyacitto āmasati, āpatti dukkaṭassa. Phandāpeti, āpatti thullaccayassa. Attano bhājanagataṃ vā karoti muṭṭhiṃ vā chindati, āpatti pārājikassa. Suttaruḷhaṃ bhaṇḍaṃ pāmaṅgaṃ vā kaṇṭhasuttakaṃ vā kaṭisuttakaṃ vā sātakaṃ vā veṭhanaṃ vā theyyacitto āmasati, āpatti dukkaṭassa. Phandāpeti, āpatti thullaccayassa. Koṭiyaṃ gahetvā uccāreti, āpatti thullaccayassa. Ghaṃsanto nīharati, āpatti thullaccayassa. Antamaso kesaggamattampi kumbhimukhā moceti, āpatti pārājikassa. Sappiṃ vā telaṃ vā madhuṃ vā phāṇitaṃ vā pañcamāsakaṃ vā atirekapañcamāsakaṃ vā agghanakaṃ theyyacitto ekena payogena pivati, āpatti pārājikassa. Tattheva bhindati vā chaddeti vā jhāpeti vā aparibhogāṃ vā karoti, āpatti dukkaṭassa.

95. Thalaṭṭhaṃ nāma bhaṇḍaṃ thale nikkhattaṃ hoti. Thalaṭṭhaṃ bhaṇḍaṃ avaharissāmīti theyyacitto dutiyaṃ vā pariyesati gacchati vā, āpatti dukkaṭassa. Āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa.

96. Ākāsaṭṭhaṃ nāma bhaṇḍaṃ ākāsaṅgataṃ hoti. Moro vā kapiṅjaro vā tittiro vā vaṭṭako vā, sātakaṃ vā veṭhanaṃ vā hiraṇṇaṃ vā suvaṇṇaṃ vā chijjamānaṃ patati. Ākāsaṭṭhaṃ bhaṇḍaṃ avaharissāmīti theyyacitto dutiyaṃ vā pariyesati gacchati vā, āpatti dukkaṭassa. Gamaṇaṃ upacchindati, āpatti dukkaṭassa. Āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa.

97. Vehāsaṭṭhaṃ nāma bhaṇḍaṃ vehāsaṅgataṃ hoti. Mañce vā piṭhe vā cīvaravaṃse vā cīvararajjuyā vā bhittikhile vā nāgadante vā rukkhe vā laggitaṃ hoti, antamaso pattādhārakepi. Vehāsaṭṭhaṃ bhaṇḍaṃ avaharissāmīti theyyacitto dutiyaṃ vā pariyesati gacchati vā, āpatti dukkaṭassa. Āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa.

98. Udaṅkaṭṭhaṃ nāma bhaṇḍaṃ udake nikkhattaṃ hoti. Udaṅkaṭṭhaṃ bhaṇḍaṃ avaharissāmīti theyyacitto dutiyaṃ vā pariyesati gacchati vā, āpatti dukkaṭassa. Nimujjati vā ummujjati vā, āpatti dukkaṭassa. Āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa. Tattha jātaṃ uppalaṃ vā padumaṃ vā puṇḍarīkaṃ vā bhisāṃ vā macchaṃ vā kacchapaṃ vā pañcamāsakaṃ vā atirekapañcamāsakaṃ vā agghanakaṃ theyyacitto āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa.

99. Nāvā nāma yāya taratī. **Nāvaṭṭhaṃ** nāma bhaṇḍaṃ nāvāya nikkhittaṃ hoti. “Nāvaṭṭhaṃ bhaṇḍaṃ avaharissāmī”ti theyyacitto dutiyaṃ vā pariyesati gacchati vā, āpatti dukkaṭassa. Āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa. Nāvaṃ avaharissāmīti theyyacitto dutiyaṃ vā pariyesati gacchati vā, āpatti dukkaṭassa. Āmasati, āpatti dukkaṭassa. Phandāpeti, āpatti thullaccayassa. Bandhanaṃ moceti, āpatti dukkaṭassa. Bandhanaṃ mocetvā āmasati, āpatti dukkaṭassa. Phandāpeti, āpatti thullaccayassa. Uddhaṃ vā adho vā tiriyaṃ vā antamaso kesaggamattampi saṅkāmeti, āpatti pārājikassa.

100. Yānaṃ nāma vayhaṃ ratho sakaṭaṃ sandamānikā. **Yānaṭṭhaṃ** nāma bhaṇḍaṃ yāne nikkhittaṃ hoti. Yānaṭṭhaṃ bhaṇḍaṃ avaharissāmīti theyyacitto dutiyaṃ vā pariyesati gacchati vā, āpatti dukkaṭassa. Āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa. Yānaṃ avaharissāmīti theyyacitto dutiyaṃ vā pariyesati gacchati vā, āpatti dukkaṭassa. Āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa.

101. Bhāro nāma sīsabhāro khandhabhāro kaṭibhāro olambako. Sīse bhāraṃ theyyacitto āmasati, āpatti dukkaṭassa. Phandāpeti, āpatti thullaccayassa. Khandhaṃ oropeti, āpatti pārājikassa. Khandhe bhāraṃ theyyacitto āmasati, āpatti dukkaṭassa. Phandāpeti, āpatti thullaccayassa. Kaṭiṃ oropeti, āpatti pārājikassa. Kaṭiyā bhāraṃ theyyacitto āmasati, āpatti dukkaṭassa. Phandāpeti, āpatti thullaccayassa. Hatthena gaṇhāti, āpatti pārājikassa. Hatthe bhāraṃ theyyacitto bhūmiyaṃ nikkhipati, āpatti pārājikassa. Theyyacitto bhūmito gaṇhāti, āpatti pārājikassa.

102. Ārāmo nāma pupphārāmo phalārāmo. **Ārāmaṭṭhaṃ** nāma bhaṇḍaṃ ārāme catūhi ṭhānehi nikkhittaṃ hoti – bhūmaṭṭhaṃ thalaṭṭhaṃ, ākāsaṭṭhaṃ, vehāsaṭṭhaṃ. Ārāmaṭṭhaṃ bhaṇḍaṃ avaharissāmīti theyyacitto dutiyaṃ vā pariyesati gacchati vā, āpatti dukkaṭassa. Āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa. Tattha jātaṃ mūlaṃ vā tacāṃ vā pattāṃ vā pupphaṃ vā phalaṃ vā pañcamāsakaṃ vā atirekapañcamāsakaṃ vā agghanakaṃ theyyacitto āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa. Ārāmaṃ abhiyuñjati, āpatti dukkaṭassa. Sāmikassa vimatiṃ uppādeti, āpatti thullaccayassa. Sāmiko na mayhaṃ bhavissatīti dhuraṃ nikkhipati, āpatti pārājikassa. Dhammaṃ caranto sāmikaṃ parājeti, āpatti pārājikassa. Dhammaṃ caranto parajjati, āpatti thullaccayassa.

103. Vihāraṭṭhaṃ nāma bhaṇḍaṃ vihāre catūhi ṭhānehi nikkhittaṃ hoti – bhūmaṭṭhaṃ, thalaṭṭhaṃ, ākāsaṭṭhaṃ, vehāsaṭṭhaṃ. Vihāraṭṭhaṃ bhaṇḍaṃ avaharissāmīti theyyacitto dutiyaṃ vā pariyesati gacchati vā, āpatti dukkaṭassa. Āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa. Vihāraṃ abhiyuñjati, āpatti dukkaṭassa. Sāmikassa vimatiṃ uppādeti, āpatti thullaccayassa. Sāmiko na mayhaṃ bhavissatīti dhuraṃ nikkhipati, āpatti pārājikassa. Dhammaṃ caranto sāmikaṃ parājeti, āpatti pārājikassa. Dhammaṃ caranto parajjati, āpatti thullaccayassa.

104. Khettaṃ nāma yattha pubbaṇṇaṃ vā aparāṇṇaṃ vā jāyati. **Khettaṭṭhaṃ** nāma bhaṇḍaṃ khetta catūhi ṭhānehi nikkhittaṃ hoti – bhūmaṭṭhaṃ, thalaṭṭhaṃ, ākāsaṭṭhaṃ, vehāsaṭṭhaṃ. Khettaṭṭhaṃ bhaṇḍaṃ avaharissāmīti theyyacitto dutiyaṃ vā pariyesati gacchati vā, āpatti dukkaṭassa. Āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa. Tattha jātaṃ pubbaṇṇaṃ vā aparāṇṇaṃ vā pañcamāsakaṃ vā atirekapañcamāsakaṃ vā agghanakaṃ theyyacitto āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa. Khettaṃ abhiyuñjati, āpatti dukkaṭassa. Sāmikassa vimatiṃ uppādeti, āpatti thullaccayassa. Sāmiko na mayhaṃ bhavissatīti dhuraṃ nikkhipati, āpatti pārājikassa. Dhammaṃ caranto sāmikaṃ parājeti, āpatti pārājikassa. Dhammaṃ caranto parajjati, āpatti thullaccayassa. Khilaṃ vā rajjuṃ vā vatīṃ vā mariyādaṃ vā saṅkāmeti, āpatti dukkaṭassa. Ekaṃ payogaṃ anāgate, āpatti thullaccayassa. Tasmīṃ payoge āgate, āpatti pārājikassa.

105. Vatthu nāma ārāma vatthu vihāra vatthu. **Vatthuṭṭhaṃ** nāma bhaṇḍaṃ vatthusmiṃ catūhi

ṭhānehi nikkhittam hoti – bhūmaṭṭham, thalaṭṭham, ākāsaṭṭham, vehāsaṭṭham. Vatthuṭṭham bhaṇḍam avaharissāmīti theyyacitto dutiyam vā pariyesati gacchati vā, āpatti dukkaṭassa. Āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa. Vatthum abhiyuñjati, āpatti dukkaṭassa. Sāmikassa vimatiṃ uppādeti, āpatti thullaccayassa. Sāmiko na mayham bhavissatīti dhuram nikkhipati, āpatti pārājikassa. Dhammam caranto sāmikam parājeti, āpatti pārājikassa. Dhammam caranto parajjati, āpatti thullaccayassa. Khīlam vā rajjum vā vatim vā pākāram vā sankāmeti, āpatti dukkaṭassa. Ekam payogam anāgate āpatti thullaccayassa. Tasmim payoge āgate āpatti pārājikassa.

106. Gāmaṭṭham nāma bhaṇḍam gāme catūhi ṭhānehi nikkhittam hoti – bhūmaṭṭham, thalaṭṭham, ākāsaṭṭham, vehāsaṭṭham. Gāmaṭṭham bhaṇḍam avaharissāmīti theyyacitto dutiyam vā pariyesati gacchati vā, āpatti dukkaṭassa. Āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa.

107. Araññaṃ nāma yam manussānam pariggahitam hoti, tam araññaṃ. **Araññaṭṭham** nāma bhaṇḍam araññaṃ catūhi ṭhānehi nikkhittam hoti – bhūmaṭṭham, thalaṭṭham, ākāsaṭṭham, vehāsaṭṭham. Araññaṭṭham bhaṇḍam avaharissāmīti theyyacitto dutiyam vā pariyesati gacchati vā, āpatti dukkaṭassa. Āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa. Tattha jātakam kaṭṭham vā latam vā tiṇam vā pañcamāsakam vā atirekapañcamāsakam vā agghanakam theyyacitto āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa.

108. Udaḥkam nāma bhājanagatam vā hoti pokkharaniyā vā taḷāke vā. Theyyacitto āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa. Attano bhājanam pavesetvā pañcamāsakam vā atirekapañcamāsakam vā agghanakam udaḥkam theyyacitto āmasati, āpatti dukkaṭassa. Phandāpeti, āpatti thullaccayassa. Attano bhājanagatam karoti, āpatti pārājikassa. Mariyādam bhindati, āpatti dukkaṭassa. Mariyādam bhinditvā pañcamāsakam vā atirekapañcamāsakam vā agghanakam udaḥkam nikkhāmeti, āpatti pārājikassa. Atirekamāsakam vā unapañcamāsakam vā agghanakam udaḥkam nikkhāmeti, āpatti thullaccayassa. Māsakam vā unamāsakam vā agghanakam udaḥkam nikkhāmeti, āpatti dukkaṭassa.

109. Dantapaṇam nāma chinnaṃ vā acchinnaṃ vā. Pañcamāsakam vā atirekapañcamāsakam vā agghanakam theyyacitto āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa.

110. Vanappati nāma yo manussānam pariggahito hoti rukkho paribhogo. Theyyacitto chindati, pahāre pahāre āpatti dukkaṭassa. Ekam pahāram anāgate, āpatti thullaccayassa. Tasmim pahāre āgate, āpatti pārājikassa.

111. Haraṇakam nāma aññaṃ haraṇakam bhaṇḍam. Theyyacitto āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa. Sahabhaṇḍahārakam padasā nessāmīti paṭhamam pādam saṅkāmeti, āpatti thullaccayassa. Dutiyam pādam saṅkāmeti, āpatti pārājikassa. Patitam bhaṇḍam gahessāmīti pātāpeti, āpatti dukkaṭassa. Patitam bhaṇḍam pañcamāsakam vā atirekapañcamāsakam vā agghanakam theyyacitto āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa.

112. Upanidhi nāma upanikkhittam bhaṇḍam. Dehi me bhaṇḍanti vuccamāno nāham gaṇhāmīti bhaṇati, āpatti dukkaṭassa. Sāmikassa vimatiṃ uppādeti, āpatti thullaccayassa. Sāmiko na mayham dassatīti dhuram nikkhipati, āpatti pārājikassa. Dhammam caranto sāmikam parājeti, āpatti pārājikassa. Dhammam caranto parajjati, āpatti thullaccayassa.

113. Suṅkaghātaṃ nāma rañña ṭhapitaṃ hoti pabbatakhaṇḍe vā nadītitthe vā gāmadvāre vā – ‘atra pavitṭhassa suṅkaṃ gaṇhantū’ti. Tatra pavisitvā rājaggaṃ [rājagghaṃ (sī. syā.)] bhaṇḍaṃ pañcamāsakaṃ vā atirekapañcamāsakaṃ vā agghanakaṃ theyyacitto āmasati, āpatti dukkaṭassa. Phandāpeti, āpatti thullaccayassa. Paṭhamam pādaṃ suṅkaghātaṃ atikkāmeti, āpatti thullaccayassa. Dutiyam pādaṃ atikkāmeti, āpatti pārājikassa. Antosuṅkaghāte ṭhito bahisuṅkaghātaṃ pāpeti, āpatti pārājikassa. Suṅkaṃ pariharati, āpatti dukkaṭassa.

114. Pāṇo nāma manussapāṇo vuccati. Theyyacitto āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa. Padasā nessāmīti paṭhamam pādaṃ saṅkāmeti, āpatti thullaccayassa. Dutiyam pādaṃ saṅkāmeti, āpatti pārājikassa.

Apadaṃ nāma ahi macchā. Pañcamāsakaṃ vā atirekapañcamāsakaṃ vā agghanakaṃ theyyacitto āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa.

115. Dvipadaṃ nāma manussā, pakkhajātā. Theyyacitto āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa. Padasā nessāmīti paṭhamam pādaṃ saṅkāmeti, āpatti thullaccayassa. Dutiyam pādaṃ saṅkāmeti, āpatti pārājikassa.

116. Catuppadaṃ nāma – hatthī assā oṭṭhā goṇā gadrabhā pasukā. Theyyacitto āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa. Padasā nessāmīti paṭhamam pādaṃ saṅkāmeti, āpatti thullaccayassa. Dutiyam pādaṃ saṅkāmeti, āpatti thullaccayassa. Tatiyam pādaṃ saṅkāmeti, āpatti thullaccayassa. Catuttham pādaṃ saṅkāmeti, āpatti pārājikassa.

117. Bahuppadaṃ nāma – vicchikā satapadī uccālingapāṇakā. Pañcamāsakaṃ vā atirekapañcamāsakaṃ vā agghanakaṃ theyyacitto āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa. Padasā nessāmīti saṅkāmeti, pade pade āpatti thullaccayassa. Pacchimam pādaṃ saṅkāmeti, āpatti pārājikassa.

118. Ocarako nāma bhaṇḍam ocaritvā ācikkhati – ‘itthannāmam bhaṇḍam avaharā’ti, āpatti dukkaṭassa. So taṃ bhaṇḍam avaharati, āpatti ubhinnaṃ pārājikassa.

Oṇirakkho nāma āhaṭam bhaṇḍam gopento pañcamāsakaṃ vā atirekapañcamāsakaṃ vā agghanakaṃ theyyacitto āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa.

Samvidāvahāro nāma sambahulā samvidahitvā eko bhaṇḍam avaharati, āpatti sabbesaṃ pārājikassa.

119. Saṅketakammaṃ nāma saṅketaṃ karoti – ‘purebhattam vā pacchābhattam vā rattim vā divā vā tena saṅketena taṃ bhaṇḍam avaharā’ti, āpatti dukkaṭassa. Tena saṅketena taṃ bhaṇḍam avaharati, āpatti ubhinnaṃ pārājikassa. Taṃ saṅketaṃ pure vā pacchā vā taṃ bhaṇḍam avaharati, mūlaṭṭhassa anāpatti. Avahārakassa āpatti pārājikassa.

120. Nimittakammaṃ nāma nimittaṃ karoti. Akkhiṃ vā nikhaṇissāmi bhamukaṃ vā ukkhipissāmi sīsam vā ukkhipissāmi, tena nimittena taṃ bhaṇḍam avaharati, āpatti dukkaṭassa. Tena nimittena taṃ bhaṇḍam avaharati, āpatti ubhinnaṃ pārājikassa. Taṃ nimittaṃ pure vā pacchā vā taṃ bhaṇḍam avaharati, mūlaṭṭhassa anāpatti. Avahārakassa āpatti pārājikassa.

121. Bhikkhu bhikkhum āṇāpeti – ‘itthannāmam bhaṇḍam avaharā’ti, āpatti dukkaṭassa. So taṃ maññamāno taṃ avaharati, āpatti ubhinnaṃ pārājikassa.

Bhikkhu bhikkhuṃ āṇāpeti – “itthannāmaṃ bhaṇḍaṃ avaharā”ti, āpatti dukkaṭassa. So taṃ maññaṃaṇo aññaṃ avaharati, mūlaṭṭhassa anāpatti. Avahāraḥassa āpatti pārājikassa.

Bhikkhu bhikkhuṃ āṇāpeti – “itthannāmaṃ bhaṇḍaṃ avaharā”ti, āpatti dukkaṭassa. So aññaṃ maññaṃaṇo taṃ avaharati, āpatti ubhinnaṃ pārājikassa.

Bhikkhu bhikkhuṃ āṇāpeti – “itthannāmaṃ bhaṇḍaṃ avaharā”ti, āpatti dukkaṭassa. So aññaṃ maññaṃaṇo aññaṃ avaharati, mūlaṭṭhassa anāpatti. Avahāraḥassa āpatti pārājikassa.

Bhikkhu bhikkhuṃ āṇāpeti – “itthannāmassa pāvada – ‘itthannāmo itthannāmassa pāvadaṭṭu – itthannāmo itthannāmaṃ bhaṇḍaṃ avaharati’”ti, āpatti dukkaṭassa. So itarassa āroceti, āpatti dukkaṭassa. Avahāraḥko paṭiggaṇhāti, mūlaṭṭhassa āpatti thullaccayassa. So taṃ bhaṇḍaṃ avaharati, āpatti sabbesaṃ pārājikassa.

Bhikkhu bhikkhuṃ āṇāpeti – “itthannāmassa pāvada – ‘itthannāmo itthannāmassa pāvadaṭṭu – itthannāmo itthannāmaṃ bhaṇḍaṃ avaharati’”ti, āpatti dukkaṭassa. So aññaṃ āṇāpeti, āpatti dukkaṭassa. Avahāraḥko paṭiggaṇhāti, āpatti dukkaṭassa. So taṃ bhaṇḍaṃ avaharati, mūlaṭṭhassa anāpatti. Āṇāpakassa ca avahāraḥassa ca āpatti pārājikassa.

Bhikkhu bhikkhuṃ āṇāpeti – “itthannāmaṃ bhaṇḍaṃ avaharā”ti, āpatti dukkaṭassa. So gantvā puna paccāgacchati – “nāhaṃ sakkomi taṃ bhaṇḍaṃ avaharitu”nti. So puna āṇāpeti – “yadā sakkosi tadā taṃ bhaṇḍaṃ avaharā”ti, āpatti dukkaṭassa. So taṃ bhaṇḍaṃ avaharati, āpatti ubhinnaṃ pārājikassa.

Bhikkhu bhikkhuṃ āṇāpeti – “itthannāmaṃ bhaṇḍaṃ avaharā”ti, āpatti dukkaṭassa. So āṇāpetvā vipphaṭṭhānaṃ sāveti – “mā avaharā”ti. So taṃ bhaṇḍaṃ avaharati, āpatti ubhinnaṃ pārājikassa.

Bhikkhu bhikkhuṃ āṇāpeti – “itthannāmaṃ bhaṇḍaṃ avaharā”ti, āpatti dukkaṭassa. So āṇāpetvā vipphaṭṭhānaṃ sāveti – “mā avaharā”ti. So “āṇatto ahaṃ tayā”ti, taṃ bhaṇḍaṃ avaharati, mūlaṭṭhassa anāpatti. Avahāraḥassa āpatti pārājikassa.

Bhikkhu bhikkhuṃ āṇāpeti – “itthannāmaṃ bhaṇḍaṃ avaharā”ti, āpatti dukkaṭassa. So āṇāpetvā vipphaṭṭhānaṃ sāveti – “mā avaharā”ti. So “sādhū”ti [suṭṭhūti (ka.)]? Oramati, ubhinnaṃ anāpatti.

122. Pañcahi ākārehi adinnaṃ ādiyantassa āpatti pārājikassa – parapariggahitaṇca hoti, parapariggahitasaññi ca, garuko ca hoti parikkhāro, pañcamāsako vā atirekapañcamāsako vā, theyyacittaṇca paccupaṭṭhitaṃ hoti. Āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa.

123. Pañcahi ākārehi adinnaṃ ādiyantassa āpatti thullaccayassa – parapariggahitaṇca hoti, parapariggahitasaññi ca, lahuko ca hoti parikkhāro, atirekamāsako vā unapañcamāsako vā, theyyacittaṇca paccupaṭṭhitaṃ hoti. Āmasati, āpatti dukkaṭassa. Phandāpeti, āpatti dukkaṭassa. Ṭhānā cāveti, āpatti thullaccayassa.

124. Pañcahi ākārehi adinnaṃ ādiyantassa āpatti dukkaṭassa. Parapariggahitaṇca hoti, parapariggahitasaññi ca, lahuko ca hoti parikkhāro, māsako vā unamāsako vā, theyyacittaṇca paccupaṭṭhitaṃ hoti. Āmasati, āpatti dukkaṭassa. Phandāpeti, āpatti dukkaṭassa. Ṭhānā cāveti, āpatti dukkaṭassa.

125. Chahi ākārehi adinnaṃ ādiyantassa āpatti pārājikassa. Na ca sakasaññi, na ca vissāsaggāhī, na ca tāvakālikam, garuko ca hoti parikkhāro, pañcamāsako vā atirekapañcamāsako vā, theyyacittaṇca

paccupaṭṭhitam hoti. Āmasati, āpatti dukkaṭassa. Phandāpeti, āpatti thullaccayassa. Ṭhānā cāveti, āpatti pārājikassa.

126. Chahi ākārehi adinnaṃ ādiyantassa āpatti thullaccayassa. Na ca sakasaññī, na ca vissāsaggāhī, na ca tāvakālikam, lahuko ca hoti parikkhāro atirekamāsako vā ūnapañcamāsako vā, theyyacittaṅca paccupaṭṭhitam hoti. Āmasati, āpatti dukkaṭassa. Phandāpeti, āpatti dukkaṭassa. Ṭhānā cāveti, āpatti thullaccayassa.

127. Chahi ākārehi adinnaṃ ādiyantassa āpatti dukkaṭassa. Na ca sakasaññī, na ca vissāsaggāhī, na ca tāvakālikam, lahuko ca hoti parikkhāro, māsako vā ūnamāsako vā, theyyacittaṅca paccupaṭṭhitam hoti. Āmasati, āpatti dukkaṭassa. Phandāpeti, āpatti dukkaṭassa. Ṭhānā cāveti, āpatti dukkaṭassa.

128. Pañcahi ākārehi adinnaṃ ādiyantassa āpatti dukkaṭassa. Na ca parapariggahitam hoti, parapariggahitasaññī ca, garuko ca hoti parikkhāro, pañcamāsako vā atirekapañcamāsako vā, theyyacittaṅca paccupaṭṭhitam hoti. Āmasati, āpatti dukkaṭassa. Phandāpeti, āpatti dukkaṭassa. Ṭhānā cāveti, āpatti dukkaṭassa.

129. Pañcahi ākārehi adinnaṃ ādiyantassa āpatti dukkaṭassa. Na ca parapariggahitam hoti, parapariggahitasaññī ca, lahuko ca hoti parikkhāro, atirekamāsako vā ūnapañcamāsako vā, theyyacittaṅca paccupaṭṭhitam hoti. Āmasati, āpatti dukkaṭassa. Phandāpeti, āpatti dukkaṭassa. Ṭhānā cāveti, āpatti dukkaṭassa.

130. Pañcahi ākārehi adinnaṃ ādiyantassa āpatti dukkaṭassa. Na ca parapariggahitam hoti, parapariggahitasaññī ca, lahuko ca hoti parikkhāro, māsako vā ūnamāsako vā, theyyacittaṅca paccupaṭṭhitam hoti. Āmasati, āpatti dukkaṭassa. Phandāpeti, āpatti dukkaṭassa. Ṭhānā cāveti, āpatti dukkaṭassa.

131. Anāpatti sasaññissa, vissāsaggāhe, tāvakālike, petapariggahe, tiracchānagatapariggahe, paṃsukūlasaññissa, ummattakassa, (khittacittassa vedanāṭṭassa) [([khittacittassa vedanāṭṭassa](#)) [katthaci natthi](#)] ādikammikassāti.

Adinnādānamhi paṭhamabhāṇavāro niṭṭhito.

Vinītavatthuuddānagāthā

Rajakehi pañca akkhātā, caturo attharaṇehi ca;
Andhakārena ve pañca, pañca hāraṇakena ca.

Niruttiyā pañca akkhātā, vātehi apare duve;
Asambhinne kusāpāto, jantaggena [[jantāgharena \(syā.\)](#)] sahā dasa.

Vighāsehi pañca akkhātā, pañca ceva amūlakā;
Dubbhikkhe kuramaṃsaṅca [[kūramaṃsaṅca \(syā.\)](#)], pūvasakkhalimodakā.

Chaparikkhārathavikā, bhisivaṃsā na nikkhame;
Khādanīyaṅca vissāsaṃ, sasaññāyapare duve.

Satta nāvaharāmāti, satta ceva avāharuṃ;
Saṅghassa avaharuṃ satta, pupphehi apare duve.

Tayo ca vuttavādino, maṇi tīṇi atikkame;
Sūkarā ca migā macchā, yānañcāpi pavattayi.

Duve pesī duve dārū, paṃsukūlaṃ duve dakā;
Anupubbavidhānena, tadañño na paripūrayi.

Sāvattthiyā caturo muṭṭhī, dve vighāsā duve tiṇā;
Saṅghassa bhājayuṃ satta, satta ceva assāmikā.

Dārudakā mattikā dve tiṇāni;
Saṅghassa satta avahāsi seyyaṃ;
Sassāmikaṃ na cāpi nīhareyya;
Hareyya sassāmikaṃ tāvakālikaṃ.

Campā rājagahe ceva, vesāliyā ca ajjuko;
Bārāṇasī ca kosambī, sāgalā daḷhikena cāti.

Vinītavatthu

132. Tena kho pana samayena chabbaggiyā bhikkhū rajakattharaṇaṃ gantvā rajakabhaṇḍikaṃ avahariṃsu. Tesaṃ kukkucçaṃ ahosi – “bhagavatā sikkhāpadaṃ paññattaṃ. Kacci nu kho mayaṃ pārājikaṃ āpattiṃ āpannā”ti. Bhagavato etamatthaṃ ārocesuṃ. “Āpattiṃ tumhe, bhikkhave, āpannā pārājika”nti.

Tena kho pana samayena aññataro bhikkhu rajakattharaṇaṃ gantvā mahagghaṃ dussaṃ passivā theyyacittaṃ uppādesi. Tassa kukkucçaṃ ahosi – “bhagavatā sikkhāpadaṃ paññattaṃ, kacci nu kho ahaṃ pārājikaṃ āpattiṃ āpanno”ti? Bhagavato etamatthaṃ ārocesi. “Anāpatti, bhikkhu, cittuppāde”ti.

Tena kho pana samayena aññataro bhikkhu rajakattharaṇaṃ gantvā mahagghaṃ dussaṃ passivā theyyacitto āmasi. Tassa kukkucçaṃ ahosi...pe... “anāpatti, bhikkhu, pārājikassa. Āpatti dukkaṭassā”ti.

Tena kho pana samayena aññataro bhikkhu rajakattharaṇaṃ gantvā mahagghaṃ dussaṃ passivā theyyacitto phandāpesi. Tassa kukkucçaṃ ahosi...pe... “anāpatti, bhikkhu, pārājikassa. Āpatti thullaccayassā”ti.

Tena kho pana samayena aññataro bhikkhu rajakattharaṇaṃ gantvā mahagghaṃ dussaṃ passivā theyyacitto ṭhānā cāvesi. Tassa kukkucçaṃ ahosi...pe... “āpattiṃ tvaṃ, bhikkhu, āpanno pārājika”nti.

133. Tena kho pana samayena aññataro piṇḍacāriko bhikkhu mahagghaṃ uttarattharaṇaṃ passivā theyyacittaṃ uppādesi...pe... theyyacitto āmasi...pe... theyyacitto phandāpesi...pe... theyyacitto ṭhānā cāvesi. Tassa kukkucçaṃ ahosi...pe... “āpattiṃ tvaṃ, bhikkhu, āpanno pārājika”nti.

134. Tena kho pana samayena aññataro bhikkhu divā bhaṇḍaṃ passivā nimittaṃ akāsi – ‘rattiṃ avaharissāmi’ti. So taṃ maññamāno taṃ avahari...pe... taṃ maññamāno aññaṃ avahari...pe... aññaṃ maññamāno taṃ avahari...pe... aññaṃ maññamāno aññaṃ avahari. Tassa kukkucçaṃ ahosi...pe... “āpattiṃ tvaṃ, bhikkhu, āpanno pārājika”nti.

Tena kho pana samayena aññataro bhikkhu divā bhaṇḍaṃ passivā nimittaṃ akāsi – “rattiṃ avaharissāmi”ti. So taṃ maññamāno attano bhaṇḍaṃ avahari. Tassa kukkucçaṃ ahosi...pe... “anāpatti, bhikkhu, pārājikassa. Āpatti dukkaṭassā”ti.

Tena kho pana samayena aññataro bhikkhu aññassa bhaṇḍaṃ haranto sīse bhāraṃ theyyacitto āmasi...pe... theyyacitto phandāpesi...pe... theyyacitto khandhaṃ oropesi...pe... khandhe bhāraṃ theyyacitto āmasi...pe... theyyacitto phandāpesi...pe... theyyacitto kaṭiṃ oropesi...pe... kaṭiyā bhāraṃ theyyacitto āmasi...pe... theyyacitto phandāpesi...pe... theyyacitto hatthena aggahesi...pe... hatthe bhāraṃ theyyacitto bhūmiyaṃ nikkhipi...pe... theyyacitto bhūmito aggahesi. Tassa kukkucçaṃ ahosi...pe... “āpattiṃ tvaṃ, bhikkhu, āpanno pārājika”nti.

135. Tena kho pana samayena aññataro bhikkhu ajjhokāse cīvaraṃ pattharivā vihāraṃ pāvīsi. Aññataro bhikkhu – ‘māyidaṃ cīvaraṃ nassī’ti, paṭisāmesi. So nikkhamivā taṃ bhikkhuṃ pucchi – ‘āvuso, mayhaṃ cīvaraṃ kena avahaṭa’nti? So evamāha – ‘mayā avahaṭa’nti. “So taṃ ādiyī, assamaṇosi tva’nti. Tassa kukkucçaṃ ahosi...pe... Bhagavato etamatthaṃ ārocesi. “Kiṃcitto tvaṃ, bhikkhū”ti? “Niruttipatho ahaṃ, bhagavā”ti. “Anāpatti, bhikkhu, niruttipathe”ti.

Tena kho pana samayena aññataro bhikkhu pīṭhe cīvaraṃ nikkhipivā. Pīṭhe nisīdanaṃ nikkhipivā... heṭṭhāpīṭhe pattaṃ nikkhipivā vihāraṃ pāvīsi. Aññataro bhikkhu – ‘māyaṃ patto nassī’ti paṭisāmesi. So nikkhamivā taṃ bhikkhuṃ pucchi – ‘āvuso, mayhaṃ patto kena avahaṭa’nti? So evamāha – ‘mayā avahaṭa’nti. “So taṃ ādiyī, assamaṇosi tva’nti. Tassa kukkucçaṃ ahosi...pe... “anāpatti, bhikkhu, niruttipathe”ti.

Tena kho pana samayena aññatarā bhikkhunī vatiyā cīvaraṃ pattharivā vihāraṃ pāvīsi. Aññatarā bhikkhunī – ‘māyidaṃ cīvaraṃ nassī’ti paṭisāmesi. Sā nikkhamivā taṃ bhikkhuniṃ pucchi – ‘ayye, mayhaṃ cīvaraṃ kena avahaṭa’nti? Sā evamāha – ‘mayā avahaṭa’nti. “Sā taṃ ādiyī, assamaṇīsī tva’nti. Tassā kukkucçaṃ ahosi. Atha kho sā bhikkhunī bhikkhunīnaṃ etamatthaṃ ārocesi. Bhikkhuniyo bhikkhūnaṃ etamatthaṃ ārocesuṃ. Bhikkhū bhagavato etamatthaṃ ārocesuṃ...pe... “anāpatti, bhikkhave, niruttipathe”ti.

136. Tena kho pana samayena aññataro bhikkhu vātamaṇḍalikāya ukkhittaṃ sātakaṃ passivā sāmikānaṃ dassāmīti, aggahesi. Sāmikā taṃ bhikkhuṃ codesuṃ – ‘assamaṇosi tva’nti. Tassa kukkucçaṃ ahosi...pe... “kiṃcitto tvaṃ bhikkhū”ti? “Atheyyacitto ahaṃ, bhagavā”ti. Anāpatti, bhikkhu, attheyyacittassā”ti.

Tena kho pana samayena aññataro bhikkhu vātamaṇḍalikāya ukkhittaṃ veṭhanaṃ passivā ‘pure sāmikā passantī’ti theyyacitto aggahesi. Sāmikā taṃ bhikkhuṃ codesuṃ – ‘assamaṇosi tva’nti. Tassa kukkucçaṃ ahosi...pe... “āpattiṃ tvaṃ, bhikkhu, āpanno pārājika”nti.

137. Tena kho pana samayena aññataro bhikkhu susānaṃ gantvā abhinne sarīre paṃsukūlaṃ aggahesi. Tasmiṃca sarīre peto adhivattho hoti. Atha kho so peto taṃ bhikkhuṃ etadavoca – ‘mā, bhante, mayhaṃ sātakaṃ aggahesi’nti. So bhikkhu anādiyanto agamāsi. Atha kho taṃ sarīraṃ uṭṭhahivā tassa bhikkhuno piṭṭhito piṭṭhito anubandhi. Atha kho so bhikkhu vihāraṃ pavisivā dvāraṃ thakesi. Atha kho taṃ sarīraṃ tattheva paripati. Tassa kukkucçaṃ ahosi...pe... “anāpatti, bhikkhu, pārājikassa. Na ca, bhikkhave, abhinne sarīre paṃsukūlaṃ gahetabbaṃ. So gaṇheyya, āpatti dukkaṭassā”ti.

138. Tena kho pana samayena aññataro bhikkhu saṅghassa cīvare bhājīyamāne theyyacitto kuṣaṃ saṅkāmētvā cīvaraṃ aggahesi. Tassa kukkucçaṃ ahosi...pe... “āpattiṃ tvaṃ, bhikkhu, āpanno pārājika”nti.

139. Tena kho pana samayena āyasmā ānando jantāghare aññatarassa bhikkhuno antaravāsakaṃ attano maññamāno nivāsesi. Atha kho so bhikkhu āyasmantaṃ ānandaṃ etadavoca – ‘kissa me tvaṃ, āvuso ānanda, antaravāsakaṃ nivāsesī’nti? “Sakasaññī ahaṃ, āvuso”nti. Bhagavato etamatthaṃ ārocesuṃ. “Anāpatti, bhikkhave, sakasaññissā”nti.

140. Tena kho pana samayena sambahulā bhikkhū gijjhakūṭā pabbatā orohantā sīhaviḡhāsaṃ passitvā pacāpetvā paribhuñjimsu. Tesaṃ kukkucçaṃ ahosi...pe... “anāpatti, bhikkhave, sīhaviḡhāse”ti.

Tena kho pana samayena sambahulā bhikkhū gijjhakūṭā pabbatā orohantā byagghaviḡhāsaṃ passitvā... dīpiviḡhāsaṃ passitvā... taracchaviḡhāsaṃ passitvā... kokaviḡhāsaṃ passitvā pacāpetvā paribhuñjimsu. Tesaṃ kukkucçaṃ ahosi...pe... “anāpatti, bhikkhave, tiracchānagatapariggahe”ti.

141. Tena kho pana samayena aññataro bhikkhu saṅghassa odane bhājjīyamāne – ‘aparassa bhāgaṃ dehi’ti amūlakaṃ aggahesi. Tassa kukkucçaṃ ahosi...pe... “anāpatti, bhikkhu, pārājikassa. Āpatti sampajānamusāvāde pācittiyassā”ti.

Tena kho pana samayena aññataro bhikkhu saṅghassa khādanīye bhājjīyamāne... saṅghassa pūve bhājjīyamāne... saṅghassa ucchumhi bhājjīyamāne... saṅghassa timbarūsake bhājjīyamāne – ‘aparassa bhāgaṃ dehi’ti amūlakaṃ aggahesi. Tassa kukkucçaṃ ahosi...pe... “Anāpatti, bhikkhu, pārājikassa. Āpatti sampajānamusāvāde pācittiyassā”ti.

142. Tena kho pana samayena aññataro bhikkhu dubbhikkhe odanīyagharaṃ pavisitvā pattapūraṃ odanaṃ theyyacitto avahari. Tassa kukkucçaṃ ahosi...pe... “āpattiṃ tvaṃ, bhikkhu, āpanno pārājika”nti.

Tena kho pana samayena aññataro bhikkhu dubbhikkhe sūnagharaṃ [sūnāgharaṃ (sī. syā)] pavisitvā pattapūraṃ maṃsaṃ theyyacitto avahari. Tassa kukkucçaṃ ahosi...pe... “āpattiṃ tvaṃ, bhikkhu, āpanno pārājika”nti.

Tena kho pana samayena aññataro bhikkhu dubbhikkhe pūvagharaṃ pavisitvā pattapūraṃ pūvaṃ theyyacitto avahari...pe... pattapūrā sakkhaliyo theyyacitto avahari...pe... pattapūre modake theyyacitto avahari. Tassa kukkucçaṃ ahosi...pe... “āpattiṃ tvaṃ, bhikkhu, āpanno pārājika”nti.

143. Tena kho pana samayena aññataro bhikkhu divā parikkhāraṃ passitvā nimittaṃ akāsi – ‘rattiṃ avaharissāmī’ti. So taṃ maññamāno taṃ avahari...pe... taṃ maññamāno aññaṃ avahari...pe... aññaṃ maññamāno taṃ avahari...pe... aññaṃ maññamāno aññaṃ avahari. Tassa kukkucçaṃ ahosi...pe... “āpattiṃ tvaṃ, bhikkhu, āpanno pārājika”nti.

Tena kho pana samayena aññataro bhikkhu divā parikkhāraṃ passitvā nimittaṃ akāsi – ‘rattiṃ avaharissāmī’ti. So taṃ maññamāno attano parikkhāraṃ avahari. Tassa kukkucçaṃ ahosi...pe... “anāpatti, bhikkhu, pārājikassa. Āpatti dukkaṭassā”ti.

144. Tena kho pana samayena aññataro bhikkhu pīṭhe thavikaṃ passitvā – ‘ito gaṇhanto pārājiko bhavissāmī’ti saha pīṭhakena saṅkāmetvā aggahesi. Tassa kukkucçaṃ ahosi...pe... “āpattiṃ tvaṃ, bhikkhu, āpanno pārājika”nti.

Tena kho pana samayena aññataro bhikkhu saṅghassa bhisim̐ theyyacitto avahari. Tassa kukkucçaṃ ahosi...pe... “āpattiṃ tvaṃ, bhikkhu, āpanno pārājika”nti.

145. Tena kho pana samayena aññataro bhikkhu cīvaravaṃse cīvaraṃ theyyacitto avahari. Tassa kukkucçaṃ ahosi...pe... “āpattiṃ tvaṃ, bhikkhu, āpanno pārājika”nti.

Tena kho pana samayena aññataro bhikkhu vihāre cīvaraṃ avaharitvā – ‘ito nikkhamanto pārājiko bhavissāmī’ti vihārā na nikkhami...pe... bhagavato etamatthaṃ ārocesuṃ. “Nikkhami [nikkhameyya (sī. syā.)] vā so, bhikkhave, moghapuriso na vā nikkhami [nikkhameyya (sī. syā.)], āpatti pārājikassā”ti.

146. Tena kho pana samayena dve bhikkhū sahāyakā honti. Eko bhikkhu gāmaṃ piṇḍāya pāvīsi. Dutīyo bhikkhu saṅghassa khādanīye bhājīyamāne sahāyakassa bhāgaṃ gahetvā tassa vissasanto paribhuñji. So jānitvā taṃ codesi – “assamaṇosi tva”nti. Tassa kukkucçaṃ ahosi...pe... “kiṃ citto tvaṃ, bhikkhū”ti? “Vissāsaggāho ahaṃ, bhagavā”ti. “Anāpatti, bhikkhu, vissāsaggāhe”ti.

147. Tena kho pana samayena sambahulā bhikkhū cīvarakammaṃ karonti. Saṅghassa khādanīye bhājīyamāne sabbesaṃ paṭivīsā āharitvā upanikkhittā honti. Aññataro bhikkhu aññatarassa bhikkhuno paṭivīsaṃ attano maññamāno paribhuñji. So jānitvā taṃ codesi – “assamaṇosi tva”nti. Tassa kukkucçaṃ ahosi...pe... “kiṃcitto tvaṃ, bhikkhū”ti? “Sakasaññī ahaṃ, bhagavā”ti. “Anāpatti, bhikkhu, sakasaññissā”ti.

Tena kho pana samayena sambahulā bhikkhū cīvarakammaṃ karonti. Saṅghassa khādanīye bhājīyamāne aññatarassa bhikkhuno pattena aññatarassa bhikkhuno paṭivīso āharitvā upanikkhitto hoti. Pattasāmiko bhikkhu attano maññamāno paribhuñji. So jānitvā taṃ codesi – “assamaṇosi tva”nti. Tassa kukkucçaṃ ahosi...pe... “anāpatti, bhikkhu, sakasaññissā”ti.

148. Tena kho pana samayena ambacorakā ambaṃ pātetvā bhaṇḍikaṃ ādāya agamaṃsu. Sāmikā te corake anubandhiṃsu. Corakā sāmike passitvā bhaṇḍikaṃ pātetvā palāyiṃsu. Bhikkhū paṃsukūlasaññino paṭiggahāpetvā paribhuñjiṃsu. Sāmikā te bhikkhū codesuṃ – “assamaṇāttha tumhe”ti. Tesāṃ kukkucçaṃ ahosi...pe... bhagavato etamatthaṃ ārocesuṃ. “Kiṃcittā tumhe, bhikkhave”ti? “Paṃsukūlasaññino mayaṃ, bhagavā”ti. “Anāpatti, bhikkhave, paṃsukūlasaññissā”ti.

Tena kho pana samayena jambucorakā... labujacorakā... panasacorakā... tālapakkacorakā... ucchucorakā... timbarūsakacorakā timbarūsake uccinitvā bhaṇḍikaṃ ādāya agamaṃsu. Sāmikā te corake anubandhiṃsu. Corakā sāmike passitvā bhaṇḍikaṃ pātetvā palāyiṃsu. Bhikkhū paṃsukūlasaññino paṭiggahāpetvā paribhuñjiṃsu. Sāmikā te bhikkhū codesuṃ – “assamaṇāttha tumhe”ti. Tesāṃ kukkucçaṃ ahosi...pe... “anāpatti, bhikkhave, paṃsukūlasaññissā”ti.

Tena kho pana samayena ambacorakā ambaṃ pātetvā bhaṇḍikaṃ ādāya agamaṃsu. Sāmikā te corake anubandhiṃsu. Corakā sāmike passitvā bhaṇḍikaṃ pātetvā palāyiṃsu. Bhikkhū – ‘pure sāmikā passantī’ti, theyyacittā paribhuñjiṃsu. Sāmikā te bhikkhū codesuṃ – “assamaṇāttha tumhe”ti. Tesāṃ kukkucçaṃ ahosi...pe... “āpattiṃ tumhe, bhikkhave, āpannā pārājika”nti.

Tena kho pana samayena jambucorakā... labujacorakā... panasacorakā... tālapakkacorakā... ucchucorakā... timbarūsakacorakā timbarūsake uccinitvā bhaṇḍikaṃ ādāya agamaṃsu. Sāmikā te corake anubandhiṃsu. Corakā sāmike passitvā bhaṇḍikaṃ pātetvā palāyiṃsu. Bhikkhū – ‘pure sāmikā passantī’ti, theyyacittā paribhuñjiṃsu. Sāmikā te bhikkhū codesuṃ – “assamaṇāttha tumhe”ti. Tesāṃ kukkucçaṃ ahosi...pe... “āpattiṃ tumhe, bhikkhave, āpannā pārājika”nti.

Tena kho pana samayena aññataro bhikkhu saṅghassa ambaṃ theyyacitto avahari... saṅghassa jambuṃ... saṅghassa labujaṃ... saṅghassa panasāṃ... saṅghassa tālapakkaṃ... saṅghassa ucchuṃ... saṅghassa timbarūsakaṃ theyyacitto avahari. Tassa kukkucçaṃ ahosi...pe... “āpattiṃ tvaṃ, bhikkhu, āpanno pārājika”nti.

149. Tena kho pana samayena aññataro bhikkhu pupphārāmaṃ gantvā ocitaṃ pupphaṃ pañcamāsagghanakaṃ theyyacitto avahari. Tassa kukkucçaṃ ahosi...pe... “āpattiṃ tvaṃ, bhikkhu, āpanno pārājika”nti.

Tena kho pana samayena aññataro bhikkhu pupphārāmaṃ gantvā pupphaṃ ocinitvā pañcamāsagghanakaṃ theyyacitto avahari. Tassa kukkucçaṃ ahosi...pe... “āpattiṃ tvaṃ, bhikkhu, āpanno pārājika”nti.

150. Tena kho pana samayena aññataro bhikkhu gāmakam gacchanto aññataram bhikkhum etadavoca – “āvuso, tuyham upaṭṭhākakulam vutto vajjemī”ti. So gantvā ekam sātakam āharāpetvā attanā paribhuñji. So jānitvā tam codesi – “assamaṇosi tva”nti. Tassa kukkucam ahosi...pe... “anāpatti, bhikkhu, pārājikassa. Na ca, bhikkhave, vutto vajjemīti vattabbo. Yo vadeyya, āpatti dukkaṭassā”ti.

Tena kho pana samayena aññataro bhikkhu gāmakam gacchati. Aññataro bhikkhu tam bhikkhum etadavoca – “āvuso, mayham upaṭṭhākakulam vutto vajjehī”ti. So gantvā yugasātakam āharāpetvā ekam attanā paribhuñji, ekam tassa bhikkhuno adāsi. So jānitvā tam codesi – “assamaṇosi tva”nti. Tassa kukkucam ahosi...pe... “anāpatti, bhikkhu, pārājikassa. Na ca, bhikkhave, vutto vajjehīti vattabbo. Yo vadeyya, āpatti dukkaṭassā”ti.

Tena kho pana samayena aññataro bhikkhu gāmakam gacchanto aññataram bhikkhum etadavoca – “āvuso, tuyham upaṭṭhākakulam vutto vajjemī”ti. Sopi evamāha – “vutto vajjehī”ti. So gantvā ālhakam sappim tulam guḷam doṇam taṇḍulam āharāpetvā attanā paribhuñji. So jānitvā tam codesi – “assamaṇosi tva”nti. Tassa kukkucam ahosi...pe... “anāpatti, bhikkhu, pārājikassa. Na ca, bhikkhave, vutto vajjemīti vattabbo, na ca vutto vajjehīti vattabbo. Yo vadeyya, āpatti dukkaṭassā”ti.

151. Tena kho pana samayena aññataro puriso mahaggham maṇim ādāya aññatarena bhikkhunā saddhim addhānamaggappaṭipanno hoti. Atha kho so puriso suṅkaṭṭhānam passivā tassa bhikkhuno ajānantassa thavikāya maṇim pakkhipitvā suṅkaṭṭhānam atikkamitvā aggahesi. Tassa kukkucam ahosi...pe... “kiṃcitto tvam, bhikkhū”ti? “Nāham, bhagavā, jānāmī”ti. “Anāpatti, bhikkhu, ajānantassā”ti.

Tena kho pana samayena aññataro puriso mahaggham maṇim ādāya aññatarena bhikkhunā saddhim addhānamaggappaṭipanno hoti. Atha kho so puriso suṅkaṭṭhānam passivā gilānālayam karitvā attano bhaṇḍikam tassa bhikkhuno adāsi. Atha kho so puriso suṅkaṭṭhānam atikkamitvā tam bhikkhum etadavoca – “āhara me, bhante, bhaṇḍikam; nāham akallako”ti. “Kissa pana tvam, āvuso, evarūpaṃ akāsī”ti? Atha kho so puriso tassa bhikkhuno etamattham ārocesi. Tassa kukkucam ahosi...pe... “kiṃcitto tvam, bhikkhū”ti? “Nāham, bhagavā, jānāmī”ti. “Anāpatti, bhikkhu, ajānantassā”ti.

152. Tena kho pana samayena aññataro bhikkhu satthena saddhim addhānamaggappaṭipanno hoti. Aññataro puriso tam bhikkhum āmisena upalāpetvā suṅkaṭṭhānam passivā mahaggham maṇim tassa bhikkhuno adāsi – “imaṃ, bhante, maṇim suṅkaṭṭhānam atikkāmeḥī”ti. Atha kho so bhikkhu tam maṇim suṅkaṭṭhānam atikkāmesi. Tassa kukkucam ahosi...pe... “āpattim tvam, bhikkhu, āpanno pārājika”nti.

153. Tena kho pana samayena aññataro bhikkhu pāse bandham sūkaram kārūñṇena muñci. Tassa kukkucam ahosi...pe... “kiṃcitto tvam, bhikkhū”ti? “Kārūñṇādhippāyo aham, bhagavā”ti. “Anāpatti, bhikkhu, kārūñṇādhippāyassā”ti.

Tena kho pana samayena aññataro bhikkhu pāse bandham sūkaram – “pure sāmikā passantī”ti, theyyacitto muñci. Tassa kukkucam ahosi...pe... “āpattim tvam, bhikkhu, āpanno pārājika”nti.

Tena kho pana samayena aññataro bhikkhu pāse bandham migam kārūñṇena muñci... pāse bandham migam – “pure sāmikā passantī”ti, theyyacitto muñci ... kumine bandhe macche kārūñṇena muñci... kumine bandhe macche – “pure sāmikā passantī”ti theyyacitto muñci. Tassa kukkucam ahosi...pe... “āpattim tvam, bhikkhu, āpanno pārājika”nti.

Tena kho pana samayena aññataro bhikkhu yāne bhaṇḍam passivā – “ito gaṇhanto pārājiko bhavissāmī”ti, atikkamitvā pavattetvā [pavattetvā (ka.)] aggahesi. Tassa kukkucam ahosi...pe...

“āpattiṃ tvaṃ, bhikkhu, āpanno pārājika”nti.

Tena kho pana samayena aññataro bhikkhu kulalena ukkhittaṃ maṃsapesiṃ – “sāmikānaṃ dassāmi”ti aggahesi. Sāmikā taṃ bhikkhuṃ codesuṃ – “assamaṇosi tva”nti. Tassa kukkucçaṃ ahosi... pe... “anāpatti, bhikkhu, attheyacittassā”ti.

Tena kho pana samayena aññataro bhikkhu kulalena ukkhittaṃ maṃsapesiṃ – “pure sāmikā passantī”ti, theyyacitto aggahesi. Sāmikā taṃ bhikkhuṃ codesuṃ – “assamaṇosi tva”nti. Tassa kukkucçaṃ ahosi...pe... “āpattiṃ tvaṃ, bhikkhu, āpanno pārājika”nti.

154. Tena kho pana samayena manussā uḷupaṃ bandhitvā aciravatiyā nadiyā osārenti. Bandhane chinne kaṭṭhāni vipakīṇṇāni agamaṃsu. Bhikkhū paṃsukūlasaññino uttāresuṃ. Sāmikā te bhikkhū codesuṃ – “assamaṇāttha tumhe”ti. Tesāṃ kukkucçaṃ ahosi...pe... “anāpatti, bhikkhave, paṃsukūlasaññissā”ti.

Tena kho pana samayena manussā uḷupaṃ bandhitvā aciravatiyā nadiyā osārenti. Bandhane chinne kaṭṭhāni vipakīṇṇāni agamaṃsu. Bhikkhū – “pure sāmikā passantī”ti, theyyacittā uttāresuṃ. Sāmikā te bhikkhū codesuṃ – “assamaṇāttha tumhe”ti. Tesāṃ kukkucçaṃ ahosi...pe... “āpattiṃ tumhe, bhikkhave, āpannā pārājika”nti.

Tena kho pana samayena aññataro gopālako rukkhe sātakaṃ ālaggetvā uccāraṃ agamāsi. Aññataro bhikkhu paṃsukūlasaññī aggahesi. Atha kho so gopālako taṃ bhikkhuṃ codesi – “assamaṇosi tva”nti. Tassa kukkucçaṃ ahosi...pe... “anāpatti, bhikkhu, paṃsukūlasaññissā”ti.

Tena kho pana samayena aññatarassa bhikkhuno nadiṃ tarantassa rajakānaṃ hatthato muttaṃ sātakaṃ pāde laggaṃ hoti. So bhikkhu – “sāmikānaṃ dassāmi”ti aggahesi. Sāmikā taṃ bhikkhuṃ codesuṃ – “assamaṇosi tva”nti. Tassa kukkucçaṃ ahosi...pe... “anāpatti, bhikkhu, attheyacittassā”ti.

Tena kho pana samayena aññatarassa bhikkhuno nadiṃ tarantassa rajakānaṃ hatthato muttaṃ sātakaṃ pāde laggaṃ hoti. So bhikkhu – “pure sāmikā passantī”ti, theyyacitto aggahesi. Sāmikā taṃ bhikkhuṃ codesuṃ – “assamaṇosi tva”nti. Tassa kukkucçaṃ ahosi...pe... “āpattiṃ tvaṃ, bhikkhu, āpanno pārājika”nti.

155. Tena kho pana samayena aññataro bhikkhu sappikumbhiṃ passivā thokaṃ thokaṃ paribhuñji. Tassa kukkucçaṃ ahosi...pe... “anāpatti, bhikkhu, pārājikassa; āpatti dukkaṭassā”ti.

Tena kho pana samayena sambahulā bhikkhū saṃvidahitvā agamaṃsu – “bhaṇḍaṃ avaharissāmi”ti. Eko bhaṇḍaṃ avahari. Te evamāhaṃsu – “na mayaṃ pārājikā. Yo avahaṭo so pārājiko”ti. Bhagavato etamatthaṃ ārocesuṃ... “āpattiṃ tumhe, bhikkhave, āpannā pārājika”nti.

Tena kho pana samayena sambahulā bhikkhū saṃvidahitvā bhaṇḍaṃ avaharivā bhājesuṃ. Tehi bhājīyamāne ekamekassa paṭiviso na pañcamāsako pūri. Te evamāhaṃsu – “na mayaṃ pārājikā”ti. Bhagavato etamatthaṃ ārocesuṃ. “Āpattiṃ tumhe, bhikkhave, āpannā pārājika”nti.

Tena kho pana samayena aññataro bhikkhu sāvattiyā dubbhikkhe āpaṇikassa taṇḍulamuttṭhiṃ theyyacitto avahari. Tassa kukkucçaṃ ahosi...pe... “āpattiṃ tvaṃ, bhikkhu, āpanno pārājika”nti.

Tena kho pana samayena aññataro bhikkhu sāvattiyā dubbhikkhe āpaṇikassa muggamuṭṭhiṃ... māsamuṭṭhiṃ... tilamuṭṭhiṃ theyyacitto avahari. Tassa kukkucçaṃ ahosi...pe... “āpattiṃ tvaṃ, bhikkhu āpanno pārājika”nti.

Tena kho pana samayena sāvattthiyaṃ andhavane corakā gāviṃ hantvā maṃsaṃ khādītva sesakaṃ paṭisāmetvā agamaṃsu. Bhikkhū paṃsukūlasaññino paṭiggahāpetvā paribhuñjiṃsu. Corakā te bhikkhū codesuṃ – “assamaṇāttha tumhe”ti. Tesāṃ kukkucçaṃ ahosi...pe... “anāpatti, bhikkhave, paṃsukūlasaññissā”ti.

Tena kho pana samayena sāvattthiyaṃ andhavane corakā sūkaraṃ hantvā maṃsaṃ khādītva sesakaṃ paṭisāmetvā agamaṃsu. Bhikkhū paṃsukūlasaññino paṭiggahāpetvā paribhuñjiṃsu. Corakā te bhikkhū codesuṃ – “assamaṇāttha tumhe”ti. Tesāṃ kukkucçaṃ ahosi...pe... “anāpatti, bhikkhave, paṃsukūlasaññissā”ti.

Tena kho pana samayena aññataro bhikkhu tiṇakkhettaṃ gantvā lūtaṃ tiṇaṃ pañcamāsagghanakaṃ theyyacitto avahari. Tassa kukkucçaṃ ahosi ...pe... “āpattiṃ tvaṃ, bhikkhu, āpanno pārājika”nti.

Tena kho pana samayena aññataro bhikkhu tiṇakkhettaṃ gantvā tiṇaṃ lāyitvā pañcamāsagghanakaṃ theyyacitto avahari. Tassa kukkucçaṃ ahosi...pe... “āpattiṃ tvaṃ, bhikkhu, āpanno pārājika”nti.

156. Tena kho pana samayena āgantukā bhikkhū saṅghassa ambaṃ bhājāpetvā paribhuñjiṃsu. Āvāsikā bhikkhū te bhikkhū codesuṃ – “assamaṇāttha tumhe”ti. Tesāṃ kukkucçaṃ ahosi...pe... bhagavato etamatthaṃ ārocesuṃ. “Kiṃcittā tumhe, bhikkhave”ti? “Paribhogatthāya [paribhogatthā (sī.)] mayaṃ bhagavā”ti. “Anāpatti, bhikkhave, paribhogatthāyā”ti.

Tena kho pana samayena āgantukā bhikkhū saṅghassa jambuṃ... saṅghassa labujaṃ... saṅghassa panasāṃ... saṅghassa tālapakkaṃ... saṅghassa ucchuṃ... saṅghassa timbarūsakaṃ bhājāpetvā paribhuñjiṃsu. Āvāsikā bhikkhū te bhikkhū codesuṃ – “assamaṇāttha, tumhe”ti. Tesāṃ kukkucçaṃ ahosi...pe... “anāpatti, bhikkhave, paribhogatthāyā”ti.

Tena kho pana samayena ambapālakā bhikkhūnaṃ ambaphalaṃ denti. Bhikkhū – “gopetuṃ ime issarā, nayime dātu”nti, kukkucçāyantā na paṭiggaṇhanti. Bhagavato etamatthaṃ ārocesuṃ. “Anāpatti, bhikkhave, gopakassa dāne”ti.

Tena kho pana samayena jambupālakā... labujapālakā... panasapālakā... tālapakkapālakā... ucchupālakā... timbarūsakapālakā bhikkhūnaṃ timbarūsakaṃ denti. Bhikkhū – “gopetuṃ ime issarā, nayime dātu”nti, kukkucçāyantā na paṭiggaṇhanti. Bhagavato etamatthaṃ ārocesuṃ. “Anāpatti, bhikkhave, gopakassa dāne”ti.

Tena kho pana samayena aññataro bhikkhu saṅghassa dāruṃ tāvakālikaṃ haritvā attano vihārassa kuṭṭhaṃ upatthambhesi. Bhikkhū taṃ bhikkhuṃ codesuṃ – “assamaṇosi tva”nti. Tassa kukkucçaṃ ahosi. Bhagavato etamatthaṃ ārocesi. “Kiṃcitto tvaṃ, bhikkhū”ti? “Tāvakāliko ahaṃ, bhagavā”ti. “Anāpatti, bhikkhu, tāvakālike”ti.

Tena kho pana samayena aññataro bhikkhu saṅghassa udakaṃ theyyacitto avahari... saṅghassa mattikaṃ theyyacitto avahari... saṅghassa puñjakitaṃ tiṇaṃ theyyacitto avahari... tassa kukkucçaṃ ahosi...pe... “āpattiṃ tvaṃ, bhikkhu, āpanno pārājika”nti.

Tena kho pana samayena aññataro bhikkhu saṅghassa puñjakitaṃ tiṇaṃ theyyacitto jhāpesi. Tassa kukkucçaṃ ahosi...pe... “anāpatti, bhikkhu, pārājikassa. Āpatti dukkaṭassā”ti.

Tena kho pana samayena aññataro bhikkhu saṅghassa mañcaṃ theyyacitto avahari... tassa kukkucçaṃ ahosi...pe... “āpattiṃ tvaṃ, bhikkhu, āpanno pārājika”nti.

Tena kho pana samayena aññataro bhikkhu saṅghassa pīṭhaṃ... saṅghassa bhisim... saṅghassa bibbohanam [bimbohanam (sī. syā.)] ... saṅghassa kavātaṃ... saṅghassa ālokasandhim... saṅghassa gopānasim theyyacitto avahari... tassa kukkucam ahoṣi...pe... ‘āpattim tvaṃ, bhikkhu, āpanno pārājika’nti.

157. [cūlava. 324] Tena kho pana samayena bhikkhū aññatarassa upāsakassa vihāraparibhogam senāsanam aññatra paribhuñjanti. Atha kho so upāsako ujjhāyati khiyyati vipāceti – ‘kathañhi nāma bhadantā aññatra paribhogam aññatra paribhuñjissanti’nti! Bhagavato etamattham ārocesum. ‘Na, bhikkhave, aññatra paribhogo aññatra paribhuñjitabbo. Yo paribhuñjeyya, āpatti dukkaṭassā’nti.

[cūlava. 324] Tena kho pana samayena bhikkhū uposathaggampi sannisajjampi haritum kukkucāyantā chamāyam nisīdanti. Gattānipi cīvarānipi paṃsukitāni honti. Bhagavato etamattham ārocesum. ‘Anujānāmi, bhikkhave, tāvakālikam haritu’nti.

Tena kho pana samayena campāyam thullanandāya bhikkhuniyā antevāsini bhikkhunī thullanandāya bhikkhuniyā upaṭṭhākakulam gantvā – ‘ayyā icchati tekaṭulayāguṃ pātu’nti, pacāpetvā haritvā attanā paribhuñji. Sā jānitvā taṃ codesi – ‘assamañisi tva’nti. Tassā kukkucam ahoṣi. Atha kho sā bhikkhunī bhikkhunīnam etamattham ārocesi. Bhikkhuniyo bhikkhūnam etamattham ārocesum. Bhikkhū bhagavato etamattham ārocesum. ‘Anāpatti, bhikkhave, pārājikassa; āpatti sampajānamusāvāde pācittiyassā’nti.

Tena kho pana samayena rājagahe thullanandāya bhikkhuniyā antevāsini bhikkhunī thullanandāya bhikkhuniyā upaṭṭhākakulam gantvā – ‘ayyā icchati madhugoḷakam khāditu’nti, pacāpetvā haritvā attanā paribhuñji. Sā jānitvā taṃ codesi – ‘assamañisi tva’nti. Tassā kukkucam ahoṣi...pe... ‘anāpatti, bhikkhave, pārājikassa; āpatti sampajānamusāvāde pācittiyassā’nti.

158. Tena kho pana samayena vesāliyam āyasmato ajjukassa upaṭṭhākassa gahapatino dve dārakā honti – putto ca bhāgineyyo ca. Atha kho so gahapati āyasmantaṃ ajjukam etadavoca – ‘imaṃ, bhante, okāsam yo imesaṃ dvinnam dārakānam saddho hoti pasanno tassa ācikkheyyāsī’nti [ācikkheyyāsī so kālamakāsi (syā.)]. Tena kho pana samayena tassa gahapatino bhāgineyyo saddho hoti pasanno. Atha kho āyasmā ajjuko taṃ okāsam tassa dārakassa ācikkhi. So tena sāpateyyena kuṭumbañca saṅṭhapesi dānañca paṭṭhapesi. Atha kho tassa gahapatino putto āyasmantaṃ ānandaṃ etadavoca – ‘ko nu kho, bhante ānanda, pituno dāyājjo – putto vā bhāgineyyo vā’nti? ‘Putto kho, āvuso, pituno dāyājjo’nti. ‘Ayaṃ, bhante, ayyo ajjuko amhākam sāpateyyam amhākam methunakassa ācikkhi’nti. ‘Assamaṇo, āvuso, āyasmā ajjuko’nti. Atha kho āyasmā ajjuko āyasmantaṃ ānandaṃ etadavoca – ‘dehi me, āvuso ānanda, vinicchaya’nti. Tena kho pana samayena āyasmā upāli āyasmato ajjukassa pakkho hoti. Atha kho āyasmā upāli āyasmantaṃ ānandaṃ etadavoca – ‘yo nu kho, āvuso ānanda, sāmikena ‘imaṃ okāsam itthannāmassa ācikkheyyāsī’nti vutto tassa ācikkhati, kiṃ so āpajjati’nti? ‘Na, bhante, kiñci āpajjati, antamaso dukkaṭamattampī’nti. ‘Ayaṃ, āvuso, āyasmā ajjuko sāmikena – ‘imaṃ okāsam itthannāmassa ācikkhā’nti vutto tassa ācikkhati; anāpatti, āvuso, āyasmato ajjukassā’nti.

159. Tena kho pana samayena bārāṇasiyam āyasmato pilindavacchassa upaṭṭhākakulam corehi upaddutaṃ hoti. Dve ca dārakā nītā honti. Atha kho āyasmā pilindavaccho te dārake iddhiyā ānetvā pāsāde ṭhapesi. Manussā te dārake passivā – ‘ayyassāyam pilindavacchassa iddhānubhāvo’nti, āyasmante pilindavacche abhippasīdimṣu. Bhikkhū ujjhāyanti khiyyanti vipācenti – ‘kathañhi nāma āyasmā pilindavaccho corehi nīte dārake ānessati’nti! Bhagavato etamattham ārocesum. ‘Anāpatti, bhikkhave [iddhimato (sī.), iddhimantassa (syā.)], iddhimassa iddhivisaye’nti.

160. Tena kho pana samayena dve bhikkhū sahāyakā honti – paṇḍuko ca kapilo ca. Eko gāmake viharati, eko kosambiyam. Atha kho tassa bhikkhuno gāmakā kosambim gacchantassa antarāmagge nadim tarantassa sūkarikānam hatthato muttā medavaṭṭi pāde laggā hoti. So bhikkhu – ‘sāmikānam

dassāmī”ti agghesi. Sāmikā taṃ bhikkhuṃ codesuṃ – “assamaṇosi tva”nti. Taṃ uttiṇṇaṃ gopālikā [aññatarā gopālikā (sī. syā.)] passitvā etadavoca – “ehi, bhante, methunaṃ dhammaṃ paṭisevā”ti. So – “pakatīyāpāhaṃ assamaṇo”ti tassā methunaṃ dhammaṃ paṭisevitvā kosambīṃ gantvā bhikkhūnaṃ etamatthaṃ ārocesi. Bhikkhū bhagavato etamatthaṃ orocesuṃ. “Anāpatti, bhikkhave, adinnādāne pārājikassa; āpatti methunadhammasamāyoge pārājikassā”ti.

161. Tena kho pana samayena sāgalāyaṃ āyasmato daḥhikassa saddhivihāriko bhikkhu anabhiratiyā pīlito āpaṇikassa veṭhanaṃ avaharitvā āyasmantaṃ daḥhikaṃ etadavoca – “assamaṇo ahaṃ, bhante, vibbhamissāmī”ti. “Kiṃ tayā, āvuso, kata”nti? So tamatthaṃ ārocesi. Āharāpetvā agghāpesi. Taṃ agghāpentaṃ na pañcamāsake agghati. “Anāpatti, āvuso, pārājikassā”ti. Dhammakathaṃ akāsi. So bhikkhu abhiraṃatīti [abhiraṃatī (sī. syā.)].

Dutiyapārājikaṃ samattaṃ.

3. Tatiyapārājikaṃ

162. [idaṃ vatthu saṃ. ni. 5.985] Tena samayena buddho bhagavā vesāliyaṃ viharati mahāvane kūṭāgārasālāyaṃ. Tena kho pana samayena bhagavā bhikkhūnaṃ anekapariyāyena asubhakathaṃ katheti, asubhāya vaṇṇaṃ bhāsati, asubhabhāvanāya vaṇṇaṃ bhāsati, ādissa ādissa asubhasamāpattiyā vaṇṇaṃ bhāsati. Atha kho bhagavā bhikkhū āmantesi – “icchāmaṃ, bhikkhave, addhamāsaṃ paṭisallīyituṃ. Namhi kenaci upasaṅkamitabbo, aññatra ekena piṇḍapātānīhārakena”ti. “Evaṃ, bhante”ti, kho te bhikkhū bhagavato paṭissuṇitvā nāssudha koci bhagavantaṃ upasaṅkamati, aññatra ekena piṇḍapātānīhārakena. Bhikkhū – “bhagavā kho anekapariyāyena asubhakathaṃ katheti, asubhāya vaṇṇaṃ bhāsati, asubhabhāvanāya vaṇṇaṃ bhāsati, ādissa ādissa asubhasamāpattiyā vaṇṇaṃ bhāsati”ti (te) [() (?) evamuparipi idisesu thānesu] anekākāravokāraṃ asubhabhāvanānuyogamanuyuttā viharanti. Te sakena kāyena aṭṭiyanti harāyanti jigucchanti. Seyyathāpi nāma itthī vā puriso vā daharo yuvā maṇḍanakajātiko sīsaṃnhāto ahikuṇapena vā kukkurakuṇapena vā manussakuṇapena vā kaṇṭhe āsattena aṭṭiyeyya harāyeyya jiguccheyya, evameva te bhikkhū sakena kāyena aṭṭiyantā harāyantā jigucchantā attanāpi attānaṃ jīvitā voropenti, aññamaññampi jīvitā voropenti, migalaṇḍikampi samaṇakuttakaṃ upasaṅkamitvā evaṃ vadanti – “sādhu no, āvuso, jīvitā voropehi. Idaṃ te pattaṭṭhāraṃ bhavissati”ti. Atha kho migalaṇḍiko samaṇakuttako pattaṭṭhāraṃ bhaṭṭo sambahule bhikkhū jīvitā voropetvā lohitakaṃ [lohitagataṃ (ka.)] asīṃ ādāya yena vaggamudā nadī tenupasaṅkami.

163. Atha kho migalaṇḍikassa samaṇakuttakassa lohitakaṃ taṃ asīṃ dhovantassa ahudeva kukkucaṃ ahu vippaṭṭisāro – “alābhā vata me, na vata me lābhā; dulladdhaṃ vata me, na vata me suladdhaṃ. Bahuṃ vata mayā puññaṃ pasutaṃ, yohaṃ bhikkhū sīlavante kalyāṇadhamme jīvitā voropesi”nti. Atha kho aññatarā māraḥkāyikā devatā abhijjamāne udake āgantvā migalaṇḍikaṃ samaṇakuttakaṃ etadavoca – “sādhu sādhu sappurisa, lābhā te sappurisa, suladdhaṃ te sappurisa. Bahuṃ tayā sappurisa puññaṃ pasutaṃ, yaṃ tvamaṃ atinṇe tāresī”ti. Atha kho migalaṇḍiko samaṇakuttako – “lābhā kira me, suladdhaṃ kira me, bahuṃ kira mayā puññaṃ pasutaṃ, atinṇo kirāhaṃ tāremī”ti tiṇhaṃ asīṃ ādāya vihārena vihāraṃ pariveṇena pariveṇaṃ upasaṅkamitvā evaṃ vadeti – “ko atinṇo, kaṃ tāremī”ti? Tattha ye te bhikkhū avītarāgā tesāṃ tasmīṃ samaye hotiyeva bhayaṃ hoti chambhitattaṃ hoti lomahaṃso. Ye pana te bhikkhū vītarāgā tesāṃ tasmīṃ samaye na hoti bhayaṃ na hoti chambhitattaṃ na hoti lomahaṃso. Atha kho migalaṇḍiko samaṇakuttako ekampi bhikkhuṃ ekāhena jīvitā voropesi, dvepi bhikkhū ekāhena jīvitā voropesi, tayopi bhikkhū ekāhena jīvitā voropesi, cattāropi bhikkhū ekāhena jīvitā voropesi, pañcapi bhikkhū ekāhena jīvitā voropesi, dasapi bhikkhū ekāhena jīvitā voropesi, vīsampi bhikkhū ekāhena jīvitā voropesi, tiṃsampi bhikkhū ekāhena jīvitā voropesi, cattālīsampi bhikkhū ekāhena jīvitā voropesi, paññāsampi bhikkhū ekāhena jīvitā voropesi, saṭṭhimpī bhikkhū ekāhena jīvitā voropesi.

164. Atha kho bhagavā tassa addhamāsassa accayena paṭisallānā vuṭṭhito āyasmantaṃ ānandaṃ

āmantesi – “kiṃ nu kho, ānanda, tanubhūto viya bhikkhusaṅgho”ti? “Tathā hi pana, bhante, bhagavā bhikkhūnaṃ anekapariyāyena asubhakathaṃ katheti, asubhāya vaṇṇaṃ bhāsati, asubhabhāvanāya vaṇṇaṃ bhāsati, ādissa ādissa asubhasamāpattiyā vaṇṇaṃ bhāsati. Te ca, bhante, bhikkhū – ‘bhagavā kho anekapariyāyena asubhakathaṃ katheti, asubhāya vaṇṇaṃ bhāsati, asubhabhāvanāya vaṇṇaṃ bhāsati, ādissa ādissa asubhasamāpattiyā vaṇṇaṃ bhāsati’ ti, te anekākāravokāraṃ asubhabhāvanānuyogamanuyuttā viharanti. Te sakena kāyena aṭṭiyanti harāyanti jigucchanti. Seyyathāpi nāma itthi vā puriso vā daharo yuvā maṇḍanakajātiko sīsamnhāto ahikuṇapena vā kukkurakuṇapena vā manussakuṇapena vā kaṅthe āsattena aṭṭiyeyya harāyeyya jiguccheyya, evameva te bhikkhū sakena kāyena aṭṭiyantā harāyantā jigucchantā attanāpi attānaṃ jīvitā voropenti, aññamaññampi jīvitā voropenti, migalaṇḍikampi samaṇakuttakaṃ upasaṅkamtivā evaṃ vadanti – ‘sādhu no, āvuso, jīvitā voropehi. Idaṃ te pattacīvaraṃ bhavissati’ ti. Atha kho, bhante, migalaṇḍiko samaṇakuttako pattacīvarehi bhaṭo ekampi bhikkhuṃ ekāhena jīvitā voropesi...pe... saṭṭhimpī bhikkhū ekāhena jīvitā voropesi. Sādhu, bhante, bhagavā aññaṃ pariyāyaṃ ācikkhatu yathāyaṃ bhikkhusaṅgho aññāya saṅghaheyyā’ ti. “Tenahānanda, yāvaticā bhikkhū vesāliṃ upanissāya viharanti te sabbe upaṭṭhānasālāyaṃ sannipātehi” ti. “Evaṃ, bhante” ti, kho āyasmā ānando bhagavato paṭissuṇitvā yāvaticā bhikkhū vesāliṃ upanissāya viharanti te sabbe upaṭṭhānasālāyaṃ sannipāteṭvā yena bhagavā tenupasaṅkami; upasaṅkamtivā bhagavantaṃ etadavoca – “sannipatito, bhante bhikkhusaṅgho; yassa dāni, bhante, bhagavā kālaṃ maññati” ti.

165. Atha kho bhagavā yena upaṭṭhānasālā tenupasaṅkami; upasaṅkamtivā paññatte āsane nisīdi. Nisajja kho bhagavā bhikkhū āmantesi – “ayampi kho, bhikkhave, ānāpānassatisamādhi bhāvito bahulīkato santo ceva paṇīto ca asecanako ca sukho ca vihāro uppannuppanne ca pāpake akusale dhamme ṭhānaso antaradhāpeti vūpasameti. Seyyathāpi, bhikkhave, gimhānaṃ pacchime māse uhatam [ūhatam (ka.)] rajojallaṃ tamenam mahā akālamegho ṭhānaso antaradhāpeti vūpasameti, evameva kho, bhikkhave, ānāpānassatisamādhi bhāvito bahulīkato santo ceva paṇīto ca asecanako ca sukho ca vihāro uppannuppanne ca pāpake akusale dhamme ṭhānaso antaradhāpeti vūpasameti. Kathaṃ bhāvito ca, bhikkhave, ānāpānassatisamādhi kathaṃ bahulīkato santo ceva paṇīto ca asecanako ca sukho ca vihāro uppannuppanne ca pāpake akusale dhamme ṭhānaso antaradhāpeti vūpasameti? Idha, bhikkhave, bhikkhu araññagato vā rukkhamūlagato vā suññāgāragato vā nisīdati pallaṅkaṃ ābhujitvā ujum kāyaṃ paṇidhāya parimukhaṃ satim upaṭṭhapetvā. So satova assasati sato passasati. Dīghaṃ vā assasanto dīghaṃ assasāmīti pajānāti, dīghaṃ vā passasanto dīghaṃ passasāmīti pajānāti. Rassaṃ vā assasanto rassaṃ assasāmīti pajānāti, rassaṃ vā passasanto rassaṃ passasāmīti pajānāti. Sabbakāyappaṭisaṃvedī assasissāmīti sikkhati. Sabbakāyappaṭisaṃvedī passasissāmīti sikkhati. Passambhayaṃ kāyasaṅkhāraṃ assasissāmīti sikkhati. Passambhayaṃ kāyasaṅkhāraṃ passasissāmīti sikkhati. Pītippaṭisaṃvedī assasissāmīti sikkhati. Pītippaṭisaṃvedī passasissāmīti sikkhati. Sukhappaṭisaṃvedī assasissāmīti sikkhati. Sukhappaṭisaṃvedī passasissāmīti sikkhati. Cittasaṅkhārappaṭisaṃvedī assasissāmīti sikkhati. Cittasaṅkhārappaṭisaṃvedī passasissāmīti sikkhati. Passambhayaṃ cittasaṅkhāraṃ assasissāmīti sikkhati. Passambhayaṃ cittasaṅkhāraṃ passasissāmīti sikkhati. Cittappaṭisaṃvedī assasissāmīti sikkhati. Cittappaṭisaṃvedī passasissāmīti sikkhati. Abhippamodayaṃ cittaṃ...pe... samādahaṃ cittaṃ...pe... vimocayaṃ cittaṃ...pe... aniccānupassī...pe... virāgānupassī...pe... nirodhānupassī...pe... paṭinissaggānupassī assasissāmīti sikkhati. Paṭinissaggānupassī passasissāmīti sikkhati. Evaṃ bhāvito kho, bhikkhave, ānāpānassatisamādhi evaṃ bahulīkato santo ceva paṇīto ca asecanako ca sukho ca vihāro uppannuppanne ca pāpake akusale dhamme ṭhānaso antaradhāpeti vūpasameti” ti.

166. Atha kho bhagavā etasmim nidāne etasmim pakaraṇe bhikkhusaṅghaṃ sannipāteṭvā bhikkhū paṭipucchi – “saccaṃ kira, bhikkhave, bhikkhū attanāpi attānaṃ jīvitā voropenti, aññamaññampi jīvitā voropenti migalaṇḍikampi samaṇakuttakaṃ upasaṅkamtivā evaṃ vadanti – ‘sādhu no, āvuso, jīvitā voropehi, idaṃ te pattacīvaraṃ bhavissati’” ti? “Saccaṃ, bhagavā” ti. Vigarahi buddho bhagavā – “ananucchavikaṃ, bhikkhave, tesam bhikkhūnaṃ ananulomikaṃ appaṭirūpaṃ assamaṇakaṃ akappiyaṃ akaraṇīyaṃ. Kathaṃhi nāma te, bhikkhave, bhikkhū attanāpi attānaṃ jīvitā voropessanti, aññamaññampi jīvitā voropessanti, migalaṇḍikampi samaṇakuttakaṃ upasaṅkamtivā evaṃ vakkhanti –

‘sādhu no, āvuso, jīvitā voropehi, idaṃ te pattacīvaram bhavissatī’ti. Netam, bhikkhave, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

167. “Yo pana bhikkhu sañcicca manussaviggahaṃ jīvitā voropeyya satthahāraṃ vāssa pariyeseyya, ayampi pārājiko hoti asaṃvāso”ti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

168. Tena kho pana samayena aññataro upāsako gilāno hoti. Tassa pajāpati abhirūpā hoti dassanīyā pāsādikā. Chabbaggiyā bhikkhū tassā itthiyā paṭibaddhacittā honti. Atha kho chabbaggiyānaṃ bhikkhūnaṃ etadahosi – “sace kho so, āvuso, upāsako jīvissati na mayaṃ taṃ itthiṃ labhissāma. Handa mayaṃ, āvuso, tassa upāsakassa maraṇavaṇṇaṃ saṃvaṇṇemā”ti. Atha kho chabbaggiyā bhikkhū yena so upāsako tenupasaṅkamimsu; upasaṅkamitvā taṃ upāsakaṃ etadavocaṃ – “tvam khosi, upāsaka, katakalyāṇo katakusalo katabhīruttāṇo akatapāpo akataluddo akatakibbisso. Kataṃ tayā kalyāṇaṃ, akataṃ tayā pāpaṃ. Kiṃ tuyhiminā pāpakena dujjīvitena! Mataṃ te jīvitā seyyo. Ito tvam kālaṅkato kāyassa bhedā paraṃ maraṇā sugatiṃ saggāṃ lokaṃ upapajjissasi. Tattha dibbehi pañcahi kāmaguṇehi samappito samaṅgībhūto paricāressasī”ti.

169. Atha kho so upāsako – “saccaṃ kho ayyā āhaṃsu. Ahañhi katakalyāṇo katakusalo katabhīruttāṇo akatapāpo akataluddo akatakibbisso. Kataṃ mayā kalyāṇaṃ, akataṃ mayā pāpaṃ. Kiṃ mayhiminā pāpakena dujjīvitena! Mataṃ me jīvitā seyyo. Ito ahaṃ kālaṅkato kāyassa bhedā paraṃ maraṇā sugatiṃ saggāṃ lokaṃ upapajjissāmi. Tattha dibbehi pañcahi kāmaguṇehi samappito samaṅgībhūto paricāressāmi”ti, so asappāyāni ceva bhojanāni bhuñji asappāyāni ca khādanīyāni khādi asappāyāni ca sāyanīyāni sāyi asappāyāni ca pānāni pivi. Tassa asappāyāni ceva bhojanāni bhuñjato asappāyāni ca khādanīyāni khādato asappāyāni ca sāyanīyāni sāyato asappāyāni ca pānāni pivato kharo ābādho uppajji. So teneva ābādheṇa kālamakāsi. Tassa pajāpati ujjhāyati khiyyati vipāceti – “alajjino ime samaṇā sakyaputtiyā dussīlā musāvādino. Ime hi nāma dhammacārino samacārino brahmacārino saccavādino sīlavanto kalyāṇadhammā paṭijānissanti! Natthi imesaṃ sāmāññaṃ natthi imesaṃ brahmaññaṃ, natthaṃ imesaṃ sāmāññaṃ natthaṃ imesaṃ brahmaññaṃ, kuto imesaṃ sāmāññaṃ kuto imesaṃ brahmaññaṃ, apagatā ime sāmāññā apagatā ime brahmaññā. Ime me sāmikassa maraṇavaṇṇaṃ saṃvaṇṇesum. Imehi me sāmiko mārito”ti. Aññepi manussā ujjhāyanti khiyyanti vipācenti – “alajjino ime samaṇā sakyaputtiyā dussīlā musāvādino. Ime hi nāma dhammacārino samacārino brahmacārino saccavādino sīlavanto kalyāṇadhammā paṭijānissanti! Natthi imesaṃ sāmāññaṃ natthi imesaṃ brahmaññaṃ, natthaṃ imesaṃ sāmāññaṃ natthaṃ imesaṃ brahmaññaṃ, kuto imesaṃ sāmāññaṃ kuto imesaṃ brahmaññaṃ, apagatā ime sāmāññā apagatā ime brahmaññā. Ime upāsakassa maraṇavaṇṇaṃ saṃvaṇṇesum. Imehi upāsako mārito”ti. Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācenti – “kathañhi nāma chabbaggiyā bhikkhū upāsakassa maraṇavaṇṇaṃ saṃvaṇṇissanti”ti!

170. Atha kho te bhikkhū chabbaggiye bhikkhū anekapariyāyena vigarahitvā bhagavato etamatthaṃ ārocesum...pe... “saccaṃ kira tumhe, bhikkhave, upāsakassa maraṇavaṇṇaṃ saṃvaṇṇethā”ti? “Saccaṃ, bhagavā”ti. Vigarahi buddho bhagavā – “ananucchavikaṃ, moghapurisā, ananulomikaṃ appaṭirūpaṃ assāmaṇakaṃ akappiyaṃ akaraṇīyaṃ. Kathañhi nāma tumhe, moghapurisā, upāsakassa maraṇavaṇṇaṃ saṃvaṇṇissatha! Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

171. “Yo pana bhikkhu sañcicca manussaviggahaṃ jīvitā voropeyya satthahāraṃ vāssa pariyeseyya maraṇavaṇṇaṃ vā saṃvaṇṇeyya maraṇāya vā samādapeyya – ‘ambho purisa, kiṃ tuyhiminā pāpakena dujjīvitena, mataṃ te jīvitā seyyo’ti, iti cittamano cittasaṅkappo anekapariyāyena maraṇavaṇṇaṃ vā saṃvaṇṇeyya, maraṇāya vā samādapeyya, ayampi pārājiko hoti asaṃvāso”ti.

172. Yo panāti yo yādiso...pe... **bhikkhūti**...pe... ayam imasmiṃ atthe adhippeto bhikkhūti.

Sañciccāti jānanto sañjānanto cecca abhivitaritvā vītikkamo.

Manussaviggaho nāma yaṃ mātukucchismiṃ paṭhamam cittaṃ uppannam paṭhamam viññānam pātubhūtam, yāva maraṇakālā ethantare eso manussaviggaho nāma.

Jīvitā voropeyyāti jīvitindriyam upacchindati uparodheti santatiṃ vikopeti.

Satthahāraḥkaṃ vāssa pariyeseyyāti asim vā sattiṃ vā bheṇḍim vā [bheṇḍim vā (ka.)] laguḷam vā [sūlamvā laguḷamvā (syā.)] pāsānam vā sattham vā visam vā rajjum vā.

Maraṇavaṇṇam vā saṃvaṇṇeyyāti jīvite ādīnavam dasseti, maraṇe vaṇṇam bhaṇati.

Maraṇāya vā samādapeyyāti sattham vā āhara, visam vā khāda, rajjuyā vā ubbandhitvā kālaṅkarohīti.

Ambho purisāti ālapanādhivacanametam.

Kim tuyhiminā pāpakena dujjīvitenati pāpakam nāma jīvitam aḍḍhānam jīvitam upādāya daliddānam jīvitam pāpakam lāmakam, sadhanānam jīvitam upādāya adhanānam jīvitam pāpakam, devānam jīvitam upādāya manussānam jīvitam pāpakam.

Dujjīvitam nāma hatthacchinnassa pādacchinnassa hatthapādacchinnassa kaṇṇacchinnassa nāsacchinnassa kaṇṇanāsacchinnassa, iminā ca pāpakena iminā ca dujjīvitena mataṃ te jīvitā seyyoti.

Iti cittamanoti yaṃ cittaṃ taṃ mano, yaṃ mano taṃ cittaṃ.

Cittasaṅkappoti maraṇasaññī maraṇacetano maraṇādhippāyo.

Anekapariyāyenāti uccāvacehi ākārehi.

Maraṇavaṇṇam vā saṃvaṇṇeyyāti jīvite ādīnavam dasseti, maraṇe vaṇṇam bhaṇati – “ito tvam kālaṅkato kāyassa bhedā param maraṇā sugatiṃ saggam lokam upapajjissasi, tattha dibbehi pañcahi kāmaguṇehi samappito samaṅgībhūto paricāressasī”ti.

Maraṇāya vā samādapeyyāti sattham vā āhara, visam vā khāda, rajjuyā vā ubbandhitvā kālaṅkarohī, sobbhe vā narake vā papāte vā papatāti.

Ayampīti purime upādāya vuccati.

Pārājiko hotīti seyyathāpi nāma puthusilā dvidhā bhinnā [dvedhā bhinnā (syā.)] appaṭisandhikā hoti, evameva bhikkhu sañcicca manussaviggaham jīvitā voropetvā assamaṇo hoti asakyaputtiyo. Tena vuccati – ‘pārājiko hotī’ti.

Asaṃvāsoti saṃvāso nāma ekakammaṃ ekuddeso samasikkhatā – eso saṃvāso nāma. So tena saddhiṃ natthi, tena vuccati asaṃvāsoti.

173. Sāmaṃ, adhiṭṭhāya, dūtena, dūtaparamparāya, visakkiyena dūtena, gatapaccāgatena dūtena, araho rahosaññī, raho arahosaññī, araho arahosaññī, raho rahosaññī kāyena saṃvaṇṇeti, vācāya

saṃvaṇṇeti, kāyena vācāya saṃvaṇṇeti, dūtena saṃvaṇṇeti, lekhāya saṃvaṇṇeti, opātaṃ apassenam, upanikkhipanam, bhesajjam, rūpūpahāro, saddūpahāro, gandhūpahāro, rasūpahāro, phoṭṭhabbūpahāro, dhammūpahāro, ācikkhanā, anusāsani, saṅketakammaṃ, nimittakammanti.

174. Sāmanti sayam hanati kāyena vā kāyapaṭibaddhena vā nissaggiyena vā.

Adhiṭṭhāyāti adhiṭṭhahitvā āṇāpeti – “evaṃ vijjha, evaṃ pahara, evaṃ ghātehī”ti.

Bhikkhu bhikkhuṃ āṇāpeti – “itthannāmaṃ jīvitā voropehī”ti, āpatti dukkaṭassa. So taṃ maññaṃāno taṃ jīvitā voropeti, āpatti ubhinnaṃ pārājikassa.

Bhikkhu bhikkhuṃ āṇāpeti – “itthannāmaṃ jīvitā voropehī”ti, āpatti dukkaṭassa. So taṃ maññaṃāno aññaṃ jīvitā voropetti, mūlaṭṭhassa anāpatti. Vadhakassa āpatti pārājikassa.

Bhikkhu bhikkhuṃ āṇāpeti – “itthannāmaṃ jīvitā voropehī”ti, āpatti dukkaṭassa. So aññaṃ maññaṃāno taṃ jīvitā voropeti, āpatti ubhinnaṃ pārājikassa.

Bhikkhu bhikkhuṃ āṇāpeti – “itthannāmaṃ jīvitā voropehī”ti, āpatti dukkaṭassa. So aññaṃ maññaṃāno aññaṃ jīvitā voropeti; mūlaṭṭhassa anāpatti, vadhakassa āpatti pārājikassa.

Bhikkhu bhikkhuṃ āṇāpeti – “itthannāmassa pāvada – itthannāmo itthannāmassa pāvadatu – itthannāmo itthannāmaṃ jīvitā voropetū”ti, āpatti dukkaṭassa. So itarassa āroceti, āpatti dukkaṭassa. Vadhako paṭiggaṇhāti, mūlaṭṭhassa āpatti thullaccayassa. So taṃ jīvitā voropeti, āpatti sabbesaṃ pārājikassa.

Bhikkhu bhikkhuṃ āṇāpeti – “itthannāmassa pāvada – itthannāmo itthannāmassa pāvadatu – itthannāmo itthannāmaṃ jīvitā voropetū”ti, āpatti dukkaṭassa. So aññaṃ āṇāpeti, āpatti dukkaṭassa. Vadhako paṭiggaṇhāti, āpatti dukkaṭassa. So taṃ jīvitā voropeti, mūlaṭṭhassa anāpatti; āṇāpakassa ca vadhakassa ca āpatti pārājikassa.

Bhikkhu bhikkhuṃ āṇāpeti – “itthannāmaṃ jīvitā voropehī”ti, āpatti dukkaṭassa. So gantvā puna paccāgacchati – “nāhaṃ sakkomi taṃ jīvitā voropetu”nti. So puna āṇāpeti – “yadā sakkosi tadā taṃ jīvitā voropehī”ti, āpatti dukkaṭassa. So taṃ jīvitā voropeti, āpatti ubhinnaṃ pārājikassa.

Bhikkhu bhikkhuṃ āṇāpeti – “itthannāmaṃ jīvitā voropehī”ti, āpatti dukkaṭassa. So āṇāpetvā vipaṭṭisārī na sāveti – “mā ghātehī”ti. So taṃ jīvitā voropeti, āpatti ubhinnaṃ pārājikassa.

Bhikkhu bhikkhuṃ āṇāpeti – “itthannāmaṃ jīvitā voropehī”ti, āpatti dukkaṭassa. So āṇāpetvā vipaṭṭisārī sāveti – “mā ghātehī”ti. So – “āṇatto ahaṃ tayā”ti taṃ jīvitā voropeti, mūlaṭṭhassa anāpatti. Vadhakassa āpatti pārājikassa.

Bhikkhu bhikkhuṃ āṇāpeti – “itthannāmaṃ jīvitā voropehī”ti, āpatti dukkaṭassa. So āṇāpetvā vipaṭṭisārī sāveti – “mā ghātehī”ti. So sādhuṭi oramati, ubhinnaṃ anāpatti.

175. Araho rahosaññī ullapati – “aho itthannāmo hatto assā”ti, āpatti dukkaṭassa. Raho arahosaññī ullapati – “aho itthannāmo hatto assā”ti, āpatti dukkaṭassa. Araho arahosaññī ullapati – “aho itthannāmo hatto assā”ti, āpatti dukkaṭassa. Raho rahosaññī ullapati – “aho itthannāmo hatto assā”ti, āpatti dukkaṭassa.

Kāyena saṃvaṇṇeti nāma kāyena vikāraṃ karoti – “yo evaṃ marati so dhanam vā labhati yasam

vā labhati saggam vā gacchatī”ti, āpatti dukkaṭassa. Tāya saṃvaṇṇanāya marissāmīti dukkham vedanam uppādeti, āpatti thullaccayassa. Marati, āpatti pārājikassa.

Vācāya saṃvaṇṇeti nāma vācāya bhaṇati – “yo evaṃ marati so dhanam vā labhati yasaṃ vā labhati saggam vā gacchatī”ti, āpatti dukkaṭassa. Tāya saṃvaṇṇanāya marissāmīti dukkham vedanam uppādeti, āpatti thullaccayassa. Marati, āpatti pārājikassa.

Kāyena vācāya saṃvaṇṇeti nāma kāyena ca vikāram karoti, vācāya ca bhaṇati – “yo evaṃ marati so dhanam vā labhati yasaṃ vā labhati saggam vā gacchatī”ti, āpatti dukkaṭassa. Tāya saṃvaṇṇanāya marissāmīti dukkham vedanam uppādeti, āpatti thullaccayassa. Marati, āpatti pārājikassa.

Dūtena saṃvaṇṇeti nāma dūtassa sāsanaṃ āroceti – “yo evaṃ marati so dhanam vā labhati yasaṃ vā labhati saggam vā gacchatī”ti, āpatti dukkaṭassa. Dūtassa sāsanaṃ sutvā marissāmīti dukkham vedanam uppādeti, āpatti thullaccayassa. Marati, āpatti pārājikassa.

176. Lekhāya saṃvaṇṇeti nāma lekham chindati – “yo evaṃ marati so dhanam vā labhati yasaṃ vā labhati saggam vā gacchatī”ti, akkharakkharāya āpatti dukkaṭassa. Lekham passivā marissāmīti dukkham vedanam uppādeti, āpatti thullaccayassa. Marati, āpatti pārājikassa.

Opātam nāma manussaṃ uddissa opātam khanati – “papativā marissatī”ti, āpatti dukkaṭassa. Papatite dukkhā vedanā uppajjati, āpatti thullaccayassa. Marati, āpatti pārājikassa. Anodissa opātam khanati – “yo koci papativā marissatī”ti, āpatti dukkaṭassa. Manusso tasmim papatati, āpatti dukkaṭassa. Papatite dukkhā vedanā uppajjati, āpatti thullaccayassa. Marati, āpatti pārājikassa. Yakkho vā peto vā tiracchānagatamanussaviggaho vā tasmim papatati, āpatti dukkaṭassa. Papatite dukkhā vedanā uppajjati, āpatti dukkaṭassa. Marati, āpatti thullaccayassa. Tiracchānagato tasmim papatati, āpatti dukkaṭassa. Papatite dukkhā vedanā uppajjati, āpatti dukkaṭassa. Marati, āpatti pācittiyassa.

177. Apassenam nāma apassene sattham vā ṭhapeti visena vā makkheti dubbalam vā karoti sobbhe vā narake vā papāte vā ṭhapeti – “papativā marissatī”ti, āpatti dukkaṭassa. Satthena vā visena vā papatitena vā dukkhā vedanā uppajjati, āpatti thullaccayassa. Marati, āpatti pārājikassa.

Upanikkhipanam nāma asim vā sattim vā bheḍim vā laguḷam vā pāsānam vā sattham vā visam vā rajjum vā upanikkhipati – “iminā marissatī”ti, āpatti dukkaṭassa. “Tena marissāmī”ti dukkham vedanam uppādeti, āpatti thullaccayassa. Marati, āpatti pārājikassa.

Bhesajjam nāma sappim vā navanītam vā telam vā madhum vā phāṇitam vā deti – “imam sāyivā marissatī”ti, āpatti dukkaṭassa. Tam sāyite dukkhā vedanā uppajjati, āpatti thullaccayassa. Marati, āpatti pārājikassa.

178. Rūpūpahāro nāma amanāpikam rūpam upasaṃharati bhayānakam bheravam – “imam passivā uttasivā marissatī”ti, āpatti dukkaṭassa. Tam passivā uttasati, āpatti thullaccayassa. Marati, āpatti pārājikassa. Manāpikam rūpam upasaṃharati [upasaṃharati pemaṇīyam hadayaṅgamam (syā.)] – “imam passivā alābhakena sussivā marissatī”ti, āpatti dukkaṭassa. Tam passivā alābhakena sussati, āpatti thullaccayassa. Marati, āpatti pārājikassa.

Saddūpahāro nāma amanāpikam saddam upasaṃharati bhayānakam bheravam – “imam sutvā uttasivā marissatī”ti, āpatti dukkaṭassa. Tam sutvā uttasati, āpatti thullaccayassa. Marati, āpatti pārājikassa. Manāpikam saddam upasaṃharati pemaṇīyam hadayaṅgamam – “imam sutvā alābhakena sussivā marissatī”ti, āpatti dukkaṭassa. Tam sutvā alābhakena sussati, āpatti thullaccayassa. Marati, āpatti pārājikassa.

Gandhūpahāro nāma amanāpikaṃ gandhaṃ upasaṃharati jegucchaṃ pāṭikulyaṃ [paṭikūlaṃ (?)] – “imaṃ ghāyitvā jegucchatā pāṭikulyatā marissatī”’ti, āpatti dukkaṭassa. Taṃ ghāyite jegucchatā pāṭikulyatā dukkhā vedanā uppajjati, āpatti thullaccayassa. Marati, āpatti pārājikassa. Manāpikaṃ gandhaṃ upasaṃharati – “imaṃ ghāyitvā alābhakena sussitvā marissatī”’ti, āpatti dukkaṭassa. Taṃ ghāyitvā alābhakena sussati, āpatti thullaccayassa. Marati, āpatti pārājikassa.

Rasūpahāro nāma amanāpikaṃ rasaṃ upasaṃharati jegucchaṃ pāṭikulyaṃ [paṭikūlaṃ (?)] – “imaṃ sāyitvā jegucchatā pāṭikulyatā marissatī”’ti, āpatti dukkaṭassa. Taṃ sāyite jegucchatā pāṭikulyatā dukkhā vedanā uppajjati, āpatti thullaccayassa. Marati, āpatti pārājikassa. Manāpikaṃ rasaṃ upasaṃharati – “imaṃ sāyitvā alābhakena sussitvā marissatī”’ti, āpatti dukkaṭassa. Taṃ sāyitvā alābhakena sussati, āpatti thullaccayassa. Marati, āpatti pārājikassa.

Phoṭṭhabbūpahāro nāma amanāpikaṃ phoṭṭhabbaṃ upasaṃharati dukkhasamphassaṃ kharasamphassaṃ – “iminā phuṭṭho marissatī”’ti, āpatti dukkaṭassa. Tena phuṭṭhassa dukkhā vedanā uppajjati, āpatti thullaccayassa. Marati, āpatti pārājikassa. Manāpikaṃ phoṭṭhabbaṃ upasaṃharati sukhasamphassaṃ mudusamphassaṃ – “iminā phuṭṭho alābhakena sussitvā marissatī”’ti, āpatti dukkaṭassa. Tena phuṭṭho alābhakena sussati, āpatti thullaccayassa. Marati, āpatti pārājikassa.

Dhammūpahāro nāma nerayikassa nirayakathaṃ katheti – “imaṃ sutvā uttasitvā marissatī”’ti, āpatti dukkaṭassa. Taṃ sutvā uttasati, āpatti thullaccayassa. Marati, āpatti pārājikassa. Kalyāṇakammaṃ saggakathaṃ katheti – “imaṃ sutvā adhimutto marissatī”’ti, āpatti dukkaṭassa. Taṃ sutvā adhimutto marissāmīti dukkhaṃ vedanaṃ uppādeti, āpatti thullaccayassa. Marati, āpatti pārājikassa.

179. Ācikkhanā nāma puṭṭho bhaṇati – “evaṃ marassu. Yo evaṃ marati so dhaṇaṃ vā labhati yasaṃ vā labhati saggam vā gacchatī”’ti, āpatti dukkaṭassa. Tāya ācikkhanāya marissāmīti dukkhaṃ vedanaṃ uppādeti, āpatti thullaccayassa. Marati, āpatti pārājikassa.

Anusāsani nāma apuṭṭho bhaṇati – “evaṃ marassu. Yo evaṃ marati so dhaṇaṃ vā labhati yasaṃ vā labhati saggam vā gacchatī”’ti, āpatti dukkaṭassa. Tāya anusāsaniyā marissāmīti dukkhaṃ vedanaṃ uppādeti, āpatti thullaccayassa. Marati, āpatti pārājikassa.

Saṅketakammaṃ nāma saṅketaṃ karoti purebhattaṃ vā pacchābhattaṃ vā rattim vā divā vā – “tena saṅketena taṃ jīvitā voropehī”’ti, āpatti dukkaṭassa. Tena saṅketena taṃ jīvitā voropeti, āpatti ubhinnaṃ pārājikassa. Taṃ saṅketaṃ pure vā pacchā vā taṃ jīvitā voropeti, mūlaṭṭhassa anāpatti, vadhakassa āpatti pārājikassa.

Nimittakammaṃ nāma nimittaṃ karoti – “akkihiṃ vā nikhaṇissāmi bhamukaṃ vā ukkhipissāmi sīsaṃ vā ukkhipissāmi, tena nimittena taṃ jīvitā voropehī”’ti, āpatti dukkaṭassa. Tena nimittena taṃ jīvitā voropeti, āpatti ubhinnaṃ pārājikassa. Taṃ nimittaṃ pure vā pacchā vā taṃ jīvitā voropeti, mūlaṭṭhassa anāpatti, vadhakassa āpatti pārājikassa.

Anāpatti asaṅcicca ajānantassa namaraṇādhippāyassa ummattakassa [ummattakassa khittacittassa vedanāṭṭassa (syā.)] ādikammikassāti.

Manussaviggahapārājikamhi paṭhamabhāṇavāro niṭṭhito.

Vinītavatthuuddānagāthā

Samvaṇṇanā nisīdanto, musalodukkhalena ca;
Vuḍḍhapabbajitābhisanno, aggavīmaṃsanāvisam.

Tayo ca vatthukammehi, iṭṭhakāhipare tayo;
Vāsī gopānasī ceva, aṭṭakotarāṇaṃ pati.

Sedaṃ natthuñca sambāho, nhāpanabbhañjanena ca;
Uṭṭhāpento nipātentō, annapānena māraṇaṃ.

Jāragabbho sapattī ca, mātā puttāṃ ubho vadhi;
Ubho na miyyare maddā, tāpaṃ vañjhā vijāyini.

Patodaṃ niggahe yakkho, vālayakkhañca pāhiṇi;
Taṃ maññamāno pahari, saggañca nirayaṃ bhaṇe.

Āḷaviyā tayo rukkhā, dāyehi apare tayo;
Mā kilamesi na tuyhaṃ, takkaṃ sovīrakena cāti.

Vinītavatthu

180. Tena kho pana samayena aññataro bhikkhu gilāno hoti. Tassa bhikkhū kāruññaena maraṇavaṇṇaṃ saṃvaṇṇesuma. So bhikkhu kālamakāsi. Tesāṃ kukkucçaṃ ahosi “bhagavatā sikkhāpadaṃ paññattaṃ, kacci nu kho mayaṃ pārājikaṃ āpattiṃ āpannā”ti? Bhagavato etamatthaṃ ārocesuṃ. “Āpattiṃ tumhe, bhikkhave, āpannā pārājika”nti.

Tena kho pana samayena aññataro piṇḍacārīko bhikkhu pīṭhake pilotikāya paṭicchannaṃ dāraçaṃ nisīdanto ottharivā māresi. Tassa kukkucçaṃ ahosi “bhagavatā sikkhāpadaṃ paññattaṃ, kacci nu kho ahaṃ pārājikaṃ āpattiṃ āpanno”ti? Bhagavato etamatthaṃ ārocesi. “Anāpatti, bhikkhu, pārājikassa. Na ca, bhikkhave, appaṭivekkhitvā āsane nisīditabbaṃ; yo nisīdeyya, āpatti dukkaṭassā”ti.

Tena kho pana samayena aññataro bhikkhu bhattagge antaraghare āsanaṃ paññapento musale ussite ekaṃ musalaṃ aggahesi. Dutīyo musalo paripatitvā aññatarassa dāraçaṃ matthake avatthāsi. So kālamakāsi. Tassa kukkucçaṃ ahosi...pe... “kiṃcitto tvam, bhikkhū”ti? “Asañcicca ahaṃ, bhagavā”ti. “Anāpatti, bhikkhu, asañcicca”ti.

Tena kho pana samayena aññataro bhikkhu bhattagge antaraghare āsanaṃ paññapento udukkhalabhaṇḍikaṃ akkamitvā pavaṭṭesi. Aññataraṃ dāraçaṃ ottharivā māresi. Tassa kukkucçaṃ ahosi...pe... “anāpatti, bhikkhu, asañcicca”ti.

Tena kho pana samayena pitāputtā bhikkhūsu pabbajitā honti. Kāle ārocite putto pitaraṃ etadavoca – “gaccha, bhante, saṅgho taṃ patimānetī”ti piṭṭhiyaṃ gahetvā paṇāmesi. So papatitvā kālamakāsi. Tassa kukkucçaṃ ahosi...pe... “kiṃcitto tvam, bhikkhū”ti? “Nāhaṃ, bhagavā, marañādhippāyo”ti. “Anāpatti, bhikkhu, namaraṇādhippāyassā”ti.

Tena kho pana samayena pitāputtā bhikkhūsu pabbajitā honti. Kāle ārocite putto pitaraṃ etadavoca – “gaccha, bhante, saṅgho taṃ patimānetī”ti marañādhippāyo piṭṭhiyaṃ gahetvā paṇāmesi. So papatitvā kālamakāsi. Tassa kukkucçaṃ ahosi...pe... “āpattiṃ tvam, bhikkhu, āpanno pārājika”nti.

Tena kho pana samayena pitāputtā bhikkhūsu pabbajitā honti. Kāle ārocite putto pitaraṃ etadavoca – “gaccha, bhante, saṅgho taṃ patimānetī”ti marañādhippāyo piṭṭhiyaṃ gahetvā paṇāmesi. So papatitvā na kālamakāsi. Tassa kukkucçaṃ ahosi...pe... “anāpatti, bhikkhu, pārājikassa; āpatti thullaccayassā”ti.

181. Tena kho pana samayena aññatarassa bhikkhuno bhuñjantassa maṃsaṃ kaṇṭhe vilaggaṃ hoti. Aññataro bhikkhu tassa bhikkhuno gīvāyaṃ pahāraṃ adāsi. Salohitaṃ maṃsaṃ pati. So bhikkhu

kālamakāsi. Tassa kukkucçaṃ ahoṣi...pe... “anāpatti, bhikkhu, namaṛaṇādhippāyassā”ti.

Tena kho pana samayena aññatarassa bhikkhuno bhuñjantassa maṃsaṃ kaṇṭhe vilaggaṃ hoti. Aññataro bhikkhu maraṇādhippāyo tassa bhikkhuno gīvāyaṃ pahāraṃ adāsi. Salohitaṃ maṃsaṃ pati. So bhikkhu kālamakāsi. Tassa kukkucçaṃ ahoṣi...pe... “āpattiṃ tvam, bhikkhu, āpanno pārājika”nti.

Tena kho pana samayena aññatarassa bhikkhuno bhuñjantassa maṃsaṃ kaṇṭhe vilaggaṃ hoti. Aññataro bhikkhu maraṇādhippāyo tassa bhikkhuno gīvāyaṃ pahāraṃ adāsi. Salohitaṃ maṃsaṃ pati. So bhikkhu na kālamakāsi. Tassa kukkucçaṃ ahoṣi...pe... “anāpatti, bhikkhu, pārājikassa; āpatti thullaccayassā”ti.

Tena kho pana samayena aññataro piṇḍacāriko bhikkhu visagataṃ piṇḍapātaṃ labhitvā paṭikkamaṇaṃ haritvā bhikkhūnaṃ aggakārikaṃ adāsi. Te bhikkhū kālamakaṃsu. Tassa kukkucçaṃ ahoṣi...pe... “kiṃcitto tvam, bhikkhū”ti? “Nāhaṃ, bhagavā, jānāmī”ti. “Anāpatti, bhikkhu, ajānantassā”ti.

Tena kho pana samayena aññataro bhikkhu vīmaṃsādhippāyo aññatarassa bhikkhuno viṣaṃ adāsi. So bhikkhu kālamakāsi. Tassa kukkucçaṃ ahoṣi...pe... “kiṃcitto tvam, bhikkhū”ti? “Vīmaṃsādhippāyo ahaṃ, bhagavā”ti. “Anāpatti, bhikkhu, pārājikassa; āpatti thullaccayassā”ti.

182. Tena kho pana samayena ālavakā [ālavikā (syā.)] bhikkhū vihāravatthuṃ karonti. Aññataro bhikkhu heṭṭhā hutvā silaṃ uccāresi. Uparimena bhikkhunā duggahitā silā heṭṭhimassa bhikkhuno matthake avatthāsi. So bhikkhu kālamakāsi. Tassa kukkucçaṃ ahoṣi...pe... “anāpatti, bhikkhu, asaṅciccā”ti.

Tena kho pana samayena ālavakā bhikkhū vihāravatthuṃ karonti. Aññataro bhikkhu heṭṭhā hutvā silaṃ uccāresi. Uparimo bhikkhu maraṇādhippāyo heṭṭhimassa bhikkhuno matthake silaṃ muñci. So bhikkhu kālamakāsi...pe... so bhikkhu na kālamakāsi. Tassa kukkucçaṃ ahoṣi...pe... “anāpatti, bhikkhu, pārājikassa; āpatti thullaccayassā”ti.

Tena kho pana samayena ālavakā bhikkhū vihārasa kuṭṭaṃ uṭṭhāpentī. Aññataro bhikkhu heṭṭhā hutvā iṭṭhakaṃ uccāresi. Uparimena bhikkhunā duggahitā iṭṭhakā heṭṭhimassa bhikkhuno matthake avatthāsi. So bhikkhu kālamakāsi. Tassa kukkucçaṃ ahoṣi...pe... “anāpatti, bhikkhu, asaṅciccā”ti.

Tena kho pana samayena ālavakā bhikkhū vihārasa kuṭṭaṃ uṭṭhāpentī. Aññataro bhikkhu heṭṭhā hutvā iṭṭhakaṃ uccāresi. Uparimo bhikkhu maraṇādhippāyo heṭṭhimassa bhikkhuno matthake iṭṭhakaṃ muñci. So bhikkhu kālamakāsi...pe... so bhikkhu na kālamakāsi. Tassa kukkucçaṃ ahoṣi...pe... “anāpatti, bhikkhu, pārājikassa; āpatti thullaccayassā”ti.

183. Tena kho pana samayena ālavakā bhikkhū navakammaṃ karonti. Aññataro bhikkhu heṭṭhā hutvā vāsiṃ uccāresi. Uparimena bhikkhunā duggahitā vāsī heṭṭhimassa bhikkhuno matthake avatthāsi. So bhikkhu kālamakāsi. Tassa kukkucçaṃ ahoṣi...pe... “anāpatti, bhikkhu, asaṅciccā”ti.

Tena kho pana samayena ālavakā bhikkhū navakammaṃ karonti. Aññataro bhikkhu heṭṭhā hutvā vāsiṃ uccāresi. Uparimo bhikkhu maraṇādhippāyo heṭṭhimassa bhikkhuno matthake vāsiṃ muñci. So bhikkhu kālamakāsi...pe... so bhikkhu na kālamakāsi. Tassa kukkucçaṃ ahoṣi...pe... “anāpatti, bhikkhu, pārājikassa; āpatti thullaccayassā”ti.

Tena kho pana samayena ālavakā bhikkhū navakammaṃ karonti. Aññataro bhikkhu heṭṭhā hutvā gopānasī uccāresi. Uparimena bhikkhunā duggahitā gopānasī heṭṭhimassa bhikkhuno matthake avatthāsi. So bhikkhu kālamakāsi. Tassa kukkucçaṃ ahoṣi...pe... “anāpatti, bhikkhu, asaṅciccā”ti.

Tena kho pana samayena ālavakā bhikkhū navakammaṃ karonti. Aññataro bhikkhu heṭṭhā hutvā gopānasim uccāresi. Uparimo bhikkhu marañādhippāyo heṭṭhimassa bhikkhuno matthake gopānasim muñci. So bhikkhu kālamakāsi...pe... so bhikkhu na kālamakāsi. Tassa kukkucçaṃ ahosi...pe... “anāpatti, bhikkhu, pārājikassa; āpatti thullaccayassā”ti.

Tena kho pana samayena ālavakā bhikkhū navakammaṃ karontā aṭṭakaṃ bandhanti. Aññataro bhikkhu aññataraṃ bhikkhuṃ etadavoca – “āvuso, atraṭṭhito bandhāhi”ti. So tatraṭṭhito bandhanto paripatitvā kālamakāsi. Tassa kukkucçaṃ ahosi...pe... “kiṃcitto tvaṃ, bhikkhū”ti? “Nāhaṃ, bhagavā, marañādhippāyo”ti. “Anāpatti, bhikkhu, namarañādhippāyassā”ti.

Tena kho pana samayena ālavakā bhikkhū navakammaṃ karontā aṭṭakaṃ bandhanti. Aññataro bhikkhu marañādhippāyo aññataraṃ bhikkhuṃ etadavoca – “āvuso, atraṭṭhito bandhāhi”ti. So tatraṭṭhito bandhanto paripatitvā kālamakāsi...pe... paripatitvā na kālamakāsi. Tassa kukkucçaṃ ahosi...pe... “anāpatti, bhikkhu, pārājikassa; āpatti thullaccayassā”ti.

Tena kho pana samayena aññataro bhikkhu vihāraṃ chādetvā otarati. Aññataro bhikkhu taṃ bhikkhuṃ etadavoca – “āvuso, ito otarāhi”ti. So tena otaranto paripatitvā kālamakāsi. Tassa kukkucçaṃ ahosi...pe... “anāpatti, bhikkhu, namarañādhippāyassā”ti.

Tena kho pana samayena aññataro bhikkhu vihāraṃ chādetvā otarati. Aññataro bhikkhu marañādhippāyo taṃ bhikkhuṃ etadavoca – “āvuso, ito otarāhi”ti. So tena otaranto paripatitvā kālamakāsi...pe... paripatitvā na kālamakāsi. Tassa kukkucçaṃ ahosi...pe... “anāpatti, bhikkhu, pārājikassa; āpatti thullaccayassā”ti.

Tena kho pana samayena aññataro bhikkhu anabhiratiyā pīlito gijjhakūṭaṃ pabbataṃ abhiruhitvā papāte papatanto aññataraṃ vilīvakāraṃ ottharivā māresi. Tassa kukkucçaṃ ahosi...pe... “anāpatti, bhikkhu, pārājikassa. Na ca, bhikkhave, attānaṃ pātetabbaṃ. Yo pāteyya, āpatti dukkaṭassā”ti.

Tena kho pana samayena chabbaggiyā bhikkhū gijjhakūṭaṃ pabbataṃ abhiruhitvā davāya silaṃ pavijjhimsu. Sā aññataraṃ gopālakāṃ ottharivā māresi. Tesaṃ kukkucçaṃ ahosi...pe... “anāpatti, bhikkhave, pārājikassa. Na ca, bhikkhave, davāya silā pavijjhitabbā. Yo pavijjheyya, āpatti dukkaṭassā”ti.

184. Tena kho pana samayena aññataro bhikkhu gilāno hoti. Taṃ bhikkhū sedesuṃ. So bhikkhu kālamakāsi. Tesaṃ kukkucçaṃ ahosi...pe... “anāpatti, bhikkhave, namarañādhippāyassā”ti.

Tena kho pana samayena aññataro bhikkhu gilāno hoti. Taṃ bhikkhū marañādhippāyā sedesuṃ. So bhikkhu kālamakāsi...Pe... so bhikkhu na kālamakāsi. Tesaṃ kukkucçaṃ ahosi...pe... “anāpatti, bhikkhave, pārājikassa; āpatti thullaccayassā”ti.

Tena kho pana samayena aññatarassa bhikkhuno sīsābhitāpo hoti. Tassa bhikkhū natthuṃ adamsu. So bhikkhu kālamakāsi. Tesaṃ kukkucçaṃ ahosi...pe... “anāpatti, bhikkhave, namarañādhippāyassā”ti.

Tena kho pana samayena aññatarassa bhikkhuno sīsābhitāpo hoti. Tassa bhikkhū marañādhippāyā natthuṃ adamsu. So bhikkhu kālamakāsi...pe... so bhikkhu na kālamakāsi. Tesaṃ kukkucçaṃ ahosi...pe... “anāpatti, bhikkhave, pārājikassa; āpatti thullaccayassā”ti.

Tena kho pana samayena aññataro bhikkhu gilāno hoti. Taṃ bhikkhū sambāhesuṃ. So bhikkhu kālamakāsi. Tesaṃ kukkucçaṃ ahosi...pe... “anāpatti, bhikkhave, namarañādhippāyassā”ti.

Tena kho pana samayena aññataro bhikkhu gilāno hoti. Taṃ bhikkhū marañādhippāyā sambāhesuṃ. So bhikkhu kālamakāsi...pe... so bhikkhu na kālamakāsi. Tesam kukkucçaṃ ahosi...pe... “anāpatti, bhikkhave, pārājikassa; āpatti thullaccayassā”ti.

Tena kho pana samayena aññataro bhikkhu gilāno hoti. Taṃ bhikkhū nhāpesuṃ. So bhikkhu kālamakāsi. Tesam kukkucçaṃ ahosi...pe... “anāpatti, bhikkhave, namarañādhippāyassā”ti.

Tena kho pana samayena aññataro bhikkhu gilāno hoti. Taṃ bhikkhū marañādhippāyā nhāpesuṃ. So bhikkhu kālamakāsi...pe... so bhikkhu na kālamakāsi. Tesam kukkucçaṃ ahosi...pe... “anāpatti, bhikkhave, pārājikassa; āpatti thullaccayassā”ti.

Tena kho pana samayena aññataro bhikkhu gilāno hoti. Taṃ bhikkhū telena abbhañjimsu. So bhikkhu kālamakāsi. Tesam kukkucçaṃ ahosi...pe... “anāpatti, bhikkhave, namarañādhippāyassā”ti.

Tena kho pana samayena aññataro bhikkhu gilāno hoti. Taṃ bhikkhū marañādhippāyā telena abbhañjimsu. So bhikkhu kālamakāsi...pe... so bhikkhu na kālamakāsi. Tesam kukkucçaṃ ahosi...pe... “anāpatti, bhikkhave, pārājikassa; āpatti thullaccayassā”ti.

185. Tena kho pana samayena aññataro bhikkhu gilāno hoti. Taṃ bhikkhū uṭṭhāpesuṃ. So bhikkhu kālamakāsi. Tesam kukkucçaṃ ahosi...pe... “anāpatti, bhikkhave, namarañādhippāyassā”ti.

Tena kho pana samayena aññataro bhikkhu gilāno hoti. Taṃ bhikkhū marañādhippāyā uṭṭhāpesuṃ. So bhikkhu kālamakāsi...pe... so bhikkhu na kālamakāsi. Tesam kukkucçaṃ ahosi...pe... “anāpatti, bhikkhave, pārājikassa; āpatti thullaccayassā”ti.

Tena kho pana samayena aññataro bhikkhu gilāno hoti. Taṃ bhikkhū nipātesuṃ. So bhikkhu kālamakāsi. Tesam kukkucçaṃ ahosi...pe... “anāpatti, bhikkhave, namarañādhippāyassā”ti.

Tena kho pana samayena aññataro bhikkhu gilāno hoti. Taṃ bhikkhū marañādhippāyā nipātesuṃ. So bhikkhu kālamakāsi...pe... so bhikkhu na kālamakāsi. Tesam kukkucçaṃ ahosi...pe... “anāpatti, bhikkhave, pārājikassa; āpatti thullaccayassā”ti.

Tena kho pana samayena aññataro bhikkhu gilāno hoti. Tassa bhikkhū annaṃ adaṃsu. So bhikkhu kālamakāsi. Tesam kukkucçaṃ ahosi...pe... “anāpatti, bhikkhave, namarañādhippāyassā”ti.

Tena kho pana samayena aññataro bhikkhu gilāno hoti. Tassa bhikkhū marañādhippāyā annaṃ adaṃsu. So bhikkhu kālamakāsi...pe... so bhikkhu na kālamakāsi. Tesam kukkucçaṃ ahosi...pe... “anāpatti, bhikkhave, pārājikassa; āpatti thullaccayassā”ti.

Tena kho pana samayena aññataro bhikkhu gilāno hoti. Tassa bhikkhū pānaṃ adaṃsu. So bhikkhu kālamakāsi. Tesam kukkucçaṃ ahosi...pe... “anāpatti, bhikkhave, namarañādhippāyassā”ti.

Tena kho pana samayena aññataro bhikkhu gilāno hoti. Tassa bhikkhū marañādhippāyā pānaṃ adaṃsu. So bhikkhu kālamakāsi...pe... so bhikkhu na kālamakāsi. Tesam kukkucçaṃ ahosi...pe... “anāpatti, bhikkhave, pārājikassa; āpatti thullaccayassā”ti.

186. Tena kho pana samayena aññatarā itthī pavutthapatikā jārena gabbhinī hoti. Sā kulūpakaṃ bhikkhuṃ etadavoca – “inghāyya gabbhapātanam jānāhī”ti. “Suṭṭhu, bhagini”ti tassā gabbhapātanam adāsi. Dārako kālamakāsi. Tassa kukkucçaṃ ahosi...pe... “āpattiṃ tvam, bhikkhu, āpanno pārājika”nti.

Tena kho pana samayena aññatarassa purisassa dve pajāpatiyo honti – ekā vañjhā, ekā vijāyini. Vañjhā itthī kulūpakam bhikkhum etadavoca – “sace sā, bhante, vijāyissati sabbassa kuṭumbassa issarā bhavissati. Inghāyya, tassā gabbhapātanam jānāhī”ti. “Suṭṭhu, bhagini”ti tassā gabbhapātanam adāsi. Dārako kālamakāsi, mātā na kālamakāsi. Tassa kukkucam ahosi...pe... “āpattim tvam, bhikkhu, āpanno pārājika”nti.

Tena kho pana samayena aññatarassa purisassa dve pajāpatiyo honti – ekā vañjhā, ekā vijāyini. Vañjhā itthī kulūpakam bhikkhum etadavoca – “sace sā, bhante, vijāyissati sabbassa kuṭumbassa issarā bhavissati. Inghāyya, tassā gabbhapātanam jānāhī”ti. “Suṭṭhu, bhagini”ti tassā gabbhapātanam adāsi. Mātā kālamakāsi, dārako na kālamakāsi. Tassa kukkucam ahosi...pe... “anāpatti, bhikkhu, pārājikassa; āpatti thullaccayassā”ti.

Tena kho pana samayena aññatarassa purisassa dve pajāpatiyo honti – ekā vañjhā, ekā vijāyini. Vañjhā itthī kulūpakam bhikkhum etadavoca – “sace sā, bhante, vijāyissati sabbassa kuṭumbassa issarā bhavissati. Inghāyya, tassā gabbhapātanam jānāhī”ti. “Suṭṭhu, bhagini”ti tassā gabbhapātanam adāsi. Ubho kalamakamsu...pe... ubho na kalamakamsu. Tassa kukkucam ahosi...pe... “anāpatti, bhikkhu, pārājikassa; āpatti thullaccayassā”ti.

187. Tena kho pana samayena aññatarā gabbhinī itthī kulūpakam bhikkhum etadavoca – “inghāyya, gabbhapātanam jānāhī”ti. “Tena hi, bhagini, maddassū”ti. Sā maddāpetvā gabbham pātesi. Tassa kukkucam ahosi...pe... “āpattim tvam, bhikkhu, āpanno pārājika”nti.

Tena kho pana samayena aññatarā gabbhinī itthī kulūpakam bhikkhum etadavoca – “inghāyya, gabbhapātanam jānāhī”ti. “Tena hi, bhagini, tāpehī”ti. Sā tāpetvā gabbham pātesi. Tassa kukkucam ahosi...pe... “āpattim tvam, bhikkhu, āpanno pārājika”nti.

Tena kho pana samayena aññatarā vañjhā itthī kulūpakam bhikkhum etadavoca – “inghāyya, bhesajjam jānāhi yenāham vijāyeyya”nti. “Suṭṭhu, bhagini”ti tassā bhesajjam adāsi. Sā kalamakāsi. Tassa kukkucam ahosi...pe... “anāpatti, bhikkhu, pārājikassa; āpatti dukkaṭassā”ti.

Tena kho pana samayena aññatarā vijāyini itthī kulūpakam bhikkhum etadavoca – “inghāyya, bhesajjam jānāhi yenāham na vijāyeyya”nti. “Suṭṭhu, bhagini”ti tassā bhesajjam adāsi. Sā kalamakāsi. Tassa kukkucam ahosi...pe... “anāpatti, bhikkhu, pārājikassa; āpatti dukkaṭassā”ti.

Tena kho pana samayena chabbaggiyā bhikkhū sattarasavaggiyam bhikkhum aṅgulipatodakena hāsesum. So bhikkhu uttanta anassāsako kalamakāsi. Tesam kukkucam ahosi...pe... “anāpatti, bhikkhave, pārājikassā”ti [pārājikassa, āpatti pācittiyassāti (syā.)].

Tena kho pana samayena sattarasavaggiyā bhikkhū chabbaggiyam bhikkhum kammaṃ karissāmāti ottharivā māresum. Tesam kukkucam ahosi...pe... “anāpatti, bhikkhave, pārājikassā”ti.

Tena kho pana samayena aññataro bhūtavejjako bhikkhu yakkham jīvitā voropesi. Tassa kukkucam ahosi...pe... “anāpatti, bhikkhu, pārājikassa; āpatti thullaccayassā”ti.

Tena kho pana samayena aññataro bhikkhu aññataram bhikkhum vālayakkhavihāram pāhesi. Tam yakkhā jīvitā voropesum. Tassa kukkucam ahosi...pe... “anāpatti, bhikkhu, namaraṇādhippāyassā”ti.

Tena kho pana samayena aññataro bhikkhu maraṇādhippāyo aññataram bhikkhum vālayakkhavihāram pāhesi. Tam yakkhā jīvitā voropesum...pe... tam yakkhā jīvitā na voropesum. Tassa kukkucam ahosi...pe... “anāpatti, bhikkhu, pārājikassa; āpatti thullaccayassā”ti.

Tena kho pana samayena aññataro bhikkhu aññataram bhikkhum vāḷakantāram pāhesi. Taṃ vāḷā jīvītā voropesuṃ. Tassa kukkucçaṃ ahosi...pe... “anāpatti, bhikkhu, namaraṇādhippāyassā”ti.

Tena kho pana samayena aññataro bhikkhu maraṇādhippāyo aññataram bhikkhum vāḷakantāram pāhesi. Taṃ vāḷā jīvītā voropesuṃ...pe... taṃ vāḷā jīvītā na voropesuṃ. Tassa kukkucçaṃ ahosi...pe... “anāpatti, bhikkhu, pārājikassa; āpatti thullaccayassā”ti.

Tena kho pana samayena aññataro bhikkhu aññataram bhikkhum corakantāram pāhesi. Taṃ corā jīvītā voropesuṃ. Tassa kukkucçaṃ ahosi...pe... “anāpatti, bhikkhu, namaraṇādhippāyassā”ti.

Tena kho pana samayena aññataro bhikkhu maraṇādhippāyo aññataram bhikkhum corakantāram pāhesi. Taṃ corā jīvītā voropesuṃ...pe... taṃ corā jīvītā na voropesuṃ. Tassa kukkucçaṃ ahosi...pe... “anāpatti, bhikkhu, pārājikassa; āpatti thullaccayassā”ti.

188. Tena kho pana samayena aññataro bhikkhu taṃ maññamāno taṃ jīvītā voropesi...pe... taṃ maññamāno aññam jīvītā voropesi...pe... aññam maññamāno taṃ jīvītā voropesi...pe... aññam maññamāno aññam jīvītā voropesi. Tassa kukkucçaṃ ahosi...pe... “āpattiṃ tvam, bhikkhu, āpanno pārājika”nti.

Tena kho pana samayena aññataro bhikkhu amanussena gahito hoti. Aññataro bhikkhu tassa bhikkhuno pahāram adāsi. So bhikkhu kālamakāsi. Tassa kukkucçaṃ ahosi...pe... “anāpatti, bhikkhu, namaraṇādhippāyassā”ti.

Tena kho pana samayena aññataro bhikkhu amanussena gahito hoti. Aññataro bhikkhu maraṇādhippāyo tassa bhikkhuno pahāram adāsi. So bhikkhu kālamakāsi...pe... so bhikkhu na kālamakāsi. Tassa kukkucçaṃ ahosi...pe... “anāpatti, bhikkhu, pārājikassa; āpatti thullaccayassā”ti.

Tena kho pana samayena aññataro bhikkhu kalyāṇakammaṃ saggakathaṃ kathesi. So adhimutto kālamakāsi. Tassa kukkucçaṃ ahosi...pe... “anāpatti, bhikkhu, namaraṇādhippāyassā”ti.

Tena kho pana samayena aññataro bhikkhu maraṇādhippāyo kalyāṇakammaṃ saggakathaṃ kathesi. So adhimutto kālamakāsi...pe... so adhimutto na kālamakāsi. Tassa kukkucçaṃ ahosi...pe... “anāpatti, bhikkhu, pārājikassa; āpatti thullaccayassā”ti.

Tena kho pana samayena aññataro bhikkhu nerayikassa nirayakathaṃ kathesi. So uttasitvā kālamakāsi. Tassa kukkucçaṃ ahosi...pe... “anāpatti, bhikkhu, namaraṇādhippāyassā”ti.

Tena kho pana samayena aññataro bhikkhu maraṇādhippāyo nerayikassa nirayakathaṃ kathesi. So uttasitvā kālamakāsi...pe... so uttasitvā na kālamakāsi. Tassa kukkucçaṃ ahosi...pe... “anāpatti, bhikkhu, pārājikassa; āpatti thullaccayassā”ti.

189. Tena kho pana samayena āḷavakā bhikkhū navakammaṃ karontā rukkhaṃ chindanti. Aññataro bhikkhu aññataram bhikkhum etadavoca – “āvuso, atraṭṭhito chindāhī”ti. Taṃ tatraṭṭhitaṃ chindantaṃ rukkho ottharivā māresi. Tassa kukkucçaṃ ahosi...pe... “anāpatti, bhikkhu, namaraṇādhippāyassā”ti.

Tena kho pana samayena āḷavakā bhikkhū navakammaṃ karontā rukkhaṃ chindanti. Aññataro bhikkhu maraṇādhippāyo aññataram bhikkhum etadavoca – “āvuso, atraṭṭhito chindāhī”ti. Taṃ tatraṭṭhitaṃ chindantaṃ rukkho ottharivā māresi...pe... rukkho ottharivā na māresi. Tassa kukkucçaṃ ahosi...pe... “anāpatti, bhikkhu, pārājikassa; āpatti thullaccayassā”ti.

190. Tena kho pana samayena chabbaggiyā bhikkhū dāyaṃ ālimpesuṃ [ālimpesuṃ (syā. ka.)]; manussā daḍḍhā kālamakaṃsu. Tesuṃ kukkucçaṃ ahoṣi...pe... “anāpatti, bhikkhave, namaraṇādhippāyassā”ti.

Tena kho pana samayena chabbaggiyā bhikkhū maraṇādhippāyā dāyaṃ ālimpesuṃ. Manussā daḍḍhā kālamakaṃsu...pe... manussā daḍḍhā na kālamakaṃsu. Tesuṃ kukkucçaṃ ahoṣi...pe... “anāpatti, bhikkhave, pārājikassa; āpatti thullaccayassā”ti.

191. Tena kho pana samayena aññataro bhikkhu āghātaṇaṃ gantvā coraghātaṃ etadavoca – “āvuso, māyimaṃ kilamesi. Ekena pahārena jīvitā voropehī”ti. “Suṭṭhu, bhante”ti ekena pahārena jīvitā voropesi. Tassa kukkucçaṃ ahoṣi...pe... “āpattiṃ tvam, bhikkhu, āpanno pārājika”nti.

Tena kho pana samayena aññataro bhikkhu āghātaṇaṃ gantvā coraghātaṃ etadavoca – “āvuso, māyimaṃ kilamesi. Ekena pahārena jīvitā voropehī”ti. So – “nāhaṃ tuyhaṃ vacanaṃ karissāmi”ti taṃ jīvitā voropesi. Tassa kukkucçaṃ ahoṣi...pe... “anāpatti, bhikkhu, pārājikassa; āpatti dukkaṭassā”ti.

192. Tena kho pana samayena aññataro puriso ñātighare hatthapādacchinno ñātakehi samparikiṇṇo hoti. Aññataro bhikkhu te manusse etadavoca – “āvuso, icchatha imassa maraṇa”nti? “Āma, bhante, icchāmā”ti. “Tena hi takkaṃ pāyethā”ti. Te taṃ takkaṃ pāyesuṃ. So kālamakāsi. Tassa kukkucçaṃ ahoṣi...pe... “āpattiṃ tvam, bhikkhu, āpanno pārājika”nti.

Tena kho pana samayena aññataro puriso kulaghare hatthapādacchinno ñātakehi samparikiṇṇo hoti. Aññatarā bhikkhunī te manusse etadavoca – “āvuso, icchatha imassa maraṇa”nti? “Āmayye, icchāmā”ti. “Tena hi loṇasovīraṃ pāyethā”ti. Te taṃ loṇasovīraṃ pāyesuṃ. So kālamakāsi. Tassā kukkucçaṃ ahoṣi. Atha kho sā bhikkhunī bhikkhunīnaṃ etamatthaṃ ārocesi. Bhikkhuniyo bhikkhūnaṃ etamatthaṃ ārocesuṃ. Bhikkhū bhagavato etamatthaṃ ārocesuṃ. “Āpattiṃ sā, bhikkhave, bhikkhunī āpannā pārājika”nti.

Tatīyapārājikaṃ samattaṃ.

4. Catutthapārājikaṃ

193. [idaṃ vatthu pāci. 67] Tena samayena buddho bhagavā vesāliyaṃ viharati mahāvane kūṭāgārasālāyaṃ. Tena kho pana samayena sambahulā sandiṭṭhā sambhattā bhikkhū vaggumudāya nadiyā tīre vassaṃ upagacchiṃsu. Tena kho pana samayena vajjī dubbhikkhā hoti dvīhitikā setaṭṭhikā salākāvuttā, na sukarā uñchena paggahena yāpetuṃ. Atha kho tesuṃ bhikkhūnaṃ etadahosi – “etarahi kho vajjī dubbhikkhā dvīhitikā setaṭṭhikā salākāvuttā, na sukarā uñchena paggahena yāpetuṃ. Kena nu kho mayaṃ upāyena samaggā sammodamānā avivadamānā phāsukaṃ vassaṃ vaseyyāma, na ca piṇḍakena kilameyyāmā”ti? Ekacce evamāhaṃsu – “handa mayaṃ, āvuso, gihīnaṃ kammantaṃ adhiṭṭhema, evaṃ te amhākaṃ dātuṃ maññissanti. Evaṃ mayaṃ samaggā sammodamānā avivadamānā phāsukaṃ vassaṃ vasissāma, na ca piṇḍakena kilamissāmā”ti. Ekacce evamāhaṃsu – “alaṃ, āvuso, kiṃ gihīnaṃ kammantaṃ adhiṭṭhitena! Handa mayaṃ, āvuso, gihīnaṃ dūteyyaṃ harāma, evaṃ te amhākaṃ dātuṃ maññissanti. Evaṃ mayaṃ samaggā sammodamānā avivadamānā phāsukaṃ vassaṃ vasissāma, na ca piṇḍakena kilamissāmā”ti. Ekacce evamāhaṃsu – “alaṃ, āvuso, kiṃ gihīnaṃ kammantaṃ adhiṭṭhitena! Kiṃ gihīnaṃ dūteyyaṃ haṭena! Handa mayaṃ, āvuso, gihīnaṃ aññamaññassa uttarimanussadhammassa vaṇṇaṃ bhāsissāma – ‘asuko bhikkhu paṭhamassa jhānassa lābhī, asuko bhikkhu dutiyassa jhānassa lābhī, asuko bhikkhu tatiyassa jhānassa lābhī, asuko bhikkhu catutthassa jhānassa lābhī, asuko bhikkhu sotāpanno, asuko bhikkhu sakadāgāmī, asuko bhikkhu anāgāmī, asuko bhikkhu arahā, asuko bhikkhu tevijjo, asuko bhikkhu chaḷabhiñño”ti. Evaṃ te amhākaṃ dātuṃ maññissanti. Evaṃ mayaṃ samaggā sammodamānā avivadamānā phāsukaṃ vassaṃ vasissāma, na ca piṇḍakena kilamissāmā”ti. “Esoyeva kho, āvuso, seyyo yo amhākaṃ gihīnaṃ aññamaññassa

uttarimanussadhammassa vaṇṇo bhāsito’’ti.

194. Atha kho te bhikkhū gihīnaṃ aññamaññassa uttarimanussadhammassa vaṇṇaṃ bhāsiṃsu – “asuko bhikkhu paṭhamassa jhānassa lābhī...pe... asuko bhikkhu chaḷabhiñño’’ti. Atha kho te manussā – “lābhā vata no, suladdhaṃ vata no, yesaṃ vata no evarūpā bhikkhū vassaṃ upagatā; na vata no ito pubbe evarūpā bhikkhū vassaṃ upagatā yathayime bhikkhū sīlavanto kalyāṇadhammā’’ti, te na tādīsāni bhojanāni attanā paribhuñjanti mātāpitūnaṃ denti puttadārassa denti dāsakammakaraporisassa denti mittāmaccānaṃ denti ñātisālohitānaṃ denti, yādīsāni bhikkhūnaṃ denti. Te na tādīsāni khādanīyāni sāyanīyāni pānāni attanā khādanti sāyanti pivanti mātāpitūnaṃ denti puttadārassa denti dāsakammakaraporisassa denti mittāmaccānaṃ denti ñātisālohitānaṃ denti, yādīsāni bhikkhūnaṃ denti. Atha kho te bhikkhū vaṇṇavā ahesuṃ piṇḍindriyā pasannamukhavaṇṇā vippasannachavivaṇṇā.

Āciṇṇaṃ kho panetaṃ vassaṃvuṭṭhānaṃ bhikkhūnaṃ bhagavantaṃ dassanāya upasaṅkamituṃ. Atha kho te bhikkhū vassaṃvuṭṭhā temāsaccayena senāsanaṃ saṃsāmetvā pattacīvaraṃ ādāya yena vesālī tena pakkamiṃsu. Anupubbena yena vesālī mahāvanaṃ kūṭāgārasālā yena bhagavā tenupasaṅkamiṃsu; upasaṅkamitvā bhagavantaṃ abhivādetvā ekamantaṃ nisīdiṃsu.

Tena kho pana samayena disāsu vassaṃvuṭṭhā bhikkhū kisā honti lūkhā dubbaṇṇā uppaṇḍuppaṇḍukajātā dhamanisanthatagattā; vaggumudātīriyā pana bhikkhū vaṇṇavā honti piṇḍindriyā pasannamukhavaṇṇā vippasannachavivaṇṇā. Āciṇṇaṃ kho panetaṃ buddhānaṃ bhagavantaṃ āgantukehi bhikkhūhi saddhiṃ paṭisammodituṃ. Atha kho bhagavā vaggumudātīriye bhikkhū etadavoca – “kacci, bhikkhave, khamanīyaṃ kacci yāpanīyaṃ kacci samaggā sammodamānā avivadamānā phāsukaṃ vassaṃ vasittha na ca piṇḍakena kilamitthā’’ti? “Khamanīyaṃ, bhagavā, yāpanīyaṃ, bhagavā. Samaggā ca mayaṃ, bhante, sammodamānā avivadamānā phāsukaṃ vassaṃ vasimhā, na ca piṇḍakena kilamimhā’’ti. Jānantāpi tathāgatā pucchanti, jānantāpi na pucchanti...pe... dvīhākārehi buddhā bhagavanto bhikkhū paṭipucchanti – dhammaṃ vā desessāma, sāvakānaṃ vā sikkhāpadaṃ paññāpessāmāti. Atha kho bhagavā vaggumudātīriye bhikkhū etadavoca – “yathā kathaṃ pana tumhe, bhikkhave, samaggā sammodamānā avivadamānā phāsukaṃ vassaṃ vasittha na ca piṇḍakena kilamitthā’’ti? Atha kho te bhikkhū bhagavato etamatthaṃ ārocesuṃ – “kacci pana vo, bhikkhave, bhūta’’nti? “Abhūtaṃ, bhagavā’’ti. Vigarahi buddho bhagavā – “ananucchavikaṃ, moghapurisā, ananulomikaṃ appatirūpaṃ assāmaṇakaṃ akappiyaṃ akaraṇīyaṃ. Kathaṃhi nāma tumhe, moghapurisā, udarassa kāraṇā gihīnaṃ aññamaññassa uttarimanussadhammassa vaṇṇaṃ bhāsiṃsatha! Varaṃ tumhehi, moghapurisā, tiṇhena govikantanena [[govikattanena \(sī. ka.\)](#)] kucchiṃ parikanto, na tveva udarassa kāraṇā gihīnaṃ aññamaññassa uttarimanussadhammassa vaṇṇo bhāsito! Taṃ kissa hetu? Tato nidānaṃhi, moghapurisā, maraṇaṃ vā nigaccheyya maraṇamattaṃ vā dukkhaṃ, na tveva tappaccayā kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapajjeya. Ito nidānaṃ kha, moghapurisā, kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapajjeyya. Netāṃ, moghapurisā, appasannānaṃ vā pasādāya’’...pe... vigarahitvā dhammiṃ kathaṃ katvā bhikkhū āmantesi –

195. “Pañcime, bhikkhave, mahācorā santo saṃvijjamaṇā lokasmiṃ. Katame pañca? Idha, bhikkhave, ekaccassa mahācorassa evaṃ hoti – ‘kudāssu nāmāhaṃ satena vā sahasena vā parivuto gāmanigamarājadhānīsu āhiṇḍissāmi hananto ghātento chindanto chedāpento pacanto pācento’’ti! So aparena samayena satena vā sahasena vā parivuto gāmanigamarājadhānīsu āhiṇḍati hananto ghātento chindanto chedāpento pacanto pācento. Evameva kho, bhikkhave, idhekaccassa pāpabhikkhuno evaṃ hoti – ‘kudāssu nāmāhaṃ satena vā sahasena vā parivuto gāmanigamarājadhānīsu cārikaṃ carissāmi sakkato garukato mānito pūjito apacito gahaṭṭhānaṃ pabbajitānaṃ, lābhī cīvarapiṇḍapātasenāsanagilānappaccayabhesajjaparikkhārāna’’nti! So aparena samayena satena vā sahasena vā parivuto gāmanigamarājadhānīsu cārikaṃ carati sakkato garukato mānito pūjito apacito gahaṭṭhānaṃ pabbajitānaṃ, lābhī cīvarapiṇḍapātasenāsanagilānappaccayabhesajjaparikkhārānaṃ. Ayaṃ, bhikkhave, paṭhamo mahācoro santo saṃvijjamaṇo lokasmiṃ.

“Puna caparaṃ, bhikkhave, idhekacco pāpabhikkhu tathāgatappaveditaṃ dhammavinayaṃ pariyāpuṇitvā attano dahati. Ayaṃ, bhikkhave, dutiyo mahācoro santo saṃvijjamaṇo lokasmiṃ.

“Puna caparaṃ, bhikkhave, idhekacco pāpabhikkhu suddhaṃ brahmacāriṃ parisuddhaṃ brahmacariyaṃ carantaṃ amūlakena abrahmacariyena anuddhaṃseti. Ayaṃ, bhikkhave, tatiyo mahācoro santo saṃvijjamaṇo lokasmiṃ.

“Puna caparaṃ, bhikkhave, idhekacco pāpabhikkhu yāni tāni saṅghassa garubhaṇḍāni garuparikkhārāni, seyyathidaṃ – āraṃo āramavatthu vihāro vihāravatthu mañco pīṭhaṃ bhisu bimbohanaṃ [bimbohanaṃ (sī. syā.)] lohakumbhī lohahāṇakaṃ lohavārako lohakaṭāhaṃ vāsī parasu [pharasu (sī. syā.)] kuṭhārī kudālo nikhādanaṃ valli veḷu muñjaṃ pabbajaṃ tiṇaṃ mattikā dārubhaṇḍaṃ mattikābhaṇḍaṃ, tehi gihīṃ saṅgaṇhāti upalāpeti. Ayaṃ, bhikkhave, catuttho mahācoro santo saṃvijjamaṇo lokasmiṃ.

“Sadevake, bhikkhave, loke samārake sabrahmake sassamaṇabrāhmaṇiyā pajāya sadevamanussāya ayaṃ aggo mahācoro yo asantaṃ abhūtaṃ uttarimanussadhammaṃ ullapati. Taṃ kissa hetu? Theyyāya vo, bhikkhave, raṭṭhapiṇḍo bhutto”ti.

[saṃ. ni. 1.35] Aññathā santamattānaṃ, aññathā yo pavedaye;
Nikacca kitavasseva, bhuttaṃ theyyena tassa taṃ.

[dha. pa. 307 dhammapadepi] Kāsāvakaṇṭhā bahavo, pāpadhammā asaṇṇatā;
Pāpā pāpehi kammehi, nirayaṃ te upapajjare.

[dha. pa. 307 dhammapadepi] Seyyo ayogulo bhutto, tatto aggisikhūpamo;
Yañce bhuñjeyya dussīlo, raṭṭhapiṇḍaṃ asaṇṇatoti.

Atha kho bhagavā te vaggumudātīriye bhikkhū anekapariyāyena vigarahitvā dubbharatāya dupposatāya...pe... evañca pana, bhikkhave, imaṃ sikkhāpadaṃ uddiseyyātha –

“Yo pana bhikkhu anabhijānaṃ uttarimanussadhammaṃ attupanāyikaṃ alamariyaññadassanaṃ samudācareyya – ‘iti jānāmi iti passāmi’ti, tato aparena samayena samanuggāhiyamāno vā asamanuggāhiyamāno vā āpanno visuddhāpekkho evaṃ vadeyya – ‘ajānamevaṃ, āvuso, avacaṃ jānāmi, apassaṃ passāmi. Tucchaṃ musā vilapi’nti, ayampi pārājiko hoti asaṃvāso”ti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

196. Tena kho pana samayena sambahulā bhikkhū aditṭhe ditṭhasaññino apatte pattasaññino anadhigate adhigatasaññino asacchikate sacchikatasaññino adhimānena aññaṃ byākariṃsu. Tesam aparena samayena rāgāyapi cittaṃ namati dosāyapi cittaṃ namati mohāyapi cittaṃ namati. Tesam kukkucchaṃ ahosi – “bhagavatā sikkhāpadaṃ paññattaṃ. Mayañcamha aditṭhe ditṭhasaññino apatte pattasaññino anadhigate adhigatasaññino asacchikate sacchikatasaññino, adhimānena aññaṃ byākariṃhā. Kacci nu kho mayaṃ pārājikaṃ āpattiṃ āpannā”ti? Te āyasmato ānandassa etamatthaṃ ārocesuṃ. Āyasmā ānando bhagavato etamatthaṃ ārocesi. “Honti ye te, ānanda [honti yevānanda (syā.), honti te ānanda (sī.)], bhikkhū aditṭhe ditṭhasaññino apatte pattasaññino anadhigate adhigatasaññino asacchikate sacchikatasaññino adhimānena aññaṃ byākaronṭi. Tañca kho etaṃ abbohārika”nti.

“Evañca pana, bhikkhave, imaṃ sikkhāpadaṃ uddiseyyātha –

197. “Yo pana bhikkhu anabhijānaṃ uttarimanussadhammaṃ attupanāyikaṃ

alamariyaññadassanaṃ samudācareyya – ‘iti jānāmi iti passāmī’ti, tato aparena samayena samanuggāhīyamāno vā asamanuggāhīyamāno vā āpanno visuddhāpekkho evaṃ vadeyya – ‘ajānamevaṃ, āvuso, avacaṃ jānāmi, apassaṃ passāmi. Tucchaṃ musā vilapi’nti, aññatra adhimānā, ayampi pārājiko hoti asaṃvāso’ti.

198. Yo panāti yo yādiso...pe... **bhikkhūti**...pe... ayaṃ imasmiṃ atthe adhippeto bhikkhūti.

Anabhijānanti asantaṃ abhūtaṃ asaṃvijjamānaṃ ajānanto apassanto attani kusalaṃ dhammaṃ – atthi me kusalo dhammoti.

[pāci. 70] **Uttarimanussadhammo** nāma jhānaṃ vimokkha [vimokkhaṃ (sī. syā.)] samādhi samāpatti ñāṇadassanaṃ maggabhāvanā phalasaṃbhāvanā kilesappahānaṃ vinīvaraṇatā cittassa suññagāre abhirati.

Attupanāyikanti te vā kusale dhamme attani upaneti attānaṃ vā tesu kusalesu dhammesu upaneti.

Ñāṇanti tisso vijjā. **Dassananti** yaṃ ñāṇaṃ taṃ dassanaṃ. Yaṃ dassanaṃ taṃ ñāṇaṃ.

Samudācareyyāti āroceyya itthiyā vā purisassa vā gahaṭṭhassa vā pabbajitassa vā.

Iti jānāmi iti passāmīti jānāmahaṃ ete dhamme, passāmahaṃ ete dhamme atthi ca ete dhammā mayi, ahañca etesu dhammesu sandissāmīti.

Tato aparena samayenāti yasmiṃ khaṇe samudāciṇṇaṃ hoti taṃ khaṇaṃ taṃ layaṃ taṃ muhuttaṃ vītivate.

Samanuggāhīyamānoti yaṃ vatthu paṭiññātaṃ hoti tasmiṃ vatthusmiṃ samanuggāhīyamāno – ‘kinte adhigataṃ, kinti te adhigataṃ, kadā te adhigataṃ, kattha te adhigataṃ, katame te kilesā pahīnā, katamesaṃ tvaṃ dhammānaṃ lābhī’ti.

Asamanuggāhīyamānoti na kenaci vuccamāno.

Āpannoti pāpiccho icchāpakato asantaṃ abhūtaṃ uttarimanussadhammaṃ ullapitvā pārājikaṃ āpattiṃ āpanno hoti.

Visuddhāpekkhoti gihī vā hotukāmo upāsako vā hotukāmo ārāmiko vā hotukāmo sāmaṇero vā hotukāmo.

Ajānamevaṃ, āvuso, avacaṃ – jānāmi, apassaṃ passāmīti nāhaṃ ete dhamme jānāmi, nāhaṃ ete dhamme passāmi, natthi ca ete dhammā mayi, na cāhaṃ etesu dhammesu sandissāmīti.

Tucchaṃ musā vilapinti tucchakaṃ mayā bhaṇitaṃ, musā mayā bhaṇitaṃ, abhūtaṃ mayā bhaṇitaṃ, ajānantena mayā bhaṇitaṃ.

Aññatra adhimānāti ṭhapetvā adhimānaṃ.

Ayampīti purime upādāya vuccati.

Pārājiko hotīti seyyathāpi nāma tālo matthakacchinno abhabbo puna virūḷhiyā, evameva bhikkhu pāpiccho icchāpakato asantaṃ abhūtaṃ uttarimanussadhammaṃ ullapitvā assamaṇo hoti asakyaputtiyo.

Tena vuccati – “pārājiko hotī”’ti.

Asaṃvāsoti saṃvāso nāma ekakammaṃ ekuddeso samasikkhatā – eso saṃvāso nāma. So tena saddhiṃ natthi. Tena vuccati – “asaṃvāso”’ti.

199. Uttarimanussadhammo nāma jhānaṃ vimokkho samādhi samāpatti ñāṇadassanaṃ maggabhāvanā phalāsacchikiriyā kilesappahānaṃ vinīvaraṇatā cittassa suññāgāre abhirati.

[pāci. 70] **Jhānanti** paṭhamaṃ jhānaṃ dutiyaṃ jhānaṃ tatiyaṃ jhānaṃ catutthaṃ jhānaṃ.

[pāci. 70] **Vimokkhoti** suññato vimokkho animitto vimokkho appaṇihito vimokkho.

[pāci. 70] **Samādhīti** suññato samādhi animitto samādhi appaṇihito samādhi.

[pāci. 70] **Samāpattīti** suññatā samāpatti animittā samāpatti appaṇihitā samāpatti.

[pāci. 70] **Ñāṇadassananti** tisso vijjā.

[pāci. 70] **Maggabhāvanāti** cattāro satipaṭṭhānā, cattāro sammappadhānā, cattāro iddhipādā, pañcendriyāni, pañca balāni, satta bojjhaṅgā, ariyo aṭṭhaṅgiko maggo.

[pāci. 70] **Phalāsacchikiriyāti** sotāpattiphalassa sacchikiriyā, sakadāgāmiphalassa sacchikiriyā, anāgāmiphalassa sacchikiriyā, arahattassa [arahattaphalassa (syā.)] sacchikiriyā.

[pāci. 70] **Kilesappahānanti** rāgassa pahānaṃ dosassa pahānaṃ mohassa pahānaṃ.

[pāci. 70] **Vinīvaraṇatā cittassāti** rāgā cittaṃ vinīvaraṇatā, dosā cittaṃ vinīvaraṇatā, mohā cittaṃ vinīvaraṇatā.

[pāci. 70] **Suññāgāre abhiratīti** paṭhamena jhānena suññāgāre abhirati, dutiyena jhānena suññāgāre abhirati, tatiyena jhānena suññāgāre abhirati, catutthena jhānena suññāgāre abhirati.

200. Tīhākārehi paṭhamaṃ jhānaṃ samāpajjinti sampajānamusā bhaṇantassa āpatti pārājikassa, pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti.

Catūhākārehi paṭhamaṃ jhānaṃ samāpajjinti sampajānamusā bhaṇantassa āpatti pārājikassa – pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ.

Pañcahākārehi paṭhamaṃ jhānaṃ samāpajjinti sampajānamusā bhaṇantassa āpatti pārājikassa – pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ vinidhāya khantiṃ.

Chahākārehi paṭhamaṃ jhānaṃ samāpajjinti sampajānamusā bhaṇantassa āpatti pārājikassa – pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ, vinidhāya khantiṃ, vinidhāya ruciṃ.

Sattahākārehi paṭhamaṃ jhānaṃ samāpajjinti sampajānamusā bhaṇantassa āpatti pārājikassa – pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā

bhaṇitanti, vinidhāya diṭṭhiṃ, vinidhāya khantiṃ, vinidhāya ruciṃ, vinidhāya bhāvaṃ.

201. Tīhākārehi paṭhamam jhānaṃ samāpajjāmīti sampajānamusā bhaṇantassa āpatti pārājikassa – pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti.

Catūhākārehi paṭhamam jhānaṃ samāpajjāmīti sampajānamusā bhaṇantassa āpatti pārājikassa – pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ.

Pañcahākārehi paṭhamam jhānaṃ samāpajjāmīti sampajānamusā bhaṇantassa āpatti pārājikassa – pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ, vinidhāya khantiṃ.

Chahākārehi paṭhamam jhānaṃ samāpajjāmīti sampajānamusā bhaṇantassa āpatti pārājikassa – pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ, vinidhāya khantiṃ, vinidhāya ruciṃ.

Sattahākārehi paṭhamam jhānaṃ samāpajjāmīti sampajānamusā bhaṇantassa āpatti pārājikassa – pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ, vinidhāya khantiṃ, vinidhāya ruciṃ, vinidhāya bhāvaṃ.

202. Tīhākārehi paṭhamam jhānaṃ samāpannoti sampajānamusā bhaṇantassa āpatti pārājikassa – pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti.

Catūhākārehi paṭhamam jhānaṃ samāpannoti sampajānamusā bhaṇantassa āpatti pārājikassa – pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ.

Pañcahākārehi paṭhamam jhānaṃ samāpannoti sampajānamusā bhaṇantassa āpatti pārājikassa – pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ, vinidhāya khantiṃ.

Chahākārehi paṭhamam jhānaṃ samāpannoti sampajānamusā bhaṇantassa āpatti pārājikassa – pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ, vinidhāya khantiṃ, vinidhāya ruciṃ.

Sattahākārehi paṭhamam jhānaṃ samāpannoti sampajānamusā bhaṇantassa āpatti pārājikassa – pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ, vinidhāya khantiṃ, vinidhāya ruciṃ, vinidhāya bhāvaṃ.

203. Tīhākārehi paṭhamassa jhānassa lābhīmhīti sampajānamusā bhaṇantassa āpatti pārājikassa – pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti.

Catūhākārehi paṭhamassa jhānassa lābhīmhīti sampajānamusā bhaṇantassa āpatti pārājikassa – pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ.

Pañcahākārehi paṭhamassa jhānassa lābhīmhīti sampajānamusā bhaṇantassa āpatti pārājikassa –

pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ, vinidhāya khantiṃ.

Chahākārehi paṭhamassa jhānassa lābhīmhīti sampajānamusā bhaṇantassa āpatti pārājikassa – pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ, vinidhāya khantiṃ, vinidhāya ruciṃ.

Sattahākārehi paṭhamassa jhānassa lābhīmhīti sampajānamusā bhaṇantassa āpatti pārājikassa – pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ, vinidhāya khantiṃ, vinidhāya ruciṃ, vinidhāya bhāvaṃ.

204. Tīhākārehi paṭhamassa jhānassa vasīmhīti sampajānamusā bhaṇantassa āpatti pārājikassa – pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti.

Catūhākārehi paṭhamassa jhānassa vasīmhīti sampajānamusā bhaṇantassa āpatti pārājikassa – pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ.

Pañcahākārehi paṭhamassa jhānassa vasīmhīti sampajānamusā bhaṇantassa āpatti pārājikassa – pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ, vinidhāya khantiṃ.

Chahākārehi paṭhamassa jhānassa vasīmhīti sampajānamusā bhaṇantassa āpatti pārājikassa – pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ, vinidhāya khantiṃ, vinidhāya ruciṃ.

Sattahākārehi paṭhamassa jhānassa vasīmhīti sampajānamusā bhaṇantassa āpatti pārājikassa – pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ, vinidhāya khantiṃ, vinidhāya ruciṃ, vinidhāya bhāvaṃ.

205. Tīhākārehi paṭhamam jhānam sacchikatam mayāti sampajānamusā bhaṇantassa āpatti pārājikassa – pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti.

Catūhākārehi paṭhamam jhānam sacchikatam mayāti sampajānamusā bhaṇantassa āpatti pārājikassa – pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ.

Pañcahākārehi paṭhamam jhānam sacchikatam mayāti sampajānamusā bhaṇantassa āpatti pārājikassa – pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ, vinidhāya khantiṃ.

Chahākārehi paṭhamam jhānam sacchikatam mayāti sampajānamusā bhaṇantassa āpatti pārājikassa – pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ, vinidhāya khantiṃ, vinidhāya ruciṃ.

Sattahākārehi paṭhamam jhānam sacchikatam mayāti sampajānamusā bhaṇantassa āpatti pārājikassa – pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ, vinidhāya khantiṃ, vinidhāya ruciṃ, vinidhāya bhāvaṃ.

Yathā idaṃ paṭhamam jhānaṃ vitthāritaṃ taṃ sabbampi vitthāretabbaṃ.

206. Tīhākārehi...pe... sattahākārehi dutiyaṃ jhānaṃ...pe... tatiyaṃ jhānaṃ...pe... catutthaṃ jhānaṃ samāpajjīṃ... samāpajjāmi... samāpanno... catutthassa jhānassa lābhīmi... vasīmi... catutthaṃ jhānaṃ sacchikataṃ mayāti sampajānamusā bhaṇantassa āpatti pārājikassa. Pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ, vinidhāya khantiṃ, vinidhāya ruciṃ, vinidhāya bhāvaṃ.

207. Tīhākārehi suññataṃ vimokkhaṃ... animittaṃ vimokkhaṃ... appaṇihitaṃ vimokkhaṃ... samāpajjīṃ... samāpajjāmi... samāpanno... appaṇihitassa vimokkhassa lābhīmi... vasīmi... appaṇihito vimokkho sacchikato mayāti sampajānamusā bhaṇantassa āpatti pārājikassa...pe....

Tīhākārehi suññataṃ samādhīṃ... animittaṃ samādhīṃ... appaṇihitaṃ samādhīṃ samāpajjīṃ... samāpajjāmi... samāpanno... appaṇihitassa samādhissa lābhīmi... vasīmi... appaṇihito samādhī sacchikato mayāti sampajānamusā bhaṇantassa āpatti pārājikassa.

Tīhākārehi suññataṃ samāpattiṃ... animittaṃ samāpattiṃ... appaṇihitaṃ samāpattiṃ samāpajjīṃ... samāpajjāmi... samāpanno... appaṇihitāya samāpattiyā lābhīmi... vasīmi... appaṇihitā samāpatti sacchikatā mayāti sampajānamusā bhaṇantassa āpatti pārājikassa.

Tīhākārehi tisso vijjā samāpajjīṃ... samāpajjāmi samāpanno... tissannaṃ vijjānaṃ lābhīmi... vasīmi... tisso vijjā sacchikatā mayāti sampajānamusā bhaṇantassa āpatti pārājikassa.

Tīhākārehi cattāro satipaṭṭhāne... cattāro sammappadhāne... cattāro iddhipāde samāpajjīṃ... samāpajjāmi... samāpanno... catunnaṃ iddhipādānaṃ lābhīmi... vasīmi... cattāro iddhipādā sacchikatā mayāti sampajānamusā bhaṇantassa āpatti pārājikassa.

Tīhākārehi pañcindriyāni... pañca balāni samāpajjīṃ... samāpajjāmi... samāpanno ... pañcannaṃ balānaṃ lābhīmi... vasīmi... pañcabalāni sacchikatāni mayāti sampajānamusā bhaṇantassa āpatti pārājikassa.

Tīhākārehi satta bojjhaṅge samāpajjīṃ... samāpajjāmi... samāpanno... sattannaṃ bojjhaṅgānaṃ lābhīmi... vasīmi... satta bojjhaṅgā sacchikatā mayāti sampajānamusā bhaṇantassa āpatti pārājikassa.

Tīhākārehi ariyaṃ aṭṭhaṅgikaṃ maggaṃ samāpajjīṃ... samāpajjāmi... samāpanno... ariyassa aṭṭhaṅgikassa maggassa lābhīmi... vasīmi... ariyo aṭṭhaṅgiko maggo sacchikato mayāti sampajānamusā bhaṇantassa āpatti pārājikassa.

Tīhākārehi sotāpattiphalaṃ... sakadāgāmiphalaṃ... anāgāmiphalaṃ... arahattaṃ samāpajjīṃ... samāpajjāmi... samāpanno... arahattassa lābhīmi vasīmi arahattaṃ sacchikataṃ mayāti sampajānamusā bhaṇantassa āpatti pārājikassa.

Tīhākārehi rāgo me catto vanto mutto pahīno paṭinissaṭṭho ukkheṭito samukkheṭitoti sampajānamusā bhaṇantassa āpatti pārājikassa.

Tīhākārehi doso me catto vanto mutto pahīno paṭinissaṭṭho ukkheṭito samukkheṭitoti sampajānamusā bhaṇantassa āpatti pārājikassa.

Tīhākārehi moho me catto vanto mutto pahīno paṭinissaṭṭho ukkheṭito samukkheṭitoti sampajānamusā bhaṇantassa āpatti pārājikassa.

Tīhākārehi rāgā me cittaṃ vinīvaraṇanti sampajānamusā bhaṇantassa āpatti pārājikassa.

Tīhākārehi dosā me cittaṃ vinīvaraṇanti sampajānamusā bhaṇantassa āpatti pārājikassa.

Tīhākārehi ...pe... sattahākārehi mohā me cittaṃ vinīvaraṇanti sampajānamusā bhaṇantassa āpatti pārājikassa – pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ, vinidhāya khantiṃ, vinidhāya ruciṃ, vinidhāya bhāvaṃ.

Suddhikaṃ niṭṭhitaṃ.

208. Tīhākārehi paṭhamañca jhānaṃ dutiyañca jhānaṃ samāpajjiṃ... samāpajjāmi... samāpanno... paṭhamassa ca jhānassa dutiyassa ca jhānassa lābhīmhi... vasīmhi... paṭhamañca jhānaṃ dutiyañca jhānaṃ sacchikataṃ mayāti sampajānamusā bhaṇantassa āpatti pārājikassa...pe....

Tīhākārehi paṭhamañca jhānaṃ tatiyañca jhānaṃ samāpajjiṃ... samāpajjāmi... samāpanno... paṭhamassa ca jhānassa tatiyassa ca jhānassa lābhīmhi... vasīmhi... paṭhamañca jhānaṃ tatiyañca jhānaṃ sacchikataṃ mayāti sampajānamusā bhaṇantassa āpatti pārājikassa.

Tīhākārehi paṭhamañca jhānaṃ catutthañca jhānaṃ samāpajjiṃ... samāpajjāmi... samāpanno... paṭhamassa ca jhānassa catutthassa ca jhānassa lābhīmhi... vasīmhi... paṭhamañca jhānaṃ catutthañca jhānaṃ sacchikataṃ mayāti sampajānamusā bhaṇantassa āpatti pārājikassa.

Tīhākārehi paṭhamañca jhānaṃ suññatañca vimokkhaṃ... paṭhamañca jhānaṃ animittañca vimokkhaṃ... paṭhamañca jhānaṃ appaṇihitañca vimokkhaṃ samāpajjiṃ... samāpajjāmi... samāpanno... paṭhamassa ca jhānassa appaṇihitassa ca vimokkhassa lābhīmhi... vasīmhi... paṭhamañca jhānaṃ appaṇihito ca vimokkho sacchikato mayāti sampajānamusā bhaṇantassa āpatti pārājikassa.

Tīhākārehi paṭhamañca jhānaṃ suññatañca samādhīṃ... paṭhamañca jhānaṃ animittañca samādhīṃ... paṭhamañca jhānaṃ appaṇihitañca samādhīṃ samāpajjiṃ... samāpajjāmi... samāpanno paṭhamassa ca jhānassa appaṇihitassa ca samādhissa lābhīmhi... vasīmhi... paṭhamañca jhānaṃ appaṇihito ca samādhī sacchikato mayāti sampajānamusā bhaṇantassa āpatti pārājikassa.

Tīhākārehi paṭhamañca jhānaṃ suññatañca samāpattiṃ... paṭhamañca jhānaṃ animittañca samāpattiṃ... paṭhamañca jhānaṃ appaṇihitañca samāpattiṃ samāpajjiṃ... samāpajjāmi... samāpanno paṭhamassa ca jhānassa appaṇihitāya ca samāpattiyā lābhīmhi... vasīmhi... paṭhamañca jhānaṃ appaṇihitā ca samāpatti sacchikatā mayāti sampajānamusā bhaṇantassa āpatti pārājikassa.

Tīhākārehi paṭhamañca jhānaṃ tisso ca vijjā samāpajjiṃ... samāpajjāmi... samāpanno... paṭhamassa ca jhānassa tissannañca vijjānaṃ lābhīmhi... vasīmhi... paṭhamañca jhānaṃ tisso ca vijjā sacchikatā mayāti sampajānamusā bhaṇantassa āpatti pārājikassa.

Tīhākārehi paṭhamañca jhānaṃ cattāro ca satipaṭṭhāne... paṭhamañca jhānaṃ cattāro ca sammappadhāne... paṭhamañca jhānaṃ cattāro ca iddhipāde samāpajjiṃ... samāpajjāmi... samāpanno... paṭhamassa ca jhānassa catunnañca iddhipādānaṃ lābhīmhi... vasīmhi... paṭhamañca jhānaṃ cattāro ca iddhipādā sacchikatā mayāti sampajānamusā bhaṇantassa āpatti pārājikassa.

Tīhākārehi paṭhamañca jhānaṃ pañca ca indriyāni... paṭhamañca jhānaṃ pañca ca balāni samāpajjiṃ... samāpajjāmi... samāpanno... paṭhamassa ca jhānassa pañcannañca balānaṃ lābhīmhi... vasīmhi... paṭhamañca jhānaṃ pañca ca balāni sacchikatāni mayāti sampajānamusā bhaṇantassa āpatti pārājikassa.

209. Tīhākārehi paṭhamañca jhānaṃ satta ca bojjhaṅge samāpajjīṃ... samāpajjāmi... samāpanno... paṭhamassa ca jhānassa sattannañca bojjhaṅgānaṃ lābhīmhi... vasīmhi... paṭhamañca jhānaṃ satta ca bojjhaṅgā sacchikatā mayāti sampajānamusā bhaṇantassa āpatti pārājikassa.

Tīhākārehi paṭhamañca jhānaṃ ariyañca aṭṭhaṅgikaṃ maggaṃ samāpajjīṃ... samāpajjāmi... samāpanno... paṭhamassa ca jhānassa ariyassa ca aṭṭhaṅgikassa maggassa lābhīmhi vasīmhi... paṭhamañca jhānaṃ ariyo ca aṭṭhaṅgiko maggo sacchikato mayāti sampajānamusā bhaṇantassa āpatti pārājikassa.

Tīhākārehi paṭhamañca jhānaṃ sotāpattiphalañca... paṭhamañca jhānaṃ sakadāgāmiphalañca... paṭhamañca jhānaṃ anāgāmiphalañca... paṭhamañca jhānaṃ arahattañca samāpajjīṃ... samāpajjāmi... samāpanno... paṭhamassa ca jhānassa arahattassa ca lābhīmhi... vasīmhi... paṭhamañca jhānaṃ arahattañca sacchikataṃ mayāti sampajānamusā bhaṇantassa āpatti pārājikassa.

Tīhākārehi paṭhamañca jhānaṃ samāpajjīṃ... samāpajjāmi... samāpanno... paṭhamassa ca jhānassa lābhīmhi... vasīmhi... paṭhamañca jhānaṃ sacchikataṃ mayā, rāgo ca me catto... doso ca me catto... moho ca me catto vanto mutto pahīno paṇinissaṭṭho ukkheṭito samukkheṭitoti sampajānamusā bhaṇantassa āpatti pārājikassa.

Tīhākārehi...pe... sattahākārehi paṭhamañca jhānaṃ samāpajjīṃ... samāpajjāmi... samāpanno... paṭhamassa ca jhānassa lābhīmhi... vasīmhi... paṭhamañca jhānaṃ sacchikataṃ mayā, rāgā ca me cittaṃ vinīvaraṇaṃ... dosā ca me cittaṃ vinīvaraṇaṃ... mohā ca me cittaṃ vinīvaraṇanti sampajānamusā bhaṇantassa āpatti pārājikassa. Pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ, vinidhāya khantiṃ, vinidhāya ruciṃ, vinidhāya bhāvaṃ.

Khaṇḍacakkam niṭṭhitam.

210. Tīhākārehi dutiyañca jhānaṃ tatiyañca jhānaṃ samāpajjīṃ... samāpajjāmi... samāpanno... dutiyassa ca jhānassa tatiyassa ca jhānassa lābhīmhi... vasīmhi... dutiyañca jhānaṃ tatiyañca jhānaṃ sacchikataṃ mayāti sampajānamusā bhaṇantassa āpatti pārājikassa.

Tīhākārehi dutiyañca jhānaṃ catutthañca jhānaṃ samāpajjīṃ... samāpajjāmi... samāpanno... dutiyassa ca jhānassa catutthassa ca jhānassa lābhīmhi... vasīmhi... dutiyañca jhānaṃ catutthañca jhānaṃ sacchikataṃ mayāti sampajānamusā bhaṇantassa āpatti pārājikassa.

Tīhākārehi dutiyañca jhānaṃ suññatañca vimokkhaṃ... animittañca vimokkhaṃ... appaṇihitañca vimokkhaṃ... suññatañca samādhīṃ... animittañca samādhīṃ... appaṇihitañca samādhīṃ... suññatañca samāpattiṃ... animittañca samāpattiṃ... appaṇihitañca samāpattiṃ... tisso ca vijjā... cattāro ca satipaṭṭhāne... cattāro ca sammappadhāne... cattāro ca iddhipāde... pañca ca indriyāni... pañca ca balāni... satta ca bojjhaṅge... ariyañca aṭṭhaṅgikaṃ maggaṃ... sotāpattiphalañca... sakadāgāmiphalañca... anāgāmiphalañca... arahattañca samāpajjīṃ... samāpajjāmi... samāpanno... dutiyassa ca jhānassa arahattassa ca lābhīmhi... vasīmhi... dutiyañca jhānaṃ arahattañca sacchikataṃ mayāti sampajānamusā bhaṇantassa āpatti pārājikassa.

Tīhākārehi dutiyañca jhānaṃ samāpajjīṃ... samāpajjāmi... samāpanno... dutiyassa ca jhānassa lābhīmhi... vasīmhi... dutiyañca jhānaṃ sacchikataṃ mayā, rāgo ca me catto... doso ca me catto... moho ca me catto vanto mutto pahīno paṇinissaṭṭho ukkheṭito samukkheṭito. Rāgā ca me cittaṃ vinīvaraṇaṃ... dosā ca me cittaṃ vinīvaraṇaṃ... mohā ca me cittaṃ vinīvaraṇanti sampajānamusā bhaṇantassa āpatti pārājikassa.

Tīhākārehi ...pe... sattahākārehi dutiyañca jhānaṃ paṭhamañca jhānaṃ samāpajjīṃ... samāpajjāmi... samāpanno... dutiyassa ca jhānassa paṭhamassa ca jhānassa lābhīmi... vasīmi... dutiyañca jhānaṃ paṭhamañca jhānaṃ sacchikataṃ mayāti sampajānamusā bhaṇantassa āpatti pārājikassa...pe... vinidhāya bhāvaṃ.

Baddhacakkaṃ.

Evam ekekaṃ mūlaṃ kātuna baddhacakkaṃ parivattakaṃ kattabbaṃ.

Idaṃ saṃkhittam.

211. Tīhākārehi tatiyañca jhānaṃ catutthañca jhānaṃ...pe... tatiyañca jhānaṃ arahattañca samāpajjīṃ... samāpajjāmi... samāpanno... tatiyassa ca jhānassa arahattassa ca lābhīmi... vasīmi... tatiyañca jhānaṃ arahattañca sacchikataṃ mayāti sampajānamusā bhaṇantassa āpatti pārājikassa.

Tīhākārehi tatiyañca jhānaṃ samāpajjīṃ... samāpajjāmi... samāpanno... tatiyassa ca jhānassa lābhīmi... vasīmi... tatiyañca jhānaṃ sacchikataṃ mayā, rāgo ca me catto... doso ca me catto... moho ca me catto vanto mutto pahīno paṭinissaṭṭho ukkheṭito samukkheṭito. Rāgā ca me cittaṃ vinīvaraṇaṃ... dosā ca me cittaṃ vinīvaraṇaṃ... mohā ca me cittaṃ vinīvaraṇanti sampajānamusā bhaṇantassa āpatti pārājikassa.

Tīhākārehi tatiyañca jhānaṃ paṭhamañca jhānaṃ... tatiyañca jhānaṃ dutiyañca jhānaṃ samāpajjīṃ... samāpajjāmi... samāpanno... tatiyassa ca jhānassa dutiyassa ca jhānassa lābhīmi... vasīmi... tatiyañca jhānaṃ dutiyañca jhānaṃ sacchikataṃ mayāti sampajānamusā bhaṇantassa āpatti pārājikassa.

Tīkārehi mohā ca me cittaṃ vinīvaraṇaṃ paṭhamañca jhānaṃ...pe... dutiyañca jhānaṃ... tatiyañca jhānaṃ... catutthañca jhānaṃ samāpajjīṃ samāpajjāmi... samāpanno... mohā ca me cittaṃ vinīvaraṇaṃ catutthassa ca jhānassa lābhīmi... vasīmi... mohā ca me cittaṃ vinīvaraṇaṃ catutthañca jhānaṃ sacchikataṃ mayāti sampajānamusā bhaṇantassa āpatti pārājikassa.

212. Tīhākārehi mohā ca me cittaṃ vinīvaraṇaṃ suññatañca vimokkhaṃ... animittañca vimokkhaṃ... appaṇihitañca vimokkhaṃ samāpajjīṃ... samāpajjāmi... samāpanno... mohā ca me cittaṃ vinīvaraṇaṃ appaṇihitassa ca vimokkhassa lābhīmi... vasīmi... mohā ca me cittaṃ vinīvaraṇaṃ appaṇihito ca vimokkho sacchikato mayāti sampajānamusā bhaṇantassa āpatti pārājikassa.

Tīhākārehi mohā ca me cittaṃ vinīvaraṇaṃ suññatañca samādhīṃ... animittañca samādhīṃ... appaṇihitañca samādhīṃ samāpajjīṃ... samāpajjāmi... samāpanno... mohā ca me cittaṃ vinīvaraṇaṃ appaṇihitassa ca samādhissa lābhīmi... vasīmi... mohā ca me cittaṃ vinīvaraṇaṃ appaṇihito ca samādhī sacchikato mayāti sampajānamusā bhaṇantassa āpatti pārājikassa.

Tīhākārehi mohā ca me cittaṃ vinīvaraṇaṃ suññatañca samāpattiṃ... animittañca samāpattiṃ... appaṇihitañca samāpattiṃ samāpajjīṃ samāpajjāmi... samāpanno... mohā ca me cittaṃ vinīvaraṇaṃ appaṇihitāya ca samāpattiyā lābhīmi... vasīmi... mohā ca me cittaṃ vinīvaraṇaṃ appaṇihitā ca samāpatti sacchikatā mayāti sampajānamusā bhaṇantassa āpatti pārājikassa.

Tīhākārehi mohā ca me cittaṃ vinīvaraṇaṃ tisso ca vijjā samāpajjīṃ... samāpajjāmi... samāpanno... ‘mohā ca me cittaṃ vinīvaraṇaṃ tissannañca vijjānaṃ lābhīmi... vasīmi... mohā ca me cittaṃ vinīvaraṇaṃ tisso ca vijjā sacchikatā mayāti sampajānamusā bhaṇantassa āpatti pārājikassa.

Tīhākārehi mohā ca me cittaṃ vinīvaraṇaṃ cattāro ca satipaṭṭhāne... cattāro ca sammappadhāne...

cattāro ca iddhipāde samāpajjīṃ... samāpajjāmi... samāpanno... mohā ca me cittaṃ vinīvaraṇaṃ catunnaṅga iddhipādānaṃ lābhīmhi... vasīmhi... mohā ca me cittaṃ vinīvaraṇaṃ cattāro ca iddhipādā sacchikatā mayāti sampajānamusā bhaṇantassa āpatti pārājikassa.

213. Tīhākārehi mohā ca me cittaṃ vinīvaraṇaṃ pañca ca indriyāni... pañca ca balāni samāpajjīṃ... samāpajjāmi... samāpanno... mohā ca me cittaṃ vinīvaraṇaṃ pañcannaṅga balānaṃ lābhīmhi... vasīmhi... mohā ca me cittaṃ vinīvaraṇaṃ pañca ca balāni sacchikatāni mayāti sampajānamusā bhaṇantassa āpatti pārājikassa.

Tīhākārehi mohā ca me cittaṃ vinīvaraṇaṃ satta ca bojjhaṅge samāpajjīṃ... samāpajjāmi... samāpanno... mohā ca me cittaṃ vinīvaraṇaṃ sattannaṅga bojjhaṅgānaṃ lābhīmhi... vasīmhi... mohā ca me cittaṃ vinīvaraṇaṃ satta ca bojjhaṅgā sacchikatā mayāti sampajānamusā bhaṇantassa āpatti pārājikassa.

Tīhākārehi mohā ca me cittaṃ vinīvaraṇaṃ ariyaṅga aṭṭhaṅgikaṃ maggaṃ samāpajjīṃ... samāpajjāmi... samāpanno... mohā ca me cittaṃ vinīvaraṇaṃ ariyassa ca aṭṭhaṅgikassa maggassa lābhīmhi... vasīmhi... mohā ca me cittaṃ vinīvaraṇaṃ ariyo ca aṭṭhaṅgiko maggo sacchikato mayāti sampajānamusā bhaṇantassa āpatti pārājikassa.

Tīhākārehi mohā ca me cittaṃ vinīvaraṇaṃ sotāpattiphalaṅga... sakadāgāmiphalaṅga... anāgāmiphalaṅga... arahattaṅga samāpajjīṃ... samāpajjāmi... samāpanno... mohā ca me cittaṃ vinīvaraṇaṃ arahattassa ca lābhīmhi... vasīmhi... mohā ca me cittaṃ vinīvaraṇaṃ arahattaṅga sacchikataṃ mayāti sampajānamusā bhaṇantassa āpatti pārājikassa.

Tīhākārehi mohā ca me cittaṃ vinīvaraṇaṃ, rāgo ca me catto... doso ca me catto... moho ca me catto vanto mutto pahīno paṭinissaṭṭho ukkheṭito samukkheṭito sampajānamusā bhaṇantassa āpatti pārājikassa.

Tīhākārehi...pe... sattahākārehi mohā ca me cittaṃ vinīvaraṇaṃ rāgā ca me cittaṃ vinīvaraṇaṃ... dosā ca me cittaṃ vinīvaraṇanti sampajānamusā bhaṇantassa āpatti pārājikassa pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ, vinidhāya khantiṃ, vinidhāya ruciṃ, vinidhāya bhāvaṃ.

Ekamūlakaṃ niṭṭhitaṃ. [\[ekamūlakaṃ saṅkhittaṃ niṭṭhitaṃ \(syā.\)\]](#)

Yathā ekamūlakaṃ vitthāritaṃ evameva dumūlakādipi vitthāretabbaṃ.

Idaṃ sabbamūlakaṃ

214. Tīhākārehi ...pe... sattahākārehi paṭhamaṅga jhānaṃ dutiyaṅga jhānaṃ tatiyaṅga jhānaṃ catutthaṅga jhānaṃ suññataṅga vimokkhaṃ animittaṅga vimokkhaṃ appaṇihitaṅga vimokkhaṃ suññataṅga samādhimā animittaṅga samādhimā appaṇihitaṅga samādhimā suññataṅga samāpattimā animittaṅga samāpattimā appaṇihitaṅga samāpattimā tisso ca vijjā cattāro ca satipaṭṭhāne cattāro ca sammappadhāne cattāro ca iddhipāde pañca ca indriyāni pañca ca balāni satta ca bojjhaṅge ariyaṅga aṭṭhaṅgikaṃ maggaṃ sotāpattiphalaṅga sakadāgāmiphalaṅga anāgāmiphalaṅga arahattaṅga samāpajjīṃ... samāpajjāmi... samāpanno...pe... rāgo ca me catto, doso ca me catto, moho ca me catto vanto mutto pahīno paṭinissaṭṭho ukkheṭito samukkheṭito. Rāgā ca me cittaṃ vinīvaraṇaṃ, dosā ca me cittaṃ vinīvaraṇaṃ, mohā ca me cittaṃ vinīvaraṇanti sampajānamusā bhaṇantassa āpatti pārājikassa. Pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ, vinidhāya khantiṃ, vinidhāya ruciṃ, vinidhāya bhāvaṃ.

Sabbamūlakam niṭṭhitam.

Suddhikavārakathā niṭṭhitā.

215. Tīhākārehi paṭhamam jhānam samāpajjinti vattukāmo dutiyam jhānam samāpajjinti sampajānamusā bhaṇantassa paṭivijānantassa āpatti pārājikassa; na paṭivijānantassa āpatti thullaccayassa.

Tīhākārehi paṭhamam jhānam samāpajjinti vattukāmo tatiyam jhānam samāpajjinti sampajānamusā bhaṇantassa paṭivijānantassa āpatti pārājikassa; na paṭivijānantassa āpatti thullaccayassa.

Tīhākārehi paṭhamam jhānam samāpajjinti vattukāmo catuttham jhānam samāpajjinti sampajānamusā bhaṇantassa paṭivijānantassa āpatti pārājikassa; na paṭivijānantassa āpatti thullaccayassa.

Tīhākārehi ...pe... sattahākārehi paṭhamam jhānam samāpajjinti vattukāmo suññatam vimokkham... animittam vimokkham... appaṇihitam vimokkham... suññatam samādhiṃ... animittam samādhiṃ... appaṇihitam samādhiṃ... suññatam samāpattiṃ... animittam samāpattiṃ... appaṇihitam samāpattiṃ... tisso vijjā... cattāro satipaṭṭhāne... cattāro sammappadhāne... cattāro iddhipāde... pañcīndriyāni... pañca balāni... satta bojjhaṅge... ariyam aṭṭhaṅgikam maggam... sotāpattiphalaṃ... sakadāgāmiphalaṃ... anāgāmiphalaṃ... arahattam samāpajjim...pe... rāgo me catto... doso me catto... moho me catto vanto mutto pahīno paṭinissatṭho ukkheṭṭito samukkheṭṭito. Rāgā me cittaṃ vinīvaraṇam... dosā me cittaṃ vinīvaraṇam... mohā me cittaṃ vinīvaraṇanti sampajānamusā bhaṇantassa paṭivijānantassa āpatti pārājikassa; na paṭivijānantassa āpatti thullaccayassa. Pubbevassa hoti musā bhaṇissanti, bhaṇantassa hoti musā bhaṇamīti, bhaṇitassa hoti musā mayā bhaṇitanti, vinidhāya diṭṭhiṃ, vinidhāya khantiṃ, vinidhāya ruciṃ, vinidhāya bhāvaṃ.

Vatthuisārakassa ekamūlakassa khaṇḍacakkam niṭṭhitam.

216. Tīhākārehi dutiyam jhānam samāpajjinti vattukāmo tatiyam jhānam samāpajjinti sampajānamusā bhaṇantassa paṭivijānantassa āpatti pārājikassa; na paṭivijānantassa āpatti thullaccayassa.

Tīhākārehi dutiyam jhānam samāpajjinti vattukāmo catuttham jhānam samāpajjinti...pe... mohā ca me cittaṃ vinīvaraṇanti sampajānamusā bhaṇantassa paṭivijānantassa āpatti pārājikassa; na paṭivijānantassa āpatti thullaccayassa.

Tīhākārehi...pe... sattahākārehi dutiyam jhānam samāpajjinti vattukāmo paṭhamam jhānam samāpajjinti sampajānamusā bhaṇantassa paṭivijānantassa āpatti pārājikassa; na paṭivijānantassa āpatti thullaccayassa...pe... vinidhāya bhāvaṃ.

Vatthuisārakassa ekamūlakassa baddhacakkam.

Mūlam samkhittam.

217. Tīhākārehi mohā me cittaṃ vinīvaraṇanti vattukāmo paṭhamam jhānam samāpajjinti sampajānamusā bhaṇantassa paṭivijānantassa āpatti pārājikassa; na paṭivijānantassa āpatti thullaccayassa.

Tīhākārehi...pe... sattahākārehi mohā me cittaṃ vinīvaraṇanti vattukāmo dosā me cittaṃ vinīvaraṇanti sampajānamusā bhaṇantassa paṭivijānantassa āpatti pārājikassa; na paṭivijānantassa āpatti

thullaccayassa...pe... vinidhāya bhāvaṃ.

Vatthuisārakassa ekamūlakam niṭṭhitam.

Yathā ekamūlakam vitthāritam evameva dumūlakādipi vitthāretabbam.

Idam sabbamūlakam

218. Tīhākārehi...pe... sattahākārehi paṭhamañca jhānaṃ dutiyañca jhānaṃ tatiyañca jhānaṃ catutthañca jhānaṃ suññatañca vimokkham animittañca vimokkham appaṇihitañca vimokkham suññatañca samādhim animittañca samādhim appaṇihitañca samādhim suññatañca samāpattim animittañca samāpattim appaṇihitañca samāpattim tisso ca vijjā cattāro ca satipaṭṭhāne cattāro ca sammappadhāne cattāro ca iddhipāde pañca ca indriyāni pañca ca balāni satta ca bojjhaṅge ariyañca aṭṭhaṅgikam maggam sotāpattiphalañca sakadāgāmiphalañca anāgāmiphalañca arahattañca samāpajjim...pe... rāgo ca me catto... doso ca me catto... moho ca me catto vanto mutto pahīno paṭinissaṭṭho ukkheṭito samukkheṭito. Rāgā ca me cittaṃ vinīvaraṇam... dosā ca me cittaṃ vinīvaraṇanti vattukāmo mohā me cittaṃ vinīvaraṇanti sampajānamusā bhaṇantassa paṭivijānantassa āpatti pārājikassa; na paṭivijānantassa āpatti thullaccayassa. [[] [ettantare pāṭhā syāmapotthake natthi](#)]

219. Tīhākārehi dutiyañca jhānaṃ tatiyañca jhānaṃ catutthañca jhānaṃ suññatañca vimokkham animittañca vimokkham appaṇihitañca vimokkham suññatañca samādhim animittañca samādhim appaṇihitañca samādhim suññatañca samāpattim animittañca samāpattim appaṇihitañca samāpattim tisso ca vijjā cattāro ca satipaṭṭhāne cattāro ca sammappadhāne cattāro ca iddhipāde pañca ca indriyāni pañca ca balāni satta ca bojjhaṅge ariyañca aṭṭhaṅgikam maggam sotāpattiphalañca sakadāgāmiphalañca anāgāmiphalañca arahattañca samāpajjim...pe... rāgo ca me catto... doso ca me catto... moho ca me catto vanto mutto pahīno paṭinissaṭṭho ukkheṭito samukkheṭito. Rāgā ca me cittaṃ vinīvaraṇam... dosā ca me cittaṃ vinīvaraṇanti vattukāmo paṭhamaṃ jhānaṃ samāpajjinti sampajānamusā bhaṇantassa paṭivijānantassa āpatti pārājikassa; na paṭivijānantassa āpatti thullaccayassa.

Tīhākārehi tatiyañca jhānaṃ catutthañca jhānaṃ...pe... mohā ca me cittaṃ vinīvaraṇam paṭhamañca jhānaṃ samāpajjinti vattukāmo dutiyaṃ jhānaṃ samāpajjinti sampajānamusā bhaṇantassa paṭivijānantassa āpatti pārājikassa; na paṭivijānantassa āpatti thullaccayassa.

Tīhākārehi...pe... sattahākārehi mohā ca me cittaṃ vinīvaraṇam paṭhamañca jhānaṃ dutiyañca jhānaṃ tatiyañca jhānaṃ catutthañca jhānaṃ...pe... rāgā ca me cittaṃ vinīvaraṇanti vattukāmo dosā me cittaṃ vinīvaraṇanti sampajānamusā bhaṇantassa paṭivijānantassa āpatti pārājikassa; na paṭivijānantassa āpatti thullaccayassa. Pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhim, vinidhāya khantiṃ, vinidhāya ruciṃ, vinidhāya bhāvaṃ.

Vatthuisārakassa sabbamūlakam niṭṭhitam.

Vatthuisārakassa cakkapeyyālam niṭṭhitam.

Vatthukāmaṅgārahakathā niṭṭhitā.

220. Tīhākārehi yo te vihāre vasi so bhikkhu paṭhamaṃ jhānaṃ samāpajji... samāpajjati... samāpanno... so bhikkhu paṭhamassa jhānassa lābhī... vasi... tena bhikkhunā paṭhamaṃ jhānaṃ sacchikatanti sampajānamusā bhaṇantassa paṭivijānantassa āpatti thullaccayassa; na paṭivijānantassa āpatti dukkaṭṭassa.

Catūhākārehi ... pañcahākārehi... chahākārehi... sattahākārehi yo te vihāre vasi so bhikkhu paṭhamam jhānam samāpajji... samāpajjati... samāpanno... so bhikkhu paṭhamassa jhānassa lābhī... vasī... tena bhikkhunā paṭhamam jhānam sacchikatanti sampajānamusā bhaṇantassa paṭivijānantassa āpatti thullaccayassa; na paṭivijānantassa āpatti dukkaṭassa. Pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ, vinidhāya khantiṃ, vinidhāya ruciṃ, vinidhāya bhāvaṃ.

Tīhākārehi yo te vihāre vasi so bhikkhu dutiyam jhānam... tatiyam jhānam... catuttham jhānam... suññatam vimokkham... animittam vimokkham... appaṇihitam vimokkham... suññatam samādhiṃ... animittam samādhiṃ... appaṇihitam samādhiṃ... suññatam samāpattiṃ... animittam samāpattiṃ... appaṇihitam samāpattiṃ... tisso vijjā... cattāro satipaṭṭhāne... cattāro sammappadhāne... cattāro iddhipāde... pañca indriyāni... pañca balāni... satta bojjhaṅge... ariyam aṭṭhaṅgikaṃ maggaṃ... sotāpattiphalaṃ... sakadāgāmiphalaṃ... anāgāmiphalaṃ... arahattam samāpajji... samāpajjati... samāpanno... so bhikkhu arahattassa lābhī... vasī... tena bhikkhunā arahattam sacchikatanti sampajānamusā bhaṇantassa paṭivijānantassa āpatti thullaccayassa; na paṭivijānantassa āpatti dukkaṭassa.

Tīhākārehi yo te vihāre vasi, tassa bhikkhuno rāgo catto... doso catto... moho catto vanto mutto pahīno paṭinissattho ukkheṭito samukkheṭitoti sampajānamusā bhaṇantassa paṭivijānantassa āpatti thullaccayassa; na paṭivijānantassa āpatti dukkaṭassa.

Tīhākārehi...pe... sattahākārehi yo te vihāre vasi, tassa bhikkhuno rāgā cittaṃ vinīvaraṇam... dosā cittaṃ vinīvaraṇam... mohā cittaṃ vinīvaraṇanti sampajānamusā bhaṇantassa paṭivijānantassa āpatti thullaccayassa; na paṭivijānantassa āpatti dukkaṭassa...pe... pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ, vinidhāya khantiṃ, vinidhāya ruciṃ, vinidhāya bhāvaṃ.

Tīhākārehi...pe... sattahākārehi yo te vihāre vasi so bhikkhu suññāgāre paṭhamam jhānam... dutiyam jhānam... tatiyam jhānam... catuttham jhānam samāpajji ... samāpajjati... samāpanno... so bhikkhu suññāgāre catutthassa jhānassa lābhī... vasī... tena bhikkhunā suññāgāre catuttham jhānam sacchikatanti sampajānamusā bhaṇantassa paṭivijānantassa āpatti thullaccayassa; na paṭivijānantassa āpatti dukkaṭassa. Pubbevassa hoti musā bhaṇissanti, bhaṇantassa hoti musā bhaṇāmīti bhaṇitassa hoti, musā mayā bhaṇitanti, vinidhāya diṭṭhiṃ, vinidhāya khantiṃ, vinidhāya ruciṃ, vinidhāya bhāvaṃ.

Yathā idam vitthāritam evameva sesānipi vitthāretabbāni.

221. Tīhākārehi...pe... sattahākārehi yo te cīvaram paribhuñji... yo te piṇḍapātam paribhuñji... yo te senāsanam paribhuñji... yo te gilānappaccayabhesajjaparikkhāram paribhuñji so bhikkhu suññāgāre catuttham jhānam samāpajji... samāpajjati... samāpanno... so bhikkhu suññāgāre catutthassa jhānassa lābhī... vasī... tena bhikkhunā suññāgāre catuttham jhānam sacchikatanti sampajānamusā bhaṇantassa paṭivijānantassa āpatti thullaccayassa; na paṭivijānantassa āpatti dukkaṭassa...pe... vinidhāya bhāvaṃ.

Tīhākārehi...pe... sattahākārehi yena te vihāro paribhutto... yena te cīvaram paribhuttaṃ... yena te piṇḍapāto paribhutto... yena te senāsanam paribhuttaṃ... yena te gilānappaccayabhesajjaparikkhāro paribhutto... so bhikkhu suññāgāre catuttham jhānam samāpajji... samāpajjati... samāpanno... so bhikkhu suññāgāre catutthassa jhānassa lābhī... vasī... tena bhikkhunā suññāgāre catuttham jhānam sacchikatanti sampajānamusā bhaṇantassa paṭivijānantassa āpatti thullaccayassa; na paṭivijānantassa āpatti dukkaṭassa...pe... vinidhāya bhāvaṃ.

Tīhākārehi ...pe... sattahākārehi yam tvam āgamma vihāram adāsi... cīvaram adāsi... piṇḍapātam adāsi... senāsanam adāsi... gilānappaccayabhesajjaparikkhāram adāsi so bhikkhu suññāgāre catuttham

jhānaṃ samāpajjī... samāpajjati... samāpanno... so bhikkhu suññāgāre catutthassa jhānassa lābhī... vasī... tena bhikkhunā suññāgāre catutthaṃ jhānaṃ sacchikatanti sampajānamusā bhaṇantassa paṭivijānantassa āpatti thullaccayassa; na paṭivijānantassa āpatti dukkaṭassa. Pubbevassa hoti musā bhaṇissanti, bhaṇantassa hoti musā bhaṇāmīti, bhaṇitassa hoti musā mayā bhaṇitanti, vinidhāya diṭṭhiṃ, vinidhāya khantiṃ, vinidhāya ruciṃ, vinidhāya bhāvaṃ.

Peyyālapannarasakam niṭṭhitam.

Paccayappaṭisaṃyuttavārakathā niṭṭhitā.

Uttarimanussadhammacakkapeyyālam niṭṭhitam.

222. Anāpatti adhimānena, anullapanādhippāyassa, ummattakassa, khittacittassa, vedanāṭṭassa, ādikammikassāti.

Vinītavatthuuddānagāthā

Adhimāne [adhimānena (pī.)] araññaṃhi, piṇḍopajjhāriyāpatho;
Saṃyojanā rahodhammā, vihāro paccupaṭṭhito.

Na dukkaram vīriyamathopi maccuno;
Bhāyāvuso vipaṭṭisāri sammā;
Viriyena yogena ārādhanaṃ;
Atha vedanāya adhivāsanā duve.

Brāhmaṇe pañca vatthūni, aññaṃ byākaraṇā tayo;
Agārāvaraṇā kāmā, rati cāpi apakkami.

Aṭṭhi pesi ubho gāvaghātakā;
Piṇḍo sākuṇiko nicchavi orabbhi;
Asi ca sūkariko satti māgavi;
Usu ca kāraṇiko sūci sārathi.

Yo ca sabbīyati sūcako hi so;
Aṇḍabhāri ahu gāmakūṭako;
Kūpe nimuggo hi so pāradāriko;
Gūthakhādī ahu duṭṭhabrāhmaṇo.

Nicchavitthī aticārinī ahu;
Maṅgulitthī ahu ikkhaṇitthikā;
Okilinī hi sapattaṅgārokiri;
Sīsacchinno ahu coraghātako.

Bhikkhu bhikkhunī sikkhamānā;
Sāmaṇero atha sāmaṇerikā;
Kassapassa vinayasmīṃ pabbajam;
Pāpakammamakariṃsu tāvade.

Tapodā rājagahe yuddham, nāgānogāhanena ca;
Sobhito araham bhikkhu, pañcakappasatam saretī.

Vinītavatthu

223. Tena kho pana samayena aññataro bhikkhu adhimānena aññaṃ byākāsi. Tassa kukkucçaṃ ahosi – “bhagavatā sikkhāpadaṃ paññattaṃ. Kacci nu kho ahaṃ pārājikaṃ āpattiṃ āpanno”ti? Bhagavato etamattaṃ ārocesi. “Anāpatti, bhikkhu, adhimānenā”ti.

Tena kho pana samayena aññataro bhikkhu pañidhāya araññe viharati – “evaṃ maṃ jano sambhāveṣṭi”ti. Taṃ jano sambhāvesi. Tassa kukkucçaṃ ahosi...pe... “anāpatti, bhikkhu, pārājikassa. Na ca, bhikkhave, pañidhāya araññe vatthabbaṃ. Yo vaseyya, āpatti dukkaṭassā”ti.

Tena kho pana samayena aññataro bhikkhu pañidhāya piṇḍāya carati – “evaṃ maṃ jano sambhāveṣṭi”ti. Taṃ jano sambhāvesi. Tassa kukkucçaṃ ahosi...pe... “anāpatti, bhikkhu, pārājikassa. Na ca, bhikkhave, pañidhāya piṇḍāya caritabbaṃ. Yo careyya, āpatti dukkaṭassā”ti.

Tena kho pana samayena aññataro bhikkhu aññataraṃ bhikkhuṃ etadavoca – “ye, āvuso, ambhākaṃ upajjhāyassa saddhivihārikā sabbeva arahanto”ti. Tassa kukkucçaṃ ahosi...pe... “kiṃcitto tvaṃ, bhikkhū”ti? “Ullapanādhippāyo ahaṃ, bhagavā”ti. “Anāpatti, bhikkhu, pārājikassa; āpatti thullaccayassā”ti.

Tena kho pana samayena aññataro bhikkhu aññataraṃ bhikkhuṃ etadavoca – “ye, āvuso, ambhākaṃ upajjhāyassa antevāsikā sabbeva mahiddhikā mahānubhāvā”ti. Tassa kukkucçaṃ ahosi...pe... “kiṃcitto tvaṃ, bhikkhū”ti? “Ullapanādhippāyo ahaṃ, bhagavā”ti. “Anāpatti, bhikkhu, pārājikassa; āpatti thullaccayassā”ti.

Tena kho pana samayena aññataro bhikkhu pañidhāya caṅkamati... pañidhāya tiṭṭhati... pañidhāya nisīdati... pañidhāya seyyaṃ kappeti – “evaṃ maṃ jano sambhāveṣṭi”ti. Taṃ jano sambhāvesi. Tassa kukkucçaṃ ahosi...pe... “anāpatti, bhikkhu, pārājikassa. Na ca, bhikkhave, pañidhāya seyyā kappetabbā. Yo kappeyya, āpatti dukkaṭassā”ti.

Tena kho pana samayena aññataro bhikkhu aññatarassa bhikkhuno uttarimanussadhammaṃ ullapati. Sopi evamāha – “mayhampi, āvuso, saṃyojanā pahīnā”ti. Tassa kukkucçaṃ ahosi...pe... “āpattiṃ tvaṃ, bhikkhu, āpanno pārājika”nti.

224. Tena kho pana samayena aññataro bhikkhu rahogato uttarimanussadhammaṃ ullapati. Paracittavidū bhikkhu taṃ bhikkhuṃ apasādesi – “mā, āvuso, evarūpaṃ abhaṇi. Nattheso tuyha”nti. Tassa kukkucçaṃ ahosi...pe... “anāpatti, bhikkhu, pārājikassa; āpatti dukkaṭassā”ti.

Tena kho pana samayena aññataro bhikkhu rahogato uttarimanussadhammaṃ ullapati. Devatā taṃ bhikkhuṃ apasādesi – “mā, bhante, evarūpaṃ abhaṇi. Nattheso tuyha”nti. Tassa kukkucçaṃ ahosi...pe... “anāpatti, bhikkhu, pārājikassa; āpatti dukkaṭassā”ti.

Tena kho pana samayena aññataro bhikkhu aññataraṃ upāsakaṃ etadavoca – “yo, āvuso, tuyhaṃ vihāre vasati so bhikkhu arahā”ti. So ca tassa vihāre vasati. Tassa kukkucçaṃ ahosi...pe... “kiṃcitto tvaṃ, bhikkhū”ti? “Ullapanādhippāyo ahaṃ, bhagavā”ti. “Anāpatti, bhikkhu, pārājikassa; āpatti thullaccayassā”ti.

Tena kho pana samayena aññataro bhikkhu aññataraṃ upāsakaṃ etadavoca – “yaṃ tvaṃ, āvuso, upatṭhesi cīvarapiṇḍapātasenāsanagilānappaccayabhesajjaparikkhārena so bhikkhu arahā”ti. So ca taṃ upatṭheti cīvarapiṇḍapātasenāsanagilānappaccayabhesajjaparikkhārena. Tassa kukkucçaṃ ahosi...pe... “kiṃcitto tvaṃ, bhikkhū”ti? “Ullapanādhippāyo ahaṃ, bhagavā”ti. “Anāpatti, bhikkhu, pārājikassa; āpatti thullaccayassā”ti.

225. Tena kho pana samayena aññataro bhikkhu gilāno hoti. Taṃ bhikkhū etadavocum – “atthāyasmato uttarimanussadhammo”ti? “Nāvuso, dukkaraṃ aññaṃ byākātu”nti. Tassa kukkucçaṃ ahoṣi – “ye kho te bhagavato sāvaka te evaṃ vadeyyum. Ahañcamhi na bhagavato sāvako. Kacci nu kho ahaṃ pārājikaṃ āpattiṃ āpanno”ti? Bhagavato etamatthaṃ ārocesi. “Kiṃcitto tvaṃ, bhikkhū”ti? “Anullapanādhippāyo ahaṃ, bhagavā”ti. “Anāpatti, bhikkhu, anullapanādhippāyassā”ti.

Tena kho pana samayena aññataro bhikkhu gilāno hoti. Taṃ bhikkhū etadavocum – “atthāyasmato uttarimanussadhammo”ti? “Ārādhanīyo kho, āvuso, dhammo āraddhavīriyenā”ti. Tassa kukkucçaṃ ahoṣi...pe... “anāpatti, bhikkhu, anullapanādhippāyassā”ti.

Tena kho pana samayena aññataro bhikkhu gilāno hoti. Taṃ bhikkhū etadavocum – “mā kho, āvuso, bhāyī”ti. Nāhaṃ, āvuso, maccuno bhāyāmi”ti. Tassa kukkucçaṃ ahoṣi...pe... “anāpatti, bhikkhu, anullapanādhippāyassā”ti.

Tena kho pana samayena aññataro bhikkhu gilāno hoti. Taṃ bhikkhū etadavocum – “mā kho, āvuso, bhāyī”ti. “Yo nūnāvuso, vippaṭṭisārī assa so bhāyeyyā”ti. Tassa kukkucçaṃ ahoṣi...pe... “anāpatti, bhikkhu, anullapanādhippāyassā”ti.

Tena kho pana samayena aññataro bhikkhu gilāno hoti. Taṃ bhikkhū etadavocum – “atthāyasmato uttarimanussadhammo”ti? “Ārādhanīyo kho, āvuso, dhammo sammāpayuttenā”ti. Tassa kukkucçaṃ ahoṣi...pe... “anāpatti, bhikkhu, anullapanādhippāyassā”ti.

Tena kho pana samayena aññataro bhikkhu gilāno hoti. Taṃ bhikkhū etadavocum – “atthāyasmato uttarimanussadhammo”ti? “Ārādhanīyo kho, āvuso, dhammo āraddhavīriyenā”ti. Tassa kukkucçaṃ ahoṣi...pe... “anāpatti, bhikkhu, anullapanādhippāyassā”ti.

Tena kho pana samayena aññataro bhikkhu gilāno hoti. Taṃ bhikkhū etadavocum – “atthāyasmato uttarimanussadhammo”ti? “Ārādhanīyo kho, āvuso, dhammo yuttayogenā”ti. Tassa kukkucçaṃ ahoṣi...pe... “anāpatti, bhikkhu, anullapanādhippāyassā”ti.

Tena kho pana samayena aññataro bhikkhu gilāno hoti. Taṃ bhikkhū etadavocum – “kaccāvuso, khamanīyaṃ, kacci yāpanīya”nti? “Nāvuso, sakkā yena vā tena vā adhivāsetu”nti. Tassa kukkucçaṃ ahoṣi...pe... “anāpatti, bhikkhu, anullapanādhippāyassā”ti.

Tena kho pana samayena aññataro bhikkhu gilāno hoti. Taṃ bhikkhū etadavocum – “kaccāvuso khamanīyaṃ, kacci yāpanīya”nti? “Nāvuso, sakkā puthujjanena adhivāsetu”nti. Tassa kukkucçaṃ ahoṣi...pe... “kiṃcitto tvaṃ, bhikkhū”ti? “Ullapanādhippāyo ahaṃ, bhagavā”ti. “Anāpatti, bhikkhu, pārājikassa; āpatti thullaccayassā”ti.

226. Tena kho pana samayena aññataro brāhmaṇo bhikkhū nimantetvā etadavoca – “āyantu, bhonto arahanto”ti. Tesam kukkucçaṃ ahoṣi – “mayañcamha na arahanto [anarahanto (sī.)]. Ayañca brāhmaṇo amhe arahantavādena samudācarati. Kathaṃ nu kho amhehi paṭipajjitabba”nti? Bhagavato etamatthaṃ ārocesum. “Anāpatti, bhikkhave, pasādabhaññe”ti.

Tena kho pana samayena aññataro brāhmaṇo bhikkhū nimantetvā etadavoca – “nisīdantu, bhonto arahanto”ti... “bhuñjantu, bhonto arahanto”ti... “tappentu, bhonto arahanto”ti... “gacchantu, bhonto arahanto”ti. Tesam kukkucçaṃ ahoṣi – “mayañcamha na arahanto. Ayañca brāhmaṇo amhe arahantavādena samudācarati. Kathaṃ nu kho amhehi paṭipajjitabba”nti? Bhagavato etamatthaṃ ārocesum. “Anāpatti, bhikkhave, pasādabhaññe”ti.

Tena kho pana samayena aññataro bhikkhu aññatarassa bhikkhuno uttarimanussadhammaṃ

ullapati. Sopi evamāha – “mayhampi, āvuso, āsavā pahīnā”ti. Tassa kukkucçaṃ ahoṣi...pe...
“āpattiṃ tvam, bhikkhu, āpanno pārājika”nti.

Tena kho pana samayena aññataro bhikkhu aññatarassa bhikkhuno uttarimanussadhammaṃ
ullapati. Sopi evamāha – “mayhampi, āvuso, ete dhammā saṃvijjantī”ti. Tassa kukkucçaṃ ahoṣi...
pe... “āpattiṃ tvam, bhikkhu, āpanno pārājika”nti.

Tena kho pana samayena aññataro bhikkhu aññatarassa bhikkhuno uttarimanussadhammaṃ
ullapati. Sopi evamāha – “ahampāvuso, tesu dhammesu sandissāmi”ti. Tassa kukkucçaṃ ahoṣi...pe...
“āpattiṃ tvam, bhikkhu, āpanno pārājika”nti.

Tena kho pana samayena aññataram bhikkhuṃ ñātakā etadavocum – “ehi, bhante, agāraṃ
ajjhāvasā”ti. “Abhabbo kho, āvuso, mādiso agāraṃ ajjhāvasitu”nti. Tassa kukkucçaṃ ahoṣi...pe...
“anāpatti, bhikkhu, anullapanādhippāyassā”ti.

227. Tena kho pana samayena aññataram bhikkhuṃ ñātakā etadavocum – “ehi, bhante, kāme
paribhuñjā”ti. “Āvaṭā me, āvuso, kāmā”ti. Tassa kukkucçaṃ ahoṣi...pe... “anāpatti, bhikkhu,
anullapanādhippāyassā”ti.

Tena kho pana samayena aññataram bhikkhuṃ ñātakā etadavocum – “abhiramasi, bhante”ti?
“Abhirato ahaṃ, āvuso, paramāya abhiratiyā”ti. Tassa kukkucçaṃ ahoṣi. “Ye kho te bhagavato sāvakā
te evaṃ vadeyyum! Ahañcamhi na bhagavato sāvako. Kacci nu kho ahaṃ pārājikaṃ āpattiṃ āpanno”ti?
Bhagavato etamatthaṃ ārocesi. “Kiṃcitto tvam, bhikkhū”ti? “Anullapanādhippāyo ahaṃ, bhagavā”ti.
“Anāpatti, bhikkhu, anullapanādhippāyassā”ti.

Tena kho pana samayena sambahulā bhikkhū katikaṃ katvā aññatarasmiṃ āvāse vassaṃ
upagacchimsu – “yo imamhā āvāsā paṭhamam pakkamissati tam mayaṃ arahāti jānissāmā”ti. Aññataro
bhikkhu – “mam arahāti jānantū”ti, tamhā āvāsā paṭhamam pakkāmi. Tassa kukkucçaṃ ahoṣi...pe...
“āpattiṃ tvam, bhikkhu, āpanno pārājika”nti.

228. [imāni vatthuni sam. ni. 2.202 āgatāni] Tena samayena buddho bhagavā rājagahe viharati
veḷuvane kalandakanivāpe. Tena kho pana samayena āyasmā ca lakkhaṇo āyasmā ca mahāmoggallāno
gijjhakūṭe pabbate viharanti. Atha kho āyasmā mahāmoggallāno pubbaṅhasamayaṃ nivāsetvā
pattacīvaraṃ ādāya yenāyasmā lakkhaṇo tenupasaṅkami; upasaṅkamitvā āyasmantaṃ lakkhaṇam
etadavoca – “āyāmāvuso lakkhaṇa, rājagahaṃ piṇḍāya pavississāmā”ti. “Evamāvuso”ti kho āyasmā
lakkhaṇo āyasmato mahāmoggallānassa paccassosi. Atha kho āyasmā mahāmoggallāno gijjhakūṭā
pabbatā orohanto aññatarasmiṃ padese sitaṃ pātvākāsi. Atha kho āyasmā lakkhaṇo āyasmantaṃ
mahāmoggallānaṃ etadavoca – “ko nu kho, āvuso moggallāna, hetu ko paccayo sitassa
pātukammāyā”ti? “Akālo kho, āvuso lakkhaṇa, etassa pañhassa [pañhassa byākaraṇāya (syā.)].
Bhagavato maṃ santike etaṃ pañhaṃ pucchāti. Atha kho āyasmā ca lakkhaṇo āyasmā ca
mahāmoggallāno rājagahe piṇḍāya caritvā pacchābhattaṃ piṇḍapātaṭṭikantā yena bhagavā
tenupasaṅkamimsu; upasaṅkamitvā bhagavantaṃ abhivādetvā ekamantaṃ nisīdimsu. Ekamantaṃ
nisinno kho āyasmā lakkhaṇo āyasmantaṃ mahāmoggallānaṃ etadavoca – “idhāyasmā
mahāmoggallāno gijjhakūṭā pabbatā orohanto aññatarasmiṃ padese sitaṃ pātvākāsi. Ko nu kho, āvuso
moggallāna, hetu ko paccayo sitassa pātukammāyā”ti? “Idhāham, āvuso, gijjhakūṭā pabbatā orohanto
addasaṃ aṭṭhikasaṅkhalikaṃ vehāsaṃ gacchantiṃ. Tameṇaṃ gijjhāpi kākāpi kulalāpi anupatitvā
anupatitvā phāsuḷantarikāhi vituḍenti [vitudenti vitacchenti virājenti (syā.)]. Sā sudaṃ aṭṭassaraṃ karoti.
Tassa mayhaṃ, āvuso, etadahosi – ‘acchariyaṃ vata bho, abbhutaṃ vata bho, evarūpopi nāma satto
bhavissati! Evarūpopi nāma yakkho bhavissati! Evarūpopi nāma attabhāvappaṭilābho bhavissati”ti!
Bhikkhū ujjhāyanti khiyyanti vipācenti – “uttarimanussadhammaṃ āyasmā mahāmoggallāno
ullapati”ti. Atha kho bhagavā bhikkhū āmantesi – “cakkhubhūtā vata, bhikkhave, sāvakā viharanti.

Ñāṇabhūtā vata, bhikkhave, sāvaka viharanti. Yatra hi nāma sāvako evarūpaṃ ñassati vā dakkhati vā sakkhiṃ vā karissati. Pubbeva me so, bhikkhave, satto diṭṭho ahoṣi. Api cāhaṃ na byākāsim. Ahañcetaṃ byākareyyaṃ pare ca me na saddaheyyuṃ. Ye me na saddaheyyuṃ tesam taṃ assa dīgharattaṃ ahitāya dukkhāya. Eso, bhikkhave, satto imasmiṃyeva rājagahe goghātako ahoṣi. So tassa kammaṃ vipākena bahūni vassāni bahūni vassasatāni bahūni vassasahassāni bahūni vassasatasahassāni niraye paccitvā tasveva kammaṃ vipākāvasesena evarūpaṃ attabhāvappaṭilābhaṃ paṭisaṃvedeti. Saccam, bhikkhave, moggallāno āha. Anāpatti, bhikkhave, moggallānassā’ ti.

229. “Idhāhaṃ, āvuso, gijjhakūṭā pabbatā orohanto addasaṃ maṃsapesiṃ vehāsaṃ gacchantiṃ. Tameṇaṃ gijjhāpi kākāpi kulalāpi anupatitvā anupatitvā vitacchenti vibhajjenti [vitudenti vitacchenti virājenti (syā.)]. Sā sudam aṭṭassaraṃ karoti...pe... eso, bhikkhave, satto imasmiṃyeva rājagahe goghātako ahoṣi...pe....

“Idhāhaṃ, āvuso, gijjhakūṭā pabbatā orohanto addasaṃ maṃsapiṇḍaṃ vehāsaṃ gacchantam. Tameṇaṃ gijjhāpi kākāpi kulalāpi anupatitvā anupatitvā vitacchenti vibhajjenti. So sudam aṭṭassaraṃ karoti...pe... eso, bhikkhave, satto imasmiṃyeva rājagahe sākuṇiko ahoṣi...pe....

“Idhāhaṃ, āvuso, gijjhakūṭā pabbatā orohanto addasaṃ nicchaviṃ purisaṃ vehāsaṃ gacchantam. Tameṇaṃ gijjhāpi kākāpi kulalāpi anupatitvā anupatitvā vitacchenti vibhajjenti. So sudam aṭṭassaraṃ karoti...pe... eso, bhikkhave, satto imasmiṃyeva rājagahe orabbhiko ahoṣi...pe....

“Idhāhaṃ, āvuso, gijjhakūṭā pabbatā orohanto addasaṃ asilomaṃ purisaṃ vehāsaṃ gacchantam. Tassa te asī uppatitvā uppatitvā tasveva kāye nipatanti. So sudam aṭṭassaraṃ karoti...pe... eso, bhikkhave, satto imasmiṃyeva rājagahe sūkariko ahoṣi...pe....

“Idhāhaṃ, āvuso, gijjhakūṭā pabbatā orohanto addasaṃ sattilomaṃ purisaṃ vehāsaṃ gacchantam. Tassa tā sattiyo uppatitvā uppatitvā tasveva kāye nipatanti. So sudam aṭṭassaraṃ karoti...pe... eso, bhikkhave, satto imasmiṃyeva rājagahe māgaviko ahoṣi...pe....

“Idhāhaṃ, āvuso, gijjhakūṭā pabbatā orohanto addasaṃ usulomaṃ purisaṃ vehāsaṃ gacchantam. Tassa te usū uppatitvā uppatitvā tasveva kāye nipatanti. So sudam aṭṭassaraṃ karoti...pe... eso, bhikkhave, satto imasmiṃyeva rājagahe kāraṇiko ahoṣi...pe....

“Idhāhaṃ, āvuso, gijjhakūṭā pabbatā orohanto addasaṃ sūcilomaṃ purisaṃ vehāsaṃ gacchantam. Tassa tā sūciyo uppatitvā uppatitvā tasveva kāye nipatanti. So sudam aṭṭassaraṃ karoti...pe... eso, bhikkhave, satto imasmiṃyeva rājagahe sārathiko ahoṣi...pe....

“Idhāhaṃ, āvuso, gijjhakūṭā pabbatā orohanto addasaṃ sūcilomaṃ purisaṃ vehāsaṃ gacchantam. Tassa tā sūciyo sīse pavisitvā mukhato nikkhamanti; mukhe pavisitvā urato nikkhamanti; ure pavisitvā udarato nikkhamanti; udare pavisitvā ūrūhi nikkhamanti; ūrūsu pavisitvā jaṅghāhi nikkhamanti; jaṅghāsu pavisitvā pādehi nikkhamanti. So sudam aṭṭassaraṃ karoti...pe... eso, bhikkhave, satto imasmiṃyeva rājagahe sūcako ahoṣi...pe....

“Idhāhaṃ, āvuso, gijjhakūṭā pabbatā orohanto addasaṃ kumbhaṇḍaṃ purisaṃ vehāsaṃ gacchantam. So gacchantopi teva aṇḍe khandhe āropetvā gacchati, nisīdantopi tesveva aṇḍesu nisīdati. Tameṇaṃ gijjhāpi kākāpi kulalāpi anupatitvā anupatitvā vitacchenti vibhajjenti. So sudam aṭṭassaraṃ karoti...pe... eso, bhikkhave, satto imasmiṃyeva rājagahe gāmakūṭo ahoṣi...pe....

“Idhāhaṃ, āvuso, gijjhakūṭā pabbatā orohanto addasaṃ purisaṃ gūthakūpe sasīsakaṃ nimuggaṃ...pe... eso, bhikkhave, satto imasmiṃyeva rājagahe pāradāriko ahoṣi...pe....

“Idhāhaṃ, āvuso, gijjhakūṭā pabbatā orohanto addasaṃ purisaṃ gūthakūpe sasīsakaṃ nimuggaṃ ubhohi hatthehi gūthaṃ khādantaṃ...pe... eso, bhikkhave, satto imasmiṃyeva rājagahe duṭṭhabrāhmaṇo ahoṣi. So kassapaṃ sammāsambuddhassa pāvacaṇe bhikkhusaṅghaṃ bhattena nimantetvā doṇiyo [doṇiyo (itipi)] gūthassa pūrāpetvā kālaṃ ārocāpetvā etadavoca – ‘ato [ito (syā.) aho (itipi)], bhonto, yāvadaṭṭhaṃ bhuñjantu ceva harantu cā’’ti...pe....

230. “Idhāhaṃ, āvuso, gijjhakūṭā pabbatā orohanto addasaṃ nicchaviṃ itthiṃ vehāsaṃ gacchantiṃ. Tameṇaṃ gijjhāpi kākāpi kulalāpi anupatitvā anupatitvā vitacchenti vibhajjenti. Sā sudaṃ aṭṭassaraṃ karoti...pe... esā, bhikkhave, itthī imasmiṃyeva rājagahe aticārinī ahoṣi...pe....

“Idhāhaṃ, āvuso, gijjhakūṭā pabbatā orohanto addasaṃ itthiṃ duggandhaṃ maṅguliṃ vehāsaṃ gacchantiṃ. Tameṇaṃ gijjhāpi kākāpi kulalāpi anupatitvā anupatitvā vitacchenti vibhajjenti. Sā sudaṃ aṭṭassaraṃ karoti...pe... esā, bhikkhave, itthī imasmiṃyeva rājagahe ikkhaṇikā ahoṣi...pe....

“Idhāhaṃ, āvuso, gijjhakūṭā pabbatā orohanto addasaṃ itthiṃ uppakkaṃ okiliniṃ okiriniṃ vehāsaṃ gacchantiṃ. Sā sudaṃ aṭṭassaraṃ karoti...pe... esā, bhikkhave, itthī kāliṅgassa rañño aggamaheṣī ahoṣi. Sā issāpakatā sapattiṃ aṅgārakaṭāhena okiri...pe....

“Idhāhaṃ, āvuso, gijjhakūṭā pabbatā orohanto addasaṃ asīsakaṃ kabandhaṃ vehāsaṃ gacchantiṃ. Tassa ure akkhīni ceva honti mukhañca. Tameṇaṃ gijjhāpi kākāpi kulalāpi anupatitvā anupatitvā vitacchenti vibhajjenti. So sudaṃ aṭṭassaraṃ karoti...pe... eso, bhikkhave, satto imasmiṃyeva rājagahe hāriko nāma coraghātako ahoṣi...pe....

“Idhāhaṃ, āvuso, gijjhakūṭā pabbatā orohanto addasaṃ bhikkhuṃ vehāsaṃ gacchantiṃ. Tassa saṅghāṭipi ādittā sampajjalitā sajotibhūtā, pattopi āditto sampajjalito sajotibhūto, kāyabandhanampi ādittaṃ sampajjalitaṃ sajotibhūtaṃ, kāyopi āditto sampajjalito sajotibhūto. So sudaṃ aṭṭassaraṃ karoti...pe... eso, bhikkhave, bhikkhu kassapaṃ sammāsambuddhassa pāvacaṇe pāpabhikkhu ahoṣi...pe....

“Idhāhaṃ, āvuso, gijjhakūṭā pabbatā orohanto addasaṃ bhikkhuniṃ... addasaṃ sikkhamānaṃ... addasaṃ sāmaṇeraṃ... addasaṃ sāmaṇeriṃ vehāsaṃ gacchantiṃ. Tassa saṅghāṭipi ādittā sampajjalitā sajotibhūtā, pattopi āditto sampajjalito sajotibhūto, kāyabandhanampi ādittaṃ sampajjalitaṃ sajotibhūtaṃ, kāyopi āditto sampajjalito sajotibhūto. Sā sudaṃ aṭṭassaraṃ karoti. Tassa mayhaṃ, āvuso, etadahosi – ‘acchariyaṃ vata bho, abbhutaṃ vata bho, evarūpopi nāma satto bhavissati! Evarūpopi nāma yakkho bhavissati! Evarūpopi nāma attabhāvappaṭilābho bhavissati’’ti! Bhikkhū ujjhāyanti khiyyanti vipācenti – ‘uttarimanussadhammaṃ āyasmā mahāmoggallāno ullapatī’’ti.

Atha kho bhagavā bhikkhū āmantesi – ‘cakkhubhūtā vata, bhikkhave, sāvakaṃ viharanti. Nāṇabhūtā vata, bhikkhave, sāvakaṃ viharanti. Yatra hi nāma sāvako evarūpaṃ ṇassati vā dakkhati vā sakkhiṃ vā karissati! Pubbeva me sā, bhikkhave, sāmaṇerī diṭṭhā ahoṣi. Api cāhaṃ na byākāsiṃ. Ahañcetāṃ byākareyyaṃ pare ca me na saddaheyyuṃ. Ye me na saddaheyyuṃ tesāṃ taṃ assa dīgharattaṃ ahitāya dukkhāya. Esā, bhikkhave, sāmaṇerī kassapaṃ sammāsambuddhassa pāvacaṇe pāpasāmaṇerī ahoṣi. Sā tassa kammaṃ vipākena bahūni vassāni bahūni vassasatāni bahūni vassasahassāni bahūni vassasatasahassāni niraye paccitvā tasseva kammaṃ vipākāvesesena evarūpaṃ attabhāvappaṭilābhaṃ paṭisaṃvedeti. Saccaṃ, bhikkhave, moggallāno āha. Anāpatti, bhikkhave, moggallānassā’’ti.

231. Atha kho āyasmā mahāmoggallāno bhikkhū āmantesi – ‘yatāyaṃ, āvuso, tapodā sandati so daho acchodako sītodako sātodako setako suppatittho ramaṇiyo pahūtamacchakacchapo cakkamattāni ca padumāni pupphanti’’ti. Bhikkhū ujjhāyanti khiyyanti vipācenti – ‘kathaṇhi nāma āyasmā mahāmoggallāno evaṃ vakkhati – ‘yatāyaṃ, āvuso, tapodā sandati so daho acchodako sītodako sātodako setako suppatittho ramaṇiyo pahūtamacchakacchapo cakkamattāni ca padumāni pupphanti’’ti.

Atha ca panāyaṃ tapodā kuthitā sandati. Uttarimanussadhammaṃ āyasmā mahāmogallāno ullapātī”ti. Bhagavato etamatthaṃ ārocesuṃ. “Yatāyaṃ, bhikkhave, tapodā sandati so daho acchodako sītodako sātodako setako suppatittho ramaṇiyo pahūtamacchakacchapo cakkamattāni ca padumāni pupphanti. Api cāyaṃ, bhikkhave, tapodā dvinnaṃ mahānirayānaṃ antarikāya āgacchati. Tenāyaṃ tapodā kuthitā sandati. Saccam, bhikkhave, mogallāno āha. Anāpatti, bhikkhave, mogallānassā”ti.

Tena kho pana samayena rājā māgadho seniyo bimbisāro licchavīhi saddhiṃ saṅgāmento pabhaggo ahoṣi. Atha rājā pacchā senaṃ saṅkaḍḍhitvā licchavayo parājesi. Saṅgāme ca nandi carati – “raññā licchavī pabhaggā”ti. Atha kho āyasmā mahāmogallāno bhikkhū āmantesi – “rājā, āvuso, licchavīhi pabhaggo”ti. Bhikkhū ujjhāyanti khiyyanti vipācenti – “kathaṇhi nāma āyasmā mahāmogallāno evaṃ vakkhati – ‘rājā, āvuso, licchavīhi pabhaggo’ti! Saṅgāme ca nandiṃ carati – ‘raññā licchavī pabhaggā’ti! Uttarimanussadhammaṃ āyasmā mahāmogallāno ullapātī”ti. Bhagavato etamatthaṃ ārocesuṃ. “Paṭhamam, bhikkhave, rājā licchavīhi pabhaggo. Atha rājā pacchā senaṃ saṅkaḍḍhitvā licchavayo parājesi. Saccam, bhikkhave, mogallāno āha. Anāpatti, bhikkhave, mogallānassā”ti.

232. Atha kho āyasmā mahāmogallāno bhikkhū āmantesi – “idhāham, āvuso, sappinikāya nadiyā tīre āneñjaṃ samādhim samāpanno nāgānaṃ ogayha uttarantānaṃ koṇcaṃ karontānaṃ saddaṃ assosi”nti. Bhikkhū ujjhāyanti khiyyanti vipācenti – “kathaṇhi nāma āyasmā mahāmogallāno āneñjaṃ samādhim samāpanno saddaṃ sossati! Uttarimanussadhammaṃ āyasmā mahāmogallāno ullapātī”ti. Bhagavato etamatthaṃ ārocesuṃ. “Attheso, bhikkhave, samādhi so ca kho aparisuddho. Saccam, bhikkhave, mogallāno āha. Anāpatti, bhikkhave, mogallānassā”ti.

Atha kho āyasmā sobhito bhikkhū āmantesi – “ahaṃ, āvuso, pañca kappasatāni anussarāmī”ti. Bhikkhū ujjhāyanti khiyyanti vipācenti – “kathaṇhi nāma āyasmā sobhito evaṃ vakkhati – ‘ahaṃ, āvuso, pañca kappasatāni anussarāmī’ti! Uttarimanussadhammaṃ āyasmā sobhito ullapātī”ti. Bhagavato etamatthaṃ ārocesuṃ. “Atthesā, bhikkhave, sobhitassa. Sā ca kho ekāyeva jāti. Saccam, bhikkhave, sobhito āha. Anāpatti, bhikkhave, sobhitassāti.

Catutthapārājikaṃ samattaṃ.

233. Uddiṭṭhā kho āyasmanto cattāro pārājikā dhammā, yesaṃ bhikkhu aññataraṃ vā aññataraṃ vā āpajjitvā na labhati bhikkhūhi saddhiṃ saṃvāsaṃ, yathā pure tathā pacchā, pārājiko hoti asaṃvāso. Tatthāyasmante pucchāmi – “kaccittha parisuddhā”? Dutiyampi pucchāmi – “kaccittha parisuddhā”? Tatiyampi pucchāmi – “kaccittha parisuddhā”? Parisuddhetthāyasmanto, tasmā tuṅhī, evametam dhārayāmīti.

Pārājikaṃ niṭṭhitam.

Tassuddānaṃ –

Methunādinnādānañca, manussaviggahuttari;
Pārājikāni cattāri, chejjavatthū asaṃsayāti.

Pārājikakaṇḍam niṭṭhitam.

2. Saṅghādisesaḥkaṇḍam

1. Sukkavissatṭhisikkhāpadaṃ

Ime kho panāyasmanto terasa saṅghādisesā

Dhammā uddesaṃ āgacchanti.

234. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena āyasmā seyyasako anabhirato brahmacariyaṃ carati. So tena kiso hoti lūkho dubbaṇṇo uppaṇḍuppaṇḍukajāto dhamanisanthataḡatto. Addasa kho āyasmā udāyī āyasmantaṃ seyyasakaṃ kisaṃ lūkhaṃ dubbaṇṇaṃ uppaṇḍuppaṇḍukajātaṃ dhamanisanthataḡattaṃ. Disvāna āyasmantaṃ seyyasakaṃ etadavoca – ‘kissa tvaṃ, āvuso seyyasaka, kiso lūkho dubbaṇṇo uppaṇḍuppaṇḍukajāto dhamanisanthataḡatto? Kacci no tvaṃ, āvuso seyyasaka, anabhirato brahmacariyaṃ carasī’ ti? ‘Evamāvuso’ ti. ‘Tena hi tvaṃ, āvuso seyyasaka, yāvadaṭṭhaṃ bhuñja yāvadaṭṭhaṃ supa yāvadaṭṭhaṃ nhāya. Yāvadaṭṭhaṃ bhuñjivā yāvadaṭṭhaṃ supitvā yāvadaṭṭhaṃ nhāyivā yadā te anabhirati uppajjati rāgo cittaṃ anuddhaṃseti tadā hatthena upakkamitvā asuciṃ mochehī’ ti. ‘Kiṃ nu kho, āvuso, kappati evarūpaṃ kātu’ nti? ‘Āma, āvuso. Ahampi evaṃ karomī’ ti.

Atha kho āyasmā seyyasako yāvadaṭṭhaṃ bhuñji yāvadaṭṭhaṃ supi yāvadaṭṭhaṃ nhāyi. Yāvadaṭṭhaṃ bhuñjivā yāvadaṭṭhaṃ supitvā yāvadaṭṭhaṃ nhāyivā yadā anabhirati uppajjati rāgo cittaṃ anuddhaṃseti tadā hatthena upakkamitvā asuciṃ mocesi. Atha kho āyasmā seyyasako aparena samayena vaṇṇavā ahosi pīṇindriyo pasannamukhavaṇṇo vipasannachavivaṇṇo. Atha kho āyasmato seyyasakassa sahāyakā bhikkhū āyasmantaṃ seyyasakaṃ etadavocuṃ – ‘pubbe kho tvaṃ, āvuso seyyasaka, kiso ahosi lūkho dubbaṇṇo uppaṇḍuppaṇḍukajāto dhamanisanthataḡatto. So dāni tvaṃ etarahi vaṇṇavā pīṇindriyo pasannamukhavaṇṇo vipasannachavivaṇṇo. Kiṃ nu kho tvaṃ, āvuso seyyasaka, bhesajjaṃ karosī’ ti? ‘Na kho ahaṃ, āvuso, bhesajjaṃ karomi. Apicāhaṃ yāvadaṭṭhaṃ bhuñjāmi yāvadaṭṭhaṃ supāmi yāvadaṭṭhaṃ nhāyāmi. Yāvadaṭṭhaṃ bhuñjivā yāvadaṭṭhaṃ supitvā yāvadaṭṭhaṃ nhāyivā yadā me anabhirati uppajjati rāgo cittaṃ anuddhaṃseti tadā hatthena upakkamitvā asuciṃ mocemī’ ti. ‘Kiṃ pana tvaṃ, āvuso seyyasaka, yeneva hatthena saddhādeyyaṃ bhuñjasi teneva hatthena upakkamitvā asuciṃ mocesi’ ti? ‘Evamāvuso’ ti. Ye te bhikkhū appicchā...pe... te ujjhāyanti khiyyanti vipācenti – ‘kathañhi nāma āyasmā seyyasako hatthena upakkamitvā asuciṃ mocessatī’ ti!

Atha kho te bhikkhū āyasmantaṃ seyyasakaṃ anekapariyāyena vigarahitvā bhagavato etamatthaṃ ārocesuṃ. Atha kho bhagavā etasmiṃ nidāne etasmiṃ pakaraṇe bhikkhusaṅghaṃ sannipātāpetvā āyasmantaṃ seyyasakaṃ paṭipucchi – ‘saccaṃ kira tvaṃ, seyyasaka, hatthena upakkamitvā asuciṃ mocesi’ ti? ‘Saccaṃ, bhagavā’ ti. Vigarahi buddho bhagavā – ‘ananucchavikaṃ, moghapurisa, ananulomikaṃ appatirūpaṃ assāmaṇakaṃ akappiyaṃ akaraṇiyaṃ. Kathañhi nāma tvaṃ, moghapurisa, hatthena upakkamitvā asuciṃ mocessasi! Nanu mayā, moghapurisa, anekapariyāyena virāgāya dhammo desito no sarāgāya, visaññogāya dhammo desito no saññogāya, anupādānāya dhammo desito no saupādānāya! Tattha nāma tvaṃ, moghapurisa, mayā virāgāya dhamme desite sarāgāya cetessasi, visaññogāya dhamme desite saññogāya cetessasi, anupādānāya dhamme desite saupādānāya cetessasi! Nanu mayā, moghapurisa, anekapariyāyena rāgavirāgāya dhammo desito, madanimmadanāya pipāsavinayāya ālayasamugghātāya vaṭṭupacchedāya taṇhakkhayāya virāgāya nirodhāya nibbānāya dhammo desito? Nanu mayā, moghapurisa, anekapariyāyena kāmānaṃ pahānaṃ akkhātaṃ, kāmasaññānaṃ pariññā akkhātā, kāmapiṇḍānaṃ paṭivinayo akkhāto, kāmavitakkānaṃ samugghāto akkhāto, kāmapiṇḍānaṃ vūpasamo akkhāto? Netāṃ, moghapurisa, appasannānaṃ vā pasādāya, pasannānaṃ vā bhiyyobhāvāya. Atha khvetāṃ, moghapurisa, appasannānaṃ vā pasādāya, pasannānaṃ ekaccānaṃ aññathattāyā’ ti. Atha kho bhagavā āyasmantaṃ seyyasakaṃ anekapariyāyena vigarahitvā dubbharatāya...pe... ‘evañca pana, bhikkhave, imaṃ sikkhāpadaṃ uddiseyyātha –

“Sañcetanikā sukkavissatṭhi [visatṭhi (sī. syā.)] saṅghādiseso” ti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

235. Tena kho pana samayena bhikkhū paṇṭabhajanāni bhuñjivā muṭṭhassatī asampajānā niddaṃ okkamanti. Tesāṃ muṭṭhassatīnaṃ asampajānānaṃ niddaṃ okkamantānaṃ supinantaṃ asuciṃ muccati.

Tesaṃ kukkuccaṃ ahosi – ‘‘bhagavatā sikkhāpadaṃ paññattaṃ – ‘sañcetanikā sukkavissaṭṭhi saṅghādiseso’ ti. Amhākañca supinantena asuci muccati. Atthi cettha cetaṇā labbhati. Kacci nu kho mayaṃ saṅghādisesaṃ āpattiṃ āpannā’ ti? Bhagavato etamatthaṃ ārocesuṃ. ‘‘Atthesā, bhikkhave, cetaṇā; sā ca kho abbohārikāti. Evañca pana, bhikkhave, imaṃ sikkhāpadaṃ uddiseyyātha –

236. ‘‘Sañcetanikā sukkavissaṭṭhi aññatra supinantā saṅghādiseso’’ ti.

237. Sañcetanikāti jānanto sañjānanto cecca abhivitaritvā vītikkamo.

Sukkanti dasa sukkāni – nīlaṃ pītakaṃ lohitaṃ odātaṃ takkavaṇṇaṃ dakavaṇṇaṃ telavaṇṇaṃ khīravaṇṇaṃ dadhivaṇṇaṃ sappivaṇṇaṃ.

Vissaṭṭhīti ṭhānato cāvanā vuccati vissaṭṭhīti.

Aññatra supinantāti ṭhapetvā supinantaṃ.

Saṅghādisesoti saṅghova tassā āpattiyā parivāsaṃ deti, mūlāya paṭikassati, mānattaṃ deti, abbheti; na sambahulā, na ekapuggalo. Tena vuccati – ‘‘saṅghādiseso’’ ti. Tasseva āpattinikāyassa nāmakammaṃ adhivacanaṃ. Tenapi vuccati – ‘‘saṅghādiseso’’ ti.

Ajjhattarūpe moceti, bahiddhārūpe moceti, ajjhatabhiddhārūpe moceti, ākāse kaṭṭim kampaṇṭo moceti; rāgūpatthambhe moceti, vaccūpatthambhe moceti, passāvūpatthambhe moceti, vātūpatthambhe moceti, uccāliṅgapāṇakadaṭṭhūpatthambhe moceti; ārogyatthāya moceti, sukhatthāya moceti, bhesajjathāya moceti, dānatthāya moceti, puññatthāya moceti, yaññatthāya moceti, saggatthāya moceti, bījathāya moceti, vīmaṃsathāya moceti, davatthāya moceti; nīlaṃ moceti, pītakaṃ moceti, lohitaṃ moceti, odātaṃ moceti, takkavaṇṇaṃ moceti, dakavaṇṇaṃ moceti, telavaṇṇaṃ moceti, khīravaṇṇaṃ moceti, dadhivaṇṇaṃ moceti, sappivaṇṇaṃ moceti.

238. Ajjhatarūpeti ajjhattaṃ upādinne [upādiṇṇe (sī. ka.)] rūpe.

Bahiddhārūpeti bahiddhā upādinne vā anupādinne vā.

Ajjhatabhiddhārūpeti tadubhaye.

Ākāse kaṭṭim kampaṇṭoti ākāse vāyamantassa aṅgajātaṃ kammaniyaṃ hoti.

Rāgūpatthambheti rāgena pīlitassa aṅgajātaṃ kammaniyaṃ hoti.

Vaccūpatthambheti vaccena pīlitassa aṅgajātaṃ kammaniyaṃ hoti.

Passāvūpatthambheti passāvena pīlitassa aṅgajātaṃ kammaniyaṃ hoti.

Vātūpatthambheti vātena pīlitassa aṅgajātaṃ kammaniyaṃ hoti.

Uccāliṅgapāṇakadaṭṭhūpatthambheti uccāliṅgapāṇakadaṭṭhena aṅgajātaṃ kammaniyaṃ hoti.

239. Ārogyatthāyāti arogo bhavissāmi.

Sukhatthāyāti sukhaṃ vedanaṃ uppādessāmi.

Bhesajjatthāyāti bhesajjaṃ bhavissati.

Dānatthāyāti dānaṃ dassāmi.

Puññatthāyāti puññaṃ bhavissati.

Yaññatthāyāti yaññaṃ yajissāmi.

Saggatthāyāti saggaṃ gamissāmi.

Bījatthāyāti bījaṃ bhavissati.

Vīmaṃsatthāyāti nīlaṃ bhavissati, pītakaṃ bhavissati, lohitaṃ bhavissati, odātaṃ bhavissati, takkavaṇṇaṃ bhavissati, dakavaṇṇaṃ bhavissati, telavaṇṇaṃ bhavissati, khīravaṇṇaṃ bhavissati, dadhivaṇṇaṃ bhavissati, sappivaṇṇaṃ bhavissatīti.

Davatthāyāti khiḍḍādhippāyo.

240. Ajjhatarūpe ceteti upakkamati muccati, āpatti saṅghādisesassa.

Bahiddhārūpe ceteti upakkamati muccati, āpatti saṅghādisesassa.

Ajjhattabahiddhārūpe ceteti upakkamati muccati, āpatti saṅghādisesassa.

Ākāse kaṭiṃ kampaṃ ceteti upakkamati muccati, āpatti saṅghādisesassa.

Rāgūpatthambhe ceteti upakkamati muccati, āpatti saṅghādisesassa.

Vaccūpatthambhe ceteti upakkamati muccati, āpatti saṅghādisesassa.

Passāvūpatthambhe ceteti upakkamati muccati, āpatti saṅghādisesassa.

Vātūpatthambhe ceteti upakkamati muccati, āpatti saṅghādisesassa.

Uccāliṅgapāṇakadaṭṭhūpatthambhe ceteti upakkamati muccati, āpatti saṅghādisesassa.

Ārogyatthāya ceteti upakkamati muccati, āpatti saṅghādisesassa.

Sukhatthāya...pe... bhesajjatthāya... dānatthāya... puññatthāya... yaññatthāya... saggatthāya...
bījatthāya... vīmaṃsatthāya... davatthāya ceteti upakkamati muccati, āpatti saṅghādisesassa.

Nīlaṃ ceteti upakkamati muccati, āpatti saṅghādisesassa.

Pītakaṃ... lohitaṃ... odātaṃ... takkavaṇṇaṃ... dakavaṇṇaṃ... telavaṇṇaṃ... khīravaṇṇaṃ...
dadhivaṇṇaṃ... sappivaṇṇaṃ ceteti upakkamati muccati, āpatti saṅghādisesassa.

Suddhikaṃ niṭṭhitaṃ.

Ārogyatthañca sukhatthañca ceteti upakkamati muccati, āpatti saṅghādisesassa.

Ārogyatthañca bhesajjatthañca...pe... ārogyatthañca dānatthañca... ārogyatthañca puññatthañca... ārogyatthañca yaññatthañca... ārogyatthañca saggatthañca... ārogyatthañca bījatthañca... ārogyatthañca vīmaṃsatthañca... ārogyatthañca davatthañca ceteti upakkamati muccati, āpatti saṅghādisesassa.

Ekamūlakassa khaṇḍacakkam niṭṭhitam.

241. Sukhatthañca bhesajjatthañca ceteti upakkamati muccati, āpatti saṅghādisesassa.

Sukhatthañca dānatthañca...pe... sukhatthañca puññatthañca... sukhatthañca yaññatthañca... sukhatthañca saggatthañca... sukhatthañca bījatthañca... sukhatthañca vīmaṃsatthañca... sukhatthañca davatthañca ceteti upakkamati muccati, āpatti saṅghādisesassa.

Sukhatthañca ārogyatthañca ceteti upakkamati muccati, āpatti saṅghādisesassa.

242. Bhesajjatthañca dānatthañca...pe... bhesajjatthañca puññatthañca... bhesajjatthañca yaññatthañca... bhesajjatthañca saggatthañca... bhesajjatthañca bījatthañca... bhesajjatthañca vīmaṃsatthañca... bhesajjatthañca davatthañca ceteti upakkamati muccati, āpatti saṅghādisesassa.

Bhesajjatthañca ārogyatthañca...pe... bhesajjatthañca sukhatthañca ceteti upakkamati muccati, āpatti saṅghādisesassa.

Dānatthañca puññatthañca...pe... dānatthañca yaññatthañca... dānatthañca saggatthañca... dānatthañca bījatthañca... dānatthañca vīmaṃsatthañca... dānatthañca davatthañca ceteti upakkamati muccati, āpatti saṅghādisesassa.

Dānatthañca ārogyatthañca...pe... dānatthañca sukhatthañca... dānatthañca bhesajjatthañca ceteti upakkamati muccati, āpatti saṅghādisesassa.

Puññatthañca yaññatthañca...pe... puññatthañca saggatthañca... puññatthañca bījatthañca... puññatthañca vīmaṃsatthañca... puññatthañca davatthañca ceteti upakkamati muccati, āpatti saṅghādisesassa.

Puññatthañca ārogyatthañca...pe... puññatthañca sukhatthañca... puññatthañca bhesajjatthañca... puññatthañca dānatthañca ceteti upakkamati muccati, āpatti saṅghādisesassa.

Yaññatthañca saggatthañca...pe... yaññatthañca bījatthañca... yaññatthañca vīmaṃsatthañca... yaññatthañca davatthañca ceteti upakkamati muccati, āpatti saṅghādisesassa.

Yaññatthañca ārogyatthañca...pe... yaññatthañca sukhatthañca... yaññatthañca bhesajjatthañca... yaññatthañca dānatthañca... yaññatthañca puññatthañca ceteti upakkamati muccati, āpatti saṅghādisesassa.

Saggatthañca bījatthañca...pe... saggatthañca vīmaṃsatthañca... saggatthañca davatthañca ceteti upakkamati muccati, āpatti saṅghādisesassa.

Saggatthañca ārogyatthañca...pe... saggatthañca sukhatthañca... saggatthañca bhesajjatthañca... saggatthañca dānatthañca... saggatthañca puññatthañca... saggatthañca yaññatthañca ceteti upakkamati muccati, āpatti saṅghādisesassa.

Bījatthañca vīmaṃsatthañca...pe... bījatthañca davatthañca ceteti upakkamati muccati, āpatti

saṅghādisesassa.

Bījattaṅga ārogyatthaṅga...pe... bījattaṅga sukhatthaṅga... bījattaṅga bhesajjattaṅga...
bījattaṅga dānatthaṅga... bījattaṅga puññattaṅga... bījattaṅga yaññattaṅga... bījattaṅga
saggattaṅga ceteti upakkamati muccati, āpatti saṅghādisesassa.

Vīmaṃsatthaṅga davatthaṅga ceteti upakkamati muccati, āpatti saṅghādisesassa.

Vīmaṃsatthaṅga ārogyatthaṅga...pe... vīmaṃsatthaṅga sukhatthaṅga... vīmaṃsatthaṅga
bhesajjattaṅga... vīmaṃsatthaṅga dānatthaṅga... vīmaṃsatthaṅga puññattaṅga... vīmaṃsatthaṅga
yaññattaṅga... vīmaṃsatthaṅga saggattaṅga... vīmaṃsatthaṅga bījattaṅga ceteti upakkamati muccati,
āpatti saṅghādisesassa.

Davatthaṅga ārogyatthaṅga...pe... davatthaṅga sukhatthaṅga... davatthaṅga bhesajjattaṅga...
davatthaṅga dānatthaṅga... davatthaṅga puññattaṅga... davatthaṅga yaññattaṅga... davatthaṅga
saggattaṅga... davatthaṅga bījattaṅga... davatthaṅga vīmaṃsatthaṅga ceteti upakkamati muccati,
āpatti saṅghādisesassa.

Ekamūlakassa baddhacakkam niṭṭhitam.

Ārogyatthaṅga sukhatthaṅga bhesajjattaṅga ceteti upakkamati muccati, āpatti saṅghādisesassa...
pe... ārogyatthaṅga sukhatthaṅga davatthaṅga ceteti upakkamati muccati, āpatti saṅghādisesassa.

Dumūlakassa khaṇḍacakkam.

Sukhatthaṅga bhesajjattaṅga dānatthaṅga ceteti upakkamati muccati, āpatti saṅghādisesassa...pe...
sukhatthaṅga bhesajjattaṅga davatthaṅga...pe... sukhatthaṅga bhesajjattaṅga ārogyatthaṅga ceteti
upakkamati muccati, āpatti saṅghādisesassa.

Dumūlakassa baddhacakkam saṃkhittam.

Vīmaṃsatthaṅga davatthaṅga ārogyatthaṅga ceteti upakkamati muccati, āpatti saṅghādisesassa.
Vīmaṃsatthaṅga davatthaṅga bījattaṅga ceteti upakkamati muccati, āpatti saṅghādisesassa.

Dumūlakam niṭṭhitam.

Timūlakampi catumūlakampi pañcamūlakampi chamūlakampi sattamūlakampi aṭṭhamūlakampi
navamūlakampi evameva vitthāretabbam.

Idam sabbamūlakam.

243. Ārogyatthaṅga sukhatthaṅga bhesajjattaṅga dānatthaṅga puññattaṅga yaññattaṅga
saggattaṅga bījattaṅga vīmaṃsatthaṅga davatthaṅga ceteti upakkamati muccati, āpatti saṅghādisesassa.

Sabbamūlakam niṭṭhitam.

244. Nīlaṅga pītakaṅga ceteti upakkamati muccati, āpatti saṅghādisesassa.

Nīlaṅga lohitaṅga...pe... nīlaṅga odātaṅga... nīlaṅga takkavaṇṇaṅga... nīlaṅga dakavaṇṇaṅga...
nīlaṅga telavaṇṇaṅga... nīlaṅga khīravaṇṇaṅga... nīlaṅga dadhivaṇṇaṅga... nīlaṅga sappivaṇṇaṅga ceteti

upakkamati muccatti, āpatti saṅghādisesassa.

Ekamūlakassa khaṇḍacakkaṃ niṭṭhitam.

245. Pītakaṇca lohitakaṇca ceteti upakkamati muccati, āpatti saṅghādisesassa.

Pītakaṇca odātaṇca...pe... pītakaṇca takkavaṇṇaṇca... pītakaṇca dakavaṇṇaṇca... pītakaṇca telavaṇṇaṇca... pītakaṇca khīravaṇṇaṇca... pītakaṇca dadhivaṇṇaṇca... pītakaṇca sappivaṇṇaṇca ceteti upakkamati muccati, āpatti saṅghādisesassa.

Pītakaṇca nīlaṇca ceteti upakkamati muccati, āpatti saṅghādisesassa.

Ekamūlakassa baddhacakkaṃ.

246. Lohitakaṇca odātaṇca ceteti upakkamati muccati, āpatti saṅghādisesassa.

Lohitakaṇca takkavaṇṇaṇca...pe... lohitakaṇca dakavaṇṇaṇca... lohitakaṇca telavaṇṇaṇca... lohitakaṇca khīravaṇṇaṇca... lohitakaṇca dadhivaṇṇaṇca... lohitakaṇca sappivaṇṇaṇca ceteti upakkamati muccati, āpatti saṅghādisesassa.

Lohitakaṇca nīlaṇca...pe... lohitakaṇca pītakaṇca ceteti upakkamati muccati, āpatti saṅghādisesassa.

Odātaṇca takkavaṇṇaṇca...pe... odātaṇca dakavaṇṇaṇca... odātaṇca telavaṇṇaṇca... odātaṇca khīravaṇṇaṇca... odātaṇca dadhivaṇṇaṇca... odātaṇca sappivaṇṇaṇca ceteti upakkamati muccati, āpatti saṅghādisesassa.

Odātaṇca nīlaṇca...pe... odātaṇca pītakaṇca... odātaṇca lohitakaṇca ceteti upakkamati muccati, āpatti saṅghādisesassa.

Takkavaṇṇaṇca dakavaṇṇaṇca...pe... takkavaṇṇaṇca telavaṇṇaṇca... takkavaṇṇaṇca khīravaṇṇaṇca... takkavaṇṇaṇca dadhivaṇṇaṇca... takkavaṇṇaṇca sappivaṇṇaṇca ceteti upakkamati muccati, āpatti saṅghādisesassa.

Takkavaṇṇaṇca nīlaṇca...pe... takkavaṇṇaṇca pītakaṇca... takkavaṇṇaṇca lohitakaṇca... takkavaṇṇaṇca odātaṇca ceteti upakkamati muccati, āpatti saṅghādisesassa.

Dakavaṇṇaṇca telavaṇṇaṇca...pe... dakavaṇṇaṇca khīravaṇṇaṇca... dakavaṇṇaṇca dadhivaṇṇaṇca... dakavaṇṇaṇca sappivaṇṇaṇca ceteti upakkamati muccati, āpatti saṅghādisesassa.

Dakavaṇṇaṇca nīlaṇca...pe... dakavaṇṇaṇca pītakaṇca... dakavaṇṇaṇca lohitakaṇca... dakavaṇṇaṇca odātaṇca... dakavaṇṇaṇca takkavaṇṇaṇca ceteti upakkamati muccati, āpatti saṅghādisesassa.

Telavaṇṇaṇca khīravaṇṇaṇca...pe... telavaṇṇaṇca dadhivaṇṇaṇca... telavaṇṇaṇca sappivaṇṇaṇca ceteti upakkamati muccati, āpatti saṅghādisesassa.

Telavaṇṇaṇca nīlaṇca...pe... telavaṇṇaṇca pītakaṇca... telavaṇṇaṇca lohitakaṇca... telavaṇṇaṇca odātaṇca... telavaṇṇaṇca takkavaṇṇaṇca... telavaṇṇaṇca dakavaṇṇaṇca ceteti upakkamati muccati, āpatti saṅghādisesassa.

Khīraṇṇaṇṇa dadhivaṇṇaṇṇa...pe... khīraṇṇaṇṇa sappivaṇṇaṇṇa ceteti upakkamati muccati, āpatti saṅghādisesassa.

Khīraṇṇaṇṇa nīlaṇṇa...pe... khīraṇṇaṇṇa pītakaṇṇa... khīraṇṇaṇṇa lohitakaṇṇa... khīraṇṇaṇṇa odātaṇṇa... khīraṇṇaṇṇa takkavaṇṇaṇṇa... khīraṇṇaṇṇa dakavaṇṇaṇṇa... khīraṇṇaṇṇa telavaṇṇaṇṇa ceteti upakkamati muccati, āpatti saṅghādisesassa.

Dadhivaṇṇaṇṇa sappivaṇṇaṇṇa ceteti upakkamati muccati, āpatti saṅghādisesassa.

Dadhivaṇṇaṇṇa nīlaṇṇa...pe... dadhivaṇṇaṇṇa pītakaṇṇa... dadhivaṇṇaṇṇa lohitakaṇṇa... dadhivaṇṇaṇṇa odātaṇṇa... dadhivaṇṇaṇṇa takkavaṇṇaṇṇa... dadhivaṇṇaṇṇa dakavaṇṇaṇṇa... dadhivaṇṇaṇṇa telavaṇṇaṇṇa... dadhivaṇṇaṇṇa khīraṇṇaṇṇa ceteti upakkamati muccati, āpatti saṅghādisesassa.

Sappivaṇṇaṇṇa nīlaṇṇa ceteti upakkamati muccati, āpatti saṅghādisesassa.

Sappivaṇṇaṇṇa pītakaṇṇa...pe... sappivaṇṇaṇṇa lohitakaṇṇa... sappivaṇṇaṇṇa odātaṇṇa... sappivaṇṇaṇṇa takkavaṇṇaṇṇa... sappivaṇṇaṇṇa dakavaṇṇaṇṇa... sappivaṇṇaṇṇa telavaṇṇaṇṇa... sappivaṇṇaṇṇa khīraṇṇaṇṇa ... sappivaṇṇaṇṇa dadhivaṇṇaṇṇa ceteti upakkamati muccati, āpatti saṅghādisesassa.

Ekamūlakassa baddhacakkaṃ niṭṭhitam.

Nīlaṇṇa pītakaṇṇa lohitakaṇṇa ceteti upakkamati muccati, āpatti saṅghādisesassa...pe... nīlaṇṇa pītakaṇṇa sappivaṇṇaṇṇa ceteti upakkamati muccati, āpatti saṅghādisesassa.

Dumūlakassa khaṇḍacakkaṃ.

Pītakaṇṇa lohitakaṇṇa odātaṇṇa ceteti upakkamati muccati, āpatti saṅghādisesassa...pe... pītakaṇṇa lohitakaṇṇa sappivaṇṇaṇṇa...pe... pītakaṇṇa lohitakaṇṇa nīlaṇṇa ceteti upakkamati muccati, āpatti saṅghādisesassa.

Dumūlakassa baddhacakkaṃ saṃkhittam.

Dadhivaṇṇaṇṇa sappivaṇṇaṇṇa nīlaṇṇa ceteti upakkamati muccati, āpatti saṅghādisesassa...pe... dadhivaṇṇaṇṇa sappivaṇṇaṇṇa khīraṇṇaṇṇa ceteti upakkamati muccati, āpatti saṅghādisesassa.

Dumūlakam niṭṭhitam.

Timūlakampi catumūlakampi pañcamūlakampi chamūlakampi sattamūlakampi aṭṭhamūlakampi navamūlakampi evameva vitthāretabbaṃ.

Idam sabbamūlakam.

247. Nīlaṇṇa pītakaṇṇa lohitakaṇṇa odātaṇṇa takkavaṇṇaṇṇa dakavaṇṇaṇṇa telavaṇṇaṇṇa khīraṇṇaṇṇa dadhivaṇṇaṇṇa sappivaṇṇaṇṇa ceteti upakkamati muccati, āpatti saṅghādisesassa.

Sabbamūlakam niṭṭhitam.

248. Ārogyatthaṇṇa nīlaṇṇa [ārogyattham nīlam (?)] ceteti upakkamati muccati, āpatti

saṅghādisesassa.

Ārogyatthaṅca sukhatthaṅca nīlaṅca pītakaṅca ceteti upakkamati muccati, āpatti saṅghādisesassa.

Ārogyatthaṅca sukhatthaṅca bhesajjatthaṅca nīlaṅca pītakaṅca lohitaṅca ceteti upakkamati muccati, āpatti saṅghādisesassa.

Ubhato vaḍḍhakam evameva vaḍḍhetabbam.

Ārogyatthaṅca sukhatthaṅca bhesajjatthaṅca dānatthaṅca puññatthaṅca yaññatthaṅca saggatthaṅca bījattaṅca vīmaṃsatthaṅca davatthaṅca nīlaṅca pītakaṅca lohitaṅca odātaṅca takkavaṇṇaṅca dakavaṇṇaṅca telavaṇṇaṅca khīravaṇṇaṅca dadhivaṇṇaṅca sappivaṇṇaṅca ceteti upakkamati muccati, āpatti saṅghādisesassa.

Missakacakkam niṭṭhitam.

249. Nīlam mocessāmīti ceteti upakkamati pītakam muccati, āpatti saṅghādisesassa.

Nīlam mocessāmīti ceteti upakkamati lohitaṅca...pe... odātam ... takkavaṇṇam... dakavaṇṇam... telavaṇṇam... khīravaṇṇam... dadhivaṇṇam... sappivaṇṇam muccati, āpatti saṅghādisesassa.

Khaṇḍacakkam niṭṭhitam.

250. Pītakam mocessāmīti ceteti upakkamati lohitaṅca muccati, āpatti saṅghādisesassa.

Pītakam mocessāmīti ceteti upakkamati odātam...pe... takkavaṇṇam... dakavaṇṇam... telavaṇṇam... khīravaṇṇam... dadhivaṇṇam... sappivaṇṇam... nīlam muccati, āpatti saṅghādisesassa.

Baddhacakkamūlam saṃkhittam.

251. Sappivaṇṇam mocessāmīti ceteti upakkamati nīlam muccati, āpatti saṅghādisesassa.

Sappivaṇṇam mocessāmīti ceteti upakkamati pītakam...pe... lohitaṅca... odātam ... takkavaṇṇam... dakavaṇṇam... telavaṇṇam... khīravaṇṇam... dadhivaṇṇam muccati, āpatti saṅghādisesassa.

Kucchicakkam niṭṭhitam.

252. Pītakam mocessāmīti ceteti upakkamati nīlam muccati, āpatti saṅghādisesassa.

Lohitaṅca...pe... odātam... takkavaṇṇam... dakavaṇṇam... telavaṇṇam... khīravaṇṇam... dadhivaṇṇam... sappivaṇṇam mocessāmīti ceteti upakkamati nīlam muccati, āpatti saṅghādisesassa.

Piṭṭhicakkassa paṭhamam gamanam niṭṭhitam.

253. Lohitaṅca mocessāmīti ceteti upakkamati pītakam muccati, āpatti saṅghādisesassa.

Odātam...pe... takkavaṇṇam... dakavaṇṇam... telavaṇṇam... khīravaṇṇam
... Dadhivaṇṇam... sappivaṇṇam... nīlam mocessāmīti ceteti upakkamati pītakam muccati, āpatti

saṅghādisesassa.

Piṭṭhicakkassa dutiyaṃ gamaṇaṃ niṭṭhitaṃ.

254. Odātaṃ mocessāmīti ceteti upakkamati lohitakaṃ muccati, āpatti saṅghādisesassa.

Takkavaṇṇaṃ...pe... dakavaṇṇaṃ... telavaṇṇaṃ... khīravaṇṇaṃ... dadhivaṇṇaṃ...

Sappivaṇṇaṃ... nīlaṃ ... pītakaṃ mocessāmīti ceteti upakkamati lohitakaṃ muccati, āpatti saṅghādisesassa.

Piṭṭhicakkassa tatiyaṃ gamaṇaṃ niṭṭhitaṃ.

255. Takkavaṇṇaṃ mocessāmīti ceteti upakkamati odātaṃ muccati, āpatti saṅghādisesassa.

Dakavaṇṇaṃ...pe... telavaṇṇaṃ... khīravaṇṇaṃ... dadhivaṇṇaṃ... sappivaṇṇaṃ... nīlaṃ... pītakaṃ... lohitakaṃ mocessāmīti ceteti upakkamati odātaṃ muccati, āpatti saṅghādisesassa.

Piṭṭhicakkassa catutthaṃ gamaṇaṃ niṭṭhitaṃ.

256. Dakavaṇṇaṃ mocessāmīti ceteti upakkamati takkavaṇṇaṃ muccati, āpatti saṅghādisesassa.

Telavaṇṇaṃ ...pe... khīravaṇṇaṃ... dadhivaṇṇaṃ... sappivaṇṇaṃ... nīla...

Pītakaṃ... lohitakaṃ... odātaṃ mocessāmīti ceteti upakkamati takkavaṇṇaṃ muccati, āpatti saṅghādisesassa.

Piṭṭhicakkassa pañcamaṃ gamaṇaṃ niṭṭhitaṃ.

257. Telavaṇṇaṃ mocessāmīti ceteti upakkamati dakavaṇṇaṃ muccati, āpatti saṅghādisesassa.

Khīravaṇṇaṃ...pe... dadhivaṇṇaṃ... sappivaṇṇaṃ... nīlaṃ ... pītakaṃ... lohitakaṃ...

Odātaṃ... takkavaṇṇaṃ mocessāmīti ceteti upakkamati dakavaṇṇaṃ muccati, āpatti saṅghādisesassa.

Piṭṭhicakkassa chaṭṭhaṃ gamaṇaṃ niṭṭhitaṃ.

258. Khīravaṇṇaṃ mocessāmīti ceteti upakkamati telavaṇṇaṃ muccati, āpatti saṅghādisesassa.

Dadhivaṇṇaṃ...pe... sappivaṇṇaṃ... nīlaṃ... pītakaṃ... lohitakaṃ... odātaṃ... takkavaṇṇaṃ... dakavaṇṇaṃ mocessāmīti ceteti upakkamati telavaṇṇaṃ muccati, āpatti saṅghādisesassa.

Piṭṭhicakkassa sattamaṃ gamaṇaṃ niṭṭhitaṃ.

259. Dadhivaṇṇaṃ mocessāmīti ceteti upakkamati khīravaṇṇaṃ muccati, āpatti saṅghādisesassa.

Sappivaṇṇaṃ...pe... nīlaṃ... pītakaṃ... lohitakaṃ... odātaṃ... takkavaṇṇaṃ... dakavaṇṇaṃ... telavaṇṇaṃ mocessāmīti ceteti upakkamati khīravaṇṇaṃ muccati, āpatti saṅghādisesassa.

Piṭṭhicakkassa aṭṭhamam gamanam niṭṭhitam.

260. Sappivaṇṇam mocessāmīti ceteti upakkamati dadhivaṇṇam muccati, āpatti saṅghādisesassa.

Nīlam...pe... pītakaṃ... lohitakaṃ... odātaṃ... takkavaṇṇam... dakavaṇṇam... telavaṇṇam...
khīravaṇṇam mocessāmīti ceteti upakkamati dadhivaṇṇam muccati, āpatti saṅghādisesassa.

Piṭṭhicakkassa navamam gamanam niṭṭhitam.

261. Nīlam mocessāmīti ceteti upakkamati sappivaṇṇam muccati, āpatti saṅghādisesassa.

Pītakaṃ ...pe... lohitakaṃ... odātaṃ... takkavaṇṇam... dakavaṇṇam ... telavaṇṇam...
khīravaṇṇam... dadhivaṇṇam mocessāmīti ceteti upakkamati sappivaṇṇam muccati, āpatti
saṅghādisesassa.

Piṭṭhicakkassa dasamam gamanam niṭṭhitam.

Piṭṭhicakkaṃ niṭṭhitam.

262. Ceteti upakkamati muccati, āpatti saṅghādisesassa.

Ceteti upakkamati na muccati, āpatti thullaccayassa.

Ceteti na upakkamati muccati, anāpatti.

Ceteti na upakkamati na muccati, anāpatti.

Na ceteti upakkamati muccati, anāpatti.

Na ceteti upakkamati na muccati, anāpatti.

Na ceteti na upakkamati muccati, anāpatti.

Na ceteti na upakkamati na muccati, anāpatti.

Anāpatti supinantena, namocanādhippāyassa, ummattakassa, khittacittassa, vedanāṭṭassa,
ādikammikassāti.

Vinītavatthuuddānagāthā

Supinoccārapassāvo, vitakkuṇhodakena ca;

Bhesajjam kaṇḍuvaṃ maggo, vatthi jantāgharupakkamo [jantaggupakkamo (sī.), jantāgharam
ūru (syā.)].

Sāmaṇero ca sutto ca, ūru muṭṭhinā pīlayi;

Ākāse thambham nijjhāyi, chiddam katṭhena ghaṭṭayi.

Soto udañjalaṃ dhāvaṃ, pupphāvaliyam pokkharam;

Vālikā kaddamusseko [kaddamoseko (?)], sayanaṅguṭṭhakena cāti.

Vinītavatthu

263. Tena kho pana samayena aññatarassa bhikkhuno supinantena asuci mucci. Tassa kukkucçaṃ ahosi – “bhagavatā sikkhāpadaṃ paññattaṃ, kacci nu kho ahaṃ saṅghādisesaṃ āpattiṃ āpanno”ti? Bhagavato etamattaṃ ārocesi. “Anāpatti, bhikkhu, supinantenā”ti.

Tena kho pana samayena aññatarassa bhikkhuno uccāraṃ karontassa asuci mucci. Tassa kukkucçaṃ ahosi...pe... “kiṃcitto tvaṃ, bhikkhū”ti? “Nāhaṃ, bhagavā, mocanādhippāyo”ti. “Anāpatti, bhikkhu, namocanādhippāyassā”ti.

Tena kho pana samayena aññatarassa bhikkhuno passāvaṃ karontassa asuci mucci. Tassa kukkucçaṃ ahosi...pe... “anāpatti, bhikkhu, namocanādhippāyassā”ti.

Tena kho pana samayena aññatarassa bhikkhuno kāmavitakkaṃ vitakkentassa asuci mucci. Tassa kukkucçaṃ ahosi...pe... “anāpatti, bhikkhu, vitakkentassā”ti.

Tena kho pana samayena aññatarassa bhikkhuno uṇhodakena nhāyantassa asuci mucci. Tassa kukkucçaṃ ahosi...pe... “kiṃcitto tvaṃ, bhikkhū”ti? “Nāhaṃ, bhagavā, mocanādhippāyo”ti. “Anāpatti, bhikkhu, namocanādhippāyassā”ti.

Tena kho pana samayena aññatarassa bhikkhuno mocanādhippāyassa uṇhodakena nhāyantassa asuci mucci. Tassa kukkucçaṃ ahosi...pe... “āpattiṃ tvaṃ, bhikkhu, āpanno saṅghādisesa”nti.

Tena kho pana samayena aññatarassa bhikkhuno mocanādhippāyassa uṇhodakena nhāyantassa asuci na mucci. Tassa kukkucçaṃ ahosi...pe... “anāpatti, bhikkhu, saṅghādisesassa; āpatti thullaccayassā”ti.

Tena kho pana samayena aññatarassa bhikkhuno aṅgajāte vaṇo hoti. Bhesajjena [tassa bhesajjena (?)] ālīpentassa asuci mucci. Tassa kukkucçaṃ ahosi...pe... “anāpatti, bhikkhu, namocanādhippāyassā”ti.

Tena kho pana samayena aññatarassa bhikkhuno aṅgajāte vaṇo hoti. Mocanādhippāyassa [tassa mocanādhippāyassa (syā.)] bhesajjena ālīpentassa asuci mucci...pe... asuci na mucci. Tassa kukkucçaṃ ahosi...pe... “anāpatti, bhikkhu, saṅghādisesassa; āpatti thullaccayassā”ti.

Tena kho pana samayena aññatarassa bhikkhuno aṇḍaṃ kaṇḍuvantassa asuci mucci. Tassa kukkucçaṃ ahosi...pe... “anāpatti, bhikkhu, namocanādhippāyassā”ti.

Tena kho pana samayena aññatarassa bhikkhuno mocanādhippāyassa aṇḍaṃ kaṇḍuvantassa [kaṇḍuvantassa (sī.)] asuci mucci...pe... asuci na mucci. Tassa kukkucçaṃ ahosi...pe... “anāpatti, bhikkhu, saṅghādisesassa; āpatti thullaccayassā”ti.

264. Tena kho pana samayena aññatarassa bhikkhuno maggaṃ gacchantassa asuci mucci. Tassa kukkucçaṃ ahosi...pe... “anāpatti, bhikkhu, namocanādhippāyassā”ti.

Tena kho pana samayena aññatarassa bhikkhuno mocanādhippāyassa maggaṃ gacchantassa asuci mucci...pe... asuci na mucci. Tassa kukkucçaṃ ahosi...pe... “anāpatti, bhikkhu, saṅghādisesassa; āpatti thullaccayassā”ti.

Tena kho pana samayena aññatarassa bhikkhuno vatthiṃ gahetvā passāvaṃ karontassa asuci mucci.

Tassa kukkucçaṃ ahoṣi...pe... “anāpatti, bhikkhu, namocanādhippāyassā”ti.

Tena kho pana samayena aññatarassa bhikkhuno mocanādhippāyassa vatthiṃ gahetvā passāvaṃ karontassa asuci mucci...pe... asuci na mucci. Tassa kukkucçaṃ ahoṣi...pe... “anāpatti, bhikkhu, saṅghādisesassa; āpatti thullaccayassā”ti.

Tena kho pana samayena aññatarassa bhikkhuno jantāghare udaravaṭṭiṃ tāpentassa asuci mucci. Tassa kukkucçaṃ ahoṣi...pe... “anāpatti, bhikkhu, namocanādhippāyassā”ti.

Tena kho pana samayena aññatarassa bhikkhuno mocanādhippāyassa jantāghare udaravaṭṭiṃ tāpentassa asuci mucci...pe... asuci na mucci. Tassa kukkucçaṃ ahoṣi...pe... “anāpatti, bhikkhu, saṅghādisesassa; āpatti thullaccayassā”ti.

Tena kho pana samayena aññatarassa bhikkhuno jantāghare upajjhāyassa piṭṭhiparikammaṃ karontassa asuci mucci. Tassa kukkucçaṃ ahoṣi...pe... “anāpatti, bhikkhu, namocanādhippāyassā”ti.

Tena kho pana samayena aññatarassa bhikkhuno mocanādhippāyassa jantāghare upajjhāyassa piṭṭhiparikammaṃ karontassa asuci mucci...pe... asuci na mucci. Tassa kukkucçaṃ ahoṣi...pe... “anāpatti, bhikkhu, saṅghādisesassa; āpatti thullaccayassā”ti.

265. Tena kho pana samayena aññatarassa bhikkhuno ūruṃ ghaṭṭāpentassa asuci mucci. Tassa kukkucçaṃ ahoṣi...pe... “anāpatti, bhikkhu, namocanādhippāyassā”ti.

Tena kho pana samayena aññatarassa bhikkhuno mocanādhippāyassa ūruṃ ghaṭṭāpentassa asuci mucci...pe... asuci na mucci. Tassa kukkucçaṃ ahoṣi...pe... “anāpatti, bhikkhu, saṅghādisesassa; āpatti thullaccayassā”ti.

Tena kho pana samayena aññataro bhikkhu mocanādhippāyo aññataraṃ sāmaṇeraṃ etadavoca – “ehi me tvaṃ, āvuso sāmaṇera, aṅgajātaṃ gaṇhāhī”ti. So tassa aṅgajātaṃ aggahesi. Tasseva asuci mucci. Tassa kukkucçaṃ ahoṣi...pe... “āpattiṃ tvaṃ, bhikkhu, āpanno saṅghādisesa”nti.

Tena kho pana samayena aññataro bhikkhu suttassa sāmaṇerassa aṅgajātaṃ aggahesi. Tasseva asuci mucci. Tassa kukkucçaṃ ahoṣi...pe... “anāpatti, bhikkhu, saṅghādisesassa; āpatti dukkaṭassā”ti.

266. Tena kho pana samayena aññatarassa bhikkhuno mocanādhippāyassa ūrūhi aṅgajātaṃ pīlentassa asuci mucci...pe... asuci na mucci. Tassa kukkucçaṃ ahoṣi...pe... “anāpatti, bhikkhu, saṅghādisesassa; āpatti thullaccayassā”ti.

Tena kho pana samayena aññatarassa bhikkhuno mocanādhippāyassa muṭṭhinā aṅgajātaṃ pīlentassa asuci mucci...pe... asuci na mucci. Tassa kukkucçaṃ ahoṣi...pe... “anāpatti, bhikkhu, saṅghādisesassa; āpatti thullaccayassā”ti.

Tena kho pana samayena aññatarassa bhikkhuno mocanādhippāyassa ākāse kaṭiṃ kampentassa asuci mucci...pe... asuci na mucci. Tassa kukkucçaṃ ahoṣi...pe... “anāpatti, bhikkhu, saṅghādisesassa; āpatti thullaccayassā”ti.

Tena kho pana samayena aññatarassa bhikkhuno kāyaṃ thambhentaṃ asuci mucci. Tassa kukkucçaṃ ahoṣi...pe... “anāpatti, bhikkhu, namocanādhippāyassā”ti.

Tena kho pana samayena aññatarassa bhikkhuno mocanādhippāyassa kāyaṃ thambhentaṃ asuci

mucci...pe... asuci na mucci. Tassa kukkucçaṃ ahoṣi...pe... “anāpatti, bhikkhu, saṅghādisesassa; āpatti thullaccayassā”ti.

Tena kho pana samayena aññataro bhikkhu sāratto mātuḡāmassa aṅgajātaṃ upanijjhāyi. Tassa asuci mucci. Tassa kukkucçaṃ ahoṣi...pe... “anāpatti, bhikkhu, saṅghādisesassa. Na ca, bhikkhave, sārattena mātuḡāmassa aṅgajātaṃ upanijjhāyitabbaṃ. Yo upanijjhāyeyya, āpatti dukkaṭassā”ti.

267. Tena kho pana samayena aññatarassa bhikkhuno mocanādhippāyassa tālacchiddaṃ aṅgajātaṃ pavesentassa asuci mucci...pe... asuci na mucci. Tassa kukkucçaṃ ahoṣi...pe... “anāpatti, bhikkhu, saṅghādisesassa; āpatti thullaccayassā”ti.

Tena kho pana samayena aññatarassa bhikkhuno mocanādhippāyassa kaṭṭhena aṅgajātaṃ ghaṭṭentassa asuci mucci...pe... asuci na mucci. Tassa kukkucçaṃ ahoṣi...pe... “anāpatti, bhikkhu, saṅghādisesassa; āpatti thullaccayassā”ti.

Tena kho pana samayena aññatarassa bhikkhuno paṭisote nhāyantassa asuci mucci. Tassa kukkucçaṃ ahoṣi...pe... “anāpatti, bhikkhu, namocanādhippāyassā”ti.

Tena kho pana samayena aññatarassa bhikkhuno mocanādhippāyassa paṭisote nhāyantassa asuci mucci...pe... asuci na mucci. Tassa kukkucçaṃ ahoṣi...pe... “anāpatti, bhikkhu, saṅghādisesassa; āpatti thullaccayassā”ti.

Tena kho pana samayena aññatarassa bhikkhuno udañjalaṃ kīḷantassa asuci mucci. Tassa kukkucçaṃ ahoṣi...pe... “anāpatti, bhikkhu, namocanādhippāyassā”ti.

Tena kho pana samayena aññatarassa bhikkhuno mocanādhippāyassa udañjalaṃ kīḷantassa asuci mucci...pe... asuci na mucci. Tassa kukkucçaṃ ahoṣi...pe... “anāpatti, bhikkhu, saṅghādisesassa; āpatti thullaccayassā”ti.

Tena kho pana samayena aññatarassa bhikkhuno udake dhāvantaṃ asuci mucci. Tassa kukkucçaṃ ahoṣi...pe... “anāpatti, bhikkhu, namocanādhippāyassā”ti.

Tena kho pana samayena aññatarassa bhikkhuno mocanādhippāyassa udake dhāvantaṃ asuci mucci...pe... asuci na mucci. Tassa kukkucçaṃ ahoṣi...pe... “anāpatti, bhikkhu, saṅghādisesassa; āpatti thullaccayassā”ti.

Tena kho pana samayena aññatarassa bhikkhuno pupphāvaliyaṃ [pupphāvaliyaṃ (syā. ka.)] kīḷantassa asuci mucci. Tassa kukkucçaṃ ahoṣi...pe... “anāpatti, bhikkhu, namocanādhippāyassā”ti.

Tena kho pana samayena aññatarassa bhikkhuno mocanādhippāyassa pupphāvaliyaṃ kīḷantassa asuci mucci...pe... asuci na mucci. Tassa kukkucçaṃ ahoṣi...pe... “anāpatti, bhikkhu, saṅghādisesassa; āpatti thullaccayassā”ti.

268. Tena kho pana samayena aññatarassa bhikkhuno pokkharavane dhāvantaṃ asuci mucci. Tassa kukkucçaṃ ahoṣi...pe... “anāpatti, bhikkhu, namocanādhippāyassā”ti.

Tena kho pana samayena aññatarassa bhikkhuno mocanādhippāyassa pokkharavane dhāvantaṃ asuci mucci...pe... asuci na mucci. Tassa kukkucçaṃ ahoṣi...pe... “anāpatti, bhikkhu, saṅghādisesassa; āpatti thullaccayassā”ti.

Tena kho pana samayena aññatarassa bhikkhuno mocanādhippāyassa vālikam aṅgajātam pavesentassa asuci mucci...pe... asuci na mucci. Tassa kukkucçaṃ ahosi...pe... “anāpatti, bhikkhu, saṅghādisesassa; āpatti thullaccayassā”ti.

Tena kho pana samayena aññatarassa bhikkhuno mocanādhippāyassa kaddamaṃ aṅgajātam pavesentassa asuci mucci...pe... asuci na mucci. Tassa kukkucçaṃ ahosi...pe... “anāpatti, bhikkhu, saṅghādisesassa; āpatti thullaccayassā”ti.

Tena kho pana samayena aññatarassa bhikkhuno udakena aṅgajātam osiñcantassa asuci mucci. Tassa kukkucçaṃ ahosi...pe... “anāpatti, bhikkhu, namocanādhippāyassā”ti.

Tena kho pana samayena aññatarassa bhikkhuno mocanādhippāyassa udakena aṅgajātam osiñcantassa asuci mucci...pe... asuci na mucci. Tassa kukkucçaṃ ahosi...pe... “anāpatti, bhikkhu, saṅghādisesassa; āpatti thullaccayassā”ti.

Tena kho pana samayena aññatarassa bhikkhuno mocanādhippāyassa sayane aṅgajātam ghaṭṭentassa asuci mucci...pe... asuci na mucci. Tassa kukkucçaṃ ahosi...pe... “anāpatti, bhikkhu, saṅghādisesassa; āpatti thullaccayassā”ti.

Tena kho pana samayena aññatarassa bhikkhuno mocanādhippāyassa aṅguṭṭhena aṅgajātam ghaṭṭentassa asuci mucci...pe... asuci na mucci. Tassa kukkucçaṃ ahosi – “bhagavatā sikkhāpadaṃ paññattaṃ, kacci nu kho ahaṃ saṅghādisesaṃ āpattiṃ āpanno”ti? Bhagavato etamatthaṃ ārocesi. “Anāpatti, bhikkhu, saṅghādisesassa; āpatti thullaccayassā”ti.

Sukkavissaṭṭhisikkhāpadaṃ niṭṭhitaṃ paṭhamaṃ.

2. Kāyasamsaggasikkhāpadaṃ

269. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena āyasmā udāyī araññe viharati. Tassāyasmato vihāro abhirūpo hoti dassanīyo pāsādiko, majjhegabbho, samantāpariyāgāro, supaññattaṃ mañcapīṭhaṃ bhisibimbohanaṃ, pānīyaṃ paribhojanīyaṃ supatṭhitaṃ, pariveṇaṃ susammaṭṭhaṃ. Bahū manussā āyasmato udāyissa vihārapekkhakā āgacchanti. Aññataropi brāhmaṇo sapajāpatiko yenāyasmā udāyī tenupasaṅkami; upasaṅkamitvā āyasmantaṃ udāyīṃ etadavoca – “icchāma mayaṃ bhoto udāyissa vihāraṃ pekkhītu”nti. “Tena hi, brāhmaṇa, pekkhassū”ti, avāpuraṇaṃ [apāpuraṇaṃ (syā.)] ādāya ghaṭikaṃ ugghāṭevā kavāṭaṃ paṇāmetvā vihāraṃ pāvīsi. Sopi kho brāhmaṇo āyasmato udāyissa piṭṭhito pāvīsi. Sāpi kho brāhmaṇī tassa brāhmaṇassa piṭṭhito pāvīsi. Atha kho āyasmā udāyī ekacce vātapāne vivaranto ekacce vātapāne thakento gabbhaṃ anuparigantvā piṭṭhito āgantvā tassā brāhmaṇīyā aṅgamaṅgāni parāmasi. Atha kho so brāhmaṇo āyasmatā udāyīnā saddhiṃ paṭisammoditvā agamāsi. Atha kho so brāhmaṇo attamaṇo attamanavācaṃ nicchāresi – “ulārā ime samaṇā sakyaputtīyā ye ime evarūpe araññe viharanti. Bhavampi udāyī ulāro yo evarūpe araññe viharatī”ti.

Evam vutte sā brāhmaṇī taṃ brāhmaṇaṃ etadavoca – “kuto tassa ulārattatā! Yatheva me tvaṃ aṅgamaṅgāni parāmasi evameva me samaṇo udāyī aṅgamaṅgāni parāmasī”ti. Atha kho so brāhmaṇo ujjhāyati khiyyati vipāceti – “alajjino ime samaṇā sakyaputtīyā dussilā musāvādino. Ime hi nāma dhammacārino samacārino brahmacārino saccavādino sīlavanto kalyāṇadhammā paṭijānissanti! Natthi imesaṃ sāmāññaṃ natthi imesaṃ brahmaññaṃ, natṭhaṃ imesaṃ sāmāññaṃ natṭhaṃ imesaṃ brahmaññaṃ, kuto imesaṃ sāmāññaṃ kuto imesaṃ brahmaññaṃ, apagatā ime sāmāñña apagatā ime brahmañña. Kathañhi nāma samaṇo udāyī mama bhariyāya aṅgamaṅgāni parāmasissati! Na hi sakkā kulitthīhi kuladhītaḥi kulakumārīhi kulasuṇhāhi kuladāsīhi ārāmaṃ vā vihāraṃ vā gantuṃ. Sace [sace hi (syā.)] kulitthiyo kuladhītaro [kuladhītāyo (sī. syā.)] kulakumārīyo kulasuṇhāyo kuladāsīyo ārāmaṃ vā

vihāraṃ vā gaccheyyūṃ, tāpi samaṇā sakyaputtiyā dūseyyu’’nti!

Assosūṃ kho bhikkhu tassa brāhmaṇassa ujjhāyantassa khiyyantassa vipācentassa. Ye te bhikkhū appicchā...pe... te ujjhāyanti khiyyanti vipācenti – “kathañhi nāma āyasmā udāyī mātugāmena saddhiṃ kāyasamsaggaṃ samāpajjissatī’’ti! Atha kho te bhikkhū āyasmantaṃ udāyiṃ anekapariyāyena vigarahitvā bhagavato etamatthaṃ ārocesūṃ. Atha kho bhagavā etasmiṃ nidāne etasmiṃ pakaraṇe bhikkhusaṅghaṃ sannipātāpetvā āyasmantaṃ udāyiṃ paṭipucchi – “saccaṃ kira tvam, udāyi, mātugāmena saddhiṃ kāyasamsaggaṃ samāpajjasī’’ti? “Saccaṃ, bhagavā’’ti. Vigarahi buddho bhagavā – “ananucchavikaṃ, moghapurisa, ananulomikaṃ appatirūpaṃ assāmaṇakaṃ akappiyaṃ akaraṇīyaṃ. Kathañhi nāma tvam, moghapurisa, mātugāmena saddhiṃ kāyasamsaggaṃ samāpajjissasi! Nanu mayā, moghapurisa, anekapariyāyena virāgāya dhammo desito no sarāgāya...pe... kāmāpariḷhānaṃ vūpasamo akkhāto. Netam, moghapurisa, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

270. “Yo pana bhikkhu otiṇṇo vipariṇatena cittena mātugāmena saddhiṃ kāyasamsaggaṃ samāpajjeyya hatthagāhaṃ vā veṇiggāhaṃ vā aññatarassa vā aññatarassa vā aṅgassa parāmasanaṃ, saṅghādiseso’’ti.

271. Yo panāti yo yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Otiṇṇo nāma sāratto apekkhavā paṭibaddhacitto.

Vipariṇatanti rattampi cittaṃ vipariṇataṃ. Duṭṭhampi cittaṃ vipariṇataṃ. Mūḷhampi cittaṃ vipariṇataṃ. Apica, rattam cittaṃ imasmiṃ atthe adhippetam vipariṇatanti.

Mātugāmo nāma manussitthī, na yakkhī na petī, na tiracchānagatā. Antamaso tadahujātāpi dārikā, pageva mahattarī.

Saddhinti ekato.

Kāyasamsaggaṃ samāpajjeyyāti ajjhācāro vuccati.

Hattho nāma kapparaṃ upādāyaṃ yāva agganakhā.

Veṇī nāma suddhakesā vā, suttamissā vā, mālāmissā vā, hiraññamissā vā, suvaṇṇamissā vā, muttāmissā vā, maṇimissā vā.

Aṅgaṃ nāma hatthañca veṇiñca ṭhapetvā avasesaṃ aṅgaṃ nāma.

272. Āmasanā, parāmasanā, omasanā, ummasanā, olaṅghanā, ullaṅghanā, ākaḍḍhanā, patikaḍḍhanā, abhiniggaṇhanā, abhinippīlanā, gahaṇaṃ, chupanaṃ.

Āmasanā nāma āmaṭṭhamattā.

Parāmasanā nāma itocito ca saṃcapanā.

Omasanā nāma heṭṭhā oropanā.

Ummasana nāma uddham uccāraṇā.

Olaṅghanā nāma heṭṭhā onamanā.

Ullaṅghanā nāma uddhaṃ uccāraṇā.

Ākaḍḍhanā nāma āviñchanā [āviñjanā (sī. syā.)].

Patikaḍḍhanā nāma patippanāmanā.

Abhiniggaṇhanā nāma aṅgaṃ gahetvā nippīlanā.

Abhinippīlanā nāma kenaci saha nippīlanā.

Gahaṇaṃ nāma gahitamattaṃ.

Chupanaṃ nāma phutṭhamattaṃ.

Saṅghādisesoti...pe... tenapi vuccati saṅghādisesoti.

273. Itthī ca hoti itthisaññī sāratto ca bhikkhu ca. Naṃ itthiyā kāyena kāyaṃ āmasati parāmasati omasati ummasati olaṅgheti ullaṅgheti ākaḍḍhati patikaḍḍhati abhiniggaṇhāti abhinippīleti gaṇhāti chupati, āpatti saṅghādisesassa.

Itthī ca hoti vematiko sāratto ca. Bhikkhu ca naṃ itthiyā kāyena kāyaṃ āmasati parāmasati...pe... gaṇhāti chupati, āpatti thullaccayassa.

Itthī ca hoti paṇḍakasaññī sāratto ca. Bhikkhu ca naṃ itthiyā kāyena kāyaṃ āmasati parāmasati...pe... gaṇhāti chupati, āpatti thullaccayassa.

Itthī ca hoti purisasaññī sāratto ca. Bhikkhu ca naṃ itthiyā kāyena kāyaṃ āmasati parāmasati...pe... gaṇhāti chupati, āpatti thullaccayassa.

Itthī ca hoti tiracchānagatasaññī sāratto ca. Bhikkhu ca naṃ itthiyā kāyena kāyaṃ āmasati parāmasati...pe... gaṇhāti chupati, āpatti thullaccayassa.

Paṇḍako ca hoti paṇḍakasaññī sāratto ca. Bhikkhu ca naṃ paṇḍakassa kāyena kāyaṃ āmasati parāmasati...pe... gaṇhāti chupati, āpatti thullaccayassa.

Paṇḍako ca hoti vematiko sāratto ca. Bhikkhu ca naṃ paṇḍakassa kāyena kāyaṃ āmasati parāmasati...pe... gaṇhāti chupati, āpatti dukkaṭassa.

Paṇḍako ca hoti purisasaññī sāratto ca. Bhikkhu ca naṃ paṇḍakassa kāyena kāyaṃ āmasati parāmasati...pe... gaṇhāti chupati, āpatti dukkaṭassa.

Paṇḍako ca hoti tiracchānagatasaññī sāratto ca. Bhikkhu ca naṃ paṇḍakassa kāyena kāyaṃ āmasati parāmasati...pe... gaṇhāti chupati, āpatti dukkaṭassa.

Paṇḍako ca hoti itthisaññī sāratto ca. Bhikkhu ca naṃ paṇḍakassa kāyena kāyaṃ āmasati parāmasati...pe... gaṇhāti chupati, āpatti dukkaṭassa.

Puriso ca hoti purisasaññī sāratto ca. Bhikkhu ca naṃ purisassa kāyena kāyaṃ āmasati

parāmasati...pe... gaṇhāti chupati, āpatti dukkaṭassa.

Puriso ca hoti vematiko...pe... puriso ca hoti tiracchānagatasaññī... puriso ca hoti itthisaññī...
puriso ca hoti paṇḍakasaññī sāratto ca. Bhikkhu ca naṃ purisassa kāyena kāyaṃ āmasati parāmasati...
pe... gaṇhāti chupati, āpatti dukkaṭassa.

Tiracchānagato ca hoti tiracchānagatasaññī sāratto ca. Bhikkhu ca naṃ tiracchānagatassa kāyena
kāyaṃ āmasati parāmasati...pe... gaṇhāti chupati, āpatti dukkaṭassa.

Tiracchānagato ca hoti vematiko...pe... tiracchānagato ca hoti itthisaññī... tiracchānagato ca hoti
paṇḍakasaññī... tiracchānagato ca hoti. Purisasaññī sāratto ca. Bhikkhu ca naṃ tiracchānagatassa
kāyena kāyaṃ āmasati parāmasati...pe... gaṇhāti chupati, āpatti dukkaṭassa.

Ekamūlakam niṭṭhitam.

274. Dve itthiyo dvinnam itthīnam itthisaññī sāratto ca. Bhikkhu ca naṃ dvinnam itthīnam kāyena
kāyaṃ āmasati parāmasati...pe... gaṇhāti chupati, āpatti dvinnam saṅghādisesānam.

Dve itthiyo dvinnam itthīnam vematiko sāratto ca. Bhikkhu ca naṃ dvinnam itthīnam kāyena
kāyaṃ āmasati parāmasati...pe... gaṇhāti chupati, āpatti dvinnam thullaccayānam.

Dve itthiyo dvinnam itthīnam paṇḍakasaññī...pe... purisasaññī... tiracchānagatasaññī sāratto ca.
Bhikkhu ca dvinnam itthīnam kāyena kāyaṃ āmasati parāmasati...pe... gaṇhāti chupati, āpatti dvinnam
thullaccayānam.

Dve paṇḍakā dvinnam paṇḍakānam paṇḍakasaññī sāratto ca bhikkhu ca naṃ dvinnam paṇḍakānam
kāyena kāyaṃ āmasati parāmasati...pe... gaṇhāti chupati, āpatti dvinnam thullaccayānam.

Dve paṇḍakā dvinnam paṇḍakānam vematiko...pe... purisasaññī... tiracchānagatasaññī...
itthisaññī sāratto ca. Bhikkhu ca naṃ dvinnam paṇḍakānam kāyena kāyaṃ āmasati parāmasati...pe...
gaṇhāti chupati, āpatti dvinnam dukkaṭānam.

Dve purisā dvinnam purisānam purisasaññī sāratto ca bhikkhu ca naṃ dvinnam purisānam kāyena
kāyaṃ āmasati parāmasati...pe... gaṇhāti chupati, āpatti dvinnam dukkaṭānam.

Dve purisā dvinnam purisānam vematiko...pe... tiracchānagatasaññī... itthisaññī... paṇḍakasaññī
sāratto ca. Bhikkhu ca naṃ dvinnam purisānam kāyena kāyaṃ āmasati parāmasati...pe... gaṇhāti
chupati, āpatti dvinnam dukkaṭānam.

Dve tiracchānagatā dvinnam tiracchānagatānam tiracchānagatasaññī sāratto ca. Bhikkhu ca naṃ
dvinnam tiracchānagatānam kāyena kāyaṃ āmasati parāmasati...pe... gaṇhāti chupati, āpatti dvinnam
dukkāṭānam.

Dve tiracchānagatā dvinnam tiracchānagatānam vematiko...pe... itthisaññī... paṇḍakasaññī ...
purisasaññī sāratto ca. Bhikkhu ca naṃ dvinnam tiracchānagatānam kāyena kāyaṃ āmasati
parāmasati...pe... gaṇhāti chupati, āpatti dvinnam dukkaṭānam.

275. Itthī ca paṇḍako ca ubhinnaṃ itthisaññī sāratto ca. Bhikkhu ca naṃ ubhinnaṃ kāyena kāyaṃ
āmasati parāmasati...pe... gaṇhāti chupati, āpatti saṅghādisesena dukkaṭassa.

Itthī ca paṇḍako ca ubhinnaṃ vematiko sāratto ca. Bhikkhu ca naṃ ubhinnaṃ kāyena kāyaṃ āmasati parāmasati...pe... gaṇhāti chupati, āpatti thullaccayena dukkaṭassa.

Itthī ca paṇḍako ca ubhinnaṃ paṇḍakasaññī sāratto ca. Bhikkhu ca naṃ ubhinnaṃ kāyena kāyaṃ āmasati parāmasati...pe... gaṇhāti chupati, āpatti dvinnaṃ thullaccayānaṃ.

Itthī ca paṇḍako ca ubhinnaṃ purisasaññī sāratto ca. Bhikkhu ca naṃ ubhinnaṃ kāyena kāyaṃ āmasati parāmasati...pe... gaṇhāti chupati, āpatti thullaccayena dukkaṭassa.

Itthī ca paṇḍako ca ubhinnaṃ tiracchānagatasaññī sāratto ca. Bhikkhu ca naṃ ubhinnaṃ kāyena kāyaṃ āmasati parāmasati...pe... gaṇhāti chupati, āpatti thullaccayena dukkaṭassa.

Itthī ca puriso ca ubhinnaṃ itthisaññī sāratto ca. Bhikkhu ca naṃ ubhinnaṃ kāyena kāyaṃ āmasati parāmasati...pe... gaṇhāti chupati, āpatti saṅghādisesena dukkaṭassa.

Itthī ca puriso ca ubhinnaṃ vematiko...pe... paṇḍakasaññī... purisasaññī... tiracchānagatasaññī sāratto ca. Bhikkhu ca naṃ ubhinnaṃ kāyena kāyaṃ āmasati parāmasati...pe... gaṇhāti chupati, āpatti thullaccayena dukkaṭassa.

Itthī ca tiracchānagato ca ubhinnaṃ itthisaññī sāratto ca. Bhikkhu ca naṃ ubhinnaṃ kāyena kāyaṃ āmasati parāmasati...pe... gaṇhāti chupati, āpatti saṅghādisesena dukkaṭassa.

Itthī ca tiracchānagato ca ubhinnaṃ vematiko...pe... paṇḍakasaññī... purisasaññī... tiracchānagatasaññī sāratto ca. Bhikkhu ca naṃ ubhinnaṃ kāyena kāyaṃ āmasati parāmasati...pe... gaṇhāti chupati, āpatti thullaccayena dukkaṭassa.

Paṇḍako ca puriso ca ubhinnaṃ paṇḍakasaññī sāratto ca. Bhikkhu ca naṃ ubhinnaṃ kāyena kāyaṃ āmasati parāmasati...pe... gaṇhāti chupati, āpatti thullaccayena dukkaṭassa.

Paṇḍako ca puriso ca ubhinnaṃ vematiko...pe... purisasaññī... tiracchānagatasaññī... itthisaññī sāratto ca. Bhikkhu ca naṃ ubhinnaṃ kāyena kāyaṃ āmasati parāmasati...pe... gaṇhāti chupati, āpatti dvinnaṃ dukkaṭānaṃ.

Paṇḍako ca tiracchānagato ca ubhinnaṃ paṇḍakasaññī sāratto ca. Bhikkhu ca naṃ ubhinnaṃ kāyena kāyaṃ āmasati parāmasati...pe... gaṇhāti chupati, āpatti thullaccayena dukkaṭassa.

Paṇḍako ca tiracchānagato ca ubhinnaṃ vematiko...pe... purisasaññī... tiracchānagatasaññī... itthisaññī sāratto ca. Bhikkhu ca naṃ ubhinnaṃ kāyena kāyaṃ āmasati parāmasati...pe... gaṇhāti chupati, āpatti dvinnaṃ dukkaṭānaṃ.

Puriso ca tiracchānagato ca ubhinnaṃ purisasaññī sāratto ca. Bhikkhu ca naṃ ubhinnaṃ kāyena kāyaṃ āmasati parāmasati...pe... gaṇhāti chupati, āpatti dvinnaṃ dukkaṭānaṃ.

Puriso ca tiracchānagato ca ubhinnaṃ vematiko...pe... tiracchānagatasaññī... itthisaññī... paṇḍakasaññī sāratto ca. Bhikkhu ca naṃ ubhinnaṃ kāyena kāyaṃ āmasati parāmasati...pe... gaṇhāti chupati, āpatti dvinnaṃ dukkaṭānaṃ.

Dumūlakam niṭṭhitam.

276. Itthī ca hoti itthisaññī sāratto ca. Bhikkhu ca naṃ itthiyā kāyena kāyapaṭibaddham āmasati

parāmasati...pe... gaṇhāti chupati, āpatti thullaccayassa...pe....

Dve itthiyo dvinnaṃ itthīnaṃ itthisaññī sāratto ca. Bhikkhu ca naṃ dvinnaṃ itthīnaṃ kāyena kāyapaṭibaddhaṃ āmasati parāmasati...pe... gaṇhāti chupati, āpatti dvinnaṃ thullaccayānaṃ ...pe....

Itthī ca paṇḍako ca ubhinnaṃ itthisaññī sāratto ca. Bhikkhu ca naṃ ubhinnaṃ kāyena kāyapaṭibaddhaṃ āmasati parāmasati...pe... gaṇhāti chupati, āpatti thullaccayena dukkaṭassa...pe....

Itthī ca hoti itthisaññī sāratto ca. Bhikkhu ca naṃ itthiyā kāyapaṭibaddhena kāyaṃ āmasati parāmasati...pe... gaṇhāti chupati, āpatti thullaccayassa...pe....

Dve itthiyo dvinnaṃ itthīnaṃ itthisaññī sāratto ca. Bhikkhu ca naṃ dvinnaṃ itthīnaṃ kāyapaṭibaddhena kāyaṃ āmasati parāmasati...pe... gaṇhāti chupati, āpatti dvinnaṃ thullaccayānaṃ...pe....

Itthī ca paṇḍako ca ubhinnaṃ itthisaññī sāratto ca. Bhikkhu ca naṃ ubhinnaṃ kāyapaṭibaddhena kāyaṃ āmasati parāmasati...pe... gaṇhāti chupati, āpatti thullaccayena dukkaṭassa...pe....

Itthī ca hoti itthisaññī sāratto ca. Bhikkhu ca naṃ itthiyā kāyapaṭibaddhena kāyapaṭibaddhaṃ āmasati parāmasati...pe... gaṇhāti chupati, āpatti dukkaṭassa...pe....

Dve itthiyo dvinnaṃ itthīnaṃ itthisaññī sāratto ca. Bhikkhu ca naṃ dvinnaṃ itthīnaṃ kāyapaṭibaddhena kāyapaṭibaddhaṃ āmasati parāmasati...pe... gaṇhāti chupati, āpatti dvinnaṃ dukkaṭānaṃ...pe....

Itthī ca paṇḍako ca ubhinnaṃ itthisaññī sāratto ca. Bhikkhu ca naṃ ubhinnaṃ kāyapaṭibaddhena kāyapaṭibaddhaṃ āmasati parāmasati...pe... gaṇhāti chupati, āpatti dvinnaṃ dukkaṭānaṃ...pe....

Itthī ca hoti itthisaññī sāratto ca. Bhikkhu ca naṃ itthiyā nissaggiyena kāyaṃ āmasati āpatti dukkaṭassa...pe....

Dve itthiyo dvinnaṃ itthīnaṃ itthisaññī sāratto ca. Bhikkhu ca naṃ dvinnaṃ itthīnaṃ nissaggiyena kāyaṃ āmasati, āpatti dvinnaṃ dukkaṭānaṃ...pe....

Itthī ca paṇḍako ca ubhinnaṃ itthisaññī sāratto ca. Bhikkhu ca naṃ ubhinnaṃ nissaggiyena kāyaṃ āmasati, āpatti dvinnaṃ dukkaṭānaṃ...pe....

Itthī ca hoti itthisaññī sāratto ca. Bhikkhu ca naṃ itthiyā nissaggiyena kāyapaṭibaddhaṃ āmasati, āpatti dukkaṭassa...pe....

Dve itthiyo dvinnaṃ itthīnaṃ itthisaññī sāratto ca. Bhikkhu ca naṃ dvinnaṃ itthīnaṃ nissaggiyena kāyapaṭibaddhaṃ āmasati, āpatti dvinnaṃ dukkaṭānaṃ...pe....

Itthī ca paṇḍako ca ubhinnaṃ itthisaññī sāratto ca. Bhikkhu ca naṃ ubhinnaṃ nissaggiyena kāyapaṭibaddhaṃ āmasati, āpatti dvinnaṃ dukkaṭānaṃ...pe....

Itthī ca hoti itthisaññī sāratto ca. Bhikkhu ca naṃ itthiyā nissaggiyena nissaggiyaṃ āmasati, āpatti dukkaṭassa...pe....

Dve itthiyo dvinnaṃ itthīnaṃ itthisaññī sāratto ca. Bhikkhu ca naṃ dvinnaṃ itthīnaṃ nissaggiyena

nissaggiyaṃ āmasati, āpatti dvinnaṃ dukkaṭānaṃ...pe....

Itthī ca paṇḍako ca ubhinnaṃ itthisaññī sāratto ca. Bhikkhu ca naṃ ubhinnaṃ nissaggiyena nissaggiyaṃ āmasati, āpatti dvinnaṃ dukkaṭānaṃ...pe....

Bhikkhupeyyālo niṭṭhito.

277. Itthī ca hoti itthisaññī sāratto ca. Itthī ca naṃ bhikkhussa kāyena kāyaṃ āmasati parāmasati omasati ummasati olaṅgheti ullaṅgheti ākaḍḍhati patikaḍḍhati abhiniggaṇhāti abhinippīleti gaṇhāti chupati, sevanādhippāyo kāyena vāyamati phassaṃ paṭivijānāti, āpatti saṅghādisesassa...pe....

Dve itthiyo dvinnaṃ itthīnaṃ itthisaññī sāratto ca. Itthiyo ca naṃ bhikkhussa kāyena kāyaṃ āmasanti parāmasanti omasanti ummasanti olaṅghenti ullaṅghenti ākaḍḍhanti patikaḍḍhanti abhiniggaṇhanti abhinippīlenti gaṇhanti chupanti, sevanādhippāyo kāyena vāyamati phassaṃ paṭivijānāti, āpatti dvinnaṃ saṅghādisesānaṃ...pe....

Itthī ca paṇḍako ca ubhinnaṃ itthisaññī sāratto ca. Ubho ca naṃ bhikkhussa kāyena kāyaṃ āmasanti parāmasanti...pe... gaṇhanti chupanti, sevanādhippāyo kāyena vāyamati phassaṃ paṭivijānāti, āpatti saṅghādisesena dukkaṭassa...pe....

Itthī ca hoti itthisaññī sāratto ca. Itthī ca naṃ bhikkhussa kāyena kāyapaṭibaddhaṃ āmasati parāmasati...pe... gaṇhāti chupati, sevanādhippāyo kāyena vāyamati phassaṃ paṭivijānāti, āpatti thullaccayassa...pe....

Dve itthiyo dvinnaṃ itthīnaṃ itthisaññī sāratto ca. Itthiyo ca naṃ bhikkhussa kāyena kāyapaṭibaddhaṃ āmasanti parāmasanti...pe... gaṇhanti chupanti, sevanādhippāyo kāyena vāyamati phassaṃ paṭivijānāti, āpatti dvinnaṃ thullaccayānaṃ...pe....

Itthī ca paṇḍako ca ubhinnaṃ itthisaññī sāratto ca. Ubho ca naṃ bhikkhussa kāyena kāyapaṭibaddhaṃ āmasanti parāmasanti...pe... gaṇhanti chupanti, sevanādhippāyo kāyena vāyamati phassaṃ paṭivijānāti, āpatti thullaccayena dukkaṭassa...pe....

Itthī ca hoti itthisaññī sāratto ca. Itthī ca naṃ bhikkhussa kāyapaṭibaddhena kāyaṃ āmasati parāmasati...pe... gaṇhāti chupati sevanādhippāyo kāyena vāyamati phassaṃ paṭivijānāti, āpatti thullaccayassa...pe....

Dve itthiyo dvinnaṃ itthīnaṃ itthisaññī sāratto ca. Itthiyo ca naṃ bhikkhussa kāyapaṭibaddhena kāyaṃ āmasanti parāmasanti...pe... gaṇhanti chupanti, sevanādhippāyo kāyena vāyamati phassaṃ paṭivijānāti, āpatti dvinnaṃ thullaccayānaṃ...pe....

Itthī ca paṇḍako ca ubhinnaṃ itthisaññī sāratto ca. Ubho ca naṃ bhikkhussa kāyapaṭibaddhena kāyaṃ āmasanti parāmasanti...pe... gaṇhanti chupanti, sevanādhippāyo kāyena vāyamati phassaṃ paṭivijānāti, āpatti thullaccayena dukkaṭassa...pe....

278. Itthī ca hoti itthisaññī sāratto ca. Itthī ca naṃ bhikkhussa kāyapaṭibaddhena kāyapaṭibaddhaṃ āmasati parāmasati...pe... gaṇhāti chupati, sevanādhippāyo kāyena vāyamati phassaṃ paṭivijānāti, āpatti dukkaṭassa...pe....

Dve itthiyo dvinnaṃ itthīnaṃ itthisaññī sāratto ca. Itthiyo ca naṃ bhikkhussa kāyapaṭibaddhena kāyapaṭibaddhaṃ āmasanti parāmasanti...pe... gaṇhanti chupanti, sevanādhippāyo kāyena vāyamati phassaṃ paṭivijānāti, āpatti dvinnaṃ dukkaṭānaṃ...pe....

Itthī ca paṇḍako ca ubhinnaṃ itthisaññī sāratto ca. Ubho ca naṃ bhikkhussa kāyapaṭibaddhena kāyapaṭibaddhaṃ āmasanti parāmasanti...pe... gaṇhanti chupanti, sevanādhippāyo kāyena vāyamati phassaṃ paṭivijānāti, āpatti dvinnaṃ dukkaṭānaṃ...pe....

Itthī ca hoti itthisaññī sāratto ca. Itthī ca naṃ bhikkhussa nissaggiyena kāyaṃ āmasati. Sevanādhippāyo kāyena vāyamati phassaṃ paṭivijānāti, āpatti dukkaṭassa...pe....

Dve itthiyo dvinnaṃ itthīnaṃ itthisaññī sāratto ca. Itthiyo ca naṃ bhikkhussa nissaggiyena kāyaṃ āmasanti. Sevanādhippāyo kāyena vāyamati phassaṃ paṭivijānāti, āpatti dvinnaṃ dukkaṭānaṃ...pe....

Itthī ca paṇḍako ca ubhinnaṃ itthisaññī sāratto ca. Ubho ca naṃ bhikkhussa nissaggiyena kāyaṃ āmasanti. Sevanādhippāyo kāyena vāyamati phassaṃ paṭivijānāti, āpatti dvinnaṃ dukkaṭānaṃ...pe....

Itthī ca hoti itthisaññī sāratto ca. Itthī ca naṃ bhikkhussa nissaggiyena kāyapaṭibaddhaṃ āmasati. Sevanādhippāyo kāyena vāyamati phassaṃ paṭivijānāti, āpatti dukkaṭassa...pe....

Dve itthiyo dvinnaṃ itthīnaṃ itthisaññī sāratto ca. Itthiyo ca naṃ bhikkhussa nissaggiyena kāyapaṭibaddhaṃ āmasanti. Sevanādhippāyo kāyena vāyamati phassaṃ paṭivijānāti, āpatti dvinnaṃ dukkaṭānaṃ...pe....

Itthī ca paṇḍako ca ubhinnaṃ itthisaññī sāratto ca. Ubho ca naṃ bhikkhussa nissaggiyena kāyapaṭibaddhaṃ āmasanti. Sevanādhippāyo kāyena vāyamati phassaṃ paṭivijānāti, āpatti dvinnaṃ dukkaṭānaṃ...pe....

Itthī ca hoti itthisaññī sāratto ca. Itthī ca naṃ bhikkhussa nissaggiyena nissaggiyaṃ āmasati. Sevanādhippāyo kāyena vāyamati, na ca phassaṃ paṭivijānāti, āpatti dukkaṭassa...pe....

Dve itthiyo dvinnaṃ itthīnaṃ itthisaññī sāratto ca. Itthiyo ca naṃ bhikkhussa nissaggiyena nissaggiyaṃ āmasanti. Sevanādhippāyo kāyena vāyamati, na ca phassaṃ paṭivijānāti, āpatti dvinnaṃ dukkaṭānaṃ...pe....

Itthī ca paṇḍako ca ubhinnaṃ itthisaññī sāratto ca. Ubho ca naṃ bhikkhussa nissaggiyena nissaggiyaṃ āmasanti. Sevanādhippāyo kāyena vāyamati, na ca phassaṃ paṭivijānāti, āpatti dvinnaṃ dukkaṭānaṃ...pe....

279. Sevanādhippāyo kāyena vāyamati phassaṃ paṭivijānāti, āpatti saṅghādisesassa.

Sevanādhippāyo kāyena vāyamati, na ca phassaṃ paṭivijānāti, āpatti dukkaṭassa.

Sevanādhippāyo na ca kāyena vāyamati, phassaṃ paṭivijānāti, anāpatti.

Sevanādhippāyo na ca kāyena vāyamati, na ca phassaṃ paṭivijānāti, anāpatti.

Mokkhādhippāyo kāyena vāyamati, phassaṃ paṭivijānāti, anāpatti.

Mokkhādhippāyo kāyena vāyamati, na ca phassaṃ paṭivijānāti, anāpatti.

Mokkhādhippāyo na ca kāyena vāyamati, phassaṃ paṭivijānāti, anāpatti.

Mokkhādhippāyo na ca kāyena vāyamati, na ca phassaṃ paṭivijānāti, anāpatti.

280. Anāpatti asaṅcicca, asatīyā, ajānantassa, asādiyantassa, ummattakassa, khittacittassa, vedanāṭṭassa, ādikammikassāti.

Vinītavatthuuddānagāthā

Mātā dhītā bhaginī ca, jāyā yakkhī ca paṇḍako;
Suttā matā tiracchānā, dārudhitalikāya ca.

Sampīḷe saṅkamo maggo, rukkho nāvā ca rajju ca;
Daṇḍo pattamaṃ paṇāmesi, vande vāyami nacchupeti.

Vinītavatthu

281. Tena kho pana samayena aññataro bhikkhu mātuyā mātupemena āmasi. Tassa kukkucamaṃ ahosi – “bhagavatā sikkhāpadaṃ paññattaṃ, kacci nu kho ahaṃ saṅghādisesaṃ āpattiṃ āpanno”ti? Bhagavato etamattaṃ ārocesi. “Anāpatti, bhikkhu, saṅghādisesassa; āpatti dukkaṭassā”ti.

Tena kho pana samayena aññataro bhikkhu dhītuyā dhītupemena āmasi...pe... bhaginiyā bhaginipemena āmasi. Tassa kukkucamaṃ ahosi...pe... “anāpatti, bhikkhu, saṅghādisesassa; āpatti dukkaṭassā”ti.

Tena kho pana samayena aññataro bhikkhu purāṇadutiyaikāya kāyasamsaggaṃ samāpajji. Tassa kukkucamaṃ ahosi...pe... “āpattiṃ tvaṃ, bhikkhu, āpanno saṅghādisesa”nti.

Tena kho pana samayena aññataro bhikkhu yakkhiniyā kāyasamsaggaṃ samāpajji. Tassa kukkucamaṃ ahosi...pe... “anāpatti, bhikkhu, saṅghādisesassa; āpatti thullaccayassā”ti.

Tena kho pana samayena aññataro bhikkhu paṇḍakassa kāyasamsaggaṃ samāpajji. Tassa kukkucamaṃ ahosi...pe... “anāpatti, bhikkhu, saṅghādisesassa; āpatti thullaccayassā”ti.

Tena kho pana samayena aññataro bhikkhu suttitthiyā kāyasamsaggaṃ samāpajji. Tassa kukkucamaṃ ahosi...pe... “āpattiṃ tvaṃ, bhikkhu, āpanno saṅghādisesa”nti.

Tena kho pana samayena aññataro bhikkhu matitthiyā kāyasamsaggaṃ samāpajji. Tassa kukkucamaṃ ahosi...pe... “anāpatti, bhikkhu, saṅghādisesassa; āpatti thullaccayassā”ti.

Tena kho pana samayena aññataro bhikkhu tiracchānagatitthiyā kāyasamsaggaṃ samāpajji. Tassa kukkucamaṃ ahosi...pe... “anāpatti, bhikkhu, saṅghādisesassa; āpatti dukkaṭassā”ti.

Tena kho pana samayena aññataro bhikkhu dārudhitalikāya kāyasamsaggaṃ samāpajji. Tassa kukkucamaṃ ahosi...pe... “anāpatti, bhikkhu, saṅghādisesassa; āpatti dukkaṭassā”ti.

282. Tena kho pana samayena sambahulā itthiyo aññataram bhikkhuṃ sampīḷetvā bhāḥāparamparāya ānesuṃ. Tassa kukkucamaṃ ahosi...pe... “sādiyi tvaṃ, bhikkhū”ti? “Nāhaṃ, bhagavā, sādiyi”nti. “Anāpatti, bhikkhū, asādiyantassā”ti.

Tena kho pana samayena aññataro bhikkhu itthiyā abhirūḷhaṃ saṅkamaṃ sāratto saṅcālesi. Tassa kukkucamaṃ ahosi...pe... “anāpatti, bhikkhu, saṅghādisesassa; āpatti dukkaṭassā”ti.

Tena kho pana samayena aññataro bhikkhu itthiṃ paṭipathe passitvā sāratto aṃsakūṭena pahāraṃ

adāsi. Tassa kukkucçaṃ ahosi...pe... “āpattiṃ tvam, bhikkhu, āpanno saṅghādisesa”nti.

Tena kho pana samayena aññataro bhikkhu itthiyā abhirūlhaṃ rukkhaṃ sāratto sañcālesi. Tassa kukkucçaṃ ahosi...pe... “anāpatti, bhikkhu, saṅghādisesassa; āpatti dukkaṭassā”ti.

Tena kho pana samayena aññataro bhikkhu itthiyā abhirūlhaṃ nāvaṃ sāratto sañcālesi. Tassa kukkucçaṃ ahosi...pe... “anāpatti, bhikkhu, saṅghādisesassa; āpatti dukkaṭassā”ti.

Tena kho pana samayena aññataro bhikkhu itthiyā gahitaṃ rajjuṃ sāratto āviñchi [āviñji (sī. syā.)]. Tassa kukkucçaṃ ahosi...pe... “anāpatti, bhikkhu, saṅghādisesassa; āpatti thullaccayassā”ti.

Tena kho pana samayena aññataro bhikkhu itthiyā gahitaṃ daṇḍaṃ sāratto āviñchi. Tassa kukkucçaṃ ahosi...pe... “anāpatti, bhikkhu, saṅghādisesassa; āpatti thullaccayassā”ti.

Tena kho pana samayena aññataro bhikkhu sāratto itthiṃ pattena paṇāmesi. Tassa kukkucçaṃ ahosi...pe... “anāpatti, bhikkhu, saṅghādisesassa; āpatti thullaccayassā”ti.

Tena kho pana samayena aññataro bhikkhu itthiyā vandantiyā sāratto pādaṃ uccāresi. Tassa kukkucçaṃ ahosi...pe... “āpattiṃ tvam, bhikkhu, āpanno saṅghādisesa”nti.

Tena kho pana samayena aññataro bhikkhu itthiṃ gahessāmīti vāyāmitvā na chupi.

Tassa kukkucçaṃ ahosi...pe... “anāpatti, bhikkhu, saṅghādisesassa; āpatti dukkaṭassā”ti.

Kāyasamsaggasikkhāpadaṃ niṭṭhitaṃ dutiyaṃ.

3. Duṭṭhullavācāsikkhāpadaṃ

283. Tena samayena buddho bhagavā sāvattiyaṃ viharati jetavane anāthapiṇḍikassa ārāme. Tena kho pana samayena āyasmā udāyī araññe viharati. Tassāyasmato vihāro abhirūpo hoti dassanīyo pāsādiko. Tena kho pana samayena sambahulā itthiyo ārāmaṃ āgamaṃsu vihārapekkhikāyo. Atha kho tā itthiyo yenāyasmā udāyī tenupasaṅkamimṃsu; upasaṅkamitvā āyasmantaṃ udāyimaṃ etadavocum – “icchāma mayaṃ, bhante, ayyassa vihāraṃ pekkhitsu”nti. Atha kho āyasmā udāyī tā itthiyo vihāraṃ pekkhāpetvā tasmaṃ itthīnaṃ vaccamaggaṃ passāvamaggaṃ ādissa vaṇṇampi bhaṇati avaṇṇampi bhaṇati yācatipi āyācatipi pucchātipi paṭipucchātipi ācikkhatipi anusāsātipi akkosātipi. Yā tā itthiyo chinnikā dhuttikā ahirikāyo tā āyasmā udāyīnaṃ saddhimaṃ uhasātipi ullapantipi ujjagghantipi uppaṇḍentipi. Yā pana tā itthiyo hirimanā tā nikkhamitvā bhikkhū ujjhāpentī – “idaṃ, bhante, nacchannaṃ nappatirūpaṃ. Sāmikenāpi mayaṃ evaṃ vuttā na iccheyyāma, kiṃ paṇāyyena udāyīnaṃ”ti. Ye te bhikkhū appicchā... pe... te ujjhāyanti khiyyanti vipācentī – “kathaṃhi nāma āyasmā udāyī mātugāmaṃ duṭṭhullāhi vācāhi obhāsissatī”ti! Atha kho te bhikkhū āyasmantaṃ udāyimaṃ anekapariyāyena vīgarahitvā bhagavato etamatthaṃ ārocesum. Atha kho bhagavā etasmimaṃ nidāne etasmimaṃ pakaraṇe bhikkhusaṅghaṃ sannipātāpetvā āyasmantaṃ udāyimaṃ paṭipucchi – “saccaṃ kira tvam, udāyī, mātugāmaṃ duṭṭhullāhi vācāhi obhāsasi”ti? “Saccaṃ, bhagavā”ti. Vīgarahi buddho bhagavā – “ananucchavikaṃ, moghapurisa, ananulomikaṃ appatirūpaṃ assāmaṇakaṃ akappiyaṃ akaraṇīyaṃ. Kathaṃhi nāma tvam, moghapurisa, mātugāmaṃ duṭṭhullāhi vācāhi obhāsissasi! Nanu mayā, moghapurisa, anekapariyāyena virāgāya dhammo desito no sarāgāya...pe... kāmaparīlāhānaṃ vūpasamo akkhāto. Netam, moghapurisa, appasannānaṃ vā pasādāya...pe... evaṃca pana, bhikkhave, imaṃ sikkhāpadaṃ uddiseyyātha –

284. “Yo pana bhikkhu otiṇṇo vipariṇatena cittena mātugāmaṃ duṭṭhullāhi vācāhi obhāseyya yathā taṃ yuvā yuvatimaṃ methunupasaṃhitāhi, saṅghādiseso”ti.

285. Yo panāti yo yādiso...pe... **bhikkhūti**...pe... ayam imasmiṃ atthe adhippeto bhikkhūti.

Otiṇṇo nāma sāratto apekkhavā paṭibaddhacitto.

Vipariṇatanti rattampi cittaṃ vipariṇataṃ, duṭṭhampi cittaṃ vipariṇataṃ mūlhampi cittaṃ vipariṇataṃ. Apica, rattam cittaṃ imasmiṃ atthe adhippetam vipariṇatanti.

Mātugāmo nāma manussitthī, na yakkhī, na petī, na tiracchānagatā. Viññū paṭibalā subhāsidadubbhāsitaṃ duṭṭhullāduṭṭhullaṃ ājānituṃ.

Duṭṭhullā nāma **vācā** vaccamaggapassāvamaggamethunadhammappaṭisaṃyuttā vācā.

Obhāseyyāti ajjhācāro vuccati.

Yathā taṃ yuvā yuvatinti daharo dahariṃ, taruṇo taruṇiṃ, kāmabhogī kāmabhoginiṃ.

Methunupasamhitāhīti methunadhammappaṭisaṃyuttāhi.

Saṅghādisesoti ...pe... tenapi vuccati saṅghādisesoti.

Dve magge ādissa vaṇṇampi bhaṇati, avaṇṇampi bhaṇati, yācatipi, āyācatipi, pucchati, paṭipucchati, ācikkhati, anusāsati, akkosati.

Vaṇṇam bhaṇati nāma dve magge thometi vaṇṇeti pasamsati.

Avaṇṇam bhaṇati nāma dve magge khumseti vambheti garahati.

Yācati nāma dehi me, arahasi me dātunti.

Āyācati nāma kadā te mātā pasīdissati, kadā te pitā pasīdissati, kadā te devatāyo pasīdissanti, kadā [kadā te (syā.)] sukhaṇo sulayo sumuhutto bhavissati, kadā te methunaṃ dhammaṃ labhissāmīti.

Pucchati nāma kathaṃ tvaṃ sāmikassa desi, kathaṃ jārassa desīti?

Paṭipucchati nāma evaṃ kira tvaṃ sāmikassa desi, evaṃ jārassa desīti.

Ācikkhati nāma puṭṭho bhaṇati – “evaṃ dehi. Evaṃ dentā sāmikassa piyā bhavissasi manāpā cā”ti.

Anusāsati nāma apuṭṭho bhaṇati – “evaṃ dehi. Evaṃ dentā sāmikassa piyā bhavissati manāpā cā”ti.

Akkosati nāma animittāsi, nimittamattāsi, alohitāsi, dhuvalohitāsi, dhuvacoḷāsi, paggharantīsi, sikharaṇīsi, itthipaṇḍakāsi, vepurisikāsi, sambhinnāsi, ubhatobyañjanāsīti.

286. Itthī ca hoti itthisaññī sāratto ca. Bhikkhu ca naṃ itthiyā vaccamaggaṃ passāvamaggaṃ ādissa vaṇṇampi bhaṇati avaṇṇampi bhaṇati yācatipi āyācatipi pucchati paṭipucchati ācikkhati anusāsati akkosati, āpatti saṅghādisesassa...pe....

Dve itthiyo dvinnaṃ itthīnaṃ itthisaññī sāratto ca. Bhikkhu ca naṃ dvinnaṃ itthīnaṃ

vaccamaggaṃ passāvamaggaṃ ādissa vaṇṇampi bhaṇati avaṇṇampi bhaṇati...pe... akkosatipi, āpatti dvinnaṃ saṅghādisesānaṃ...pe....

Itthī ca paṇḍako ca ubhinnaṃ itthisaññī sāratto ca. Bhikkhu ca naṃ ubhinnaṃ vaccamaggaṃ passāvamaggaṃ ādissa vaṇṇampi bhaṇati avaṇṇampi bhaṇati...pe... akkosatipi, āpatti saṅghādisesena dukkaṭassa...pe....

Itthī ca hoti itthisaññī sāratto ca. Bhikkhu ca naṃ itthiyā vaccamaggaṃ passāvamaggaṃ ṭhapetvā adhakkhakaṃ ubbhajāṇumaṇḍalaṃ ādissa vaṇṇampi bhaṇati avaṇṇampi bhaṇati...pe... akkosatipi, āpatti thullaccayassa...pe....

Dve itthiyo dvinnaṃ itthīnaṃ itthisaññī sāratto ca. Bhikkhu ca naṃ dvinnaṃ itthīnaṃ vaccamaggaṃ passāvamaggaṃ ṭhapetvā adhakkhakaṃ ubbhajāṇumaṇḍalaṃ ādissa vaṇṇampi bhaṇati avaṇṇampi bhaṇati...pe... akkosatipi, āpatti dvinnaṃ thullaccayānaṃ...pe....

Itthī ca paṇḍako ca ubhinnaṃ itthisaññī sāratto ca. Bhikkhu ca naṃ ubhinnaṃ vaccamaggaṃ passāvamaggaṃ ṭhapetvā adhakkhakaṃ ubbhajāṇumaṇḍalaṃ ādissa vaṇṇampi bhaṇati avaṇṇampi bhaṇati...pe... akkosatipi, āpatti thullaccayena dukkaṭassa...pe....

Itthī ca hoti itthisaññī sāratto ca. Bhikkhu ca naṃ itthiyā ubbhakkhakaṃ adhojāṇumaṇḍalaṃ ādissa vaṇṇampi bhaṇati avaṇṇampi bhaṇati...pe... akkosatipi, āpatti dukkaṭassa...pe....

Dve itthiyo dvinnaṃ itthīnaṃ itthisaññī sāratto ca. Bhikkhu ca naṃ dvinnaṃ itthīnaṃ ubbhakkhakaṃ adhojāṇumaṇḍalaṃ ādissa vaṇṇampi bhaṇati avaṇṇampi bhaṇati...pe... akkosatipi, āpatti dvinnaṃ dukkaṭānaṃ...pe....

Itthī ca paṇḍako ca ubhinnaṃ itthisaññī sāratto ca. Bhikkhu ca naṃ ubhinnaṃ ubbhakkhakaṃ adhojāṇumaṇḍalaṃ ādissa vaṇṇampi bhaṇati avaṇṇampi bhaṇati...pe... akkosatipi, āpatti dvinnaṃ dukkaṭānaṃ...pe....

Itthī ca hoti itthisaññī sāratto ca. Bhikkhu ca naṃ itthiyā kāyapaṭibaddhaṃ ādissa vaṇṇampi bhaṇati avaṇṇampi bhaṇati...pe... akkosatipi, āpatti dukkaṭassa...pe....

Dve itthiyo dvinnaṃ itthīnaṃ itthisaññī sāratto ca. Bhikkhu ca naṃ dvinnaṃ itthīnaṃ kāyapaṭibaddhaṃ ādissa vaṇṇampi bhaṇati avaṇṇampi bhaṇati...pe... akkosatipi, āpatti dvinnaṃ dukkaṭānaṃ...pe....

Itthī ca paṇḍako ca ubhinnaṃ itthisaññī sāratto ca. Bhikkhu ca naṃ ubhinnaṃ kāyapaṭibaddhaṃ ādissa vaṇṇampi bhaṇati avaṇṇampi bhaṇati...pe... akkosatipi, āpatti dvinnaṃ dukkaṭānaṃ...pe....

287. Anāpatti atthapurekkhārassa, dhammapurekkhārassa, anusāsanipurekkhārassa, ummattakassa, ādikammikassāti.

Vinītavatthuuddānagāthā

Lohitaṃ kakkasākiṇṇaṃ, kharaṃ dīghañca vāpitaṃ;
Kacci saṃsīdati maggo, saddhā dānena kammunāti.

Vinītavatthu

288. Tena kho pana samayena aññatarā itthī navarattaṃ kambalaṃ pārutā hoti. Aññataro bhikkhu sāratto taṃ itthiṃ etadavoca – “lohitam kho te, bhagini”ti. Sā na paṭivijāni. “Āmāyya, navaratto kambalo”ti. Tassa kukkucçaṃ ahosi “bhagavatā sikkhāpadaṃ paññattaṃ, kacci nu kho ahaṃ saṅghādisesaṃ āpattiṃ āpanno”ti? Bhagavato etamattaṃ ārocesi. “Anāpatti, bhikkhu, saṅghādisesassa; āpatti dukkaṭassa”ti.

Tena kho pana samayena aññatarā itthī kharakambalaṃ pārutā hoti. Aññataro bhikkhu sāratto taṃ itthiṃ etadavoca – “kakkasalomam kho te, bhagini”ti. Sā na paṭivijāni. “Āmāyya, kharakambalako”ti. Tassa kukkucçaṃ ahosi...pe... “anāpatti, bhikkhu, saṅghādisesassa; āpatti dukkaṭassa”ti.

Tena kho pana samayena aññatarā itthī navāvutaṃ kambalaṃ pārutā hoti. Aññataro bhikkhu sāratto taṃ itthiṃ etadavoca – “ākiṇṇalomam kho te, bhagini”ti. Sā na paṭivijāni. “Āmāyya, navāvuto kambalo”ti. Tassa kukkucçaṃ ahosi...pe... “anāpatti, bhikkhu, saṅghādisesassa; āpatti dukkaṭassa”ti.

Tena kho pana samayena aññatarā itthī kharakambalaṃ pārutā hoti. Aññataro bhikkhu sāratto taṃ itthiṃ etadavoca – “kharalomam kho te, bhagini”ti. Sā na paṭivijāni. “Āmāyya, kharakambalako”ti. Tassa kukkucçaṃ ahosi...pe... “anāpatti, bhikkhu, saṅghādisesassa; āpatti dukkaṭassa”ti.

Tena kho pana samayena aññatarā itthī pāvāraṃ [dīghapāvāraṃ (syā.)] pārutā hoti. Aññataro bhikkhu sāratto taṃ itthiṃ etadavoca – “dīghalomam kho te, bhagini”ti. Sā na paṭivijāni. “Āmāyya, pāvāro” [dīghapāvāro (syā.)] ti. Tassa kukkucçaṃ ahosi...pe... “anāpatti, bhikkhu, saṅghādisesassa; āpatti dukkaṭassa”ti.

289. Tena kho pana samayena aññatarā itthī khettaṃ vapāpetvā āgacchati. Aññataro bhikkhu sāratto taṃ itthiṃ etadavoca – “vāpitaṃ kho te, bhagini”ti? Sā na paṭivijāni. “Āmāyya, no ca kho paṭivutta”nti. Tassa kukkucçaṃ ahosi...pe... “anāpatti, bhikkhu, saṅghādisesassa; āpatti dukkaṭassa”ti.

Tena kho pana samayena aññataro bhikkhu paribbājikaṃ paṭipathe passitvā sāratto taṃ paribbājikaṃ etadavoca – “kacci, bhagini, maggo saṃsīdati”ti? Sā na paṭivijāni. “Āma bhikkhu, paṭipajjissasi”ti. Tassa kukkucçaṃ ahosi...pe... “anāpatti, bhikkhu, saṅghādisesassa; āpatti thullaccayassa”ti.

Tena kho pana samayena aññataro bhikkhu sāratto aññataram itthiṃ etadavoca – “saddhāsi tvam, bhagini. Apica, yaṃ sāmikassa desi taṃ nāmhākaṃ desi”ti. “Kiṃ, bhante”ti? “Methunadhamma”nti. Tassa kukkucçaṃ ahosi...pe... “āpattiṃ tvam, bhikkhu, āpanno saṅghādisesa”nti.

Tena kho pana samayena aññataro bhikkhu sāratto aññataram itthiṃ etadavoca – “saddhāsi tvam, bhagini. Apica, yaṃ aggadānaṃ taṃ nāmhākaṃ desi”ti. “Kiṃ, bhante, aggadāna”nti? “Methunadhamma”nti. Tassa kukkucçaṃ ahosi...pe... “āpattiṃ tvam, bhikkhu, āpanno saṅghādisesa”nti.

Tena kho pana samayena aññatarā itthī kammaṃ karoti. Aññataro bhikkhu sāratto taṃ itthiṃ etadavoca – “tiṭṭha, bhagini, ahaṃ karissāmīti...pe... nisīda, bhagini, ahaṃ karissāmīti...pe... nipajja, bhagini, ahaṃ karissāmīti”ti. Sā na paṭivijāni. Tassa kukkucçaṃ ahosi...pe... “anāpatti, bhikkhu, saṅghādisesassa; āpatti dukkaṭassa”ti.

Duṭṭhullavācāsikkhāpadaṃ niṭṭhitaṃ tatiyaṃ.

4. Attakāmapāricariyasikkhāpadaṃ

290. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena

kho pana samayena āyasmā udāyī sāvattthiyaṃ kulūpako hoti, bahukāni kulāni upasaṅkamati. Tena kho pana samayena aññatarā itthī matapatikā abhirūpā hoti dassanīyā pāsādikā. Atha kho āyasmā udāyī pubbaṅhasamayam nivāsetvā pattacīvaramādāya yena tassā itthiyā nivesanam tenupasaṅkami; upasaṅkamitvā paññatte āsane nisīdi. Atha kho sā itthī yenāyasmā udāyī tenupasaṅkami; upasaṅkamitvā āyasmantaṃ udāyimaṃ abhivādetvā ekamantaṃ nisīdi. Ekamantaṃ nisinnaṃ kho taṃ itthiṃ āyasmā udāyī dhammiyā kathāya sandassesī samādapesī samuttejesī sampahaṃsesī. Atha kho sā itthī āyasmatā udāyinā dhammiyā kathāya sandassitā samādapitā samuttejitā sampahaṃsitā āyasmantaṃ udāyimaṃ etadavoca – “vadeyyātha, bhante, yena attho. Paṭibalā mayam ayyassa dātum yadidaṃ cīvarapiṇḍapātasenāsanagilānappaccayabhesajjaparikkhāra”nti.

“Na kho te, bhagini, amhākaṃ dullabhā yadidaṃ cīvarapiṇḍapātasenāsanagilānappaccayabhesajjaparikkhāra. Apica, yo amhākaṃ dullabho taṃ dehī”ti. “Kiṃ, bhante”ti? “Methunadhamma”nti. “Attho, bhante”ti? “Attho, bhagini”ti. “Ehi, bhante”ti, ovarakaṃ pavisitvā sāṭakaṃ nikkhipitvā mañcake uttānā nipajji. Atha kho āyasmā udāyī yena sā itthī tenupasaṅkami; upasaṅkamitvā – “ko imaṃ vasalaṃ duggandhaṃ āmasissatī”ti, niṭṭhuhitvā pakkāmi. Atha kho sā itthī ujjhāyati khiyyati vipāceti – “alajjino ime samaṇā sakyaputtīyā dussilā musāvādino. Ime hi nāma dhammacārino samacārino brahmacārino saccavādino sīlavanto kalyāṇadhammā paṭijānissanti! Natthi imesaṃ sāmāññaṃ natthi imesaṃ brahmaññaṃ, naṭṭhaṃ imesaṃ sāmāññaṃ naṭṭhaṃ imesaṃ brahmaññaṃ, kuto imesaṃ sāmāññaṃ kuto imesaṃ brahmaññaṃ, apagatā ime sāmāññā apagatā ime brahmaññā. Kathañhi nāma samaṇo udāyī maṃ sāmāṃ methunadhammaṃ yācivā, ‘ko imaṃ vasalaṃ duggandhaṃ āmasissatī’ti niṭṭhuhitvā pakkamissati! Kiṃ me pāpakaṃ kiṃ me duggandhaṃ, kassāhaṃ kena hāyāmi”ti? Aññāpi itthiyo ujjhāyanti khiyyanti vipācenti – “alajjino ime samaṇā sakyaputtīyā dussilā musāvādino...pe... kathañhi nāma samaṇo udāyī imissā sāmāṃ methunadhammaṃ yācivā, ‘ko imaṃ vasalaṃ duggandhaṃ āmasissatī’ti niṭṭhuhitvā pakkamissati! Kiṃ imissā pāpakaṃ kiṃ imissā duggandhaṃ, kassāyaṃ kena hāyatī”ti? Assosum kho bhikkhū tāsāṃ itthīnaṃ ujjhāyantīnaṃ khiyyantīnaṃ vipācentīnaṃ. Ye te bhikkhū appicchā...pe... te ujjhāyanti khiyyanti vipācenti – “kathañhi nāma āyasmā udāyī mātugāmassa santike attakāmapāricariyāya vaṇṇaṃ bhāsissatī”ti!

Atha kho te bhikkhū āyasmantaṃ udāyimaṃ anekapariyāyena vīgarahitvā bhagavato etamatthaṃ ārocesum. Atha kho bhagavā etasmiṃ nidāne etasmiṃ pakaraṇe bhikkhusaṅghaṃ sannipātāpetvā āyasmantaṃ udāyimaṃ paṭipucchi – “saccaṃ kira tvam, udāyī, mātugāmassa santike attakāmapāricariyāya vaṇṇaṃ bhāsasi”ti? “Saccaṃ, bhagavā”ti. Vigarahi buddho bhagavā – “ananucchavikaṃ, moghapurisa, ananulomikaṃ appatirūpaṃ assāmaṇakaṃ akappiyaṃ akaraṇīyaṃ. Kathañhi nāma tvam, moghapurisa, mātugāmassa santike attakāmapāricariyāya vaṇṇaṃ bhāsissasi! Nanu mayā, moghapurisa, anekapariyāyena virāgāya dhammo desito no sarāgāya...pe... kāmapariḷāhānaṃ vūpasamo akkhāto? Netam, moghapurisa, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

291. “Yo pana bhikkhu otiṇṇo vipariṇatena cittena mātugāmassa santike attakāmapāricariyāya vaṇṇaṃ bhāseyya – ‘etadaggaṃ, bhagini, pāricariyānaṃ yā mādisaṃ sīlavantaṃ kalyāṇadhammaṃ brahmacāriṃ etena dhammena paricareyyāti methunupasaṃhitena’, saṅghādiseso”ti.

292. Yo panāti yo yādiso...pe... bhikkhūti...pe... ayam imasmiṃ atthe adhippeto bhikkhūti.

Otiṇṇo nāma sāratto apekkhavā paṭibaddhacitto.

Vipariṇatanti rattampi cittaṃ vipariṇattaṃ, duṭṭhampi cittaṃ vipariṇataṃ, mūḷhampi cittaṃ vipariṇataṃ. Apica, rattam cittaṃ imasmiṃ atthe adhippetam vipariṇatanti.

Mātugāmo nāma manussitthī, na yakkhī, na petī, na tiracchānagatā. Viññū paṭibalā subhāsitaḍubbhāsitaḃ duṭṭhallāduṭṭhullaḃ ājānitaḃ.

Mātugāmassa santiketi mātugāmassa sāmantaḃ, mātugāmassa avidūre.

Attakāmanti attano kāmaḃ attano hetuḃ attano adhippāyaḃ attano pāricariyaḃ.

Etadagganti etaḃ aggaḃ etaḃ seṭṭhaḃ etaḃ mokkhaḃ etaḃ uttamaḃ etaḃ pavaraḃ.

Yāti khattiyī [khattiyā (syā.)] vā brāhmaṇī vā vessī vā suddī vā.

Mādisanti khattiyaḃ vā brāhmaṇaḃ vā vessaḃ vā suddaḃ vā.

Sīlavantanti pāṇātipātā paṭivirataḃ, adinnādānā paṭivirataḃ, musāvādā paṭivirataḃ.

Brahmacārinti methunadhammā paṭivirataḃ.

Kalyāṇadhammo nāma tena ca sīlena tena ca brahmacariyena kalyāṇadhammo hoti.

Etena dhammenāti methunadhammena.

Paricareyyāti abhirameyya.

Methunupasaḃhitenāti methunadhammappaṭisaḃyuttaḃ.

Saṅghādisesoti...pe... tenapi vuccati saṅghādisesoti.

293. Itthī ca hoti itthisaṅṅī sāratto ca. Bhikkhu ca naḃ itthiyā santike attakāmapāricariyāya vaṇṇaḃ bhāsati, āpatti saṅghādisesassa.

Itthī ca hoti vematiko...pe... paṇḍakasaṅṅī... purisasaṅṅī... tiracchānagatasaṅṅī sāratto ca. Bhikkhu ca naḃ itthiyā santike attakāmapāricariyāya vaṇṇaḃ bhāsati, āpatti thullaccayassa.

Paṇḍako ca hoti paṇḍakasaṅṅī sāratto ca. Bhikkhu ca naḃ paṇḍakassa santike attakāmapāricariyāya vaṇṇaḃ bhāsati, āpatti thullaccayassa.

Paṇḍako ca hoti vematiko...pe... purisasaṅṅī... tiracchānagatasaṅṅī... itthisaṅṅī sāratto ca. Bhikkhu ca naḃ paṇḍakassa santike attakāmapāricariyāya vaṇṇaḃ bhāsati, āpatti dukkaṭassa.

Puriso ca hoti...pe... tiracchānagato ca hoti tiracchānagatasaṅṅī...pe... vematiko itthisaṅṅī... paṇḍakasaṅṅī... purisasaṅṅī sāratto ca. Bhikkhu ca naḃ tiracchānagatassa santike attakāmapāricariyāya vaṇṇaḃ bhāsati, āpatti dukkaṭassa.

Dve itthiyo dvinnaḃ itthīnaḃ itthisaṅṅī sāratto ca. Bhikkhu ca naḃ dvinnaḃ itthīnaḃ santike attakāmapāricariyāya vaṇṇaḃ bhāsati, āpatti dvinnaḃ saṅghādisesānaḃ...pe....

Itthī ca paṇḍako ca ubhinnaḃ itthisaṅṅī sāratto ca. Bhikkhu ca naḃ ubhinnaḃ santike attakāmapāricariyāya vaṇṇaḃ bhāsati, āpatti saṅghādisesena dukkaṭassa...pe....

294. Anāpatti “cīvarapiṇḍapātasenāsanagilānappaccayabhesajjaparikkhārena upaṭṭhahā”ti bhaṇati,

ummattakassa ādikammikassāti.

Vinītavatthuuddānagāthā

Kathaṃ vañjhā labhe puttāṃ, piyā ca subhagā siyaṃ;
Kiṃ dajjāṃ kenupaṭṭheyyāṃ, kathaṃ gaccheyyāṃ suggatiṃti.

Vinītavatthu

295. Tena kho pana samayena aññatarā vañjhā itthī kulūpakaṃ bhikkhuṃ etadavoca – ‘kathāhaṃ, bhante, vijāyeyya’nti? ‘Tena hi, bhagini, aggadānaṃ dehī’ti. ‘Kiṃ, bhante, aggadāna’nti? ‘Methunadhamma’nti. Tassa kukkucçaṃ ahoṣi...pe... ‘āpattiṃ tvāṃ, bhikkhu, āpanno saṅghādisesa’nti.

Tena kho pana samayena aññatarā vijāyini itthī kulūpakaṃ bhikkhuṃ etadavoca – ‘kathāhaṃ, bhante, puttāṃ labheyya’nti? ‘Tena hi, bhagini, aggadānaṃ dehī’ti. ‘Kiṃ, bhante, aggadāna’nti? ‘Methunadhamma’nti. Tassa kukkucçaṃ ahoṣi...pe... ‘āpattiṃ tvāṃ, bhikkhu, āpanno saṅghādisesa’nti.

Tena kho pana samayena aññatarā itthī kulūpakaṃ bhikkhuṃ etadavoca – ‘kathāhaṃ, bhante, sāmikassa piyā assa’nti? ‘Tena hi, bhagini, aggadānaṃ dehī’ti. ‘Kiṃ, bhante, aggadāna’nti? ‘Methunadhamma’nti. Tassa kukkucçaṃ ahoṣi...pe... ‘āpattiṃ tvāṃ, bhikkhu, āpanno saṅghādisesa’nti.

Tena kho pana samayena aññatarā itthī kulūpakaṃ bhikkhuṃ etadavoca – ‘kathāhaṃ, bhante, subhagā assa’nti? ‘Tena hi, bhagini, aggadānaṃ dehī’ti. ‘Kiṃ, bhante, aggadāna’nti? ‘Methunadhamma’nti. Tassa kukkucçaṃ ahoṣi...pe... ‘āpattiṃ tvāṃ, bhikkhu, āpanno saṅghādisesa’nti.

Tena kho pana samayena aññatarā itthī kulūpakaṃ bhikkhuṃ etadavoca – ‘kyāhaṃ, bhante, ayyassa dajjāmi’nti? ‘Aggadānaṃ, bhagini’nti. ‘Kiṃ, bhante, aggadāna’nti? ‘Methunadhamma’nti. Tassa kukkucçaṃ ahoṣi...pe... ‘āpattiṃ tvāṃ, bhikkhu, āpanno saṅghādisesa’nti.

Tena kho pana samayena aññatarā itthī kulūpakaṃ bhikkhuṃ etadavoca – ‘kenāhaṃ, bhante, ayyāṃ upaṭṭhemī’nti? ‘Aggadānena, bhagini’nti. ‘Kiṃ, bhante, aggadāna’nti? ‘Methunadhamma’nti. Tassa kukkucçaṃ ahoṣi...pe... ‘āpattiṃ tvāṃ, bhikkhu, āpanno saṅghādisesa’nti.

Tena kho pana samayena aññatarā itthī kulūpakaṃ bhikkhuṃ etadavoca – ‘kathāhaṃ,

Bhante, sugattiṃ gaccheyya’nti? ‘Tena hi, bhagini, aggadānaṃ dehī’nti. ‘Kiṃ, bhante, aggadāna’nti? ‘Methunadhamma’nti. Tassa kukkucçaṃ ahoṣi...pe... ‘āpattiṃ tvāṃ, bhikkhu, āpanno saṅghādisesa’nti.

Attakāmapāricariyasikkhāpadaṃ niṭṭhitaṃ catutthaṃ.

5. Sañcarittasikkhāpadaṃ

296. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena āyasmā udāyī sāvatthiyaṃ kulūpako hoti. Bahukāni kulāni upasaṅkamati. Yattha passati kumārakaṃ vā apajāpatikaṃ, kumārikaṃ vā apatikaṃ, kumārakassa mātāpitūnaṃ santike

kumārikāya vaṇṇaṃ bhaṇati – “amukassa kulassa kumārikā abhirūpā dassanīyā pāsādikā paṇḍitā byattā medhāvinī dakkhā analasā. Channā sā kumārikā imassa kumārakassā”ti. Te evaṃ vadanti – “ete kho, bhante, amhe na jānanti – ‘ke vā ime kassa vā’ti. Sace, bhante, ayyo dāpeyya āneyyāma mayaṃ taṃ kumārikaṃ imassa kumārakassā”ti. Kumārikāya mātāpitūnaṃ santike kumārakassa vaṇṇaṃ bhaṇati – “amukassa kulassa kumārako abhirūpo dassanīyo pāsādiko paṇḍito byatto medhāvī dakkho analaso. Channāyaṃ kumārikā tassa kumārakassā”ti [channo so kumārako imissā kumārikāyāti (syā.)]. Te evaṃ vadanti – “ete kho, bhante, amhe na jānanti – ‘ke vā ime kassa vā’ti, kismiṃ viya kumārikāya vattuṃ. Sace, bhante, ayyo yācāpeyya dajjeyyāma mayaṃ imaṃ kumārikaṃ tassa kumārakassā”ti. Eteneva upāyena āvāhānīpi kārāpeti, vivāhānīpi kārāpeti, vāreyyānīpi kārāpeti.

297. Tena kho pana samayena aññatarissā purāṇagaṇakiyā dhītā abhirūpā hoti dassanīyā pāsādikā. Tirogāmakā ājīvakasāvakā āgantvā taṃ gaṇakiṃ etadavocūṃ – “dehāyye, imaṃ kumārikaṃ amhākaṃ kumārakassā”ti. Sā evamāha – “ahaṃ khvayyo [khvayyā (syā.), khvāyyo (ka.)] tumhe na jānāmi – ‘ke vā ime kassa vā’ti. Ayañca me ekadhītikā, tirogāmo ca gantabbo, nāhaṃ dassāmī”ti. Manussā te ājīvakasāvake etadavocūṃ – “kissa tumhe, ayyo, āgatathā”ti? “Idha mayaṃ, ayyo, amukaṃ nāma gaṇakiṃ dhītaraṃ yācimhā amhākaṃ kumārakassa. Sā evamāha – ‘ahaṃ, khvayyo tumhe na jānāmi – ke vā ime kassa vā’ti. Ayañca me ekadhītikā, tirogāmo ca gantabbo, nāhaṃ dassāmī”ti. “Kissa tumhe, ayyo, taṃ gaṇakiṃ dhītaraṃ yācitha? Nanu ayyo udāyī vattabbo. Ayyo udāyī dāpessatī”ti.

Atha kho te ājīvakasāvakā yenāyasmā udāyī tenupasaṅkamiṃsu; upasaṅkamtivā āyasmantaṃ udāyīṃ etadavocūṃ – “idha mayaṃ, bhante, amukaṃ nāma gaṇakiṃ dhītaraṃ yācimhā amhākaṃ kumārakassa. Sā evamāha – ‘ahaṃ khvayyo tumhe na jānāmi – ke vā ime kassa vāti. Ayañca me ekadhītikā, tirogāmo ca gantabbo, nāhaṃ dassāmī”ti. Sādhu, bhante, ayyo taṃ gaṇakiṃ dhītaraṃ dāpetu amhākaṃ kumārakassā”ti. Atha kho āyasmā udāyī yena sā gaṇakī tenupasaṅkami; upasaṅkamtivā taṃ gaṇakiṃ etadavoca – “kissimesaṃ dhītaraṃ na desī”ti? “Ahaṃ khvayya, ime na jānāmi – ‘ke vā ime kassa vā’ti. Ayañca me ekadhītikā, tirogāmo ca gantabbo, nāhaṃ dassāmī”ti. “Dehimesaṃ. Ahaṃ ime jānāmi”ti. “Sace, bhante, ayyo jānāti, dassāmī”ti. Atha kho sā gaṇakī tesam ājīvakasāvakanāṃ dhītaraṃ adāsi. Atha kho te ājīvakasāvakā taṃ kumārikaṃ netvā māsaṃyeva suṇisabhogena bhuñjiṃsu. Tato aparena dāsibhogena bhuñjanti.

Atha kho sā kumārikā mātuyā santike dūtaṃ pāhesi – “ahamhi duggatā dukkhitā, na sukhaṃ labhāmi. Māsaṃyeva maṃ suṇisabhogena bhuñjiṃsu. Tato aparena dāsibhogena bhuñjanti. Āgacchatu me mātā, maṃ nessatū”ti. Atha kho sā gaṇakī yena te ājīvakasāvakā tenupasaṅkami; upasaṅkamtivā te ājīvakasāvake etadavoca – “māyyo, imaṃ kumārikaṃ dāsibhogena bhuñjittha. Suṇisabhogena imaṃ kumārikaṃ bhuñjathā”ti. Te evamāhaṃsu – “natthamhākaṃ tayā saddhiṃ āhārūpahāro, samaṇena saddhiṃ amhākaṃ āhārūpahāro. Gaccha tvam. Na mayaṃ taṃ jānāmā”ti. Atha kho sā gaṇakī tehi ājīvakasāvakehi apasādītā punadeva sāvattiṃ paccāgañchi. Dutiyampi kho sā kumārikā mātuyā santike dūtaṃ pāhesi – “ahamhi duggatā dukkhitā, na sukhaṃ labhāmi. Māsaṃyeva maṃ suṇisabhogena bhuñjiṃsu. Tato aparena dāsibhogena bhuñjanti. Āgacchatu me mātā, maṃ nessatū”ti. Atha kho sā gaṇakī yenāyasmā udāyī tenupasaṅkami; upasaṅkamtivā āyasmantaṃ udāyīṃ etadavoca – “sā kira, bhante, kumārikā duggatā dukkhitā, na sukhaṃ labhati. Māsaṃyeva naṃ suṇisabhogena bhuñjiṃsu. Tato aparena dāsibhogena bhuñjanti. Vadeyyātha, bhante – ‘māyyo, imaṃ kumārikaṃ dāsibhogena bhuñjittha. Suṇisabhogena imaṃ kumārikaṃ bhuñjithā”ti.

Atha kho āyasmā udāyī yena te ājīvakasāvakā tenupasaṅkami; upasaṅkamtivā te ājīvakasāvake etadavoca – “māyyo, imaṃ kumārikaṃ dāsibhogena bhuñjittha. Suṇisabhogena imaṃ kumārikaṃ bhuñjathā”ti. Te evamāhaṃsu – “natthamhākaṃ tayā saddhiṃ āhārūpahāro, gaṇakiyā saddhiṃ amhākaṃ āhārūpahāro. Samaṇena bhavitabbaṃ abyāvaṭena. Samaṇo assa susamaṇo, gaccha tvam, na mayaṃ taṃ jānāmā”ti. Atha kho āyasmā udāyī tehi ājīvakasāvakehi apasādito punadeva sāvattiṃ paccāgañchi. Tatiyampi kho sā kumārikā mātuyā santike dūtaṃ pāhesi – “ahamhi duggatā dukkhitā, na sukhaṃ labhāmi. Māsaṃyeva maṃ suṇisabhogena bhuñjiṃsu. Tato aparena dāsibhogena bhuñjanti.

Āgacchatu me mātā, maṃ nesaṭṭū”ti. Dutiyampi kho sā gaṇakī yenāyasmā udāyī tenupasaṅkami; upasaṅkamitvā āyasmantaṃ udāyīṃ etadavoca – “sā kira, bhante, kumārikā duggatā dukkhitā, na sukhaṃ labhati. Māsaṃyeva naṃ suṇisabhogena bhuñjimsu. Tato aparena dāsibhogena bhuñjanti. Vadeyyātha, bhante – ‘māyyo, imaṃ kumārikaṃ dāsibhogena bhuñjittha, suṇisabhogena imaṃ kumārikaṃ bhuñjathā”’ti. “Paṭhamapaṃhāṃ tehi ājīvakaśāvakehi apasādito. Gaccha tvaṃ. Nāhaṃ gamissāmi”ti.

298. Atha kho sā gaṇakī ujjhāyati khiyyati vipāceti – “evaṃ duggato hotu ayyo udāyī, evaṃ dukkhito hotu ayyo udāyī, evaṃ mā sukhaṃ labhatu ayyo udāyī, yathā me kumārikā duggatā dukkhitā na sukhaṃ labhati pāpikāya sassuyā pāpakena sasurena pāpakena sāmikenā”ti. Sāpi kho kumārikā ujjhāyati khiyyati vipāceti – “evaṃ duggato hotu ayyo udāyī, evaṃ dukkhito hotu ayyo udāyī, evaṃ mā sukhaṃ labhatu ayyo udāyī, yathāhaṃ duggatā dukkhitā na sukhaṃ labhāmi pāpikāya sassuyā pāpakena sasurena pāpakena sāmikenā”ti. Aññāpi itthiyo asantuṭṭhā sassūhi vā sasurehi vā sāmikehi vā, tā evaṃ oyācanti – “evaṃ duggato hotu ayyo udāyī, evaṃ dukkhito hotu ayyo udāyī, evaṃ mā sukhaṃ labhatu ayyo udāyī, yathā mayā duggatā dukkhitā na sukhaṃ labhāma pāpikāhi sassūhi pāpakehi sasurehi pāpakehi sāmikehi”ti. Yā pana tā itthiyo santuṭṭhā sassūhi vā sasurehi vā sāmikehi vā tā evaṃ āyācanti – “evaṃ sukhito hotu ayyo udāyī, evaṃ sajjito hotu ayyo udāyī, evaṃ sukhamedho [sukhamedhito (sī. ka.)] hotu ayyo udāyī, yathā mayā sukhitā sajjitā sukhamedhā bhaddikāhi sassūhi bhaddakehi sasurehi bhaddakehi sāmikehi”ti.

Assosum kho bhikkhū ekaccānaṃ itthīnaṃ oyācantīnaṃ ekaccānaṃ itthīnaṃ āyācantīnaṃ. Ye te bhikkhū appicchā...pe... te ujjhāyanti khiyyanti vipācanti – “kathañhi nāma āyasmā udāyī sañcarittaṃ samāpajjissatī”ti! Atha kho te bhikkhū āyasmantaṃ udāyīṃ anekapariyāyena vīgarahitvā bhagavato etamatthaṃ ārocesum. Atha kho bhagavā etasmiṃ nidāne etasmiṃ pakaraṇe bhikkhusaṅghaṃ sannipātāpetvā āyasmantaṃ udāyīṃ paṭipucchi – “saccaṃ kira tvaṃ, udāyī, sañcarittaṃ samāpajjasī”ti? “Saccaṃ, bhagavā”ti. Vīgarahi buddho bhagavā...pe... kathañhi nāma tvaṃ, moghapurisa, sañcarittaṃ samāpajjasi! Netāṃ, moghapurisa, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

299. “Yo pana bhikkhu sañcarittaṃ samāpajjeyya, itthiyā vā purisamatīṃ purisassa vā itthimatīṃ, jāyattane vā jārattane vā, saṅghādiseso”ti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

300. Tena kho pana samayena sambahulā dhuttā uyyāne paricārentā aññatarissā vesiyā santike dūtaṃ pāhesum – “āgacchatu uyyāne, paricāressāmā”ti. Sā evamāha – “ahaṃ khvayyo tumhe na jānāmi – ‘ke vā ime kassa vā’ti. Ahañcamhi bahubhaṇḍā bahuparikkhārā, bahinagarañca gantabbaṃ. Nāhaṃ gamissāmi”ti. Atha kho so dūto tesāṃ dhuttānaṃ etamatthaṃ ārocesi. Evaṃ vutte, aññataro puriso te dhutte etadavoca – “kissa tumhe ayyo etaṃ vesīṃ yācitha? Nanu ayyo udāyī vattabbo! Ayyo udāyī uyyojessatī”ti. Evaṃ vutte, aññataro upāsako taṃ purisaṃ etadavoca – “māyyo evaṃ avaca. Na kappati samañānaṃ sakyaputtīyānaṃ evarūpaṃ kātuṃ. Nāyyo udāyī evaṃ karissatī”ti. Evaṃ vutte, “karissatī na karissatī”ti abbhutamakaṃsu. Atha kho te dhuttā yenāyasmā udāyī tenupasaṅkamimsu; upasaṅkamitvā āyasmantaṃ udāyīṃ etadavocum – “idha mayā, bhante, uyyāne paricārentā asukāya nāma vesiyā santike dūtaṃ paññimhā – ‘āgacchatu uyyāne, paricāressāmā’ti. Sā evamāha – ‘ahaṃ khvayyo tumhe na jānāmi – ke vā ime kassa vāti, ahañcamhi bahubhaṇḍā bahuparikkhārā, bahinagarañca gantabbaṃ. Nāhaṃ gamissāmi”ti. Sādhu, bhante, ayyo taṃ vasīṃ uyyojetū”ti.

Atha kho āyasmā udāyī yena sā vesī tenupasaṅkami; upasaṅkamitvā taṃ vesīṃ etadavoca – “kissimesaṃ na gacchasi”ti? “Ahaṃ khvayya ime na jānāmi – ‘ke vā ime kassa vā’ti. Ahañcamhi bahubhaṇḍā bahuparikkhārā, bahinagarañca gantabbaṃ. Nāhaṃ gamissāmi”ti. “Gacchimesaṃ. Ahaṃ ime jānāmi”ti. “Sace, bhante, ayyo jānāti ahaṃ gamissāmi”ti. Atha kho te dhuttā taṃ vesīṃ ādāya

uyyānaṃ agamaṃsu. Atha kho so upāsako ujjhāyati khiyyati vipāceti – “kathañhi nāma ayyo udāyī tañkhaṇikaṃ sañcarittaṃ samāpajjissatī”ti. Assosum kho bhikkhū tassa upāsakassa ujjhāyantassa khiyyantassa vipācentassa. Ye te bhikkhū appicchā...pe... te ujjhāyanti khiyyanti vipācenti – “kathañhi nāma āyasmā udāyī tañkhaṇikaṃ sañcarittaṃ samāpajjissatī”ti! Atha kho te bhikkhū āyasmantaṃ udāyīṃ anekapariyāyena vīgarahitvā bhagavato etamatthaṃ ārocesum...pe... “saccaṃ kira tvaṃ, udāyī, tañkhaṇikaṃ sañcarittaṃ samāpajjasī”ti? “Saccaṃ, bhagavā”ti. Vīgarahi buddho bhagavā...pe... “kathañhi nāma tvaṃ, moghapurisa, tañkhaṇikaṃ sañcarittaṃ samāpajjissasi? Netam, moghapurisa, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

301. “Yo pana bhikkhu sañcarittaṃ samāpajjeyya, itthiyā vā purisamatīṃ purisassa vā itthimatīṃ, jāyattane vā jārattane vā, antamaso tañkhaṇikāyapi, saṅghādiseso”ti.

302. Yo panāti yo yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Sañcarittaṃ samāpajjeyyāti itthiyā vā pahito purisassa santike gacchati, purisena vā pahito itthiyā santike gacchati.

Itthiyā vā purisamatīnti purisassa matīṃ itthiyā āroceti.

Purisassa vā itthimatīnti itthiyā matīṃ purisassa āroceti.

Jāyattane vāti jāyā bhavissasi.

Jārattane vāti jārī bhavissasi.

Antamaso tañkhaṇikāyapīti muhuttikā bhavissasi.

Saṅghādisesoti...pe... tenapi vuccati saṅghādisesoti.

303. Dasa itthiyo – māturakkhitā piturakkhitā mātāpiturakkhitā bhāturakkhitā bhaginirakkhitā ñātirakkhitā gottarakkhita dhammarakkhitā sārakkhā sapaṇḍā.

Dasa bhariyāyo – dhanakkītā chandavāsini bhogavāsini paṭavāsini odapattakinī obhaṭacumbaṭā dāsī ca bhariyā ca kammakārī ca bhariyā ca dhajāhaṭā muhuttikā.

304. Māturakkhitā nāma mātā rakkhati gopeti issariyaṃ kāreti vasaṃ vatteti.

Piturakkhitā nāma pitā rakkhati gopeti issariyaṃ kāreti vasaṃ vatteti.

Mātāpiturakkhitā nāma mātāpitāro rakkhanti gopenti issariyaṃ kārenti vasaṃ vattenti.

Bhāturakkhitā nāma bhātā rakkhati gopeti issariyaṃ kāreti vasaṃ vatteti.

Bhaginirakkhitā nāma bhagini rakkhati gopeti issariyaṃ kāreti vasaṃ vatteti.

Ñātirakkhitā nāma ñātakā rakkhanti gopenti issariyaṃ kārenti vasaṃ vattenti.

Gottarakkhita nāma sagottā rakkhanti gopenti issariyaṃ kārenti vasaṃ vattenti.

Dhammarakkhitā nāma sahadhammikā rakkhanti gopenti issariyaṃ kārenti vasaṃ vattenti.

Sāraṅkhā nāma gabbhepi pariggahitā hoti – mayhaṃ esāti. Antamaso mālāguḷaparikkhittāpi.

Saparidaṇḍā nāma kehici daṇḍo ṭhapito hoti – yo itthannāmaṃ itthiṃ gacchati ettako daṇḍoti.

Dhanakkītā nāma dhanena kiṇitvā vāseti.

Chandavāsini nāma piyo piyaṃ vāseti.

Bhogavāsini nāma bhogaṃ datvā vāseti.

Paṭavāsini nāma paṭaṃ datvā vāseti.

Odapattakinī nāma udakapattaṃ āmasitvā vāseti.

Obhaṭacumbaṭā nāma cumbaṭaṃ oropetvā vāseti.

Dāsī nāma dāsī ceva hoti bhariyā ca.

Kammakārī nāma kammakārī ceva hoti bhariyā ca.

Dhajāhaṭā nāma karamarānītā vuccati.

Muhuttikā nāma taṅkhaṇikā vuccati.

305. Puriso bhikkhuṃ paṇiṇati – “gaccha, bhante, itthannāmaṃ māturakkhitaṃ brūhi – ‘hohi kira itthannāmassa bhariyā dhanakkītā’”ti. Paṭiggaṇhāti vīmaṃsati paccāharati, āpatti saṅghādisesassa.

Puriso bhikkhuṃ paṇiṇati – “gaccha, bhante, itthannāmaṃ piturakkhitaṃ brūhi...pe... māṭāpiturakkhitaṃ brūhi... bhāturakkhitaṃ brūhi... bhaginirakkhitaṃ brūhi... ñātirakkhitaṃ brūhi... gottarakkhitaṃ brūhi... dhammarakkhitaṃ brūhi... sārakkhaṃ brūhi... saparidaṇḍaṃ brūhi – ‘hohi kira itthannāmassa bhariyā dhanakkītā’”ti. Paṭiggaṇhāti vīmaṃsati paccāharati, āpatti saṅghādisesassa.

Nikkhepapadāni.

306. Puriso bhikkhuṃ paṇiṇati – “gaccha, bhante, itthannāmaṃ māturakkhitaṅca piturakkhitaṅca brūhi – ‘hotha kira itthannāmassa bhariyāyo dhanakkītā’”ti. Paṭiggaṇhāti vīmaṃsati paccāharati, āpatti saṅghādisesassa.

Puriso bhikkhuṃ paṇiṇati – “gaccha, bhante, itthannāmaṃ māturakkhitaṅca māṭāpituraakhataṅca... pe...

Māturakkhitaṅca bhāturakkhitaṅca... māturakkhitaṅca bhaginirakkhitaṅca... māturakkhitaṅca ñātirakkhitaṅca... māturakkhitaṅca gottarakkhitaṅca... māturakkhitaṅca dhammarakkhitaṅca... māturakkhitaṅca sārakkhaṅca... māturakkhitaṅca saparidaṇḍaṅca brūhi – ‘hotha kira itthannāmassa bhariyāyo dhanakkītā’”ti. Paṭiggaṇhāti vīmaṃsati paccāharati, āpatti saṅghādisesassa.

Khaṇḍacakkaṃ.

307. Puriso bhikkhuṃ paṇiṇati – “gaccha, bhante, itthannāmaṃ piturakkhitaṅca māṭāpiturakkhitaṅca brūhi – ‘hotha kira itthannāmassa bhariyāyo dhanakkītā’”ti. Paṭiggaṇhāti

vīmaṃsati paccāharati, āpatti saṅghādisesassa.

Puriso bhikkhuṃ paṇḍitaṃ – “gaccha, bhante, itthannāmaṃ piturakkhitaṃ bhāturakkhitaṃ... pe... piturakkhitaṃ bhaginirakkhitaṃ... piturakkhitaṃ ñātirakkhitaṃ... piturakkhitaṃ gottarakkhitaṃ... piturakkhitaṃ dhammarakkhitaṃ... piturakkhitaṃ sārakkhaṃ... piturakkhitaṃ sapaṇḍitaṃ brūhi – ‘hotha kira itthannāmassa bhariyāyo dhanakkīṭā’”ti. Paṭiggaṇhāti vīmaṃsati paccāharati, āpatti saṅghādisesassa.

Puriso bhikkhuṃ paṇḍitaṃ – “gaccha, bhante, itthannāmaṃ piturakkhitaṃ māturakkhitaṃ brūhi – ‘hotha kira itthannāmassa bhariyāyo dhanakkīṭā’”ti. Paṭiggaṇhāti vīmaṃsati paccāharati, āpatti saṅghādisesassa.

Baddhacakkaṃ mūlaṃ saṃkhittaṃ.

308. Puriso bhikkhuṃ paṇḍitaṃ – “gaccha, bhante, itthannāmaṃ sapaṇḍitaṃ māturakkhitaṃ brūhi – ‘hotha kira itthannāmassa bhariyāyo dhanakkīṭā’”ti. Paṭiggaṇhāti vīmaṃsati paccāharati, āpatti saṅghādisesassa.

Puriso bhikkhuṃ paṇḍitaṃ – “gaccha, bhante, itthannāmaṃ sapaṇḍitaṃ piturakkhitaṃ...pe...

Sapaṇḍitaṃ mātipiturakkhitaṃ... sapaṇḍitaṃ bhāturakkhitaṃ... sapaṇḍitaṃ bhaginirakkhitaṃ... sapaṇḍitaṃ ñātirakkhitaṃ... sapaṇḍitaṃ gottarakkhitaṃ... sapaṇḍitaṃ dhammarakkhitaṃ... sapaṇḍitaṃ sārakkhaṃ brūhi – ‘hotha kira itthannāmassa bhariyāyo dhanakkīṭā’”ti. Paṭiggaṇhāti vīmaṃsati paccāharati, āpatti saṅghādisesassa.

Ekamūlakaṃ niṭṭhitaṃ.

Evam dumūlakampi timūlakampi yāva navamūlakaṃ kātabbamaṃ.

Idaṃ dasamūlakaṃ

309. Puriso bhikkhuṃ paṇḍitaṃ – “gaccha, bhante, itthannāmaṃ māturakkhitaṃ piturakkhitaṃ mātipiturakkhitaṃ bhāturakkhitaṃ bhaginirakkhitaṃ ñātirakkhitaṃ gottarakkhitaṃ dhammarakkhitaṃ sārakkhaṃ sapaṇḍitaṃ brūhi – ‘hotha kira itthannāmassa bhariyāyo dhanakkīṭā’”ti. Paṭiggaṇhāti vīmaṃsati paccāharati, āpatti saṅghādisesassa.

Dhanakkīṭācakkamaṃ niṭṭhitaṃ.

310. Puriso bhikkhuṃ paṇḍitaṃ – “gaccha, bhante, itthannāmaṃ māturakkhitaṃ brūhi – ‘hothi kira itthannāmassa bhariyā chandavāsini...pe... bhogavāsini... paṭavāsini... odapattakinī... obhaṭacumbaṭā... dāsī ca bhariyā ca... kammakārī ca bhariyā ca... dhajāhaṭā... muhuttikā’”ti. Paṭiggaṇhāti vīmaṃsati paccāharati, āpatti saṅghādisesassa.

Puriso bhikkhuṃ paṇḍitaṃ – “gaccha, bhante, itthannāmaṃ piturakkhitaṃ brūhi...pe... mātipiturakkhitaṃ brūhi... bhāturakkhitaṃ brūhi... bhaginirakkhitaṃ brūhi... ñātirakkhitaṃ brūhi... gottarakkhitaṃ brūhi... dhammarakkhitaṃ brūhi... sārakkhaṃ brūhi... sapaṇḍitaṃ brūhi – ‘hothi kira itthannāmassa bhariyā muhuttikā’”ti. Paṭiggaṇhāti vīmaṃsati paccāharati, āpatti saṅghādisesassa.

Nikkhepapadāni.

311. Puriso bhikkhuṃ paṇiṇati – “gaccha, bhante, itthannāmaṃ māturakkhitaṇca piturakkhitaṇca brūhi – ‘hotha kira itthannāmassa bhariyāyo muhuttikā’”ti. Paṭiggaṇhāti vīmaṃsati paccāharati, āpatti saṅghādisesassa.

Puriso bhikkhuṃ paṇiṇati – “gaccha, bhante, itthannāmaṃ māturakkhitaṇca mātāpiturakkhitaṇca... pe... māturakkhitaṇca sapaṇḍaṇca brūhi – ‘hotha kira itthannāmassa bhariyāyo muhuttikā’”ti. Paṭiggaṇhāti vīmaṃsati paccāharati, āpatti saṅghādisesassa.

Khaṇḍacakkaṃ.

312. Puriso bhikkhuṃ paṇiṇati – “gaccha, bhante, itthannāmaṃ piturakkhitaṇca mātāpiturakkhitaṇca brūhi – ‘hotha kira itthannāmassa bhariyāyo muhuttikā’”ti. Paṭiggaṇhāti vīmaṃsati paccāharati, āpatti saṅghādisesassa.

Puriso bhikkhuṃ paṇiṇati – “gaccha, bhante, itthannāmaṃ piturakkhitaṇca bhāturakkhitaṇca... pe... piturakkhitaṇca sapaṇḍaṇca brūhi – ‘hotha kira itthannāmassa bhariyāyo muhuttikā’”ti. Paṭiggaṇhāti vīmaṃsati paccāharati, āpatti saṅghādisesassa.

Puriso bhikkhuṃ paṇiṇati – “gaccha, bhante, itthannāmaṃ piturakkhitaṇca māturakkhitaṇca brūhi – ‘hotha kira itthannāmassa bhariyāyo muhuttikā’”ti. Paṭiggaṇhāti vīmaṃsati paccāharati, āpatti saṅghādisesassa.

Baddhacakkaṃ mūlaṃ saṃkhittaṃ.

313. Puriso bhikkhuṃ paṇiṇati – “gaccha, bhante, itthannāmaṃ sapaṇḍaṇca māturakkhitaṇca brūhi – ‘hotha kira itthannāmassa bhariyāyo muhuttikā’”ti. Paṭiggaṇhāti vīmaṃsati paccāharati, āpatti saṅghādisesassa.

Puriso bhikkhuṃ paṇiṇati – “gaccha, bhante, itthannāmaṃ sapaṇḍaṇca piturakkhitaṇca... pe... sapaṇḍaṇca sārakkhaṇca brūhi – ‘hotha kira itthannāmassa bhariyāyo muhuttikā’”ti. Paṭiggaṇhāti vīmaṃsati paccāharati, āpatti saṅghādisesassa.

Ekamūlakaṃ niṭṭhitaṃ.

Dumūlakādīnipi evameva kātabbāni.

Idaṃ dasamūlakaṃ

314. Puriso bhikkhuṃ paṇiṇati – “gaccha, bhante, itthannāmaṃ māturakkhitaṇca piturakkhitaṇca mātāpiturakkhitaṇca bhāturakkhitaṇca bhaginirakkhitaṇca nātirakkhitaṇca gottarakkhitaṇca dhammarakkhitaṇca sārakkhaṇca sapaṇḍaṇca brūhi – ‘hotha kira itthannāmassa bhariyāyo muhuttikā’”ti. Paṭiggaṇhāti vīmaṃsati paccāharati, āpatti saṅghādisesassa.

Muhuttikācakkaṃ niṭṭhitaṃ.

315. Puriso bhikkhuṃ paṇiṇati – “gaccha, bhante, itthannāmaṃ māturakkhitaṃ brūhi – ‘hohi kira itthannāmassa bhariyā dhanakkīṭā’”ti. Paṭiggaṇhāti vīmaṃsati paccāharati, āpatti saṅghādisesassa.

Puriso bhikkhuṃ paṇiṇati – “gaccha, bhante, itthannāmaṃ māturakkhitaṃ brūhi – ‘hohi kira itthannāmassa bhariyā chandavāsīnī... pe... bhogavāsīnī... paṭavāsīnī... odapattakinī...’

obhaṭacumbaṭā... dāsī ca bhariyā ca... kammakārī ca bhariyā ca... dhajāhaṭā... muhuttikā’’ti. Paṭiggaṇhāti vīmaṃsati paccāharati, āpatti saṅghādisesassa.

Nikkhepapadāni.

316. Puriso bhikkhuṃ paṇiṇati – ‘‘gaccha, bhante, itthannāmaṃ māturakkhitaṃ brūhi – ‘hohi kira itthannāmassa bhariyā dhanakkītā ca chandavāsini cā’’ti. Paṭiggaṇhāti vīmaṃsati paccāharati, āpatti saṅghādisesassa.

Puriso bhikkhuṃ paṇiṇati – ‘‘gaccha, bhante, itthannāmaṃ māturakkhitaṃ brūhi – ‘hohi kira itthannāmassa bhariyā dhanakkītā ca bhogavāsini ca...pe... dhanakkītā ca paṭavāsini ca... dhanakkītā ca odapattakinī ca... dhanakkītā ca obhaṭacumbaṭā ca... dhanakkītā ca dāsī ca bhariyā ca... dhanakkītā ca kammakārī ca bhariyā ca... dhanakkītā ca dhajāhaṭā ca... dhanakkītā ca muhuttikā cā’’ti. Paṭiggaṇhāti vīmaṃsati paccāharati, āpatti saṅghādisesassa.

Khaṇḍacakkaṃ.

317. Puriso bhikkhuṃ paṇiṇati – ‘‘gaccha, bhante, itthannāmaṃ māturakkhitaṃ brūhi – ‘hohi kira itthannāmassa bhariyā chandavāsini ca bhogavāsini ca...pe... chandavāsini ca muhuttikā ca... chandavāsini ca dhanakkītā cā’’ti. Paṭiggaṇhāti vīmaṃsati paccāharati, āpatti saṅghādisesassa.

Baddhacakkaṃ mūlaṃ saṃkhittaṃ.

318. Puriso bhikkhuṃ paṇiṇati – ‘‘gaccha, bhante, itthannāmaṃ māturakkhitaṃ brūhi – ‘hohi kira itthannāmassa bhariyā muhuttikā ca dhanakkītā ca...pe... muhuttikā ca chandavāsini ca...pe... muhuttikā ca dhajāhaṭā cā’’ti. Paṭiggaṇhāti vīmaṃsati paccāharati, āpatti saṅghādisesassa.

Ekamūlakaṃ niṭṭhitaṃ.

Dumūlakādīnipi evameva kātabbāni.

Idaṃ dasamūlakaṃ

319. Puriso bhikkhuṃ paṇiṇati – ‘‘gaccha, bhante, itthannāmaṃ māturakkhitaṃ brūhi – ‘hohi kira itthannāmassa bhariyā dhanakkītā ca chandavāsini ca bhogavāsini ca paṭavāsini ca odapattakinī ca obhaṭacumbaṭā ca dāsī ca bhariyā ca kammakārī ca bhariyā ca dhajāhaṭā ca muhuttikā cā’’ti. Paṭiggaṇhāti vīmaṃsati paccāharati, āpatti saṅghādisesassa.

Māturakkhitācakkaṃ niṭṭhitaṃ.

Puriso bhikkhuṃ paṇiṇati – ‘‘gaccha, bhante, itthannāmaṃ piturakkhitaṃ...pe... mātāpiturakkhitaṃ... bhāturakkhitaṃ... bhaginirakkhitaṃ ... ñātirakkhitaṃ... gottarakkhitaṃ... dhammarakkhitaṃ ... sārakkhaṃ... saporidaṇḍaṃ brūhi – ‘hohi kira itthannāmassa bhariyā dhanakkītā’’ti. Paṭiggaṇhāti vīmaṃsati paccāharati, āpatti saṅghādisesassa.

Puriso bhikkhuṃ paṇiṇati – ‘‘gaccha, bhante, itthannāmaṃ saporidaṇḍaṃ brūhi – ‘hohi kira itthannāmassa bhariyā chandavāsini...pe... bhogavāsini, paṭavāsini, odapattakinī, obhaṭacumbaṭā, dāsī ca bhariyā ca, kammakārī ca bhariyā ca, dhajāhaṭā, muhuttikā’’ti. Paṭiggaṇhāti vīmaṃsati paccāharati, āpatti saṅghādisesassa.

Nikkhepapadāni.

320. Puriso bhikkhuṃ paṇiṇati – “gaccha, bhante, itthannāmaṃ sapaṇḍaṇḍaṃ brūhi – ‘hohi kira itthannāmassa bhariyā dhanakkītā ca chandavāsini cā’”ti. Paṭiggaṇhāti vīmaṃsati paccāharati, āpatti saṅghādisesassa.

Puriso bhikkhuṃ paṇiṇati – “gaccha, bhante, itthannāmaṃ sapaṇḍaṇḍaṃ brūhi – ‘hohi kira itthannāmassa bhariyā dhanakkītā ca bhogavāsini ca...pe... dhanakkītā ca muhuttikā cā’”ti. Paṭiggaṇhāti vīmaṃsati paccāharati, āpatti saṅghādisesassa.

Khaṇḍacakkaṃ.

Puriso bhikkhuṃ paṇiṇati – “gaccha, bhante, itthannāmaṃ sapaṇḍaṇḍaṃ brūhi – ‘hohi kira itthannāmassa bhariyā chandavāsini ca bhogavāsini ca...pe... chandavāsini ca muhuttikā ca, chandavāsini ca dhanakkītā cā’”ti. Paṭiggaṇhāti vīmaṃsati paccāharati, āpatti saṅghādisesassa.

Baddhacakkaṃ mūlaṃ saṃkhittaṃ.

Puriso bhikkhuṃ paṇiṇati – “gaccha, bhante, itthannāmaṃ sapaṇḍaṇḍaṃ brūhi – ‘hohi kira itthannāmassa bhariyā muhuttikā ca dhanakkītā ca...pe... muhuttikā ca chandavāsini ca, muhuttikā ca dhajāhaṭā cā’”ti. Paṭiggaṇhāti vīmaṃsati paccāharati, āpatti saṅghādisesassa.

Ekamūlakaṃ niṭṭhitaṃ.

Dumūlakampi timūlakampi yāva navamūlakaṃ evameva kātappaṃ.

Idaṃ dasamūlakaṃ.

321. Puriso bhikkhuṃ paṇiṇati – “gaccha, bhante, itthannāmaṃ sapaṇḍaṇḍaṃ brūhi – ‘hohi kira itthannāmassa bhariyā dhanakkītā ca chandavāsini ca bhogavāsini ca paṭavāsini ca odapattakinī ca obhaṭacumbaṭā ca dāsī ca bhariyā ca kammakārī ca bhariyā ca dhajāhaṭā ca muhuttikā cā’”ti. Paṭiggaṇhāti vīmaṃsati paccāharati, āpatti saṅghādisesassa.

Sapaṇḍaṇḍacakkaṃ niṭṭhitaṃ.

Puriso bhikkhuṃ paṇiṇati – “gaccha, bhante, itthannāmaṃ māturakkhitaṃ brūhi – ‘hohi kira itthannāmassa bhariyā dhanakkītā’”ti. Paṭiggaṇhāti vīmaṃsati paccāharati, āpatti saṅghādisesassa.

Puriso bhikkhuṃ paṇiṇati – “gaccha, bhante, itthannāmaṃ māturakkhitaṃca piturakkhitaṃca brūhi – ‘hotha kira itthannāmassa bhariyāyo dhanakkītā ca chandavāsini cā’”ti. Paṭiggaṇhāti vīmaṃsati paccāharati, āpatti saṅghādisesassa.

Puriso bhikkhuṃ paṇiṇati – “gaccha, bhante, itthannāmaṃ māturakkhitaṃca piturakkhitaṃca māṭāpiturakkhitaṃca brūhi – ‘hotha kira itthannāmassa bhariyāyo dhanakkītā ca chandavāsini ca bhogavāsini cā’”ti. Paṭiggaṇhāti vīmaṃsati paccāharati, āpatti saṅghādisesassa.

Evam ubhatovaḍḍhakaṃ kātappaṃ.

Puriso bhikkhuṃ paṇiṇati – “gaccha, bhante, itthannāmaṃ māturakkhitaṃca piturakkhitaṃca māṭāpiturakkhitaṃca bhāturakkhitaṃca bhaginirakkhitaṃca ṇātirakkhitaṃca gottarakkhitaṃca

dhammarakkhitañca sārakkhañca saporidaṇḍañca brūhi – ‘hotha kira itthannāmassa bhariyāyo dhanakkītā ca chandavāsini ca bhogavāsini ca paṭavāsini ca odapattakinī ca obhaṭacumbaṭā ca dāsī ca bhariyā ca kammakārī ca bhariyā ca dhajāhaṭā ca muhuttikā cā’’ti. Paṭiggaṇhāti vīmaṃsati paccāharati, āpatti saṅghādisesassa.

Ubhatovaḍḍhakaṃ niṭṭhitam.

Purisassa mātā bhikkhuṃ paṇiṇati...pe... purisassa pitā bhikkhuṃ paṇiṇati...pe... purisassa mātāpitāro bhikkhuṃ paṇiṇanti...pe... purisassa bhātā bhikkhuṃ paṇiṇati...pe... purisassa bhagini bhikkhuṃ paṇiṇati...pe... purisassa ñātakā bhikkhuṃ paṇiṇanti...pe... purisassa gottā bhikkhuṃ paṇiṇanti...pe... purisassa sahadhammikā bhikkhuṃ paṇiṇanti...pe....

Purisassa peyyālo vitthāretabbo.

Ubhatovaḍḍhakaṃ yathā purimanayo tatheva vitthāretabbaṃ.

322. Māturakkhitāya mātā bhikkhuṃ paṇiṇati – ‘‘gaccha, bhante, itthannāmaṃ brūhi – ‘hotu itthannāmassa bhariyā dhanakkītā’’ti. Paṭiggaṇhāti vīmaṃsati paccāharati, āpatti saṅghādisesassa.

Māturakkhitāya mātā bhikkhuṃ paṇiṇati – ‘‘gaccha, bhante, itthannāmaṃ brūhi – ‘hotu itthannāmassa bhariyā chandavāsini...pe... bhogavāsini, paṭavāsini, odapattakinī, obhaṭacumbaṭā, dāsī ca bhariyā ca, kammakārī ca bhariyā ca, dhajāhaṭā, muhuttikā’’ti. Paṭiggaṇhāti vīmaṃsati paccāharati, āpatti saṅghādisesassa.

Nikkhepapadāni.

323. Māturakkhitāya mātā bhikkhuṃ paṇiṇati – ‘‘gaccha, bhante, itthannāmaṃ brūhi – ‘hotu itthannāmassa bhariyā dhanakkītā ca chandavāsini ca...pe... dhanakkītā ca bhogavāsini ca, dhanakkītā ca muhuttikā cā’’ti. Paṭiggaṇhāti vīmaṃsati paccāharati, āpatti saṅghādisesassa.

Khaṇḍacakkaṃ.

324. Māturakkhitāya mātā bhikkhuṃ paṇiṇati – ‘‘gaccha, bhante, itthannāmaṃ brūhi – ‘hotu itthannāmassa bhariyā chandavāsini ca bhogavāsini ca...pe... chandavāsini ca muhuttikā ca, chandavāsini ca dhanakkītā cā’’ti. Paṭiggaṇhāti vīmaṃsati paccāharati, āpatti saṅghādisesassa.

Baddhacakkaṃ mūlaṃ saṃkhittaṃ.

325. Māturakkhitāya mātā bhikkhuṃ paṇiṇati – ‘‘gaccha, bhante, itthannāmaṃ brūhi – ‘hotu itthannāmassa bhariyā muhuttikā ca dhanakkītā ca...pe... muhuttikā ca chandavāsini ca...pe... muhuttikā ca dhajāhaṭā cā’’ti. Paṭiggaṇhāti vīmaṃsati paccāharati, āpatti saṅghādisesassa.

Ekamūlakaṃ niṭṭhitam.

Dumūlakampi timūlakampi yāva navamūlakaṃ evameva kātabbaṃ.

Idaṃ dasamūlakaṃ

326. Māturakkhitāya mātā bhikkhuṃ paṇiṇati – ‘‘gaccha, bhante, itthannāmaṃ brūhi – ‘hotu itthannāmassa bhariyā dhanakkītā ca chandavāsini ca bhogavāsini ca paṭavāsini ca odapattakinī ca

obhaṭacumbaṭā ca dāsī ca bhariyā ca kammakārī ca bhariyā ca dhajāhaṭā ca muhuttikā cā’’ti.
Paṭiggaṇhāti vīmaṃsati paccāharati, āpatti saṅghādisesassa.

Mātucakkaṃ niṭṭhitam.

Piturakkhitāya pitā bhikkhuṃ paṇiṇati...pe... mātāpiturakkhitāya mātāpitaro bhikkhuṃ paṇiṇanti... bhāturakkhitāya bhātā bhikkhuṃ paṇiṇati... bhaginirakkhitāya bhaginī bhikkhuṃ paṇiṇati... ñātirakkhitāya ñātakā bhikkhuṃ paṇiṇanti... gottarakkhitāya gottā [sagottā (?)] bhikkhuṃ paṇiṇanti... dhammarakkhitāya sahadhammikā bhikkhuṃ paṇiṇanti... sārakkhāya yena pariggahitā hoti so bhikkhuṃ paṇiṇati... sapaṛidaṇḍāya yena daṇḍo ṭhapito hoti so bhikkhuṃ paṇiṇati – ‘‘gaccha, bhante, itthannāmaṃ brūhi – ‘hotu itthannāmassa bhariyā dhanakkītā’’ti. Paṭiggaṇhāti vīmaṃsati paccāharati, āpatti saṅghādisesassa.

Sapaṛidaṇḍāya yena daṇḍo ṭhapito hoti so bhikkhuṃ paṇiṇati – ‘‘gaccha, bhante, itthannāmaṃ brūhi – ‘hotu itthannāmassa bhariyā chandavāsini...pe... bhogavāsini... paṭavāsini... odapattakinī... obhaṭacumbaṭā... dāsī ca bhariyā ca... kammakārī ca bhariyā ca... dhajāhaṭā... muhuttikā’’ti.
Paṭiggaṇhāti vīmaṃsati paccāharati, āpatti saṅghādisesassa.

Nikkhepapadāni.

327. Sapaṛidaṇḍāya yena daṇḍo ṭhapito hoti so bhikkhuṃ paṇiṇati – ‘‘gaccha, bhante, itthannāmaṃ brūhi – ‘hotu itthannāmassa bhariyā dhanakkītā ca chandavāsini ca...pe... dhanakkītā ca bhogavāsini ca... dhanakkītā ca muhuttikā cā’’ti. Paṭiggaṇhāti vīmaṃsati paccāharati, āpatti saṅghādisesassa.

Khaṇḍacakkaṃ.

328. Sapaṛidaṇḍāya yena daṇḍo ṭhapito hoti so bhikkhuṃ paṇiṇati – ‘‘gaccha, bhante, itthannāmaṃ brūhi – ‘hotu itthannāmassa bhariyā chandavāsini ca bhogavāsini ca...pe... chandavāsini ca muhuttikā ca... chandavāsini ca dhanakkītā cā’’ti. Paṭiggaṇhāti vīmaṃsati paccāharati āpatti saṅghādisesassa.

Baddhacakkaṃ mūlaṃ saṃkhittam.

329. Sapaṛidaṇḍāya yena daṇḍo, ṭhapito hoti so bhikkhuṃ paṇiṇati – ‘‘gaccha, bhante, itthannāmaṃ brūhi – ‘hotu itthannāmassa bhariyā muhuttikā ca dhanakkītā ca...pe... muhuttikā ca chandavāsini ca...pe... muhuttikā ca dhajāhaṭā cā’’ti. Paṭiggaṇhāti vīmaṃsati paccāharati, āpatti saṅghādisesassa.

Ekamūlakaṃ niṭṭhitam.

Dumūlakampi timūlakampi yāva navamūlakaṃ evameva kātabbam.

Idaṃ dasamūlakaṃ

330. Sapaṛidaṇḍāya yena daṇḍo ṭhapito hoti so bhikkhuṃ paṇiṇati – ‘‘gaccha, bhante, itthannāmaṃ brūhi – ‘hotu itthannāmassa bhariyā dhanakkītā ca chandavāsini ca bhogavāsini ca paṭavāsini ca odapattakinī ca obhaṭacumbaṭā ca dāsī ca bhariyā ca kammakārī ca bhariyā ca dhajāhaṭā ca muhuttikā cā’’ti. Paṭiggaṇhāti vīmaṃsati paccāharati, āpatti saṅghādisesassa.

Daṇḍaṭhapitacakkaṃ niṭṭhitam.

Māturakkhitā bhikkhuṃ paṇḍitaṃ – “gaccha, bhante, itthannāmaṃ brūhi – ‘homi itthannāmassa bhariyā dhanakkītā’”ti. Paṭiggaṇhāti vīmaṃsati paccāharati, āpatti saṅghādisesassa.

Māturakkhitā bhikkhuṃ paṇḍitaṃ – “gaccha, bhante, itthannāmaṃ brūhi – ‘homi itthannāmassa bhariyā chandavāsini...pe... bhogavāsini... paṭavāsini... odapattakini... obhaṭacumbaṭā... dāsī ca bhariyā ca... kammakārī ca bhariyā ca... dhajāhaṭā... muhuttikā’”ti. Paṭiggaṇhāti vīmaṃsati paccāharati, āpatti saṅghādisesassa.

Nikkhepapadāni.

331. Māturakkhitā bhikkhuṃ paṇḍitaṃ – “gaccha, bhante, itthannāmaṃ brūhi – ‘homi itthannāmassa bhariyā dhanakkītā ca chandavāsini cā’”ti. Paṭiggaṇhāti vīmaṃsati paccāharati, āpatti saṅghādisesassa.

Māturakkhitā bhikkhuṃ paṇḍitaṃ – “gaccha, bhante, itthannāmaṃ brūhi – ‘homi itthannāmassa bhariyā dhanakkītā ca bhogavāsini ca...pe... dhanakkītā ca paṭavāsini ca...pe... dhanakkītā ca muhuttikā cā’”ti. Paṭiggaṇhāti vīmaṃsati paccāharati, āpatti saṅghādisesassa.

Khaṇḍacakkaṃ.

332. Māturakkhitā bhikkhuṃ paṇḍitaṃ – “gaccha, bhante, itthannāmaṃ brūhi – ‘homi itthannāmassa bhariyā chandavāsini ca bhogavāsini ca...pe... chandavāsini ca muhuttikā ca... chandavāsini ca dhanakkītā cā’”ti. Paṭiggaṇhāti vīmaṃsati paccāharati, āpatti saṅghādisesassa.

Baddhacakkaṃ mūlaṃ saṃkhittaṃ.

Māturakkhitā bhikkhuṃ paṇḍitaṃ – “gaccha, bhante, itthannāmaṃ brūhi – ‘homi itthannāmassa bhariyā muhuttikā ca dhanakkītā ca...pe... muhuttikā ca chandavāsini ca...pe... muhuttikā ca dhajāhaṭā cā’”ti. Paṭiggaṇhāti vīmaṃsati paccāharati, āpatti saṅghādisesassa.

Ekamūlakaṃ niṭṭhitaṃ.

Dumūlakādīnipi evameva kātabbāni.

Idaṃ dasamūlakaṃ

333. Māturakkhitā bhikkhuṃ paṇḍitaṃ – “gaccha, bhante, itthannāmaṃ brūhi – ‘homi itthannāmassa bhariyā dhanakkītā ca chandavāsini ca bhogavāsini ca paṭavāsini ca odapattakini ca obhaṭacumbaṭā ca dāsī ca bhariyā ca kammakārī ca bhariyā ca dhajāhaṭā ca muhuttikā cā’”ti. Paṭiggaṇhāti vīmaṃsati paccāharati, āpatti saṅghādisesassa.

Aparaṃ māturakkhitācakkam niṭṭhitaṃ.

Piturakkhitā bhikkhuṃ paṇḍitaṃ...pe... mātāpiturakkhitā bhikkhuṃ paṇḍitaṃ... bhāturakkhitā bhikkhuṃ paṇḍitaṃ... bhaginirakkhitā bhikkhuṃ paṇḍitaṃ... nātirakkhitā bhikkhuṃ paṇḍitaṃ... gottarakkhitā bhikkhuṃ paṇḍitaṃ... dhammarakkhitā bhikkhuṃ paṇḍitaṃ... sārakkhā bhikkhuṃ paṇḍitaṃ... saporidāṇḍā bhikkhuṃ paṇḍitaṃ – “gaccha, bhante, itthannāmaṃ brūhi – ‘homi itthannāmassa bhariyā dhanakkītā’”ti. Paṭiggaṇhāti vīmaṃsati paccāharati, āpatti saṅghādisesassa.

Saporidāṇḍā bhikkhuṃ paṇḍitaṃ – “gaccha, bhante, itthannāmaṃ brūhi – ‘homi itthannāmassa

bharyā chandavāsinī...pe... bhogavāsinī... paṭavāsinī... odapattakinī... obhaṭacumbaṭā... dāsī ca bharyā ca... kammakārī ca bharyā ca... dhajāhaṭā... muhuttikā’’ti. Paṭiggaṇhāti vīmaṃsati paccāharati, āpatti saṅghādisesassa.

Nikkhepapadāni.

334. Sapparidaṇḍā bhikkhuṃ paṇiṇati – ‘‘gaccha, bhante, itthannāmaṃ brūhi – ‘homi itthannāmassa bharyā dhanakkītā ca chandavāsinī ca...pe... dhanakkītā ca muhuttikā cā’’ti. Paṭiggaṇhāti vīmaṃsati paccāharati, āpatti saṅghādisesassa.

Khaṇḍacakkaṃ.

335. Sapparidaṇḍā bhikkhuṃ paṇiṇati – ‘‘gaccha, bhante, itthannāmaṃ brūhi – ‘homi itthannāmassa bharyā chandavāsinī ca bhogavāsinī ca...pe... chandavāsinī ca muhuttikā ca... chandavāsinī ca dhanakkītā cā’’ti. Paṭiggaṇhāti vīmaṃsati paccāharati, āpatti saṅghādisesassa.

Baddhacakkaṃ mūlaṃ saṃkhittaṃ.

336. Sapparidaṇḍā bhikkhuṃ paṇiṇati – ‘‘gaccha, bhante, itthannāmaṃ brūhi – ‘homi itthannāmassa bharyā muhuttikā ca dhanakkītā ca...pe... muhuttikā ca chandavāsinī ca...pe... muhuttikā ca dhajāhaṭā cā’’ti. Paṭiggaṇhāti vīmaṃsati paccāharati, āpatti saṅghādisesassa.

Ekamūlakaṃ niṭṭhitaṃ.

Dumūlakādīnipi evameva kātabbāni.

Idaṃ dasamūlakaṃ

337. Sapparidaṇḍā bhikkhuṃ paṇiṇati – ‘‘gaccha, bhante, itthannāmaṃ brūhi – ‘homi itthannāmassa bharyā dhanakkītā ca chandavāsinī ca bhogavāsinī ca paṭavāsinī ca odapattakinī ca obhaṭacumbaṭā ca dāsī ca bharyā ca kammakārī ca bharyā ca dhajāhaṭā ca muhuttikā cā’’ti. Paṭiggaṇhāti vīmaṃsati paccāharati, āpatti saṅghādisesassa.

Aparaṃ sapparidaṇḍācakkaṃ niṭṭhitaṃ.

Sabbaṃ cakkapeyyālaṃ niṭṭhitaṃ.

338. Paṭiggaṇhāti vīmaṃsati paccāharati, āpatti saṅghādisesassa. Paṭiggaṇhāti vīmaṃsati na paccāharati, āpatti thullaccayassa. Paṭiggaṇhāti na vīmaṃsati paccāharati, āpatti thullaccayassa. Paṭiggaṇhāti na vīmaṃsati na paccāharati, āpatti dukkaṭassa. Na paṭiggaṇhāti vīmaṃsati paccāharati, āpatti thullaccayassa. Na paṭiggaṇhāti vīmaṃsati na paccāharati, āpatti dukkaṭassa. Na paṭiggaṇhāti na vīmaṃsati paccāharati, āpatti dukkaṭassa. Na paṭiggaṇhāti na vīmaṃsati na paccāharati, anāpatti.

Puriso sambahule bhikkhū āṇāpeti – ‘‘gacchatha, bhante, itthannāmaṃ itthiṃ vīmaṃsathā’’ti. Sabbe paṭiggaṇhanti sabbe vīmaṃsanti sabbe paccāharanti, āpatti sabbesaṃ saṅghādisesassa.

Puriso sambahule bhikkhū āṇāpeti – ‘‘gacchatha, bhante, itthannāmaṃ itthiṃ vīmaṃsathā’’ti. Sabbe paṭiggaṇhanti sabbe vīmaṃsanti ekaṃ paccāharāpentī, āpatti sabbesaṃ saṅghādisesassa.

Puriso sambahule bhikkhū āṇāpeti – ‘‘gacchatha, bhante, itthannāmaṃ itthiṃ vīmaṃsathā’’ti.

Sabbe paṭiggaṇhanti, ekaṃ vīmaṃsāpetvā sabbe paccāharanti, āpatti sabbesaṃ saṅghādisesassa.

Puriso sambahule bhikkhū āṇāpeti – “gacchatha, bhante, itthannāmaṃ itthiṃ vīmaṃsathā”ti. Sabbe paṭiggaṇhanti, ekaṃ vīmaṃsāpetvā ekaṃ paccāharāpeti, āpatti sabbesaṃ saṅghādisesassa.

Puriso bhikkhuṃ āṇāpeti – “gaccha, bhante, itthannāmaṃ itthiṃ vīmaṃsā”ti. Paṭiggaṇhāti vīmaṃsati paccāharati, āpatti saṅghādisesassa.

Puriso bhikkhuṃ āṇāpeti – “gaccha, bhante, itthannāmaṃ itthiṃ vīmaṃsā”ti. Paṭiggaṇhāti vīmaṃsati antevāsiṃ paccāharāpeti, āpatti saṅghādisesassa.

Puriso bhikkhuṃ āṇāpeti – “gaccha, bhante, itthannāmaṃ itthiṃ vīmaṃsā”ti. Paṭiggaṇhāti antevāsiṃ vīmaṃsāpetvā attanā paccāharati āpatti saṅghādisesassa.

Puriso bhikkhuṃ āṇāpeti – “gaccha, bhante, itthannāmaṃ itthi vīmaṃsā”ti. Paṭiggaṇhāti antevāsiṃ vīmaṃsāpeti antevāsī vīmaṃsitvā bahiddhā paccāharati, āpatti ubhinnaṃ thullaccayassa.

339. Gacchanto sampādeti, āgacchanto visaṃvādeti, āpatti thullaccayassa.

Gacchanto visaṃvādeti, āgacchanto sampādeti, āpatti thullaccayassa.

Gacchanto sampādeti, āgacchanto sampādeti, āpatti saṅghādisesassa.

Gacchanto visaṃvādeti, āgacchanto visaṃvādeti, anāpatti.

340. Anāpatti saṅghassa vā cetiyassa vā gilānassa vā karaṇīyena gacchati, ummattakassa, ādikammikassāti.

Vinītavatthuuddānagāthā

Suttā matā ca nikkhantā, anitthī itthipaṇḍakā;
Kalahaṃ katvāna sammodi, sañcarittaṅca paṇḍaketi.

Vinītavatthu

341. Tena kho pana samayena aññataro puriso aññataraṃ bhikkhuṃ āṇāpeti – [āṇāpeti (syā. ka.)] “gaccha, bhante, itthannāmaṃ itthiṃ vīmaṃsā”ti. So gantvā manusse pucchi – “kahaṃ itthannāmā”ti? “Suttā, bhante”ti. Tassa kukkuccaṃ ahosi – “bhagavatā sikkhāpadaṃ paññattaṃ, kacci nu kho ahaṃ saṅghādisesaṃ āpattiṃ āpanno”ti? Bhagavato etamatthaṃ ārocesi. “Anāpatti, bhikkhu, saṅghādisesassa; āpatti dukkaṭassā”ti.

Tena kho pana samayena aññataro puriso aññataraṃ bhikkhuṃ āṇāpeti – “gaccha, bhante, itthannāmaṃ itthiṃ vīmaṃsā”ti. So gantvā manusse pucchi – “kahaṃ itthannāmā”ti? “Matā, bhante”ti...pe... “nikkhantā, bhante”ti... “anitthī, bhante”ti... “itthipaṇḍakā, bhante”ti. Tassa kukkuccaṃ ahosi...pe... “anāpatti, bhikkhu, saṅghādisesassa; āpatti dukkaṭassā”ti.

Tena kho pana samayena aññatarā itthī sāmikena saha bhaṇḍitvā mātugharaṃ agamāsi. Kulūpako bhikkhu sammodaniyaṃ akāsi. Tassa kukkuccaṃ ahosi...pe... “alamvacanīyā, bhikkhū”ti? “Nālamvacanīyā, bhagavā”ti. “Anāpatti, bhikkhu, nālamvacanīyāyā”ti.

Tena kho pana samayena aññataro bhikkhu paṇḍake sañcarittaṃ samāpajji. Tassa kukkucçaṃ ahosi...pe... ‘‘anāpatti, bhikkhu, saṅghādisesassa; āpatti thullaccayassā’’ti.

Sañcarittasikkhāpadaṃ niṭṭhitaṃ pañcamaṃ.

6. Kuṭikārasikkhāpadaṃ

342. Tena samayena buddho bhagavā rājagahe viharati veḷuvane kalandakanivāpe. Tena kho pana samayena ālavakā bhikkhū saññācīkāyo kuṭiyo kārāpenti assāmīkāyo attuddesīkāyo appamañīkāyo. Tāyo na niṭṭhānaṃ gacchanti. Te yācanabahulā viññattibahulā viharanti – ‘‘purisaṃ detha, purisatthakaraṃ detha, goṇaṃ detha, sakaṭaṃ detha, vāsīṃ detha, paraṣuṃ detha, kuṭhāriṃ detha, kudālaṃ detha, nikhādanaṃ detha, valliṃ detha, veḷuṃ detha, muñjaṃ detha, pabbajaṃ detha, tiṇaṃ detha, mattikaṃ dethā’’ti. Manussā upaddutā yācanāya upaddutā viññattiyā bhikkhū disvā ubbijjantipi uttasantipi palāyantipi aññenapi gacchanti aññenapi mukhaṃ karonti dvārampi thakenti, gāvimpī disvā palāyanti bhikkhūti maññamānā.

Atha kho āyasmā mahākassapo rājagahe vassaṃvuṭṭho yena ālavī tena pakkāmi. Anupubbena yena ālavī tadavasari. Tatra sudaṃ āyasmā mahākassapo ālavīyaṃ viharati aggālave cetiye. Atha kho āyasmā mahākassapo pubbaṇhasamayaṃ nivāsetvā pattacīvaramādāya ālavīyaṃ piṇḍāya pāvisi. Manussā āyasmantaṃ mahākassapaṃ passitvā ubbijjantipi uttasantipi palāyantipi aññenapi gacchanti aññenapi mukhaṃ karonti dvārampi thakenti. Atha kho āyasmā mahākassapo ālavīyaṃ piṇḍāya caritvā pacchābhataṃ piṇḍapāṭappaṭikkanto bhikkhū āmantesi – ‘‘pubbāyaṃ, āvuso, ālavī subhikkhā ahosi sulabhapiṇḍā sukarā uñchena paggahena yāpetuṃ; etarahi panāyaṃ ālavī dubbhikkhā dullabhapiṇḍā, na sukarā uñchena paggahena yāpetuṃ. Ko nu kho, āvuso, hetu ko paccayo, yenāyaṃ ālavī dubbhikkhā dullabhapiṇḍā, na sukarā uñchena paggahena yāpetu’’nti? Atha kho te bhikkhū āyasmato mahākassapaṃ etamatthaṃ ārocesuṃ.

343. Atha kho bhagavā rājagahe yathābhiraṇtaṃ viharitvā yena ālavī tena cārikaṃ pakkāmi. Anupubbena cārikaṃ caramāno yena ālavī tadavasari. Tatra sudaṃ bhagavā ālavīyaṃ viharati aggālave cetiye. Atha kho āyasmā mahākassapo yena bhagavā tenupasaṅkami; upasaṅkamtivā bhagavantaṃ abhivādetvā ekamantaṃ nisīdi. Ekamantaṃ nisīno kho āyasmā mahākassapo bhagavato etamatthaṃ ārocesi. Atha kho bhagavā etasmiṃ nidāne etasmiṃ pakaraṇe bhikkhusaṅghaṃ sannipātāpetvā ālavake bhikkhū paṭipucchi – ‘‘saccaṃ kira tumhe, bhikkhave, saññācīkāyo kuṭiyo kārāpetha assāmīkāyo attuddesīkāyo appamañīkāyo. Tāyo na niṭṭhānaṃ gacchanti. Te tumhe yācanabahulā viññattibahulā viharatha – ‘‘purisaṃ detha purisatthakaraṃ detha...pe... tiṇaṃ detha mattikaṃ dethā’’ti. Manussā upaddutā yācanāya upaddutā viññattiyā bhikkhū disvā ubbijjantipi uttasantipi palāyantipi aññenapi gacchanti aññenapi mukhaṃ karonti dvārampi thakenti, gāvimpī disvā palāyanti bhikkhūti maññamānā’’ti? ‘‘Saccaṃ, bhagavā’’ti. Vigarahi buddho bhagavā...pe... ‘‘kathañhi nāma tumhe, moghapurisā, saṃyācīkāyo kuṭiyo kārāpessatha assāmīkāyo attuddesīkāyo appamañīkāyo! Tāyo na niṭṭhānaṃ gacchanti. Te tumhe yācanabahulā viññattibahulā viharissatha – ‘‘purisaṃ detha purisatthakaraṃ detha...pe... tiṇaṃ detha mattikaṃ dethā’’ti! Netam moghapurisā, appasannānaṃ vā pasādāya...pe...’’ vigarahitvā dhammiṃ kathaṃ katvā bhikkhū āmantesi –

344. ‘‘Bhūtapubbaṃ, bhikkhave, dve bhātaro isayo gaṅgaṃ nadīyaṃ upanissāya viharīsu. Atha kho, bhikkhave, mañikaṇṭho nāgarājā gaṅgaṃ nadīyaṃ uttaritvā yena kaniṭṭho isi tenupasaṅkami; upasaṅkamtivā kaniṭṭhaṃ isiṃ sattakkhattuṃ bhogehi parikkhipitvā uparimuddhani mahantaṃ phaṇaṃ karitvā atṭhāsī. Atha kho, bhikkhave, kaniṭṭho isi tassa nāgassa bhayā kiso ahosi lūkho dubbaṇṇo uppaṇḍuppaṇḍukajāto dhamanisanthataḡatto. Addasa kho, bhikkhave, jeṭṭho isi kaniṭṭhaṃ isiṃ kisaṃ lūkhaṃ dubbaṇṇaṃ uppaṇḍuppaṇḍukajātaṃ dhamanisanthataḡattaṃ. Disvāna kaniṭṭhaṃ isiṃ etadavoca – ‘‘kissa tvaṃ, bho, kiso lūkho dubbaṇṇo uppaṇḍuppaṇḍukajāto dhamanisanthataḡatto’’ti? ‘‘Idha, bho, mañikaṇṭho nāgarājā gaṅgaṃ nadīyaṃ uttaritvā yenāhaṃ tenupasaṅkami; upasaṅkamtivā maṃ

sattakkhattuṃ bhogehi parikkhipitvā uparimuddhani mahantaṃ phaṇaṃ karitvā aṭṭhāsi. Tassāhaṃ, bho, nāgassa bhayā [bhayāmbhi (sī.)] kiso lūkho dubbaṇṇo uppaṇḍuppaṇḍukajāto dhamanisanthatagatto”ti. “Icchasi pana tvam, bho, tassa nāgassa anāgamana”nti? “Icchāmaṃ, bho, tassa nāgassa anāgamana”nti. “Api pana tvam, bho, tassa nāgassa kiñci passasī”ti? “Passāmaṃ, bho, maṇimassa [maṇissa (sī. ka.)] kaṇṭhe pilandhana”nti. “Tena hi tvam, bho, taṃ nāgaṃ maṇiṃ yāca – ‘maṇiṃ me, bho, dehi; maṇinā me attho’”ti.

Atha kho, bhikkhave, maṇikaṇṭho nāgarājā gaṅgaṃ nadiṃ uttaritvā yena kaniṭṭho isi tenupasaṅkami; upasaṅkamitvā ekamantaṃ aṭṭhāsi. Ekamantaṃ ṭhitaṃ kho, bhikkhave, maṇikaṇṭhaṃ nāgarājānaṃ kaniṭṭho isi etadavoca – “maṇiṃ me, bho, dehi; maṇinā me attho”ti. Atha kho, bhikkhave, maṇikaṇṭho nāgarājā – ‘bhikkhu maṇiṃ yācati, bhikkhussa maṇinā attho’ti khippaññeva agamāsi. Dutiyampi kho, bhikkhave, maṇikaṇṭho nāgarājā gaṅgaṃ nadiṃ uttaritvā yena kaniṭṭho isi tenupasaṅkami. Addasa kho, bhikkhave, kaniṭṭho isi maṇikaṇṭhaṃ nāgarājānaṃ dūratova āgacchantaṃ. Disvāna maṇikaṇṭhaṃ nāgarājānaṃ etadavoca – “maṇiṃ me, bho, dehi; maṇinā me attho”ti. Atha kho, bhikkhave, maṇikaṇṭho nāgarājā – ‘bhikkhu maṇiṃ yācati, bhikkhussa maṇinā attho’ti tatova paṭinivatti. Tatiyampi kho, bhikkhave, maṇikaṇṭho nāgarājā gaṅgaṃ nadiṃ uttarati. Addasa kho, bhikkhave, kaniṭṭho isi maṇikaṇṭhaṃ nāgarājānaṃ gaṅgaṃ nadiṃ uttarantaṃ. Disvāna maṇikaṇṭhaṃ nāgarājānaṃ etadavoca – “maṇiṃ me, bho, dehi; maṇinā me attho”ti. Atha kho, bhikkhave, maṇikaṇṭho nāgarājā kaniṭṭhaṃ isiṃ gāthāhi ajjhabhāsi –

[jā. 1.3.7 maṇikaṇṭhajātakepi] “Mamannapānaṃ vipulaṃ ulāraṃ,
Uppajjatimassa maṇissa hetu;
Taṃ te na dassaṃ atiyācakosi;
Na cāpi te assamamāgamissaṃ.

[jā. 1.3.8 maṇikaṇṭhajātakepi] “Susū yathā sakkharadhotapāṇī;
Tāsesi maṃ selamāyācamāno;
Taṃ te na dassaṃ atiyācakosi;
Na cāpi te assamamāgamissa”nti.

Atha kho, bhikkhave, maṇikaṇṭho nāgarājā – “bhikkhu maṇiṃ yācati, bhikkhussa maṇinā attho”ti pakkāmi. Tathā pakkantova [tadāpakkantova (ka.)] ahoṣi, na puna paccāgañchi. Atha kho, bhikkhave, kaniṭṭho isi tassa nāgassa dassaniyassa adassanena bhiiyosomattāya kiso ahoṣi lūkho dubbaṇṇo, uppaṇḍuppaṇḍukajāto dhamanisanthatagatto. Addasa kho, bhikkhave, jeṭṭho isi kaniṭṭhaṃ isiṃ bhiiyosomattāya kisaṃ lūkhaṃ dubbaṇṇaṃ uppaṇḍuppaṇḍukajātaṃ dhamanisanthatagattaṃ. Disvāna kaniṭṭhaṃ isiṃ etadavoca – “kissa tvam, bho, bhiiyosomattāya kiso lūkho dubbaṇṇo uppaṇḍuppaṇḍukajāto dhamanisanthatagatto”ti? “Tassāhaṃ, bho, nāgassa dassaniyassa adassanena bhiiyosomattāya kiso lūkho dubbaṇṇo uppaṇḍuppaṇḍukajāto dhamanisanthatagatto”ti. Atha kho, bhikkhave, jeṭṭho isi kaniṭṭhaṃ isiṃ gāthāya ajjhabhāsi –

[jā. 1.3.9 maṇikaṇṭhajātakepi] “Na taṃ yāce yassa piyaṃ jigīse,
Videsso [desso (sī.), desso ca (syā.)] hoti atiyācanāya;
Nāgo maṇiṃ yācito brāhmaṇena;
Adassanaññeva tadajjhagamā”ti.

Tesañhi nāma, bhikkhave, tiracchānagatānaṃ pāṇānaṃ amanāpā bhavissati yācanā amanāpā viññatti. Kimaṅgaṃ [kimaṅga (sī.)] pana manussabhūtānaṃ!

345. “Bhūtapubbaṃ, bhikkhave, aññataro bhikkhu himavantapasse viharati aññatarasmiṃ vanasaṇḍe. Tassa kho, bhikkhave, vanasaṇḍassa avidūre mahantaṃ ninnaṃ pallalaṃ. Atha kho,

Vāsāya upagacchati. Atha kho, bhikkhave, so bhikkhu tassa sakuṇasaṅghassa saddena ubbāḷho yenāhaṃ tenupasaṅkami; upasaṅkamitvā maṃ abhivādetvā ekamantaṃ nisīdi. Ekamantaṃ nisinnaṃ kho ahaṃ, bhikkhave, taṃ bhikkhuṃ etadavoca – ‘kacci, bhikkhu, khamanīyaṃ kacci yāpanīyaṃ kaccisi appakilamathena addhānaṃ āgato? Kuto ca tvaṃ, bhikkhu, āgacchasi’ti? ‘Khamanīyaṃ, bhagavā, yāpanīyaṃ, bhagavā. Appakilamathena cāhaṃ, bhante, addhānaṃ āgato. Atthi, bhante, himavantapasse mahāvanasaṅḍo. Tassa kho pana, bhante, vanasaṅḍassa avidūre mahantaṃ ninnāṃ pallalaṃ. Atha kho, bhante, mahāsakuṇasaṅgho tasmim̐ pallale divasaṃ gocaraṃ caritvā sāyaṃ taṃ vanasaṅḍaṃ vāsāya upagacchati. Tato ahaṃ, bhagavā, āgacchāmi – tassa sakuṇasaṅghassa saddena ubbāḷho’ti. ‘Icchasi pana tvaṃ, bhikkhu, tassa sakuṇasaṅghassa anāgamana’nti? ‘Icchāmaṃ, bhagavā, tassa sakuṇasaṅghassa anāgamana’nti. ‘Tena hi tvaṃ, bhikkhu, tattha gantvā taṃ vanasaṅḍaṃ ajjhogāhetvā rattiyā paṭhamaṃ yāmaṃ tikkhattuṃ saddamanussāvehi – suṇantu me, bhonto sakuṇā, yāvatikā imasmim̐ vanasaṅḍe vāsaṃ upagatā, pattena me attho. Ekekaṃ me, bhonto, pattaṃ dadantū’ti. Rattiyā majjhimāṃ yāmaṃ... rattiyā pacchimaṃ yāmaṃ tikkhattuṃ saddamanussāvehi – ‘suṇantu me, bhonto sakuṇā, yāvatikā imasmim̐ vanasaṅḍe vāsaṃ upagatā, pattena me attho. Ekekaṃ me, bhonto, pattaṃ dadantū’ti.

“Atha kho, bhikkhave, so bhikkhu tattha gantvā taṃ vanasaṅḍaṃ ajjhogāhetvā rattiyā paṭhamaṃ yāmaṃ tikkhattuṃ saddamanussāvesi – ‘suṇantu me, bhonto sakuṇā, yāvatikā imasmim̐ vanasaṅḍe vāsaṃ upagatā, pattena me attho. Ekekaṃ me, bhonto, pattaṃ dadantū’ti. Rattiyā majjhimā yāmaṃ... rattiyā pacchimaṃ yāmaṃ tikkhattuṃ saddamanussāvesi – ‘suṇantu me, bhonto sakuṇā, yāvatikā imasmim̐ vanasaṅḍe vāsaṃ upagatā, pattena me attho. Ekekaṃ me, bhonto, pattaṃ dadantū’ti. Atha kho, bhikkhave, so sakuṇasaṅgho – ‘bhikkhu pattaṃ yācati bhikkhussa pattena attho’ti tamhā vanasaṅḍā pakkāmi. Tathā pakkantova ahosi na puna paccāgañchi. Tesañhi nāma, bhikkhave, tiracchānagatānaṃ paṇānaṃ amanāpā bhavissati yācanā amanāpā viññatti. Kimaṅgaṃ pana manussabhūtānaṃ’”!

346. “Bhūtapubbaṃ, bhikkhave, raṭṭhapālassa kulaputtassa pitā raṭṭhapālaṃ kulaputtaṃ gāthāya ajjhabhāsi –

‘Apāhaṃ te na jānāmi, raṭṭhapāla bahū janā;

[jā. 1.7.54] Te maṃ saṅgamma yācanti, kasmā maṃ tvaṃ na yācasi’ti.

[jā. 1.7.55] ‘Yācako appiyo hoti, yācaṃ adadamappiyo;

Tasmāhaṃ taṃ na yācāmi, mā me videssanā ahū’ti.

“So hi nāma, bhikkhave, raṭṭhapālo kulaputto sakaṃ pitaraṃ evaṃ vakkhati. Kimaṅgaṃ pana jano janaṃ!

347. “Gihīnaṃ, bhikkhave, dussaṃharāni bhogāni sambhatānipi durakkhiyāni. Tattha nāma tumhe, moghapurisā, evaṃ dussaṃhāresu bhogesu sambhatesupi durakkhiyesu yācanabahulā viññattibahulā viharissatha – ‘purisaṃ detha, purisatthakaraṃ detha, goṇaṃ detha, sakaṃ detha, vāsiṃ detha, parasuṃ detha, kuṭhāriṃ detha, kudālaṃ detha, nikhādanaṃ detha, valliṃ detha, veḷuṃ detha, muñjaṃ detha, pabbajaṃ detha, tiṇaṃ detha, mattikaṃ dethā’”ti! Netāṃ, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

348. “Saññācikāya pana bhikkhunā kuṭim̐ kārayamānena assāmikaṃ attuddesaṃ pamāṇikā kāretabbā. Tatridaṃ pamāṇaṃ – dīghaso dvādasa vidatthiyo, sugatavidatthiyā; tiriyaṃ sattantarā. Bhikkhū abhinetaṃ vattuhadesanāya. Tehi bhikkhūhi vatthu desetabbā – anārambhaṃ [anārabbaṃ (ka.)] sapaṇikkamaṃ. Sārambhe [sārabbaṃ (ka.)] ce bhikkhu vatthusmim̐ aparikkamanaṃ saññācikāya kuṭim̐ kāreyya, bhikkhū vā anabhineyya vattuhadesanāya, pamāṇaṃ vā atikkāmeyya, saṅghādiseso’”ti.

349. Saññācikā nāma sayāṃ yācitvā purisampi purisatthakarampi goṇampi sakaṃ vāsiṃpi

parasumpi kuṭhārimpi kudālampi nikhādanampi vallimpi veḷumpi muñjampi pabbajampi tiṇampi mattikampi.

Kuṭi nāma ullittā vā hoti avalittā vā ullittāvalittā vā.

Kārayamānenāti karonto vā kārāpento vā.

Assāmikanti na añño koci sāmiko hoti, itthī vā puriso vā gahaṭṭho vā pabbajito vā.

Attuddesanti attano atthāya.

Pamāṇikā kāretabbā. Tatridaṃ pamāṇaṃ – dīghaso dvādasa vidatthiyo, sugatavidatthiyāti bāhirimena mānena.

Tiriyam sattantarāti abbhantarimena mānena.

Bhikkhū abhinatabbā vatthudesanāyāti tena kuṭikārakena bhikkhunā kuṭivatthum sodhetvā saṅghaṃ upasaṅkamitvā ekaṃsaṃ uttarāsaṅgaṃ karitvā vuḍḍhānaṃ bhikkhūnaṃ pāde vanditvā ukkuṭikaṃ nisīditvā añjaliṃ paggahetvā evamassa vacanīyo – “ahaṃ, bhante, saññācīkāya kuṭiṃ kattukāmo assāmikaṃ attuddesaṃ. Sohaṃ, bhante, saṅghaṃ kuṭivatthuolokanaṃ yācāmi”ti. Dutiyampi yācitabbā. Tatiyampi yācitabbā. Sace sabbo saṅgho ussahati kuṭivatthum oloketum, sabbena saṅghena oloketabbam. No ce sabbo saṅgho ussahati kuṭivatthum oloketum, ye tatha honti bhikkhū byattā paṭibalā sārambhaṃ anārambhaṃ saporikkamanaṃ aparikkamanaṃ jānitum te yācitvā sammannitabbā. Evañca pana, bhikkhave, sammannitabbā. Byattena bhikkhunā paṭibalena saṅgho ñāpetabbo –

350. “Suṇātu me, bhante, saṅgho. Ayaṃ itthannāmo bhikkhu saññācīkāya kuṭiṃ kattukāmo assāmikaṃ attuddesaṃ. So saṅghaṃ kuṭivatthuolokanaṃ yācati. Yadi saṅghassa pattakallaṃ, saṅgho itthannāmañca itthannāmañca bhikkhū sammaneyya itthannāmassa bhikkhuno kuṭivatthum oloketum. Esā ñatti.

“Suṇātu me, bhante, saṅgho. Ayaṃ itthannāmo bhikkhu saññācīkāya kuṭiṃ kattukāmo assāmikaṃ attuddesaṃ. So saṅghaṃ kuṭivatthuolokanaṃ yācati. Saṅgho itthannāmañca itthannāmañca bhikkhū sammannati itthannāmassa bhikkhuno kuṭivatthum oloketum. Yassāyasmato khamati itthannāmassa ca itthannāmassa ca bhikkhūnaṃ sammuti [sammata (syā.)] itthannāmassa bhikkhuno kuṭivatthum oloketum, so tuṇhassa; yassa nakkhamati, so bhāseyya.

“Sammata saṅghena itthannāmo ca itthannāmo ca bhikkhū itthannāmassa bhikkhuno kuṭivatthum oloketum. Khamati saṅghassa, tasmā tuṇhī, evametaṃ dhārayāmi”ti.

351. Tehi sammatehi bhikkhūhi tatha gantvā kuṭivatthu oloketabbam, sārambhaṃ anārambhaṃ saporikkamanaṃ aparikkamanaṃ jānitabbam. Sace sārambhaṃ hoti aparikkamanaṃ, ‘mā idha karī’ti vattabbo. Sace anārambhaṃ hoti saporikkamanaṃ, saṅghassa ārocetabbam – ‘anārambhaṃ saporikkamana’nti. Tena kuṭikārakena bhikkhunā saṅghaṃ upasaṅkamitvā ekaṃsaṃ uttarāsaṅgaṃ karitvā vuḍḍhānaṃ bhikkhūnaṃ pāde vanditvā ukkuṭikaṃ nisīditvā añjaliṃ paggahetvā evamassa vacanīyo – “ahaṃ, bhante, saññācīkāya kuṭiṃ kattukāmo assāmikaṃ attuddesaṃ. Sohaṃ, bhante, saṅghaṃ kuṭivatthudesanaṃ yācāmi”ti. Dutiyampi yācitabbā. Tatiyampi yācitabbā. Byattena bhikkhunā paṭibalena saṅgho ñāpetabbo –

352. “Suṇātu me, bhante, saṅgho. Ayaṃ itthannāmo bhikkhu saññācīkāya kuṭiṃ kattukāmo assāmikaṃ attuddesaṃ. So saṅghaṃ kuṭivatthudesanaṃ yācati. Yadi saṅghassa pattakallaṃ, saṅgho itthannāmassa bhikkhuno kuṭivatthum deseyya. Esā ñatti.

“Suṇātu me, bhante, saṅgho. Ayaṃ itthannāmo bhikkhu saññācīkāya kuṭiṃ kattukāmo assāmikam attuddesaṃ. So saṅghaṃ kuṭivatthudesanaṃ yācati. Saṅgho itthannāmassa bhikkhuno kuṭivatthum deseti. Yassāyasmato khamati itthannāmassa bhikkhuno kuṭivatthussa desanā, so tuṅhassa; yassa nakkhamati, so bhāseyya.

“Desitaṃ saṅghena itthannāmassa bhikkhuno kuṭivatthu. Khamati saṅghassa, tasmā tuṅhī, evametaṃ dhārayāmi”’ti.

353. Sārambhaṃ nāma kipillikānaṃ vā āsayo hoti, upacikānaṃ vā āsayo hoti, undurānaṃ vā āsayo hoti, ahīnaṃ vā āsayo hoti, vicchikānaṃ vā āsayo hoti, satapadīnaṃ vā āsayo hoti, hatthīnaṃ vā āsayo hoti, assānaṃ vā āsayo hoti, sīhānaṃ vā āsayo hoti, byagghānaṃ vā āsayo hoti, dīpīnaṃ vā āsayo hoti, acchānaṃ vā āsayo hoti, taracchānaṃ vā āsayo hoti, yesaṃ kesañci tiracchānagatānaṃ pāṇānaṃ āsayo hoti, pubbaṇṇanissitaṃ vā hoti, aparāṇṇanissitaṃ vā hoti, abbhāghātanissitaṃ vā hoti, āghātananissitaṃ vā hoti, susānanissitaṃ vā hoti, uyyānanissitaṃ vā hoti, rājavatthunissitaṃ vā hoti, hatthisālānissitaṃ vā hoti, assasālānissitaṃ vā hoti, bandhanāgāranissitaṃ vā hoti, pānāgāranissitaṃ vā hoti, sūnanissitaṃ vā hoti, racchānissitaṃ vā hoti, caccaranissitaṃ vā hoti, sabhānissitaṃ vā hoti, saṃsaraṇanissitaṃ vā [sañcaraṇanissitaṃ vā (ka.)] hoti. Etaṃ sārambhaṃ nāma.

Aparikkamaṇaṃ nāma na sakkā hoti yathāyuttēna sakaṭena anuparigantaṃ samantā nissenīyā anuparigantaṃ. Etaṃ aparikkamaṇaṃ nāma.

Anārambhaṃ nāma na kipillikānaṃ vā āsayo hoti, na upacikānaṃ vā āsayo hoti, na undurānaṃ vā āsayo hoti, na ahīnaṃ vā āsayo hoti, na vicchikānaṃ vā āsayo hoti, na satapadīnaṃ vā āsayo hoti...pe... na saṃsaraṇanissitaṃ vā hoti. Etaṃ anārambhaṃ nāma.

Saparikkamaṇaṃ nāma sakkā hoti yathāyuttēna sakaṭena anuparigantaṃ, samantā nissenīyā anuparigantaṃ. Etaṃ saparikkamaṇaṃ nāma.

Saññācīkā nāma sayama yācitvā purisampi purisatthakarampi...pe... mattikampi.

Kuṭi nāma ullittā vā hoti vā avalittā vā ullittāvalittā vā.

Kāreyyāti karoti vā kārapeti vā.

Bhikkhū vā anabhineyya, vatthudesanāya pamāṇaṃ vā atikkāmeyyāti ñattidutiyena kammaṇa kuṭivatthum na desāpetvā, āyāmato vā vitthārato vā antamaso kesaggamattampi atikkāmetvā karoti vā kārapeti vā, payoge payoge dukkaṭaṃ. Ekaṃ piṇḍaṃ anāgate āpatti thullaccayassa. Tasmim piṇḍe āgate āpatti saṅghādisesassa.

Saṅghādisesoti...pe... tenapi vuccati saṅghādisesoti.

354. Bhikkhu kuṭiṃ karoti adesitavatthukaṃ sārambhaṃ aparikkamaṇaṃ, āpatti saṅghādisesena dvinnama dukkaṭānaṃ. Bhikkhu kuṭiṃ karoti adesitavatthukaṃ sārambhaṃ saparikkamaṇaṃ, āpatti saṅghādisesena dukkaṭassa. Bhikkhu kuṭiṃ karoti adesitavatthukaṃ anārambhaṃ aparikkamaṇaṃ, āpatti saṅghādisesena dukkaṭassa. Bhikkhu kuṭiṃ karoti adesitavatthukaṃ anārambhaṃ saparikkamaṇaṃ, āpatti saṅghādisesassa.

355. Bhikkhu kuṭiṃ karoti desitavatthukaṃ sārambhaṃ aparikkamaṇaṃ, āpatti dvinnama dukkaṭānaṃ. Bhikkhu kuṭiṃ karoti desitavatthukaṃ sārambhaṃ saparikkamaṇaṃ, āpatti dukkaṭassa. Bhikkhu kuṭiṃ karoti desitavatthukaṃ anārambhaṃ aparikkamaṇaṃ, āpatti dukkaṭassa. Bhikkhu kuṭiṃ karoti desitavatthukaṃ anārambhaṃ saparikkamaṇaṃ, anāpatti.

Bhikkhu kuṭiṃ karoti pamāṇātikkaṇṭaṃ sārambhaṃ aparikkamaṇaṃ, āpatti saṅghādisesena dvinnaṃ dukkaṭāṇaṃ. Bhikkhu kuṭiṃ karoti pamāṇātikkaṇṭaṃ sārambhaṃ saparikkamaṇaṃ, āpatti saṅghādisesena dukkaṭassa. Bhikkhu kuṭiṃ karoti pamāṇātikkaṇṭaṃ anārambhaṃ aparikkamaṇaṃ, āpatti saṅghādisesena dukkaṭassa. Bhikkhu kuṭiṃ karoti pamāṇātikkaṇṭaṃ anārambhaṃ saparikkamaṇaṃ, āpatti saṅghādisesassa.

Bhikkhu kuṭiṃ karoti pamāṇikaṃ sārambhaṃ aparikkamaṇaṃ, āpatti dvinnaṃ dukkaṭāṇaṃ. Bhikkhu kuṭiṃ karoti pamāṇikaṃ sārambhaṃ saparikkamaṇaṃ, āpatti dukkaṭassa. Bhikkhu kuṭiṃ karoti pamāṇikaṃ anārambhaṃ aparikkamaṇaṃ, āpatti dukkaṭassa. Bhikkhu kuṭiṃ karoti pamāṇikaṃ anārambhaṃ saparikkamaṇaṃ, anāpatti.

Bhikkhu kuṭiṃ karoti adesitavattukaṃ pamāṇātikkaṇṭaṃ sārambhaṃ aparikkamaṇaṃ, āpatti dvinnaṃ saṅghādisesena dvinnaṃ dukkaṭāṇaṃ. Bhikkhu kuṭiṃ karoti adesitavattukaṃ pamāṇātikkaṇṭaṃ sārambhaṃ saparikkamaṇaṃ, āpatti dvinnaṃ saṅghādisesena dukkaṭassa. Bhikkhu kuṭiṃ karoti adesitavattukaṃ pamāṇātikkaṇṭaṃ anārambhaṃ aparikkamaṇaṃ, āpatti dvinnaṃ saṅghādisesena dukkaṭassa. Bhikkhu kuṭiṃ karoti adesitavattukaṃ pamāṇātikkaṇṭaṃ anārambhaṃ saparikkamaṇaṃ, āpatti dvinnaṃ saṅghādisesāṇaṃ.

Bhikkhu kuṭiṃ karoti desitavattukaṃ pamāṇikaṃ sārambhaṃ aparikkamaṇaṃ, āpatti dvinnaṃ dukkaṭāṇaṃ. Bhikkhu kuṭiṃ karoti desitavattukaṃ pamāṇikaṃ sārambhaṃ saparikkamaṇaṃ, āpatti dukkaṭassa. Bhikkhu kuṭiṃ karoti desitavattukaṃ pamāṇikaṃ anārambhaṃ aparikkamaṇaṃ, āpatti dukkaṭassa. Bhikkhu kuṭiṃ karoti desitavattukaṃ pamāṇikaṃ anārambhaṃ saparikkamaṇaṃ, anāpatti.

356. Bhikkhu samādisati – “kuṭiṃ me karoṭhā”ti. Tassa kuṭiṃ karonti adesitavattukaṃ sārambhaṃ aparikkamaṇaṃ, āpatti saṅghādisesena dvinnaṃ dukkaṭāṇaṃ...pe... sārambhaṃ saparikkamaṇaṃ, āpatti saṅghādisesena dukkaṭassa...pe... anārambhaṃ aparikkamaṇaṃ, āpatti saṅghādisesena dukkaṭassa...pe... anārambhaṃ saparikkamaṇaṃ, āpatti saṅghādisesassa.

Bhikkhu samādisati – “kuṭiṃ me karoṭhā”ti. Tassa kuṭiṃ karonti desitavattukaṃ sārambhaṃ aparikkamaṇaṃ, āpatti dvinnaṃ dukkaṭāṇaṃ...pe... sārambhaṃ saparikkamaṇaṃ, āpatti dukkaṭassa...pe... anārambhaṃ aparikkamaṇaṃ, āpatti dukkaṭassa...pe... anārambhaṃ saparikkamaṇaṃ, anāpatti.

Bhikkhu samādisati – “kuṭiṃ me karoṭhā”ti. Tassa kuṭiṃ karonti pamāṇātikkaṇṭaṃ sārambhaṃ aparikkamaṇaṃ, āpatti saṅghādisesena dvinnaṃ dukkaṭāṇaṃ...pe... sārambhaṃ saparikkamaṇaṃ, āpatti saṅghādisesena dukkaṭassa...pe... anārambhaṃ aparikkamaṇaṃ, āpatti saṅghādisesena dukkaṭassa...pe... anārambhaṃ saparikkamaṇaṃ, āpatti saṅghādisesassa.

Bhikkhu samādisati – “kuṭiṃ me karoṭhā”ti. Tassa kuṭiṃ karonti pamāṇikaṃ sārambhaṃ aparikkamaṇaṃ, āpatti dvinnaṃ dukkaṭāṇaṃ...pe... sārambhaṃ saparikkamaṇaṃ, āpatti dukkaṭassa...pe... anārambhaṃ aparikkamaṇaṃ, āpatti dukkaṭassa...pe... anārambhaṃ saparikkamaṇaṃ, anāpatti.

Bhikkhu samādisati – “kuṭiṃ me karoṭhā”ti. Tassa kuṭiṃ karonti adesitavattukaṃ pamāṇātikkaṇṭaṃ sārambhaṃ aparikkamaṇaṃ, āpatti dvinnaṃ saṅghādisesena dvinnaṃ dukkaṭāṇaṃ...pe... sārambhaṃ saparikkamaṇaṃ, āpatti dvinnaṃ saṅghādisesena dukkaṭassa...pe... anārambhaṃ aparikkamaṇaṃ, āpatti dvinnaṃ saṅghādisesena dukkaṭassa...pe... anārambhaṃ saparikkamaṇaṃ, āpatti dvinnaṃ saṅghādisesāṇaṃ.

Bhikkhu samādisati – “kuṭiṃ me karoṭhā”ti. Tassa kuṭiṃ karonti desitavattukaṃ pamāṇikaṃ sārambhaṃ aparikkamaṇaṃ, āpatti dvinnaṃ dukkaṭāṇaṃ...pe... sārambhaṃ saparikkamaṇaṃ, āpatti dukkaṭassa...pe... anārambhaṃ aparikkamaṇaṃ, āpatti dukkaṭassa...pe... anārambhaṃ saparikkamaṇaṃ, anāpatti.

357. Bhikkhu samādisitvā pakkamati – “kuṭiṃ me karoṭhā”ti. Na ca samādisati – “desitavattukā ca hotu anārambhā ca sapaṛikkamanā cā”ti. Tassa kuṭiṃ karonti adesitavattukaṃ sārambhaṃ aparikkamaṇaṃ, āpatti saṅghādisesena dvinnaṃ dukkaṭānaṃ...pe... sārambhaṃ sapaṛikkamaṇaṃ, āpatti saṅghādisesena dukkaṭassa...pe... anārambhaṃ aparikkamaṇaṃ, āpatti saṅghādisesassa...pe... anārambhaṃ sapaṛikkamaṇaṃ, āpatti saṅghādisesassa.

Bhikkhu samādisitvā pakkamati – “kuṭiṃ me karoṭhā”ti. Na ca samādisati – “desitavattukā ca hotu anārambhā ca sapaṛikkamanā cā”ti. Tassa kuṭiṃ karonti desitavattukaṃ sārambhaṃ aparikkamaṇaṃ, āpatti dvinnaṃ dukkaṭānaṃ...pe... sārambhaṃ sapaṛikkamaṇaṃ, āpatti dukkaṭassa...pe... anārambhaṃ aparikkamaṇaṃ, āpatti dukkaṭassa...pe... anārambhaṃ sapaṛikkamaṇaṃ, anāpatti.

Bhikkhu samādisitvā pakkamati – “kuṭiṃ me karoṭhā”ti. Na ca samādisati – “pamaṇikā ca hotu anārambhā ca sapaṛikkamanā cā”ti. Tassa kuṭiṃ karonti pamaṇātikantaṃ sārambhaṃ aparikkamaṇaṃ, āpatti saṅghādisesena dvinnaṃ dukkaṭānaṃ...pe... sārambhaṃ sapaṛikkamaṇaṃ, āpatti saṅghādisesena dukkaṭassa...pe... anārambhaṃ aparikkamaṇaṃ, āpatti saṅghādisesena dukkaṭassa...pe... anārambhaṃ sapaṛikkamaṇaṃ, āpatti saṅghādisesassa.

Bhikkhu samādisitvā pakkamati – “kuṭiṃ me karoṭhā”ti. Na ca samādisati – “pamaṇikā ca hotu anārambhā ca sapaṛikkamanā cā”ti. Tassa kuṭiṃ karonti pamaṇikaṃ sārambhaṃ aparikkamaṇaṃ, āpatti dvinnaṃ dukkaṭānaṃ...pe... sārambhaṃ sapaṛikkamaṇaṃ, āpatti dukkaṭassa...pe... anārambhaṃ aparikkamaṇaṃ, āpatti dukkaṭassa...pe... anārambhaṃ sapaṛikkamaṇaṃ, anāpatti.

Bhikkhu samādisitvā pakkamati – “kuṭiṃ me karoṭhā”ti. Na ca samādisati – “desitavattukā ca hotu pamaṇikā ca anārambhā ca sapaṛikkamanā cā”ti. Tassa kuṭiṃ karonti adesitavattukaṃ pamaṇātikantaṃ sārambhaṃ aparikkamaṇaṃ, āpatti dvinnaṃ saṅghādisesena dvinnaṃ dukkaṭānaṃ...pe... sārambhaṃ sapaṛikkamaṇaṃ, āpatti dvinnaṃ saṅghādisesena dukkaṭassa...pe... anārambhaṃ aparikkamaṇaṃ, āpatti dvinnaṃ saṅghādisesanaṃ.

Bhikkhu samādisitvā pakkamati – “kuṭiṃ me karoṭhā”ti. Na ca samādisati – “desitavattukā ca hotu pamaṇikā ca anārambhā ca sapaṛikkamanā cā”ti. Tassa kuṭiṃ karonti desitavattukaṃ pamaṇikaṃ sārambhaṃ aparikkamaṇaṃ, āpatti dvinnaṃ dukkaṭānaṃ...pe... sārambhaṃ sapaṛikkamaṇaṃ, āpatti dukkaṭassa...pe... anārambhaṃ aparikkamaṇaṃ, āpatti dukkaṭassa...pe... anārambhaṃ sapaṛikkamaṇaṃ, anāpatti.

358. Bhikkhu samādisitvā pakkamati – “kuṭiṃ me karoṭhā”ti. Samādisati ca – “desitavattukā ca hotu anārambhā ca sapaṛikkamanā cā”ti. Tassa kuṭiṃ karonti adesitavattukaṃ sārambhaṃ aparikkamaṇaṃ. So suṇāti – “kuṭi kira me kayirati adesitavattukā sārambhā aparikkamanā”ti. Tena bhikkhunā sāmaṃ vā gantabbaṃ dūto vā pāhetabbo – “desitavattukā ca hotu anārambhā ca sapaṛikkamanā cā”ti. No ce sāmaṃ vā gaccheyya dūtaṃ vā paṇeṇya, āpatti dukkaṭassa.

Bhikkhu samādisitvā pakkamati – “kuṭiṃ me karoṭhā”ti. Samādisati ca – “desitavattukā ca hotu anārambhā ca sapaṛikkamanā cā”ti. Tassa kuṭiṃ karonti adesitavattukaṃ sārambhaṃ sapaṛikkamaṇaṃ. So suṇāti – “kuṭi kira me kayirati adesitavattukā sārambhā sapaṛikkamanā”ti. Tena bhikkhunā sāmaṃ vā gantabbaṃ dūto vā pāhetabbo – “desitavattukā ca hotu anārambhā cā”ti. No ce sāmaṃ vā gaccheyya dūtaṃ vā paṇeṇya, āpatti dukkaṭassa.

Bhikkhu samādisitvā pakkamati – “kuṭiṃ me karoṭhā”ti. Samādisati ca – “desitavattukā ca hotu anārambhā ca sapaṛikkamanā cā”ti. Tassa kuṭiṃ karonti adesitavattukaṃ anārambhaṃ aparikkamaṇaṃ. So suṇāti – “kuṭi kira me kayirati adesitavattukā anārambhā aparikkamanā”ti. Tena bhikkhunā sāmaṃ vā gantabbaṃ dūto vā pāhetabbo – “desitavattukā ca hotu sapaṛikkamanā cā”ti. No

ce sāmaṃ vā gaccheyya dūtaṃ vā paḥiṇeyya, āpatti dukkaṭassa.

Bhikkhu samādisitvā pakkamati – “kuṭiṃ me karoṭhā”ti. Samādisati ca – “desitavattukā ca hotu anārambhā ca sapaṛikkamaṇā cā”ti. Tassa kuṭiṃ karonti adesitavattukamaṃ anārambhamaṃ sapaṛikkamaṇaṃ. So suṇāti – “kuṭi kira me kayirati adesitavattukā anārambhā sapaṛikkamaṇā”ti. Tena bhikkhunā sāmaṃ vā gantabbaṃ dūto vā pāhetabbo – “desitavattukā hotū”ti. No ce sāmaṃ vā gaccheyya dūtaṃ vā paḥiṇeyya, āpatti dukkaṭassa.

Bhikkhu samādisitvā pakkamati – “kuṭiṃ me karoṭhā”ti. Samādisati ca – “desitavattukā ca hotu anārambhā ca sapaṛikkamaṇā cā”ti. Tassa kuṭiṃ karonti desitavattukamaṃ sārambhamaṃ aparikkamaṇaṃ. So suṇāti – “kuṭi kira me kayirati desitavattukā sārambhā aparikkamaṇā”ti. Tena bhikkhunā sāmaṃ vā gantabbaṃ dūto vā pāhetabbo – “anārambhā ca hotu sapaṛikkamaṇā cā”ti. No ce sāmaṃ vā gaccheyya dūtaṃ vā paḥiṇeyya, āpatti dukkaṭassa.

Bhikkhu samādisitvā pakkamati – “kuṭiṃ me karoṭhā”ti. Samādisati ca – “desitavattukā ca hotu anārambhā ca sapaṛikkamaṇā cā”ti. Tassa kuṭiṃ karonti desitavattukamaṃ sārambhamaṃ sapaṛikkamaṇaṃ. So suṇāti – “kuṭi kira me kayirati desitavattukā sārambhā sapaṛikkamaṇā”ti. Tena bhikkhunā sāmaṃ vā gantabbaṃ dūto vā pāhetabbo – “anārambhā hotū”ti. No ce sāmaṃ vā gaccheyya dūtaṃ vā paḥiṇeyya, āpatti dukkaṭassa.

Bhikkhu samādisitvā pakkamati – “kuṭiṃ me karoṭhā”ti. Samādisati ca – “desitavattukā ca hotu anārambhā ca sapaṛikkamaṇā cā”ti. Tassa kuṭiṃ karonti desitavattukamaṃ anārambhamaṃ aparikkamaṇaṃ. So suṇāti – “kuṭi kira me kayirati desitavattukā anārambhā aparikkamaṇā”ti. Tena bhikkhunā sāmaṃ vā gantabbaṃ dūto vā pāhetabbo – “sapaṛikkamaṇā hotū”ti. No ce sāmaṃ vā gaccheyya dūtaṃ vā paḥiṇeyya, āpatti dukkaṭassa.

Bhikkhu samādisitvā pakkamati – “kuṭiṃ me karoṭhā”ti. Samādisati ca – “desitavattukā ca hotu anārambhā ca sapaṛikkamaṇā cā”ti. Tassa kuṭiṃ karonti desitavattukamaṃ anārambhamaṃ sapaṛikkamaṇaṃ, anāpatti.

359. Bhikkhu samādisitvā pakkamati – “kuṭiṃ me karoṭhā”ti. Samādisati ca – “pamaṇikā ca hotu anārambhā ca sapaṛikkamaṇā cā”ti. Tassa kuṭiṃ karonti pamaṇātikkantaṃ sārambhamaṃ aparikkamaṇaṃ. So suṇāti – “kuṭi kira me kayirati pamaṇātikkantā sārambhā aparikkamaṇā”ti. Tena bhikkhunā sāmaṃ vā gantabbaṃ dūto vā pāhetabbo – “pamaṇikā ca hotu anārambhā ca sapaṛikkamaṇā cā”ti...pe... “pamaṇikā ca hotu anārambhā cā”ti...pe... “pamaṇikā ca hotu sapaṛikkamaṇā cā”ti...pe... “pamaṇikā hotū”ti. No ce sāmaṃ vā gaccheyya dūtaṃ vā paḥiṇeyya, āpatti dukkaṭassa.

Bhikkhu samādisitvā pakkamati – “kuṭiṃ me karoṭhā”ti. Samādisati ca – “pamaṇikā ca hotu anārambhā ca sapaṛikkamaṇā cā”ti. Tassa kuṭiṃ karonti pamaṇikamaṃ sārambhamaṃ aparikkamaṇaṃ. So suṇāti – “kuṭi kira me kayirati pamaṇikā sārambhā aparikkamaṇā”ti. Tena bhikkhunā sāmaṃ vā gantabbaṃ dūto vā pāhetabbo – “anārambhā ca hotu sapaṛikkamaṇā cā”ti...pe... “anārambhā hotū”ti...pe... “sapaṛikkamaṇā hotū”ti...pe... anāpatti.

360. Bhikkhu samādisitvā pakkamati – “kuṭiṃ me karoṭhā”ti. Samādisati ca – “desitavattukā ca hotu pamaṇikā ca anārambhā ca sapaṛikkamaṇā cā”ti. Tassa kuṭiṃ karonti adesitavattukamaṃ pamaṇātikkantaṃ sārambhamaṃ aparikkamaṇaṃ. So suṇāti – “kuṭi kira me kayirati adesitavattukā pamaṇātikkantā sārambhā aparikkamaṇā”ti. Tena bhikkhunā sāmaṃ vā gantabbaṃ dūto vā pāhetabbo – “desitavattukā ca hotu pamaṇikā ca anārambhā ca sapaṛikkamaṇā cā”ti...pe... “desitavattukā ca hotu pamaṇikā ca anārambhā cā”ti...pe... “desitavattukā ca hotu pamaṇikā ca sapaṛikkamaṇā cā”ti...pe... “desitavattukā ca hotu pamaṇikā cā”ti. No ce sāmaṃ vā gaccheyya dūtaṃ vā paḥiṇeyya, āpatti dukkaṭassa.

Bhikkhu samādisitvā pakkamati – “kuṭiṃ me karothā”ti. Samādisati ca – “desitavattukā ca hotu pamāṇikā ca anārambhā ca sapaṛikkamanā cā”ti. Tassa kuṭiṃ karonti desitavattukam pamāṇikam sārambham aparikkamanam. So suṇāti – “kuṭi kira me kayirati desitavattukā pamāṇikā sārambhā aparikkamanā”ti. Tena bhikkhunā sāmam vā gantabbam dūto vā pāhetabbo – “anārambhā ca hotu sapaṛikkamanā cā”ti...pe... “anārambhā hotū”ti...pe... “sapaṛikkamanā hotū”ti...pe... anāpatti.

Bhikkhu samādisitvā pakkamati – “kuṭiṃ me karothā”ti. Samādisati ca – “desitavattukā ca hotu anārambhā ca sapaṛikkamanā cā”ti. Tassa kuṭiṃ karonti adesitavattukam sārambham aparikkamanam, āpatti kārukānam tiṇṇam dukkaṭānam...pe... sārambham sapaṛikkamanam, āpatti kārukānam dvinnam dukkaṭānam...pe... anārambham aparikkamanam, āpatti kārukānam dvinnam dukkaṭānam...pe... anārambham sapaṛikkamanam, āpatti kārukānam dukkaṭassa.

Bhikkhu samādisitvā pakkamati – “kuṭiṃ me karothā”ti. Samādisati ca – “desitavattukā ca hotu anārambhā ca sapaṛikkamanā cā”ti. Tassa kuṭiṃ karonti desitavattukam sārambham aparikkamanam, āpatti kārukānam dvinnam dukkaṭānam...pe... sārambham sapaṛikkamanam, āpatti kārukānam dukkaṭassa...pe... anārambham aparikkamanam, āpatti kārukānam dukkaṭassa...pe... anārambham sapaṛikkamanam, anāpatti.

Bhikkhu samādisitvā pakkamati – “kuṭiṃ me karothā”ti. Samādisati ca – “pamāṇikā ca hotu anārambhā ca sapaṛikkamanā cā”ti. Tassa kuṭiṃ karonti pamāṇātikantam sārambham aparikkamanam, āpatti kārukānam tiṇṇam dukkaṭānam...pe... sārambham sapaṛikkamanam, āpatti kārukānam dvinnam dukkaṭānam...pe... anārambham aparikkamanam, āpatti kārukānam dvinnam dukkaṭānam...pe... anārambham sapaṛikkamanam āpatti kārukānam dukkaṭassa.

Bhikkhu samādisitvā pakkamati – “kuṭiṃ me karothā”ti. Samādisati ca – “pamāṇikā ca hotu anārambhā ca sapaṛikkamanā cā”ti. Tassa kuṭiṃ karonti pamāṇikam sārambham aparikkamanam, āpatti kārukānam dvinnam dukkaṭānam...pe... sārambham sapaṛikkamanam, āpatti kārukānam dukkaṭassa...pe... anārambham aparikkamanam, āpatti kārukānam dukkaṭassa...pe... anārambham sapaṛikkamanam, anāpatti.

Bhikkhu samādisitvā pakkamati – “kuṭiṃ me karothā”ti. Samādisati ca – “desitavattukā ca hotu pamāṇikā ca anārambhā ca sapaṛikkamanā cā”ti. Tassa kuṭiṃ karonti adesitavattukam pamāṇātikantam sārambham aparikkamanam, āpatti kārukānam catunnam dukkaṭānam...pe... sārambham sapaṛikkamanam, āpatti kārukānam tiṇṇam dukkaṭānam...pe... anārambham aparikkamanam, āpatti kārukānam tiṇṇam dukkaṭānam...pe... anārambham sapaṛikkamanam, āpatti kārukānam dvinnam dukkaṭānam.

Bhikkhu samādisitvā pakkamati – “kuṭiṃ me karothā”ti. Samādisati ca – “desitavattukā ca hotu pamāṇikā ca anārambhā ca sapaṛikkamanā cā”ti. Tassa kuṭiṃ karonti desitavattukam pamāṇikam sārambham aparikkamanam, āpatti kārukānam dvinnam dukkaṭānam...pe... sārambham sapaṛikkamanam, āpatti kārukānam dukkaṭassa...pe... anārambham aparikkamanam, āpatti kārukānam dukkaṭassa...pe... anārambham sapaṛikkamanam, anāpatti.

361. Bhikkhu samādisitvā pakkamati – “kuṭiṃ me karothā”ti. Tassa kuṭiṃ karonti adesitavattukam sārambham aparikkamanam. So ce vipakate āgacchati, tena bhikkhunā sā kuṭi aññassa vā dātabbā bhinditvā vā puna kātabbā. No ce aññassa vā dadeyya bhinditvā vā puna kāreyya, āpatti saṅghādisesena dvinnam dukkaṭānam.

Bhikkhu samādisitvā pakkamati – “kuṭiṃ me karothā”ti. Tassa kuṭiṃ karonti adesitavattukam sārambham sapaṛikkamanam. So ce vipakate āgacchati, tena bhikkhunā sā kuṭi aññassa vā dātabbā bhinditvā vā puna kātabbā. No ce aññassa vā dadeyya bhinditvā vā puna kāreyya, āpatti saṅghādisesena

dukkaṭassa...pe... anārambhaṃ aparikkamaṇaṃ...pe... āpatti saṅghādisesena dukkaṭassa...pe...
anārambhaṃ aparikkamaṇaṃ...pe... āpatti saṅghādisesassa.

Bhikkhu samādisitvā pakkamati – “kuṭiṃ me karoṭhā”ti. Tassa kuṭiṃ karonti desitavattukam
sārambhaṃ aparikkamaṇaṃ. So ce vipakate āgacchati, tena bhikkhunā sā kuṭi aññassa vā dātabbā
bhinditvā vā puna katabbā. No ce aññassa vā dadeyya bhinditvā vā puna kāreyya, āpatti dvinnaṃ
dukkaṭānaṃ...pe... sārambhaṃ aparikkamaṇaṃ, āpatti dukkaṭassa...pe... anārambhaṃ
aparikkamaṇaṃ, āpatti dukkaṭassa...pe... anārambhaṃ aparikkamaṇaṃ, anāpatti.

362. Bhikkhu samādisitvā pakkamati – “kuṭiṃ me karoṭhā”ti. Tassa kuṭiṃ karonti
pamāṇātikantaṃ sārambhaṃ aparikkamaṇaṃ. So ce vipakate āgacchati, tena bhikkhunā sā kuṭi
aññassa vā dātabbā bhinditvā vā puna katabbā. No ce aññassa vā dadeyya bhinditvā vā puna kāreyya,
āpatti saṅghādisesena dvinnaṃ dukkaṭānaṃ...pe... sārambhaṃ aparikkamaṇaṃ, āpatti saṅghādisesena
dukkaṭassa...pe... anārambhaṃ aparikkamaṇaṃ, āpatti saṅghādisesena dukkaṭassa...pe... anārambhaṃ
aparikkamaṇaṃ, āpatti saṅghādisesassa.

Bhikkhu samādisitvā pakkamati – “kuṭiṃ me karoṭhā”ti. Tassa kuṭiṃ karonti pamāṇikaṃ
sārambhaṃ aparikkamaṇaṃ. So ce vipakate āgacchati, tena bhikkhunā sā kuṭi aññassa vā dātabbā
bhinditvā vā puna katabbā. No ce aññassa vā dadeyya bhinditvā vā puna kāreyya, āpatti dvinnaṃ
dukkaṭānaṃ...pe... sārambhaṃ aparikkamaṇaṃ, āpatti dukkaṭassa...pe... anārambhaṃ
aparikkamaṇaṃ, āpatti dukkaṭassa...pe... anārambhaṃ aparikkamaṇaṃ, anāpatti.

Bhikkhu samādisitvā pakkamati – “kuṭiṃ me karoṭhā”ti. Tassa kuṭiṃ karonti adesitavattukam
pamāṇātikantaṃ sārambhaṃ aparikkamaṇaṃ. So ce vipakate āgacchati, tena bhikkhunā sā kuṭi
aññassa vā dātabbā bhinditvā vā puna katabbā. No ce aññassa vā dadeyya bhinditvā vā puna kāreyya,
āpatti dvinnaṃ saṅghādisesena dvinnaṃ dukkaṭānaṃ...pe... sārambhaṃ aparikkamaṇaṃ, āpatti
dvinnaṃ saṅghādisesena dukkaṭassa...pe... anārambhaṃ aparikkamaṇaṃ, āpatti dvinnaṃ
saṅghādisesena dukkaṭassa...pe... anārambhaṃ aparikkamaṇaṃ, āpatti dvinnaṃ saṅghādisesānaṃ.

Bhikkhu samādisitvā pakkamati – “kuṭiṃ me karoṭhā”ti. Tassa kuṭiṃ karonti desitavattukam
pamāṇikaṃ sārambhaṃ aparikkamaṇaṃ. So ce vipakate āgacchati, tena bhikkhunā sā kuṭi aññassa vā
dātabbā bhinditvā vā puna katabbā. No ce aññassa vā dadeyya bhinditvā vā puna kāreyya, āpatti
dvinnaṃ dukkaṭānaṃ...pe... sārambhaṃ aparikkamaṇaṃ, āpatti dukkaṭassa...pe... anārambhaṃ
aparikkamaṇaṃ, āpatti dukkaṭassa.

Bhikkhu samādisitvā pakkamati – “kuṭiṃ me karoṭhā”ti. Tassa kuṭiṃ karonti desitavattukam
pamāṇikaṃ anārambhaṃ aparikkamaṇaṃ, anāpatti.

363. Attanā vipakataṃ attanā pariyosāpeti, āpatti saṅghādisesassa.

Attanā vipakataṃ parehi pariyosāpeti [[pariyosāvāpeti \(ka.\)](#)], āpatti saṅghādisesassa.

Parehi vipakataṃ attanā pariyosāpeti, āpatti saṅghādisesassa.

Parehi vipakataṃ parehi pariyosāpeti [[pariyosāvāpeti \(ka.\)](#)], āpatti saṅghādisesassa.

364. Anāpatti leṇe guhāya tiṇakuṭikāya aññassatthāya vāsāgāraṃ ṭhapetvā sabbattha, anāpatti
ummattakassa ādikammikassāti.

Kuṭikārasikkhāpadaṃ niṭṭhitaṃ chaṭṭhaṃ.

7. Vihārakārasikkhāpadaṃ

365. Tena samayena buddho bhagavā kosambiyam viharati ghoṣitārāme. Tena kho pana samayena āyasmato channassa upaṭṭhāko gahapati āyasmantaṃ channaṃ etadavoca – “vihāravatthum, bhante, jānāhi ayyassa vihāraṃ kārāpessāmī”ti. Atha kho āyasmā channo vihāravatthum sodhento aññataram cetiyarukkham chedāpesi gāmapūjitaṃ nigamapūjitaṃ nagarapūjitaṃ janapadapūjitaṃ raṭṭhapūjitaṃ. Manussā ujjhāyanti khiyyanti vipācenti – “kathañhi nāma samaṇā sakyaputtiyā cetiyarukkham chedāpessanti gāmapūjitaṃ nigamapūjitaṃ nagarapūjitaṃ janapadapūjitaṃ raṭṭhapūjitaṃ! Ekindriyam samaṇā sakyaputtiyā jīvaṃ viheṭhenti” [viheṭhessanti (katthaci)] ti. Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācenti – “kathañhi nāma āyasmā channo cetiyarukkham chedāpessati gāmapūjitaṃ...pe... raṭṭhapūjitaṃ”nti! Atha kho te bhikkhū āyasmantaṃ channaṃ anekapariyāyena vigarahitvā bhagavato etamatthaṃ ārocesum...pe... “saccaṃ kira tvam, channa, cetiyarukkham chedāpesi gāmapūjitaṃ...pe... raṭṭhapūjitaṃ”nti? “Saccaṃ, bhagavā”ti. Vigarahi buddho bhagavā...pe... “kathañhi nāma tvam, moghapurisa, cetiyarukkham chedāpessasi gāmapūjitaṃ nigamapūjitaṃ nagarapūjitaṃ janapadapūjitaṃ raṭṭhapūjitaṃ! Jīvasaññino hi, moghapurisa, manussā rukkhasmiṃ. Netam, moghapurisa, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

366. “Mahallakaṃ pana bhikkhunā vihāraṃ kārayamānena sassāmikaṃ attuddesaṃ bhikkhū abhinetaḃā vatthudesanāya. Tehi bhikkhūhi vatthu desetabbaṃ anārambhaṃ saparikkamaṇaṃ. Sārambhe ce bhikkhu vatthusmiṃ aparikkamanaṃ mahallakaṃ vihāraṃ kāreyya bhikkhū vā anabhineyya vatthudesanāya, saṅghādiseso”ti.

367. Mahallako nāma vihāro sassāmiko vuccati.

Vihāro nāma ullitto vā hoti avalitto vā ullittāvalitto vā.

Kārayamānenāti karonto vā kārāpento vā.

Sassāmikanti añño koci sāmiko hoti itthī vā puriso vā gahaṭṭho vā pabbajito vā.

Attuddesanti attano atthāya.

Bhikkhū abhinetaḃā vatthudesanāyāti tena vihārakārakena bhikkhunā vihāravatthum sodhetvā saṅgham upasaṅkamitvā ekaṃsaṃ uttarāsaṅgaṃ karitvā vuḍḍhānaṃ bhikkhūnaṃ pāde vanditvā ukkuṭikaṃ nisīditvā añjaliṃ paggahetvā evamassa vacanīyo – “ahaṃ, bhante, mahallakaṃ vihāraṃ kattukāmo sassāmikaṃ attuddesaṃ. Sohaṃ, bhante, saṅgham vihāravatthuolokanaṃ yācāmī”ti. Dutiyampi yācitabbā. Tatiyampi yācitabbā. Sace sabbo saṅgho ussahati vihāravatthum oloketum sabbena saṅghena oloketabbaṃ. No ce sabbo saṅgho ussahati vihāravatthum oloketum, ye tattha honti bhikkhū byattā paṭibalā sārambhaṃ anārambhaṃ saparikkamaṇaṃ aparikkamaṇaṃ jānitum te yācitvā sammannitabbā. Evañca pana, bhikkhave, sammannitabbā. Byattena bhikkhunā paṭibalena saṅgho ñāpetabbo –

368. “Suṇātu me, bhante, saṅgho. Ayaṃ itthannāmo bhikkhu mahallakaṃ vihāraṃ kattukāmo sassāmikaṃ attuddesaṃ. So saṅgham vihāravatthuolokanaṃ yācati. Yadi saṅghassa pattakallaṃ, saṅgho itthannāmañca itthannāmañca bhikkhu sammanneyya itthannāmassa bhikkhuno vihāravatthum oloketum. Esā ñatti.

“Suṇātu me, bhante, saṅgho. Ayaṃ itthannāmo bhikkhu mahallakaṃ vihāraṃ kattukāmo sassāmikaṃ attuddesaṃ. So saṅgham vihāravatthuolokanaṃ yācati. Saṅgho itthannāmañca itthannāmañca bhikkhū sammannati itthannāmassa bhikkhuno vihāravatthum oloketum. Yassāyasmato

khamati itthannāmassa ca itthannāmassa ca bhikkhūnaṃ sammuti itthannāmassa bhikkhuno vihāravatthūṃ oloketuṃ, so tuṇhassa; yassa nakkhamati, so bhāseyya.

“Sammataṃ saṅghena itthannāmo ca itthannāmo ca bhikkhū itthannāmassa bhikkhuno vihāravatthūṃ oloketuṃ. Khamati saṅghassa, tasmā tuṇhī, evametaṃ dhārayāmi”ti.

369. Tehi sammatehi bhikkhūhi tattha gantvā vihāravatthu oloketabbāṃ; sārāmbhaṃ anārāmbhaṃ saparikkamaṇaṃ aparikkamaṇaṃ jānitabbāṃ. Sace sārāmbhaṃ hoti aparikkamaṇaṃ, ‘māyidha karī’ti vattabbo. Sace anārāmbhaṃ hoti saparikkamaṇaṃ, saṅghassa ārocetabbāṃ – ‘anārāmbhaṃ saparikkamaṇa’nti. Tena vihārakārakena bhikkhunā saṅghaṃ upasaṅkamitvā ekaṃsaṃ uttarāsaṅgaṃ karitvā vuḍḍhānaṃ bhikkhūnaṃ pāde vanditvā ukkuṭikaṃ nisīditvā añjaliṃ paggahetvā evamassa vacanīyo – ‘ahaṃ, bhante, mahallakaṃ vihāraṃ kattukāmo sassāmikaṃ attuddesaṃ. Sohaṃ, bhante, saṅghaṃ vihāravatthudesanaṃ yācāmi”ti. Dutiyampi yācitabbā. Tatiyampi yācitabbā. Byattena bhikkhunā paṭibaleṇa saṅho ñāpetabbo –

370. “Suṇātu me, bhante, saṅho. Ayaṃ itthannāmo bhikkhu mahallakaṃ vihāraṃ kattukāmo sassāmikaṃ attuddesaṃ. So saṅghaṃ vihāravatthudesanaṃ yācati. Yadi saṅghassa pattakallaṃ, saṅho itthannāmassa bhikkhuno vihāravatthūṃ deseyya. Esā ñatti.

“Suṇātu me, bhante, saṅho. Ayaṃ itthannāmo bhikkhu mahallakaṃ vihāraṃ kattukāmo sassāmikaṃ attuddesaṃ. So saṅghaṃ vihāravatthudesanaṃ yācati. Saṅho itthannāmassa bhikkhuno vihāravatthūṃ deseti. Yassāyasmato khamati itthannāmassa bhikkhuno vihāravatthussa desanā, so tuṇhassa; yassa nakkhamati, so bhāseyya.

“Desitaṃ saṅghena itthannāmassa bhikkhuno vihāravatthūṃ. Khamati saṅghassa, tasmā tuṇhī, evametaṃ dhārayāmi”ti.

371. Sārāmbhaṃ nāma kipillikānaṃ vā āsāyo hoti, upacikānaṃ vā āsāyo hoti, undūrānaṃ vā... pe... ahīnaṃ vā vicchikānaṃ vā satapadīnaṃ vā hatthīnaṃ vā assānaṃ vā sīhānaṃ vā byagghānaṃ vā dīpīnaṃ vā acchānaṃ vā taracchānaṃ vā āsāyo hoti, yesaṃ kesañci tiracchānagatānaṃ paṇānaṃ āsāyo hoti, pubbaṇṇanissitaṃ vā hoti, aparāṇṇanissitaṃ vā hoti, abbhāghātānissitaṃ vā hoti, āghātānissitaṃ vā hoti, susānānissitaṃ vā hoti, uyyānānissitaṃ vā hoti, rājavatthunissitaṃ vā hoti, hatthisālānissitaṃ vā hoti, assasālānissitaṃ vā hoti, bandhanāgāranissitaṃ vā hoti, pānāgāranissitaṃ vā hoti, sūnānissitaṃ vā hoti, racchānissitaṃ vā hoti, caccaranissitaṃ vā hoti, sabhānissitaṃ vā hoti, saṃsaraṇanissitaṃ vā hoti. Etaṃ sārāmbhaṃ nāma.

Aparikkamaṇaṃ nāma na sakkā hoti yathāyuttēna sakaṭeṇa anuparigantaṃ, samantā nisseṇiyā anuparigantaṃ. Etaṃ aparikkamaṇaṃ nāma.

Anārāmbhaṃ nāma na kipillikānaṃ vā āsāyo hoti...pe... na saṃsaraṇanissitaṃ vā hoti. Etaṃ anārāmbhaṃ nāma.

Saparikkamaṇaṃ nāma sakkā hoti yathāyuttēna sakaṭeṇa anuparigantaṃ, samantā nisseṇiyā anuparigantaṃ. Etaṃ saparikkamaṇaṃ nāma.

Mahallako nāma vihāro sassāmiko vuccati.

Vihāro nāma ullitto vā hoti avalitto vā ullittāvalitto vā.

Kāreyyāti karoti vā kārāpeti vā.

Bhikkhū vā anabhineyya vatthudesanāyāti ñattidutiyena kamma vihāravatthum na desāpetvā karoti vā kārāpeti vā, payoge dukkaṭaṃ. Ekaṃ piṇḍaṃ anāgate, āpatti thullaccayassa. Tasmim piṇḍe āgate, āpatti saṅghādisesassa.

Saṅghādisesoti...pe... tenapi vuccati – ‘saṅghādiseso’ti.

372. Bhikkhu vihāraṃ karoti adesitavattukaṃ sārambhaṃ aparikkamaṇaṃ, āpatti saṅghādisesena dvinnāṃ dukkaṭānaṃ. Bhikkhu vihāraṃ karoti adesitavattukaṃ sārambhaṃ saparikkamaṇaṃ, āpatti saṅghādisesena dukkaṭassa. Bhikkhu vihāraṃ karoti adesitavattukaṃ anārambhaṃ aparikkamaṇaṃ, āpatti saṅghādisesena dukkaṭassa. Bhikkhu vihāraṃ karoti adesitavattukaṃ anārambhaṃ saparikkamaṇaṃ, āpatti saṅghādisesassa.

Bhikkhu vihāraṃ karoti desitavattukaṃ sārambhaṃ aparikkamaṇaṃ, āpatti dvinnāṃ dukkaṭānaṃ. Bhikkhu vihāraṃ karoti desitavattukaṃ sārambhaṃ saparikkamaṇaṃ, āpatti dukkaṭassa. Bhikkhu vihāraṃ karoti desitavattukaṃ anārambhaṃ aparikkamaṇaṃ, āpatti dukkaṭassa. Bhikkhu vihāraṃ karoti desitavattukaṃ anārambhaṃ saparikkamaṇaṃ, anāpatti.

373. Bhikkhu samādisati – ‘vihāraṃ me karoṭhā’ti. Tassa vihāraṃ karonti adesitavattukaṃ sārambhaṃ aparikkamaṇaṃ, āpatti saṅghādisesena dvinnāṃ dukkaṭānaṃ...pe... sārambhaṃ saparikkamaṇaṃ, āpatti saṅghādisesena dukkaṭassa...pe... anārambhaṃ aparikkamaṇaṃ, āpatti saṅghādisesena dukkaṭassa...pe... anārambhaṃ saparikkamaṇaṃ, āpatti saṅghādisesassa.

Bhikkhu samādisati – ‘vihāraṃ me karoṭhā’ti. Tassa vihāraṃ karonti desitavattukaṃ sārambhaṃ aparikkamaṇaṃ, āpatti dvinnāṃ dukkaṭānaṃ...pe... sārambhaṃ saparikkamaṇaṃ, āpatti dukkaṭassa...pe... anārambhaṃ aparikkamaṇaṃ, āpatti dukkaṭassa...pe... anārambhaṃ saparikkamaṇaṃ, anāpatti.

374. Bhikkhu samādisitvā pakkamati – ‘vihāraṃ me karoṭhā’ti. Na ca samādisati – ‘desitavattuko ca hotu anārambho ca saparikkamaṇo cā’ti. Tassa vihāraṃ karonti adesitavattukaṃ sārambhaṃ aparikkamaṇaṃ, āpatti saṅghādisesena dvinnāṃ dukkaṭānaṃ...pe... sārambhaṃ saparikkamaṇaṃ, āpatti saṅghādisesena dukkaṭassa...pe... anārambhaṃ aparikkamaṇaṃ, āpatti saṅghādisesena dukkaṭassa...pe... anārambhaṃ saparikkamaṇaṃ, āpatti saṅghādisesassa.

Bhikkhu samādisitvā pakkamati – ‘vihāraṃ me karoṭhā’ti. Na ca samādisati – ‘desitavattuko ca hotu anārambho ca saparikkamaṇo cā’ti. Tassa vihāraṃ karonti desitavattukaṃ sārambhaṃ aparikkamaṇaṃ, āpatti dvinnāṃ dukkaṭānaṃ...pe... sārambhaṃ saparikkamaṇaṃ, āpatti dukkaṭassa...pe... anārambhaṃ aparikkamaṇaṃ, āpatti dukkaṭassa...pe... anārambhaṃ saparikkamaṇaṃ, anāpatti.

375. Bhikkhu samādisitvā pakkamati – ‘vihāraṃ me karoṭhā’ti. Samādisati ca – ‘desitavattuko ca hotu anārambho ca saparikkamaṇo cā’ti. Tassa vihāraṃ karonti adesitavattukaṃ sārambhaṃ aparikkamaṇaṃ. So suṇāti – ‘vihāro kira me kayirati adesitavattuko sārambho aparikkamaṇo’ti. Tena bhikkhunā sāmaṃ vā gantabbaṃ dūto vā pāhetabbo – ‘desitavattuko ca hotu anārambho ca saparikkamaṇo cā’ti ...pe... ‘desitavattuko ca hotu anārambho cā’ti...pe... ‘desitavattuko ca hotu saparikkamaṇo cā’ti ...pe... ‘desitavattuko hotū’ti. No ce sāmaṃ vā gaccheyya dūtaṃ vā paṇeyya, āpatti dukkaṭassa.

Bhikkhu samādisitvā pakkamati – ‘vihāraṃ me karoṭhā’ti. Samādisati ca – ‘desitavattuko ca hotu anārambho ca saparikkamaṇo cā’ti. Tassa vihāraṃ karonti desitavattukaṃ sārambhaṃ aparikkamaṇaṃ. So suṇāti – ‘vihāro kira me kayirati desitavattuko sārambho aparikkamaṇo’ti. Tena bhikkhunā sāmaṃ vā gantabbaṃ dūto vā pāhetabbo – ‘anārambho ca hotu saparikkamaṇo cā’ti...pe... ‘anārambho hotū’ti ‘saparikkamaṇo hotū’ti, anāpatti.

376. Bhikkhu samādisitvā pakkamati – “vihāraṃ me karoṭhā”ti. Samādisati ca – “desitavattuko ca hotu anārambho ca saporikkamana cā”ti. Tassa vihāraṃ karonti adesitavattukaṃ sārambhaṃ aparikkamanaṃ, āpatti kārukānaṃ tiṇṇaṃ dukkaṭānaṃ...pe... sārambhaṃ saporikkamanaṃ, āpatti kārukānaṃ dvinnāṃ dukkaṭānaṃ...pe... anārambhaṃ aparikkamanaṃ, āpatti kārukānaṃ dvinnāṃ dukkaṭānaṃ...pe... anārambhaṃ saporikkamanaṃ, āpatti kārukānaṃ dukkaṭassa.

Bhikkhu samādisitvā pakkamati – “vihāraṃ me karoṭhā”ti. Samādisati ca – “desitavattuko ca hotu anārambho ca saporikkamana cā”ti. Tassa vihāraṃ karonti desitavattukaṃ sārambhaṃ aparikkamanaṃ, āpatti kārukānaṃ dvinnāṃ dukkaṭānaṃ...pe... sārambhaṃ saporikkamanaṃ, āpatti kārukānaṃ dukkaṭassa...pe... anārambhaṃ aparikkamanaṃ, āpatti kārukānaṃ dukkaṭassa...pe... anārambhaṃ saporikkamanaṃ, anāpatti.

377. Bhikkhu samādisitvā pakkamati – “vihāraṃ me karoṭhā”ti. Tassa vihāraṃ karonti adesitavattukaṃ sārambhaṃ aparikkamanaṃ. So ce vippakate āgacchati, tena bhikkhunā so vihāro aññassa vā dātabbo bhinditvā vā puna kātabbo. No ce aññassa vā dadeyya bhinditvā vā puna kāreyya, āpatti saṅghādisesena dvinnāṃ dukkaṭānaṃ...pe... sārambhaṃ saporikkamanaṃ, āpatti saṅghādisesena dukkaṭassa...pe... anārambhaṃ aparikkamanaṃ, āpatti saṅghādisesena dukkaṭassa...pe... anārambhaṃ saporikkamanaṃ, āpatti saṅghādisesassa.

Bhikkhu samādisitvā pakkamati – “vihāraṃ me karoṭhā”ti. Tassa vihāraṃ karonti desitavattukaṃ sārambhaṃ aparikkamanaṃ. So ce vippakate āgacchati, tena bhikkhunā so vihāro aññassa vā dātabbo bhinditvā vā puna kātabbo. No ce aññassa vā dadeyya bhinditvā vā puna kāreyya, āpatti dvinnāṃ dukkaṭānaṃ...pe... sārambhaṃ saporikkamanaṃ, āpatti dukkaṭassa...pe... anārambhaṃ aparikkamanaṃ, āpatti dukkaṭassa...pe... anārambhaṃ saporikkamanaṃ, anāpatti.

378. Attanā vippakataṃ attanā pariyosāpeti, āpatti saṅghādisesassa.

Attanā vippakataṃ parehi pariyosāpeti, āpatti saṅghādisesassa.

Parehi vippakataṃ attanā pariyosāpeti, āpatti saṅghādisesassa.

Parehi vippakataṃ parehi pariyosāpeti, āpatti saṅghādisesassa.

379. Anāpatti leṇe guhāya tiṇakuṭikāya aññassatthāya vāsāgāraṃ ṭhapetvā sabbattha. Anāpatti ummattakassa, ādikammikassāti.

Vihārakārasikkhāpadaṃ niṭṭhitam sattaṃ.

8. Duṭṭhadosasikkhāpadaṃ

380. [idaṃ vatthu cūḷava. 189] Tena samayena buddho bhagavā rājagahe viharati veḷuvane kalandakanivāpe. Tena kho pana samayena āyasmatā dabbena mallaputtana jātiyā sattavassena arahattaṃ sacchikataṃ hoti. Yaṃ kiñci [yañca kiñci (sī. ka.)] sāvakena pattabbaṃ sabbaṃ tena anuppattaṃ hoti. Natthi cassa kiñci uttari karaṇīyaṃ, katassa vā paticayo. Atha kho āyasmato dabbassa mallaputtassa rahogatassa paṭisallīnassa evaṃ cetaso parivitakko udapādi – “mayā kho jātiyā sattavassena arahattaṃ sacchikataṃ. Yaṃ kiñci sāvakena pattabbaṃ sabbaṃ mayā anuppattaṃ. Natthi ca me kiñci uttari karaṇīyaṃ, katassa vā paticayo. Kinnu kho ahaṃ saṅghassa veyyāvaccam kareyya’nti?

Atha kho āyasmato dabbassa mallaputtassa etadahosi – “yaṃnūnāhaṃ saṅghassa senāsanañca paññapeyyaṃ bhattāni ca uddiseyya”nti. Atha kho āyasmā dabbo mallaputto sāyanhasamayaṃ

paṭisallānā vuṭṭhito yena bhagavā tenupasaṅkami; upasaṅkamtivā bhagavantam abhivādetvā ekamantaṃ nisīdi. Ekamantaṃ nisinno kho āyasmā dabbo mallaputto bhagavantaṃ etadavoca – “idha mayhaṃ, bhante, rahogatassa paṭisallīnassa evaṃ cetaso parivitaṅko udapādi mayā kho jātiyā sattavassena arahattaṃ sacchikataṃ, yaṃ kiñci sāvakena pattaḃbaṃ, sabbaṃ mayā anupattaṃ, natthi ca me kiñci uttari karaṇīyaṃ, katassa vā paticyo, kiṃ nu kho ahaṃ saṅghassa veyyāvaccam kareyya”nti. Tassa mayhaṃ bhante, etadahosi yaṃnūnāhaṃ “saṅghassa senāsanaṅca paññapeyyaṃ bhattāni ca uddiseyyanti. Icchāmaḃhaṃ, bhante, saṅghassa senāsanaṅca paññapetuṃ bhattāni ca uddisitu”nti. “Sādhu sādhu, dabba. Tena hi tvaṃ, dabba, saṅghassa senāsanaṅca paññapehi bhattāni ca uddisā”ti. “Evaṃ, bhante”ti kho āyasmā dabbo mallaputto bhagavato paccassosi. Atha kho bhagavā etasmim nīdāne etasmim pakaraṇe dhammim kathaṃ katvā bhikkhū āmantesi – “tena hi, bhikkhave, saṅgho dabbam mallaputtaṃ senāsanapaññāpakaṅca bhattuddesakaṅca sammannatu. Evaṅca pana, bhikkhave, sammannitabbo. Paṭhamam dabbo mallaputto yācītabbo. Yācivā byattena bhikkhunā paṭibalena saṅgho ñāpetabbo –

381. “Suṇātu me, bhante, saṅgho. Yadi saṅghassa pattakallaṃ saṅgho āyasmantaṃ dabbam mallaputtaṃ senāsanapaññāpakaṅca bhattuddesakaṅca sammanneyya. Esā ñatti.

“Suṇātu me, bhante, saṅgho. Saṅgho āyasmantaṃ dabbam mallaputtaṃ senāsanapaññāpakaṅca bhattuddesakaṅca sammannati. Yassāyasmato khamati āyasmato dabbassa mallaputtassa senāsanapaññāpakassa ca bhattuddesakassa ca sammuti, so tuṅhassa; yassa nakkhamati, so bhāseyya.

“Sammato saṅghena āyasmā dabbo mallaputto senāsanapaññāpako ca bhattuddesako ca. Khamati saṅghassa, tasmā tuṅhī, evametaṃ dhārayāmi”ti.

382. Sammato ca panāyasmā dabbo mallaputto sabhāgānaṃ bhikkhūnaṃ ekajjhaṃ senāsanam paññapeti. Ye te bhikkhū suttantikā tesam ekajjhaṃ senāsanam paññapeti – “te aññamaññaṃ suttantaṃ saṅgāyissanti”ti. Ye te bhikkhū vinayadharā tesam ekajjhaṃ senāsanam paññapeti – “te aññamaññaṃ vinayaṃ vinicchissanti”ti [[vinicchissanti \(ka.\)](#)]. Ye te bhikkhū dhammakathikā tesam ekajjhaṃ senāsanam paññapeti – “te aññamaññaṃ dhammaṃ sākacchissanti”ti. Ye te bhikkhū jhāyino tesam ekajjhaṃ senāsanam paññapeti – “te aññamaññaṃ na byābādhissanti”ti [[na byābādhissanti \(ka.\)](#)]. Ye te bhikkhū tiracchānakathikā kāyadaḥhibahulā [[kāyadaḥhibahulā \(sī.\)](#)] viharanti tesampi ekajjhaṃ senāsanam paññapeti – “imāyapime āyasmanto ratiyā acchissanti”ti. Yepi te bhikkhū vikāle āgacchanti tesampi tejodhātuṃ samāpajjitvā teneva ālokena senāsanam paññapeti. Apisu bhikkhū saṅcicca vikāle āgacchanti – “mayam āyasmato dabbassa mallaputtassa iddhipāṭihāriyam passissāmā”ti.

Te āyasmantaṃ dabbam mallaputtaṃ upasaṅkamtivā evaṃ vadanti – “amhākaṃ, āvuso dabba, senāsanam paññapehi”ti. Te āyasmā dabbo mallaputto evaṃ vadeti – “kathāyasmantā icchanti, kattha paññapemi”ti? Te saṅcicca dūre apadisanti – “amhākaṃ, āvuso dabba, gijjhakūṭe pabbate senāsanam paññapehi. Amhākaṃ, āvuso, corapapāte senāsanam paññapehi. Amhākaṃ, āvuso, isigilipasse kāḷasilāyam senāsanam paññapehi. Amhākaṃ, āvuso, vebhārapasse sattapaṇṇiguhāyam senāsanam paññapehi. Amhākaṃ, āvuso, sītavane sappasoṅḍikapabbhāre senāsanam paññapehi. Amhākaṃ, āvuso, gotamakakandarāyam senāsanam paññapehi. Amhākaṃ, āvuso, tīndukakandarāyam senāsanam paññapehi. Amhākaṃ, āvuso, tapodakandarāyam senāsanam paññapehi. Amhākaṃ, āvuso, jīvākambavane senāsanam paññapehi. Amhākaṃ, āvuso, maddakucchismiṃ migadāye senāsanam paññapehi”ti.

Tesam āyasmā dabbo mallaputto tejodhātuṃ samāpajjitvā aṅguliyaṃ jalamānāya purato purato gacchati. Tepi teneva ālokena āyasmato dabbassa mallaputtassa piṭṭhito piṭṭhito gacchanti. Tesam āyasmā dabbo mallaputto evaṃ senāsanam paññapeti – “ayaṃ maṅco, idaṃ piṭṭhaṃ, ayaṃ bhisi, idaṃ bimbohanaṃ, idaṃ vaccaṭṭhānaṃ, idaṃ passāvattṭhānaṃ, idaṃ pānīyam, idaṃ paribhojanīyam, ayaṃ kattaraḍḍo, idaṃ saṅghassa katikasatṭhānaṃ, imaṃ kāmam pavasitabbaṃ, imaṃ kāmam

nikkhamitabba’’nti. Tesam āyasmā dabbo mallaputto evaṃ senāsanam paññapetvā punadeva veļuvanam paccāgacchati.

383. Tena kho pana samayena mettiyabhūmajakā [bhummajakā (sī. syā.)] bhikkhū navakā ceva honti appapuññā ca. Yāni saṅghassa lāmakāni senāsanāni tāni tesam pāpuṇanti lāmakāni ca bhattāni. Tena kho pana samayena rājagahe manussā icchanti therānam bhikkhūnam abhisankhārikam piṇḍapātāṃ dātum sappimpi telampi uttaribhaṅgampi. Mettiyabhūmajakānaṃ pana bhikkhūnaṃ pākatikam denti yathārandham kaṇājakam bilaṅgadutiyaṃ. Te pacchābhattaṃ piṇḍapātappaṭikkantā there bhikkhū pucchanti – “tumhākaṃ, āvuso, bhattagge kiṃ ahoṣi? Tumhākaṃ, āvuso, bhattagge kiṃ ahoṣi’’ti? Ekacce therā evaṃ vadanti – “amhākaṃ, āvuso, sappi ahoṣi telam ahoṣi uttaribhaṅgam ahoṣi’’ti. Mettiyabhūmajakā pana bhikkhū evaṃ vadanti – “amhākaṃ, āvuso, na kiñci ahoṣi, pākatikam yathārandham kaṇājakam bilaṅgadutiya’’nti.

Tena kho pana samayena kalyāṇabhattiko gahapati saṅghassa catukkabhattaṃ deti niccabhattaṃ. So bhattagge saputtadāro upatiṭṭhitvā parivisati. Aññe odanena pucchanti, aññe sūpena pucchanti, aññe telena pucchanti, aññe uttaribhaṅgena pucchanti. Tena kho pana samayena kalyāṇabhattikassa gahapatino bhattaṃ svātanāya mettiyabhūmajakānaṃ bhikkhūnaṃ uddiṭṭhaṃ hoti. Atha kho kalyāṇabhattiko gahapati āramam agamāsi kenacideva karaṇīyena. So yenāyasmā dabbo mallaputto tenupasaṅkami; upasaṅkamitvā āyasmantaṃ dabbam mallaputtaṃ abhivādetvā ekamantaṃ nisīdi. Ekamantaṃ nisinnaṃ kho kalyāṇabhattikam gahapatiṃ āyasmā dabbo mallaputto dhammiyā kathāya sandassesī samādapesi samuttejesī sampahaṃsesī. Atha kho kalyāṇabhattiko gahapati āyasmatā dabbena mallaputtana dhammiyā kathāya sandassito samādapito samuttejito sampahaṃsito āyasmantaṃ dabbam mallaputtaṃ etadavoca – “kassa, bhante, amhākaṃ ghare svātanāya bhattaṃ uddiṭṭha’’nti? “Mettiabhūmajakānaṃ kho, gahapati, bhikkhūnaṃ tumhākaṃ ghare svātanāya bhattaṃ uddiṭṭha’’nti. Atha kho kalyāṇabhattiko gahapati anattamaṃ ahoṣi – “kathaṃhi nāma pāpabhikkhū amhākaṃ ghare bhuñjissanti’’ti! Gharam gantvā dāsiṃ āṇāpesī – “ye, je, sve bhattikā āgacchanti te koṭṭhake āsanam paññapetvā kaṇājakena bilaṅgadutiyaṃ parivisā’’ti. “Evaṃ ayyā’’ti kho sā dāsī kalyāṇabhattikassa gahapatino paccassosi.

Atha kho mettiyabhūmajakā bhikkhū – “hiyyo kho, āvuso, amhākaṃ kalyāṇabhattikassa gahapatino ghare bhattaṃ uddiṭṭhaṃ, sve amhe kalyāṇabhattiko gahapati saputtadāro upatiṭṭhitvā parivissati; aññe odanena pucchissanti, aññe sūpena pucchissanti, aññe telena pucchissanti, aññe uttaribhaṅgena pucchissanti’’ti. Te teneva somanassena na cītarūpaṃ rattiyā supiṃsu. Atha kho mettiyabhūmajakā bhikkhū pubbaṅhasamayam nivāsetvā pattacīvaram ādāya yena kalyāṇabhattikassa gahapatino nivesanam tenupasaṅkamiṃsu. Addasā kho sā dāsī mettiyabhūmajake bhikkhū dūratova āgacchante. Disvāna koṭṭhake āsanam paññapetvā mettiyabhūmajake bhikkhū etadavoca – “nisīdatha, bhante’’ti. Atha kho mettiyabhūmajakānaṃ bhikkhūnaṃ etadahosi – “nissamsayam kho na tāva bhattaṃ siddham bhavissati! Yathā [yāva (sī.)] mayam koṭṭhake nisīdeyyāma’’ti [nisīdāpiyyāmāti (sī.), nisīdāpiyyāmāti (syā.)]. Atha kho sā dāsī kaṇājakena bilaṅgadutiyaṃ upagacchi – “bhuñjatha, bhante’’ti. “Mayam kho, bhagini, niccabhattikā’’ti. “Jānāmi ayyā niccabhattikātha. Apicāham hiyyova gahapatina ānattā – ‘ye, je, sve bhattikā āgacchanti te koṭṭhake āsanam paññapetvā kaṇājakena bilaṅgadutiyaṃ parivisā’’ti. Bhuñjatha, bhante’’ti. Atha kho mettiyabhūmajakā bhikkhū – “hiyyo kho, āvuso, kalyāṇabhattiko gahapati āramam agamāsi dabbassa mallaputtassa santike. Nissamsayam kho mayam dabbena mallaputtana gahapatino antare [santike (syā. kam. ka.)] paribhinna’’ti. Te teneva domanassena na cītarūpaṃ bhuñjiṃsu. Atha kho mettiyabhūmajakā bhikkhū pacchābhattaṃ piṇḍapātappaṭikkantā āramam gantvā pattacīvaram paṭisāmetvā bahārāmakotṭhake saṅghāṭipallatthikāya nisīdiṃsu tuṅhībhūtā maṅkubhūtā pattakkhandhā adhomukhā pajjhāyantaṃ appaṭibhānā.

Atha kho mettiyā bhikkhunī yena mettiyabhūmajakā bhikkhū tenupasaṅkami; upasaṅkamitvā mettiyabhūmajake bhikkhū etadavoca – “vandāmi, ayyā’’ti. Evaṃ vutte mettiyabhūmajakā bhikkhū nālapiṃsu. Dutiyampi kho...pe... tatiyampi kho mettiyā bhikkhunī mettiyabhūmajake bhikkhū

etadavoca – “vandāmi, ayyā”ti. Tatiyampi kho mettiyabhūmajakā bhikkhū nālapim̐su. “Kyāhaṃ ayyānaṃ aparajjhāmi? Kissa maṃ ayyā nālapanti”ti? “Tathā hi pana tvam, bhagini, amhe dabbena mallaputtana viheṭṭhiyamāne ajjupekkhasi”ti? “Kyāhaṃ, ayyā, karomī”ti? “Sace kho tvam, bhagini, iccheyyāsi ajeva bhagavā dabbam mallaputtam nāsāpeyyā”ti. “Kyāhaṃ, ayyā, karomi, kiṃ mayā sakkā kātu”nti? “Ehi tvam, bhagini, yena bhagavā tenupasaṅkama; upasaṅkamtivā bhagavantam evam vadehi – ‘idam, bhante, nacchannaṃ nappatirūpaṃ. Yāyaṃ, bhante, disā abhayā anītikā anupaddavā sāyaṃ disā sabhayā saītikā saupaddavā. Yato nivātam tato savātam [pavātam (sī. syā.)]. Udakaṃ maññe ādittam. Ayyenamhi dabbena mallaputtana dūsita”ti. “Evam, ayyā”ti kho mettiyā bhikkhunī mettiyabhūmajakānaṃ bhikkhūnaṃ paṭissutvā yena bhagavā tenupasaṅkami; upasaṅkamtivā bhagavantam abhivādetvā ekamantaṃ aṭṭhāsi. Ekamantaṃ ṭhitā kho mettiyā bhikkhunī bhagavantam etadavoca – “idam, bhante, nacchannaṃ nappatirūpaṃ. Yāyaṃ, bhante, disā abhayā anītikā anupaddavā sāyaṃ disā sabhayā saītikā saupaddavā. Yato nivātam tato savātam. Udakaṃ maññe ādittam! Ayyenamhi dabbena mallaputtana dūsita”ti.

384. Atha kho bhagavā etasmim̐ nidāne etasmim̐ pakaraṇe bhikkhusaṅgham̐ sannipātāpetvā āyasmantaṃ dabbam̐ mallaputtam̐ paṭipucchi – “sarasi tvam, dabba, evarūpaṃ kattā yathāyaṃ bhikkhunī āhā”ti? “Yathā maṃ, bhante, bhagavā jānātī”ti. Dutiyampi kho bhagavā...pe... tatiyampi kho bhagavā āyasmantaṃ dabbam̐ mallaputtam̐ etadavoca – “sarasi tvam, dabba, evarūpaṃ kattā yathāyaṃ bhikkhunī āhā”ti? “Yathā maṃ, bhante, bhagavā jānātī”ti. “Na kho, dabba, dabbā evam nibbeṭṭenti. Sace tayā kataṃ katanti vadehi, sace tayā akataṃ akatanti vadehī”ti. “Yato aham, bhante, jāto nābhijānāmi supinantenapi methunaṃ dhammaṃ paṭisevitā, pageva jāgaro”ti! Atha kho bhagavā bhikkhū āmantesi – “tena hi, bhikkhave, mettiyaṃ bhikkhuniṃ nāsetha. Ime ca bhikkhū anuyuñjathā”ti. Idam̐ vatvā bhagavā uṭṭhāyāsanaṃ vihāraṃ pāvīsi.

Atha kho te bhikkhū mettiyaṃ bhikkhuniṃ nāsesuṃ. Atha kho mettiyabhūmajakā bhikkhū te bhikkhū etadavocuṃ – “māvuso, mettiyaṃ bhikkhuniṃ nāsetha. Na sā kiñci aparajjhāti. Amhehi sā ussāhitā kupitehi anattamanahehi cāvanādhippāyehi”ti. “Kiṃ pana tumhe, āvuso, āyasmantaṃ dabbam̐ mallaputtam̐ amūlakena pārājikena dhammena anuddham̐sethā”ti? “Evamāvuso”ti. Ye te bhikkhū appicchā...pe... te ujjhāyanti khiyyanti vipācenti – “kathañhi nāma mettiyabhūmajakā bhikkhū āyasmantaṃ dabbam̐ mallaputtam̐ amūlakena pārājikena dhammena anuddham̐sessanti”ti! Atha kho te bhikkhū mettiyabhūmajake bhikkhū anekapariyāyena vigarahitvā bhagavato etamattham̐ ārocesuṃ...pe... “saccaṃ kira tumhe, bhikkhave, dabbam̐ mallaputtam̐ amūlakena pārājikena dhammena anuddham̐sethā”ti? “Saccaṃ, bhagavā”ti. Vigarahi buddho bhagavā...pe... “kathañhi nāma tumhe, moghapurisā, dabbam̐ mallaputtam̐ amūlakena pārājikena dhammena anuddham̐sessatha! Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

385. Yo pana bhikkhu bhikkhum̐ duṭṭho doso appatīto amūlakena pārājikena dhammena anuddham̐seyya – ‘appeva nāma naṃ imamahā brahmacariyā cāveyya’nti, tato aparena samayena samanuggāhīyamāno vā asamanuggāhīyamāno vā amūlakañceva tam̐ adhikaraṇam̐ hoti bhikkhu ca dosaṃ patitṭhāti, saṅghādiseso”ti.

386. Yo panāti yo yādiso...pe... bhikkhūti...pe... ayaṃ imasmim̐ atthe adhippeto bhikkhūti.

Bhikkhūti aññaṃ bhikkhum̐.

Duṭṭho dosoti kupito anattamano anabhiraddho āhatacitto khilajāto.

Appatītoti tena ca kopena tena ca dosena tāya ca anattamanatāya tāya ca anabhiraddhiyā appatīto hoti.

Amūlakam nāma adiṭṭhaṃ asutaṃ aparisaṅkitaṃ.

Pārājikena dhammenāti catunnaṃ aññatarena.

Anuddhamseyyāti codeti vā codāpeti vā.

Appeva nāma naṃ imamahā brahmacariyā cāveyyanti bhikkhubhāvā cāveyyaṃ, samaṇadhammā cāveyyaṃ, sīlakkhandhā cāveyyaṃ, tapoguṇā cāveyyaṃ.

Tato aparena samayenāti yasmiṃ khaṇe anuddhamṣito hoti taṃ khaṇaṃ taṃ layaṃ taṃ muhuttaṃ vītivatte.

Samanuggāhīyamānoti yena vatthunā anuddhamṣito hoti tasmiṃ vatthusmiṃ samanuggāhīyamāno.

Asamanuggāhīyamānoti na kenaci vuccamāno.

Adhikaraṇaṃ nāma cattāri adhikaraṇāni – vivādādhikaraṇaṃ, anuvādādhikaraṇaṃ, āpattādhikaraṇaṃ, kiccādhikaraṇaṃ.

Bhikkhu ca dosaṃ patitṭhātīti tucchakaṃ mayā bhaṇitaṃ, musā mayā bhaṇitaṃ, abhūtaṃ mayā bhaṇitaṃ, ajānantena mayā bhaṇitaṃ.

Saṅghādisesoti...pe... tenapi vuccati saṅghādisesoti.

387. Adiṭṭhassa hoti pārājikaṃ dhammaṃ ajjhāpajjanto. Tañce codeti – “diṭṭho mayā, pārājikaṃ dhammaṃ ajjhāpannosi, assamaṇosi, asakyaputtīyosi, natthi tayā saddhiṃ uposatho vā pavāraṇā vā saṅghakammaṃ vā”ti, āpatti vācāya, vācāya saṅghādisesassa.

Asutassa hoti – “pārājikaṃ dhammaṃ ajjhāpanno”ti. Tañce codeti – “suto mayā, pārājikaṃ dhammaṃ ajjhāpannosi, assamaṇosi, asakyaputtīyosi, natthi tayā saddhiṃ uposatho vā pavāraṇā vā saṅghakammaṃ vā”ti, āpatti vācāya, vācāya saṅghādisesassa.

Aparisaṅkitaṃ hoti – “pārājikaṃ dhammaṃ ajjhāpanno”ti. Tañce codeti – “parisaṅkito mayā, pārājikaṃ dhammaṃ ajjhāpannosi, assamaṇosi, asakyaputtīyosi, natthi tayā saddhiṃ uposatho vā pavāraṇā vā saṅghakammaṃ vā”ti, āpatti vācāya, vācāya saṅghādisesassa.

Adiṭṭhassa hoti pārājikaṃ dhammaṃ ajjhāpajjanto. Tañce codeti – “diṭṭho mayā suto ca, pārājikaṃ dhammaṃ ajjhāpannosi, assamaṇosi”...pe... āpatti vācāya, vācāya saṅghādisesassa.

Adiṭṭhassa hoti pārājikaṃ dhammaṃ ajjhāpajjanto. Tañce codeti – “diṭṭho mayā parisaṅkito ca, pārājikaṃ dhammaṃ ajjhāpannosi, assamaṇosi”...pe... āpatti vācāya, vācāya saṅghādisesassa.

Adiṭṭhassa hoti pārājikaṃ dhammaṃ ajjhāpajjanto. Tañce codeti – “diṭṭho mayā suto ca parisaṅkito ca, pārājikaṃ dhammaṃ ajjhāpannosi, assamaṇosi”...pe... āpatti vācāya, vācāya saṅghādisesassa.

Asutassa hoti – “pārājikaṃ dhammaṃ ajjhāpanno”ti. Tañce codeti – “suto mayā parisaṅkito ca... pe... suto mayā diṭṭho ca...pe... suto mayā parisaṅkito ca diṭṭho ca, pārājikaṃ dhammaṃ ajjhāpannosi, assamaṇosi”...pe... āpatti vācāya, vācāya saṅghādisesassa.

Aparisaṅkitassa hoti – “pārājikaṃ dhammaṃ ajjhāpanno”ti. Tañce codeti – “parisaṅkito mayā diṭṭho ca...pe... parisaṅkito mayā suto ca...pe... parisaṅkito mayā diṭṭho ca suto ca, pārājikaṃ dhammaṃ ajjhāpannosi, assamaṇosi”...pe... āpatti vācāya, vācāya saṅghādisesassa.

Diṭṭhassa hoti pārājikaṃ dhammaṃ ajjhāpajjanto. Tañce codeti – “suto mayā pārājikaṃ dhammaṃ ajjhāpannosi, assamaṇosi”...pe... āpatti vācāya, vācāya saṅghādisesassa.

Diṭṭhassa hoti pārājikaṃ dhammaṃ ajjhāpajjanto. Tañce codeti – “parisaṅkito mayā, pārājikaṃ dhammaṃ ajjhāpannosi”...pe... “suto mayā parisaṅkito ca, pārājikaṃ dhammaṃ ajjhāpannosi, assamaṇosi”...pe... āpatti vācāya, vācāya saṅghādisesassa.

Sutassa hoti – “pārājikaṃ dhammaṃ ajjhāpanno”ti. Tañce codeti – “parisaṅkito mayā, pārājikaṃ dhammaṃ ajjhāpannosi...pe... diṭṭho mayā, pārājikaṃ dhammaṃ ajjhāpannosi...pe... parisaṅkito mayā diṭṭho ca, pārājikaṃ dhammaṃ ajjhāpannosi, assamaṇosi”...pe... āpatti vācāya, vācāya saṅghādisesassa.

Parisaṅkitassa hoti – “pārājikaṃ dhammaṃ ajjhāpanno”ti. Tañce codeti – “diṭṭho mayā, pārājikaṃ dhammaṃ ajjhāpannosi...pe... suto mayā, pārājikaṃ dhammaṃ ajjhāpannosi...pe... diṭṭho mayā suto ca, pārājikaṃ dhammaṃ ajjhāpannosi, assamaṇosi, asakyaputtiososi”...pe... āpatti vācāya, vācāya saṅghādisesassa.

Diṭṭhassa hoti pārājikaṃ dhammaṃ ajjhāpajjanto. Diṭṭhe vematiko diṭṭhaṃ no kappeti diṭṭhaṃ nassarati diṭṭhaṃ pamuṭṭho hoti...pe... sute vematiko sutam no kappeti sutam nassarati sutam pamuṭṭho hoti...pe... parisaṅkito vematiko parisaṅkitaṃ no kappeti parisaṅkitaṃ nassarati parisaṅkitaṃ pamuṭṭho hoti. Tañce codeti – “parisaṅkito mayā diṭṭho ca...pe... parisaṅkito mayā suto ca...pe... parisaṅkito mayā diṭṭho ca suto ca, pārājikaṃ dhammaṃ ajjhāpannosi, assamaṇosi, asakyaputtiososi, natthi tayā saddhiṃ uposatho vā pavāraṇā vā saṅghakammaṃ vā”ti, āpatti vācāya, vācāya saṅghādisesassa.

388. Adiṭṭhassa hoti pārājikaṃ dhammaṃ ajjhāpajjanto. Tañce codāpeti – “diṭṭhosi, pārājikaṃ dhammaṃ ajjhāpannosi, assamaṇosi, asakyaputtiososi, natthi tayā saddhiṃ uposatho vā pavāraṇā vā saṅghakammaṃ vā”ti, āpatti vācāya, vācāya saṅghādisesassa.

Asutassa hoti – “pārājikaṃ dhammaṃ ajjhāpanno”ti...pe... aparisaṅkitassa hoti – “pārājikaṃ dhammaṃ ajjhāpanno”ti. Tañce codāpeti – “parisaṅkitosi, pārājikaṃ dhammaṃ ajjhāpannosi”...pe... āpatti vācāya, vācāya saṅghādisesassa.

Adiṭṭhassa hoti pārājikaṃ dhammaṃ ajjhāpajjanto. Tañce codāpeti – “diṭṭhosi sutosi...pe... diṭṭhosi parisaṅkitosi...pe... diṭṭhosi sutosi parisaṅkitosi, pārājikaṃ dhammaṃ ajjhāpannosi”...pe... asutassa hoti – “pārājikaṃ dhammaṃ ajjhāpanno”ti...pe... aparisaṅkitassa hoti – “pārājikaṃ dhammaṃ ajjhāpanno”ti. Tañce codāpeti – “parisaṅkitosi, diṭṭhosi...pe... parisaṅkitosi, sutosi...pe... parisaṅkitosi, diṭṭhosi, sutosi, pārājikaṃ dhammaṃ ajjhāpannosi, assamaṇosi”...pe... āpatti vācāya, vācāya saṅghādisesassa.

Diṭṭhassa hoti pārājikaṃ dhammaṃ ajjhāpajjanto. Tañce codāpeti – “sutosi”...pe... tañce codāpeti – “parisaṅkitosi”...pe... tañce codāpeti – “sutosi, parisaṅkitosi, pārājikaṃ dhammaṃ ajjhāpannosi, assamaṇosi”...pe... āpatti vācāya, vācāya saṅghādisesassa.

Sutassa hoti – “pārājikaṃ dhammaṃ ajjhāpanno”ti...pe... parisaṅkitassa hoti – “pārājikaṃ dhammaṃ ajjhāpanno”ti. Tañce “diṭṭhosi”...pe... tañce codāpeti – “sutosi”...pe... tañce codāpeti – “diṭṭhosi, sutosi, pārājikaṃ dhammaṃ ajjhāpannosi, assamaṇosi”...pe... āpatti vācāya, vācāya saṅghādisesassa.

Diṭṭhassa hoti pārājikaṃ dhammaṃ ajjhāpajjanto. Diṭṭhe vematiko diṭṭhaṃ no kappeti diṭṭhaṃ nassarati diṭṭhaṃ pamuṭṭho hoti...pe... sute vematiko sutam no kappeti sutam nassarati sutam pamuṭṭho hoti...pe... parisāṅkate vematiko parisāṅkitaṃ no kappeti parisāṅkitaṃ nassarati parisāṅkitaṃ pamuṭṭho hoti. Tañce codāpeti – “parisāṅkitosi, diṭṭhosi”...pe... parisāṅkitaṃ pamuṭṭho hoti, tañce codāpeti – “parisāṅkitosi sutosi”...pe... parisāṅkitaṃ pamuṭṭho hoti, tañce codāpeti – “parisāṅkitosi, diṭṭhosi, sutosi, pārājikaṃ dhammaṃ ajjhāpannosi, assamaṇosi, asakyaputtiyosi, natthi tayā saddhiṃ uposatho vā pavāraṇā vā saṅghakammaṃ vā”ti, āpatti vācāya, vācāya saṅghādisesassa.

389. Asuddhe suddhadiṭṭhi, suddhe asuddhadiṭṭhi, asuddhe asuddhadiṭṭhi, suddhe suddhadiṭṭhi.

Asuddho hoti puggalo aññataram pārājikaṃ dhammaṃ ajjhāpanno. Tañce suddhadiṭṭhi samāno anokāsaṃ kārapetvā cāvanādhippāyo vadeti, āpatti saṅghādisesena dukkaṭassa.

Asuddho hoti puggalo aññataram pārājikaṃ dhammaṃ ajjhāpanno. Tañce suddhadiṭṭhi samāno okāsaṃ kārapetvā cāvanādhippāyo vadeti, āpatti saṅghādisesassa.

Asuddho hoti puggalo aññataram pārājikaṃ dhammaṃ ajjhāpanno. Tañce suddhadiṭṭhi samāno anokāsaṃ kārapetvā akkosādhippāyo vadeti, āpatti omasavādena dukkaṭassa.

Asuddho hoti puggalo aññataram pārājikaṃ dhammaṃ ajjhāpanno. Tañce suddhadiṭṭhi samāno okāsaṃ kārapetvā akkosādhippāyo vadeti, āpatti omasavādassa.

Suddho hoti puggalo aññataram pārājikaṃ dhammaṃ anajjhāpanno. Tañce asuddhadiṭṭhi samāno anokāsaṃ kārapetvā cāvanādhippāyo vadeti, āpatti dukkaṭassa.

Suddho hoti puggalo aññataram pārājikaṃ dhammaṃ anajjhāpanno. Tañce asuddhadiṭṭhi samāno okāsaṃ kārapetvā cāvanādhippāyo vadeti, anāpatti.

Suddho hoti puggalo aññataram pārājikaṃ dhammaṃ anajjhāpanno. Tañce asuddhadiṭṭhi samāno anokāsaṃ kārapetvā akkosādhippāyo vadeti, āpatti omasavādena dukkaṭassa.

Suddho hoti puggalo aññataram pārājikaṃ dhammaṃ anajjhāpanno. Tañce asuddhadiṭṭhi samāno okāsaṃ kārapetvā akkosādhippāyo vadeti, āpatti omasavādassa.

Asuddho hoti puggalo aññataram pārājikaṃ dhammaṃ ajjhāpanno. Tañce asuddhadiṭṭhi samāno anokāsaṃ kārapetvā cāvanādhippāyo vadeti, āpatti dukkaṭassa.

Asuddho hoti puggalo aññataram pārājikaṃ dhammaṃ ajjhāpanno. Tañce asuddhadiṭṭhi samāno okāsaṃ kārapetvā cāvanādhippāyo vadeti, anāpatti.

Asuddho hoti puggalo aññataram pārājikaṃ dhammaṃ ajjhāpanno. Tañce asuddhadiṭṭhi samāno anokāsaṃ kārapetvā akkosādhippāyo vadeti, āpatti omasavādena dukkaṭassa.

Asuddho hoti puggalo aññataram pārājikaṃ dhammaṃ ajjhāpanno. Tañce asuddhadiṭṭhi samāno okāsaṃ kārapetvā akkosādhippāyo vadeti, āpatti omasavādassa.

Suddho hoti puggalo aññataram pārājikaṃ dhammaṃ anajjhāpanno. Tañce suddhadiṭṭhi samāno anokāsaṃ kārapetvā cāvanādhippāyo vadeti, āpatti saṅghādisesena dukkaṭassa.

Suddho hoti puggalo aññataram pārājikaṃ dhammaṃ anajjhāpanno. Tañce suddhadiṭṭhi samāno

okāsaṃ kārāpetvā cāvanādhippāyo vadeti, āpatti saṅghādisesassa.

Suddho hoti puggalo aññataraṃ pārājikaṃ dhammaṃ anajjhāpanno. Tañce suddhadiṭṭhi samāno anokāsaṃ kārāpetvā akkosādhippāyo vadeti, āpatti omasavādena dukkaṭassa.

Suddho hoti puggalo aññataraṃ pārājikaṃ dhammaṃ anajjhāpanno tañce suddhadiṭṭhi samāno okāsaṃ kārāpetvā akkosādhippāyo vadeti, āpatti omasavādassa.

390. Anāpatti suddhe asuddhadiṭṭhissa, asuddhe asuddhadiṭṭhissa, ummattakassa, ādikammikassāti.

Duṭṭhadosasikkhāpadaṃ niṭṭhitaṃ aṭṭhamam.

9. Dutiyaduṭṭhadosasikkhāpadaṃ

391. Tena samayena buddho bhagavā rājagahe viharati veḷuvane kalandakanivāpe. Tena kho pana samayena mettiyabhūmajakā bhikkhū gijjhakūṭā pabbatā orohantā addasaṃsu chagalakaṃ [chakalakam (syā.)] ajikāya vippaṭipajjantaṃ. Disvāna evamāhaṃsu – “handa mayaṃ, āvuso, imaṃ chagalakaṃ dabbam mallaputtaṃ nāma karoma. Imaṃ ajikaṃ mettiyaṃ nāma bhikkhuniṃ karoma. Evaṃ mayaṃ voharissāma. Pubbe mayaṃ, āvuso, dabbam mallaputtaṃ sutena avocumhā. Idāni pana amhehi sāmaṃ diṭṭho mettiyāya bhikkhuniyā vippaṭipajjanto”ti. Te taṃ chagalakaṃ dabbam mallaputtaṃ nāma akaṃsu. Taṃ ajikaṃ mettiyaṃ nāma bhikkhuniṃ akaṃsu. Te bhikkhūnaṃ ārocesum – “pubbe mayaṃ, āvuso, dabbam mallaputtaṃ sutena avocumhā. Idāni pana amhehi sāmaṃ diṭṭho mettiyāya bhikkhuniyā vippaṭipajjanto”ti. Bhikkhū evamāhaṃsu – “māvuso, evaṃ avacuttha. Nāyasmā dabbo mallaputto evaṃ karissati”ti.

Atha kho te bhikkhū bhagavato etamattham ārocesum. Atha kho bhagavā etasmim nidāne etasmim pakaraṇe bhikkhusaṅgham sannipātāpetvā āyasmantaṃ dabbam mallaputtaṃ paṭipucchi – “sarasi tvam, dabba, evarūpaṃ kattā yathayime bhikkhū āhaṃsu”ti? “Yathā maṃ, bhante, bhagavā jānāti”ti. Dutiyampi kho bhagavā...pe... tatiyampi kho bhagavā āyasmantaṃ dabbam mallaputtaṃ etadavoca – “sarasi tvam, dabba, evarūpaṃ kattā yathayime bhikkhū āhaṃsu”ti? “Yathā maṃ, bhante, bhagavā jānāti”ti. “Na kho, dabba, dabbā evaṃ nibbeṭhenti. Sace tayā kataṃ katanti vadehi, sace tayā akataṃ akatanti vadehī”ti. “Yato aham, bhante, jāto nābhijānāmi supinantenapi methunadhammaṃ paṭisevitā, pageva jāgaro”ti! Atha kho bhagavā bhikkhū āmantesi – “tena hi, bhikkhūve, ime bhikkhū anuyuñjathā”ti. Imaṃ vatvā bhagavā uṭṭhāyāsanā vihāraṃ pāvīsi.

Atha kho te bhikkhū mettiyabhūmajake bhikkhū anuyuñjimsu. Te bhikkhūhi anuyuñjīyamānā bhikkhūnaṃ etamattham ārocesum – “kiṃ pana tumhe, āvuso, āyasmantaṃ dabbam mallaputtaṃ aññabhāgiyassa adhikaraṇassa kiñcidesaṃ lesamattaṃ upādāya pārājikena dhammena anuddhamsethā”ti? “Evamāvuso”ti. Ye te bhikkhū appicchā...pe... te ujjhāyanti khiyyanti vipācenti – “kathaṃhi nāma mettiyabhūmajakā bhikkhū āyasmantaṃ dabbam mallaputtaṃ aññabhāgiyassa adhikaraṇassa kiñci desaṃ lesamattaṃ upādāya pārājikena dhammena anuddhamsessanti”ti! Atha kho te bhikkhū mettiyabhūmajake bhikkhū anekapariyāyena vigarahitvā bhagavato etamattham ārocesum... pe... “saccaṃ kira tumhe, bhikkhave, dabbam mallaputtaṃ aññabhāgiyassa adhikaraṇassa kiñci desaṃ lesamattaṃ upādāya pārājikena dhammena anuddhamsethā”ti? “Saccaṃ, bhagavā”ti. Vigarahi buddho bhagavā...pe... “kathaṃhi nāma tumhe, moghapurisā, dabbam mallaputtaṃ aññabhāgiyassa adhikaraṇassa kiñci desaṃ lesamattaṃ upādāya pārājikena dhammena anuddhamsessatha! Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

392. “Yo pana bhikkhu bhikkhum duṭṭho doso appatīto aññabhāgiyassa adhikaraṇassa kiñcidesaṃ lesamattaṃ upādāya pārājikena dhammena anuddhamseyya – ‘appeva nāma naṃ

imamhā brahmacariyā cāveyya’nti. Tato aparena samayena samanuggāhīyamāno vā asamanuggāhīyamāno vā aññabhāgiyañceva taṃ adhikaraṇaṃ hoti kocideso lesamatto upādīno, bhikkhu ca dosaṃ patitṭhāti, saṅghādiseso’”ti.

393. Yo panāti yo yādiso...pe... **bhikkhūti**...pe... ayam imasmiṃ atthe adhippeto bhikkhūti.

Bhikkhūti aññaṃ bhikkhūṃ.

Duṭṭho dosoti kupito anattamano anabhiraddho āhatacitto khilajāto.

Appatītoti tena ca kopena, tena ca dosena, tāya ca anattamanatāya, tāya ca anabhiraddhiyā appatīto hoti.

Aññabhāgiyassa adhikaraṇassāti āpattaññabhāgiyaṃ vā hoti adhikaraṇaññabhāgiyaṃ vā. Kathaṃ adhikaraṇaṃ adhikaraṇassa aññabhāgiyaṃ? Vivādādhikaraṇaṃ anuvādādhikaraṇassa āpattādhikaraṇassa kiccādhikaraṇassa aññabhāgiyaṃ. Anuvādādhikaraṇaṃ āpattādhikaraṇassa kiccādhikaraṇassa vivādādhikaraṇassa aññabhāgiyaṃ. Āpattādhikaraṇaṃ kiccādhikaraṇassa vivādādhikaraṇassa anuvādādhikaraṇassa aññabhāgiyaṃ. Kiccādhikaraṇaṃ vivādādhikaraṇassa anuvādādhikaraṇassa āpattādhikaraṇassa aññabhāgiyaṃ. Evaṃ adhikaraṇaṃ adhikaraṇassa aññabhāgiyaṃ.

Kathaṃ adhikaraṇaṃ adhikaraṇassa tabbhāgiyaṃ? Vivādādhikaraṇaṃ vivādādhikaraṇassa tabbhāgiyaṃ. Anuvādādhikaraṇaṃ anuvādādhikaraṇassa tabbhāgiyaṃ. Āpattādhikaraṇaṃ āpattādhikaraṇassa siyā tabbhāgiyaṃ siyā aññabhāgiyaṃ.

Kathaṃ āpattādhikaraṇaṃ āpattādhikaraṇassa aññabhāgiyaṃ? Methunadhammapārājikāpatti adinnādānapārājikāpattiyā manussaviggahapārājikāpattiyā uttarimanussadhammapārājikāpattiyā aññabhāgiyā. Adinnādānapārājikāpatti manussaviggahapārājikāpattiyā uttarimanussadhammapārājikāpattiyā methunadhammapārājikāpattiyā aññabhāgiyā. Manussaviggahapārājikāpatti uttarimanussadhammapārājikāpattiyā methunadhammapārājikāpattiyā adinnādānapārājikāpattiyā aññabhāgiyā. Uttarimanussadhammapārājikāpatti methunadhammapārājikāpattiyā adinnādānapārājikāpattiyā manussaviggahapārājikāpattiyā aññabhāgiyā. Evaṃ āpattādhikaraṇaṃ āpattādhikaraṇassa aññabhāgiyaṃ.

Kathaṃ āpattādhikaraṇaṃ āpattādhikaraṇassa tabbhāgiyaṃ? Methunadhammapārājikāpatti methunadhammapārājikāpattiyā tabbhāgiyā. Adinnādānapārājikāpatti adinnādānapārājikāpattiyā tabbhāgiyā. Manussaviggahapārājikāpatti manussaviggahapārājikāpattiyā tabbhāgiyā. Uttarimanussadhammapārājikāpatti uttarimanussadhammapārājikāpattiyā tabbhāgiyā. Evaṃ āpattādhikaraṇaṃ āpattādhikaraṇassa tabbhāgiyaṃ.

Kiccādhikaraṇaṃ kiccādhikaraṇassa tabbhāgiyaṃ. Evaṃ adhikaraṇaṃ adhikaraṇassa tabbhāgiyaṃ.

394. Kiñci desaṃ lesamattaṃ upādāyāti lesa nāma dasa lesā – jātileso, nāmaleso, gottaleso, liṅgaleso, āpattilesa, pattaleso, cīvaraleso, upajjhāyaleso, ācariyaleso, senāsanaleso.

395. Jātileso nāma khattiyō diṭṭho hoti pārājikaṃ dhammaṃ ajjhāpajjanto. Aññaṃ khattiyāṃ passivā codeti – “khattiyō mayā diṭṭho [ettha “pārājikaṃ dhammaṃ ajjhāpajjanto”ti pāṭho ūno maññe, aṭṭhakathāyaṃ hi “khattiyō mayā diṭṭho pārājikaṃ dhammaṃ ajjhāpajjanto”ti dissati]. Pārājikaṃ dhammaṃ ajjhāpannosi, assamaṇosi, asakyaputtīyosi, natthi tayā saddhiṃ uposatho vā pavāraṇā vā saṅghakammaṃ vā”ti, āpatti vācāya, vācāya saṅghādisesassa.

Brāhmaṇo diṭṭho hoti...pe... vesso diṭṭho hoti...pe... suddo diṭṭho hoti pārājikaṃ dhammaṃ

ajjhāpajjanto. Aññaṃ suddhaṃ passivā codeti – “suddo mayā diṭṭho. Pārājikaṃ dhammaṃ ajjhāpānno, assaṃno, asakyaputtio”...pe... āpatti vācāya, vācāya saṅghādisessa.

396. Nāmaleso nāma buddharakkhito diṭṭho hoti...pe... dhammarakkhito diṭṭho hoti...pe... saṅgharakkhito diṭṭho hoti pārājikaṃ dhammaṃ ajjhāpajjanto. Aññaṃ saṅgharakkhitaṃ passivā codeti – “saṅgharakkhito mayā diṭṭho. Pārājikaṃ dhammaṃ ajjhāpānno, assaṃno, asakyaputtio”...pe... āpatti vācāya, vācāya saṅghādisessa.

397. Gottaleso nāma gotamo diṭṭho hoti...pe... moggallāno diṭṭho hoti...pe... kaccāyano diṭṭho hoti...pe... vāsīṭṭho diṭṭho hoti pārājikaṃ dhammaṃ ajjhāpajjanto. Aññaṃ vāsīṭṭhaṃ passivā codeti – “vāsīṭṭho mayā diṭṭho. Pārājikaṃ dhammaṃ ajjhāpānno, assaṃno, asakyaputtio”...pe... āpatti vācāya, vācāya saṅghādisessa.

398. Liṅgaleso nāma dīgho diṭṭho hoti...pe... rasso diṭṭho hoti...pe... kaṇho diṭṭho hoti...pe... odāto diṭṭho hoti pārājikaṃ dhammaṃ ajjhāpajjanto. Aññaṃ odātaṃ passivā codeti – “odāto mayā diṭṭho. Pārājikaṃ dhammaṃ ajjhāpānno, assaṃno, asakyaputtio”...pe... āpatti vācāya, vācāya saṅghādisessa.

399. Āpattilesa nāma lahukaṃ āpattiṃ āpajjanto diṭṭho hoti. Tañce pārājikena codeti – “assaṃno, asakyaputtio...pe... āpatti vācāya, vācāya saṅghādisessa.

400. Pattaleso nāma lohapattadharo diṭṭho hoti...pe... sātakaṃ pattadharo diṭṭho hoti...pe... sumbhakapattadharo diṭṭho hoti pārājikaṃ dhammaṃ ajjhāpajjanto. Aññaṃ sumbhakapattadharaṃ passivā codeti – “sumbhakapattadharo mayā diṭṭho. Pārājikaṃ dhammaṃ ajjhāpānno, assaṃno, asakyaputtio”...pe... āpatti vācāya, vācāya saṅghādisessa.

401. Cīvaraleso nāma paṃsukūliko diṭṭho hoti...pe... gahapaticīvaradharo diṭṭho hoti pārājikaṃ dhammaṃ ajjhāpajjanto. Aññaṃ gahapaticīvaradharaṃ passivā codeti – “gahapaticīvaradharo mayā diṭṭho. Pārājikaṃ dhammaṃ ajjhāpānno, assaṃno, asakyaputtio”...pe... āpatti vācāya, vācāya saṅghādisessa.

402. Upajjhāyaleso nāma itthannāmassa saddhivihāriko diṭṭho hoti pārājikaṃ dhammaṃ ajjhāpajjanto. Aññaṃ itthannāmassa saddhivihārikaṃ passivā codeti – “itthannāmassa saddhivihāriko mayā diṭṭho. Pārājikaṃ dhammaṃ ajjhāpānno, assaṃno, asakyaputtio”...pe... āpatti vācāya, vācāya saṅghādisessa.

403. Ācariyaleso nāma itthannāmassa antevāsiko diṭṭho hoti pārājikaṃ dhammaṃ ajjhāpajjanto. Aññaṃ itthannāmassa antevāsikaṃ passivā codeti – “itthannāmassa antevāsiko mayā diṭṭho. Pārājikaṃ dhammaṃ ajjhāpānno, assaṃno, asakyaputtio”...pe... āpatti vācāya, vācāya saṅghādisessa.

404. Senāsanaleso nāma itthannāmasenāsanavāsiko diṭṭho hoti pārājikaṃ dhammaṃ ajjhāpajjanto. Aññaṃ itthannāmasenāsanavāsikaṃ passivā codeti – “itthannāmasenāsanavāsiko mayā diṭṭho. Pārājikaṃ dhammaṃ ajjhāpānno, assaṃno, asakyaputtio, natthi tayā saddhiṃ uposatho vā pavāraṇā vā saṅghakammaṃ vā”ti, āpatti vācāya, vācāya saṅghādisessa.

405. Pārājikena dhammenāti catunnaṃ aññatarena.

Anuddhamseyyāti codeti vā codāpeti vā.

Appeva nāma naṃ imabhā brahmacariyācāveyyanti bhikkhubhāvā cāveyyaṃ, samaṇadhammā cāveyyaṃ, silakkhandhā cāveyyaṃ, tapoguṇā cāveyyaṃ.

Tato aparena samayenāti yasmiṃ khaṇe anuddhaṃsito hoti, taṃ khaṇaṃ taṃ layaṃ taṃ muhuttaṃ vītivatte.

Samanuggāhīyamānoti yena vatthunā anuddhaṃsito hoti tasmiṃ vatthusmiṃ samanuggāhīyamāno.

Asamanuggāhīyamānoti na kenaci vuccamāno.

Adhikaraṇaṃ nāma cattāri adhikaraṇāni – vivādādhikaraṇaṃ, anuvādādhikaraṇaṃ, āpattādhikaraṇaṃ, kiccādhikaraṇaṃ.

Koci deso lesamatto upādinnoti tesam dasannaṃ lesānaṃ aññataro lesa upādinno hoti.

Bhikkhu ca dosaṃ patiṭṭhātīti tucchakaṃ mayā bhaṇitaṃ, musā mayā bhaṇitaṃ, abhūtaṃ mayā bhaṇitaṃ, ajānantena mayā bhaṇitaṃ.

Saṅghādisesoti ...pe... tenapi vuccati saṅghādisesoti.

406. Bhikkhu saṅghādisesaṃ ajjhāpajjanto diṭṭho hoti, saṅghādisese saṅghādisesadiṭṭhi hoti. Tañce pārājikena codeti – “assamaṇosi, asakyaputtīyosi, natthi tayā saddhiṃ uposatho vā pavāraṇā vā saṅghakammaṃ vā”ti, evampi āpattaññabhāgiyaṃ hoti lesa ca upādinno, āpatti vācāya, vācāya saṅghādisesassa.

Bhikkhu saṅghādisesaṃ ajjhāpajjanto diṭṭho hoti, saṅghādisese thullaccayadiṭṭhi hoti...pe... pācittiyadiṭṭhi hoti... pāṭidesanīyadiṭṭhi hoti... dukkaṭadiṭṭhi hoti... dubbhāsītadiṭṭhi hoti. Tañce pārājikena codeti – “assamaṇosi”...pe... evampi āpattaññabhāgiyaṃ hoti lesa ca upādinno, āpatti vācāya, vācāya saṅghādisesassa.

Bhikkhu thullaccayaṃ ajjhāpajjanto diṭṭho hoti thullaccaye thullaccayadiṭṭhi hoti...pe... thullaccaye pācittiyadiṭṭhi hoti... pāṭidesanīyadiṭṭhi hoti... dukkaṭadiṭṭhi hoti... dubbhāsītadiṭṭhi hoti... saṅghādisesadiṭṭhi hoti. Tañce pārājikena codeti – “assamaṇosi”...pe... evampi āpattaññabhāgiyaṃ hoti lesa ca upādinno, āpatti vācāya, vācāya saṅghādisesassa.

Bhikkhu pācittiyaṃ...pe... pāṭidesanīyaṃ... dukkaṭaṃ... dubbhāsītaṃ ajjhāpajjanto diṭṭho hoti, dubbhāsīte dubbhāsītadiṭṭhi hoti...pe... dubbhāsīte saṅghādisesadiṭṭhi hoti... thullaccayadiṭṭhi hoti... pācittiyadiṭṭhi hoti... pāṭidesanīyadiṭṭhi hoti... dukkaṭadiṭṭhi hoti. Tañce pārājikena codeti – “assamaṇosi, asakyaputtīyosi, natthi tayā saddhiṃ uposatho vā pavāraṇā vā saṅghakammaṃ vā”ti, evampi āpattaññabhāgiyaṃ hoti lesa ca upādinno, āpatti vācāya, vācāya saṅghādisesassa.

Ekekaṃ mūlaṃ kātuna cakkam bandhitabbaṃ.

407. Bhikkhu saṅghādisesaṃ ajjhāpajjanto diṭṭho hoti saṅghādisese saṅghādisesadiṭṭhi hoti. Tañce pārājikena codāpeti – “assamaṇosi”...pe... evampi āpattaññabhāgiyaṃ hoti lesa ca upādinno, āpatti vācāya, vācāya saṅghādisesassa.

Bhikkhu saṅghādisesaṃ ajjhāpajjanto diṭṭho hoti, saṅghādisese thullaccayadiṭṭhi hoti...pe... pācittiyadiṭṭhi hoti... pāṭidesanīyadiṭṭhi hoti... dukkaṭadiṭṭhi hoti... dubbhāsītadiṭṭhi hoti. Tañce pārājikena codāpeti – “assamaṇosi”...pe... evampi āpattaññabhāgiyaṃ hoti lesa ca upādinno, āpatti vācāya, vācāya saṅghādisesassa.

Bhikkhu thullaccayaṃ ajjhāpajjanto diṭṭho hoti thullaccaye thullaccayadiṭṭhi hoti...pe... thullaccaye pācittiyadiṭṭhi hoti... pāṭidesanīyadiṭṭhi hoti... dukkaṭadiṭṭhi hoti... dubbhāsitiadiṭṭhi hoti... saṅghādisesadiṭṭhi hoti. Tañce pārājikena codāpeti – “assamaṇosi”...pe... evampi āpattaññabhāgiyaṃ hoti lesa ca upādinno, āpatti vācāya, vācāya saṅghādisesassa.

Bhikkhu pācittiyaṃ...pe... pāṭidesanīyaṃ... dukkaṭaṃ... dubbhāsitaṃ ajjhāpajjanto diṭṭho hoti dubbhāsiti dubbhāsitiadiṭṭhi hoti...pe... dubbhāsiti saṅghādisesadiṭṭhi hoti... thullaccayadiṭṭhi hoti... pācittiyadiṭṭhi hoti... pāṭidesanīyadiṭṭhi hoti... dukkaṭadiṭṭhi hoti. Tañce pārājikena codāpeti – “assamaṇosi, asakyaputtīyosi, natthi tayā saddhiṃ uposatho vā pavāraṇā vā saṅghakammaṃ vā”ti, evampi āpattaññabhāgiyaṃ hoti lesa ca upādinno, āpatti vācāya, vācāya saṅghādisesassa.

408. Anāpatti tathāsaññī codeti vā codāpeti vā, ummattakassa, ādikammikassāti.

Dutiyaduṭṭhadosaikkhāpadaṃ niṭṭhitaṃ navamaṃ.

10. Saṅghabhedasikkhāpadaṃ

409. [idaṃ vatthu cūlava. 343] Tena samayena buddho bhagavā rājagahe viharati veḷuvane kalandakanivāpe. Atha kho devadatto yena kokāliko kaṭamodakatissako [kaṭamorakatissako (sī. syā.)] khaṇḍadeviyā putto samuddadatto tenupasaṅkami; upasaṅkamitvā kokālikaṃ kaṭamodakatissakaṃ khaṇḍadeviyā puttaṃ samuddadattaṃ etadavoca – “etha mayaṃ, āvuso, samaṇassa gotamassa saṅghabhedam karissāma cakkabheda”nti. Evaṃ vutte kokāliko devadattaṃ etadavoca – “samaṇo kho, āvuso, gotamo mahiddhiko mahānubhāvo. Kathaṃ mayaṃ samaṇassa gotamassa saṅghabhedam karissāma cakkabheda”nti? “Etha mayaṃ, āvuso, samaṇaṃ gotamaṃ upasaṅkamitvā pañca vatthūni yācissāma – ‘bhagavā, bhante, anekapariyāyena appicchassa santuṭṭhassa sallekhassa dhutassa pāsādikassa apacayassa vīriyārambhassa [vīriyārabhassa (ka.)] vaṇṇavādī. Imāni, bhante, pañca vatthūni anekapariyāyena appicchatāya santuṭṭhiyā sallekhāya dhutatāya pāsādikatāya apacayāya vīriyārambhāya saṃvattanti. Sādhu, bhante, bhikkhū yāvajīvaṃ āraññikā assu; yo gāmaṇaṃ osareyya, vajjaṃ naṃ phuseyya. Yāvajīvaṃ piṇḍapātikā assu; yo nimantaṇaṃ sādīyeyya, vajjaṃ naṃ phuseyya. Yāvajīvaṃ paṃsukūlikā assu; yo gahapaticīvaraṃ sādīyeyya, vajjaṃ naṃ phuseyya. Yāvajīvaṃ rukkhāmūlikā assu; yo channaṃ upagaccheyya, vajjaṃ naṃ phuseyya. Yāvajīvaṃ macchamaṃsaṃ na khādeyyuṃ; yo macchamaṃsaṃ khādeyya, vajjaṃ naṃ phuseyyā”ti. Imāni samaṇo gotamo nānujānissati. Te mayaṃ imehi pañcahi vatthūhi janaṃ saññāpessāmāti. Sakkā kho, āvuso, imehi pañcahi vatthūhi samaṇassa gotamassa saṅghabhedo kātuṃ cakkabhedo. Lūkhapasannā hi, āvuso, manussā”ti.

Atha kho devadatto sapaṇiso yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinna kho devadatto bhagavantaṃ etadavoca – “bhagavā, bhante, anekapariyāyena appicchassa...pe... vīriyārambhassa vaṇṇavādī. Imāni, bhante, pañca vatthūni anekapariyāyena appicchatāya...pe... vīriyārambhāya saṃvattanti. Sādhu, bhante, bhikkhū yāvajīvaṃ āraññikā assu; yo gāmaṇaṃ osareyya vajjaṃ naṃ phuseyya...pe... yāvajīvaṃ macchamaṃsaṃ na khādeyyuṃ, yo macchamaṃsaṃ khādeyya vajjaṃ naṃ phuseyyā”ti. “Alaṃ, devadatta, yo icchati āraññiko hotu, yo icchati gāmaṇe viharatu; yo icchati piṇḍapātiko hotu, yo icchati nimantaṇaṃ sādīyatu; yo icchati paṃsukūliko hotu, yo icchati gahapaticīvaraṃ sādīyatu. Aṭṭhamāse kho mayā, devadatta, rukkhāmūlasenāsaṇaṃ anuññātaṃ, tikoṭiparisuddhaṃ macchamaṃsaṃ – adiṭṭhaṃ asutaṃ aparisaṅkita”nti. Atha kho devadatto – “na bhagavā imāni pañca vatthūni anujānāti”ti haṭṭho udaggo sapaṇiso uṭṭhāyāsanaṃ bhagavantaṃ abhivādetvā padakkhiṇaṃ katvā pakkāmi.

410. Atha kho devadatto sapaṇiso rājagaṇaṃ pavisitvā pañcahi vatthūhi janaṃ saññāpessi – “mayaṃ, āvuso, samaṇaṃ gotamaṃ upasaṅkamitvā pañca vatthūni yācimhā – ‘bhagavā, bhante, anekapariyāyena appicchassa santuṭṭhassa sallekhassa dhutassa pāsādikassa apacayassa vīriyārambhassa

vaṇṇavādī. Imāni, bhante, pañca vatthūni anekapariyāyena appicchatāya santuṭṭhiyā sallekḥāya dhutatāya pāsādikatāya apacayāya vīriyārambhāya saṃvattanti. Sādhu, bhante, bhikkhū yāvajīvaṃ āraññikā assu; yo gāmantam osareyya, vajjam nam phuseyya. Yāvajīvaṃ piṇḍapātikā assu; yo nimantanam sādīyeyya, vajjam nam phuseyya. Yāvajīvaṃ paṃsukūlikā assu; yo gahapaticīvaram sādīyeyya, vajjam nam phuseyya. Yāvajīvaṃ rukkhāmūlikā assu; yo channam upagaccheyya, vajjam nam phuseyya. Yāvajīvaṃ macchamamsam na khādeyyum; yo macchamamsam khādeyya, vajjam nam phuseyya’ti. Imāni samaṇo gotamo nānujānāti. Te mayaṃ imehi pañcahi vatthūhi samādāya vattāmā’ti. Tattha ye te manussā assaddhā appasannā dubbuddhino te evamāhamsu – “ime kho samaṇā sakyaputtiyā dhutā sallekḥavuttino, samaṇo pana gotamo bāhulliko bāhullāya cetetī’ti. Ye pana te manussā saddhā pasannā paṇḍitā byattā buddhimanto te ujjhāyanti khiyyanti vipācenti – “kathañhi nāma devadatto bhagavato saṅghabhedāya parakkamissati cakkabhedāyā’ti! Assosum kho bhikkhū tesam manussānam ujjhāyantānam khiyyantānam vipācentānam. Ye te bhikkhū appicchā...pe... te ujjhāyanti khiyyanti vipācenti – “kathañhi nāma devadatto saṅghabhedāya parakkamissati cakkabhedāyā’ti! Atha kho te bhikkhū devadattam anekapariyāyena vīgārahitvā bhagavato etamattham ārocesum...pe... “saccam kira tvam, devadatta, saṅghabhedāya parakkamasi cakkabhedāyā’ti? “Saccam, bhagavā’ti. Vīgārahi buddho bhagavā...pe... “kathañhi nāma tvam, moghapurisa, saṅghabhedāya parakkamissasi cakkabhedāya! Netam, moghapurisa, appasannānam vā pasādāya...pe... evaṇca pana, bhikkhave, imam sikkhāpadam uddiseyyātha –

411. “Yo pana bhikkhu samaggassa saṅghassa bhedāya parakkameyya, bhedanasamvattanikam vā adhikaraṇam samādāya paggayha tiṭṭheyya, so bhikkhu bhikkhūhi evamassa vacanīyo – ‘māyasmā samaggassa saṅghassa bhedāya parakkami, bhedanasamvattanikam vā adhikaraṇam samādāya paggayha aṭṭhāsi. Sametāyasmā saṅghena. Samaggo hi saṅgho sammodamāno avivadamāno ekuddeso phāsu viharatī’ti. Evaṇca so bhikkhu bhikkhūhi vuccamāno tatheva paggaṇheyya, so bhikkhu bhikkhūhi yāvatatiyam samanubhāsitaṭṭho tassa paṭinissaggāya. Yāvatatiyañce samanubhāsīyamāno tam paṭinissajjeyya, iccetam kusalam; no ce paṭinissajjeyya, saṅghādiseso’ti.

412. Yo panāti yo yādiso...pe... bhikkhūti...pe... ayam imasmim atthe adhippeto bhikkhūti.

Samaggo nāma **saṅgho** samānasamvāsako samānasīmāyam ṭhito.

Bhedāya parakkameyyāti – “katham ime nānā assu, vinā assu, vaggā assū’ti pakkham pariyesati, gaṇam bandhati.

Bhedanasamvattanikam vā adhikaraṇanti aṭṭhārasabhedakaravatthūni.

Samādāyāti ādāya.

Paggayhāti dīpeyya.

Tiṭṭheyyāti na paṭinissajjeyya.

So bhikkhūti yo so saṅghabhedako bhikkhu.

Bhikkhūhīti aññehi bhikkhūhi.

Ye passanti, ye suṇanti, tehi vattabbo – “māyasmā samaggassa saṅghassa bhedāya parakkami, bhedanasamvattanikam vā adhikaraṇam samādāya paggayha aṭṭhāsi. Sametāyasmā saṅghena. Samaggo hi saṅgho sammodamāno avivadamāno ekuddeso phāsu viharatī’ti. Dutiyampi vattabbo. Tatiyampi vattabbo. Sace paṭinissajjati, iccetam kusalam; no ce paṭinissajjati, āpatti dukkaṭassa. Sutvā na vadanti,

āpatti dukkaṭassa. So bhikkhu saṅghamajjhampi ākaḍḍhitvā vattabbo – “māyasmā samaggassa saṅghassa bhedāya parakkami, bhedanasaṃvattanikaṃ vā adhikaraṇaṃ samādāya paggayha aṭṭhāsi. Sametāyasmā saṅghena. Samaggo hi saṅgho sammodamāno avivadamāno ekuddeso phāsu viharatī”’ti. Dutiyampi vattabbo. Tatiyampi vattabbo. Sace paṭinissajjati, iccetaṃ kusalaṃ; no ce paṭinissajjati, āpatti dukkaṭassa. So bhikkhu samanubhāsitaṃ – “evañca pana, bhikkhave, samanubhāsitaṃ. Byattena bhikkhunā paṭibalena saṅgho ñāpetabbo –

413. “Suṇātu me, bhante, saṅgho. Ayaṃ itthannāmo bhikkhu samaggassa saṅghassa bhedāya parakkamati. So taṃ vatthuṃ na paṭinissajjati. Yadi saṅghassa pattakallaṃ, saṅgho itthannāmaṃ bhikkhuṃ samanubhāseyya tassa vatthussa paṭinissaggāya. Esā ñatti.

“Suṇātu me, bhante, saṅgho. Ayaṃ itthannāmo bhikkhu samaggassa saṅghassa bhedāya parakkamati. So taṃ vatthuṃ na paṭinissajjati. Saṅgho itthannāmaṃ bhikkhuṃ samanubhāsati tassa vatthussa paṭinissaggāya. Yassāyasmato khamati itthannāmassa bhikkhuno samanubhāsanā tassa vatthussa paṭinissaggāya, so tuṇhassa; yassa nakkhamati, so bhāseyya.

“Dutiyampi etamatthaṃ vadāmi...pe... tatiyampi etamatthaṃ vadāmi – suṇātu me, bhante, saṅgho. Ayaṃ itthannāmo bhikkhu samaggassa saṅghassa bhedāya parakkamati. So taṃ vatthuṃ na paṭinissajjati. Saṅgho itthannāmaṃ bhikkhuṃ samanubhāsati tassa vatthussa paṭinissaggāya. Yassāyasmato khamati itthannāmassa bhikkhuno samanubhāsanā tassa vatthussa paṭinissaggāya, so tuṇhassa; yassa nakkhamati, so bhāseyya.

“Samanubhaṭṭho saṅghena itthannāmo bhikkhu tassa vatthussa paṭinissaggāya. Khamati saṅghassa, tasmā tuṇhī, evametaṃ dhārayāmi”’ti.

414. Ñattiyā dukkaṭaṃ, dvīhi kammavācāhi thullaccayā, kammavācāpariyosāne āpatti saṅghādisesassa. Saṅghādisesaṃ ajjhāpajjantassa ñattiyā dukkaṭaṃ, dvīhi kammavācāhi thullaccayā paṭippassambhanti.

Saṅghādisesoti...pe... tenapi vuccati saṅghādisesoti.

415. Dhammakamme dhammakammasaññī na paṭinissajjati, āpatti saṅghādisesassa.

Dhammakamme vematiko na paṭinissajjati, āpatti saṅghādisesassa.

Dhammakamme adhammakammasaññī na paṭinissajjati, āpatti saṅghādisesassa.

Adhammakamme dhammakammasaññī, āpatti dukkaṭassa.

Adhammakamme vematiko, āpatti dukkaṭassa.

Adhammakamme adhammakammasaññī, āpatti dukkaṭassa.

416. Anāpatti asamanubhāsantassa, paṭinissajjantassa, ummattakassa, khittacittassa, vedanāṭṭassa, ādikammikassāti.

Saṅghabhedasikkhāpadaṃ niṭṭhitaṃ dasamaṃ.

11. Bhedānuvattakasikkhāpadaṃ

417. Tena samayena buddho bhagavā rājagahe viharati veḷuvane kalandakanivāpe. Tena kho pana samayena devadatto saṅghabhedāya parakkamati cakkabhedāya. Bhikkhū evamāhaṃsu – “adhamavādī devadatto, avinayavādī devadatto. Kathañhi nāma devadatto saṅghabhedāya parakkamissati cakkabhedāyā”ti! Evaṃ vutte kokāliko kaṭamodakatissako khaṇḍadeviyā putto samuddadatto te bhikkhū etadavocuṃ – “māyasmanto evaṃ avacuttha. Dhammavādī devadatto, vinayavādī devadatto. Amhākañca devadatto chandañca ruciñca ādāya voharati jānāti no bhāsati amhākampetaṃ khamatī”ti. Ye te bhikkhū appicchā...pe... te ujjhāyanti khiyyanti vipācenti – “kathañhi nāma bhikkhū devadattassa saṅghabhedāya parakkamantassa anuvattakā bhavissanti vaggavādakā”ti! Atha kho te bhikkhū te anuvattake bhikkhū anekapariyāyena vīgarahitvā bhagavato etamatthaṃ ārocesuṃ...pe... “saccaṃ kira, bhikkhave, bhikkhū devadattassa saṅghabhedāya parakkamantassa anuvattakā honti vaggavādakā”ti? “Saccaṃ, bhagavā”ti. Vīgarahi buddho bhagavā...pe... “kathañhi nāma te, bhikkhave, moghapurisā devadattassa saṅghabhedāya parakkamantassa anuvattakā bhavissanti vaggavādakā! Netam, bhikkhave, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

418. “Tasseva kho pana bhikkhussa bhikkhū honti anuvattakā vaggavādakā eko vā dve vā tayo vā. Te evaṃ vadeyyuṃ – ‘māyasmanto etaṃ bhikkhuṃ kiñci avacuttha. Dhammavādī ceso bhikkhu, vinayavādī ceso bhikkhu. Amhākañceso bhikkhu chandañca ruciñca ādāya voharati jānāti no bhāsati amhākampetaṃ khamatī”ti, te bhikkhū bhikkhūhi evamassu vacanīyā – ‘māyasmanto evaṃ avacuttha, na ceso bhikkhu dhammavādī, na ceso bhikkhu vinayavādī, māyasmantānampi saṅghabhedo ruccittha, sametāyasmantānaṃ saṅghena, samaggo hi saṅgho sammodamāno avivadamāno ekuddeso phāsu viharatī”ti. Evañca te bhikkhū bhikkhūhi vuccamānā tatheva paggaṇheyyuṃ, te bhikkhū bhikkhūhi yāvatatiyaṃ samanubhāsītābā tassa paṭinissaggāya. Yāvatatiyañce samanubhāsīyamānā taṃ paṭinissajjeyyuṃ, iccetam kusalam, no ce paṭinissajjeyyuṃ, saṅghādiseso”ti.

419. Tasseva kho panāti tassa saṅghabhedakassa bhikkhuno.

Bhikkhū hontīti aññe bhikkhū honti.

Anuvattakāti yaṃdiṭṭhiko so hoti yaṃkhantiko yaṃruciko tepi taṃdiṭṭhikā honti taṃkhantikā taṃrucikā.

Vaggavādakāti tassa vaṇṇāya pakkhāya ṭhitā honti.

Eko vā dve vā tayo vāti eko vā hoti dve vā tayo vā. Te evaṃ vadeyyuṃ – “māyasmanto etaṃ bhikkhuṃ kiñci avacuttha, dhammavādī ceso bhikkhu, vinayavādī ceso bhikkhu, amhākañceso bhikkhu chandañca ruciñca ādāya voharati jānāti no bhāsati amhākampetaṃ khamatī”ti.

Te bhikkhūti ye te anuvattakā bhikkhū.

Bhikkhūhīti aññehi bhikkhūhi.

Ye passanti ye suṇanti tehi vattabbā – “māyasmanto evaṃ avacuttha. Na ceso bhikkhu dhammavādī, na ceso bhikkhu vinayavādī. Māyasmantānampi saṅghabhedo ruccittha. Sametāyasmantānaṃ saṅghena. Samaggo hi saṅgho sammodamāno avivadamāno ekuddeso phāsu viharatī”ti. Dutiyampi vattabbā. Tatiyampi vattabbā. Sace paṭinissajjanti, iccetam kusalam; no ce paṭinissajjanti, āpatti dukkaṭassa. Sutvā na vadanti, āpatti dukkaṭassa. Te bhikkhū saṅghamajjhampi ākaḍḍhitvā vattabbā – “māyasmanto evaṃ avacuttha. Na ceso bhikkhu dhammavādī, na ceso bhikkhu vinayavādī. Māyasmantānampi saṅghabhedo ruccittha. Sametāyasmantānaṃ saṅghena. Samaggo hi saṅgho sammodamāno avivadamāno ekuddeso phāsu viharatī”ti. Dutiyampi vattabbā. Tatiyampi

vattabbā. Sace paṭinissajjanti, iccetam kusalam; no ce paṭinissajjanti, āpatti dukkaṭassa. Te bhikkhū samanubhāsītā. Evañca pana, bhikkhave, samanubhāsītā. Byattena bhikkhunā paṭibaleṇa saṅgho ñāpetabbo –

420. “Suṇātu me, bhante, saṅgho. Itthannāmo ca itthannāmo ca bhikkhū itthannāmassa bhikkhuno saṅghabhedāya parakkamantassa anuvattakā vaggavādakā. Te tam vatthum na paṭinissajjanti. Yadi saṅghassa pattakallam, saṅgho itthannāmañca itthannāmañca bhikkhū samanubhāseyya tassa vatthussa paṭinissaggāya. Esā ñatti.

“Suṇātu me, bhante, saṅgho. Itthannāmo ca itthannāmo ca bhikkhū itthannāmassa bhikkhuno saṅghabhedāya parakkamantassa anuvattakā vaggavādakā. Te tam vatthum na paṭinissajjanti. Saṅgho itthannāmañca itthannāmañca bhikkhū samanubhāsati tassa vatthussa paṭinissaggāya. Yassāyasmato khamati itthannāmassa ca itthannāmassa ca bhikkhūnaṃ samanubhāsanā tassa vatthussa paṭinissaggāya, so tuṅhassa; yassa nakkhamati, so bhāseyya.

“Dutiyampi etamattham vadāmi...pe... tatiyampi etamattham vadāmi – suṇātu me, bhante, saṅgho. Itthannāmo ca itthannāmo ca bhikkhū itthannāmassa bhikkhuno saṅghabhedāya parakkamantassa anuvattakā vaggavādakā. Te tam vatthum na paṭinissajjanti. Saṅgho itthannāmañca itthannāmañca bhikkhū samanubhāsati tassa vatthussa paṭinissaggāya. Yassāyasmato khamati itthannāmassa ca itthannāmassa ca bhikkhūnaṃ samanubhāsanā tassa vatthussa paṭinissaggāya, so tuṅhassa; yassa nakkhamati, so bhāseyya.

“Samanubhaṭṭhā saṅghena itthannāmo ca itthannāmo ca bhikkhū tassa vatthussa paṭinissaggāya. Khamati saṅghassa, tasmā tuṅhī, evametam dhārayāmi”’ti.

421. Ñattiyā dukkaṭam, dvīhi kammavācāhi thullaccayā, kammavācāpariyosāne āpatti saṅghādisesassa. Saṅghādisesaṃ ajjhāpajjantānaṃ ñattiyā dukkaṭam, dvīhi kammavācāhi thullaccayā paṭippassambhanti. Dve tayo ekato samanubhāsītā, taduttari na samanubhāsītā.

Saṅghādisesoti...pe... tenapi vuccati “saṅghādiseso”’ti.

422. Dhammakamme dhammakammasaññī na paṭinissajjanti, āpatti saṅghādisesassa.

Dhammakamme vematikā na paṭinissajjanti, āpatti saṅghādisesassa.

Dhammakamme adhammakammasaññī na paṭinissajjanti, āpatti saṅghādisesassa.

Adhammakamme dhammakammasaññī, āpatti dukkaṭassa.

Adhammakamme vematikā, āpatti dukkaṭassa.

Adhammakamme adhammakammasaññī, āpatti dukkaṭassa.

423. Anāpatti asamanubhāsantānaṃ, paṭinissajjantānaṃ, ummattakānaṃ, khittacittānaṃ, vedanāṭṭānaṃ, ādikammikānanti.

Bhedānuvattakasikkhāpadaṃ niṭṭhitam ekādasamaṃ.

12. Dubbacasikkhāpadaṃ

424. Tena samayena buddho bhagavā kosambiyam viharati ghoṣitārāme. Tena kho pana samayena āyasmā channo anācaram ācarati. Bhikkhū evamaḥṃsu – “māvuso, channa, evarūpaṃ akāsi. Netam kappatī”ti. So evam vadeti – “kiṃ nu kho nāma tumhe, āvuso, maṃ vattabbaṃ maññatha? Ahaṃ kho nāma tumhe vadeyyam. Amhākaṃ buddho amhākaṃ dhammo amhākaṃ ayyaputtana dhammo abhisamito. Seyyathāpi nāma mahāvāto vāyanto tiṇakaṭṭhapannaṣaṭam [tiṇakaṭṭhapannaṣaṭam (ka.)] ekato ussāreyya, seyyathā vā pana nadī pabbateyyā saṅkhasevālappaṇakam ekato ussāreyya, evameva tumhe nānānāmā nānāgottā nānājaccā nānākulā pabbajitā ekato ussaritā. Kiṃ nu kho nāma tumhe, āvuso, maṃ vattabbaṃ maññatha? Ahaṃ kho nāma tumhe vadeyyam! Amhākaṃ buddho amhākaṃ dhammo amhākaṃ ayyaputtana dhammo abhisamito”ti. Ye te bhikkhū appicchā...pe... te ujjhāyanti khiyyanti vipācenti – “kathaṅhi nāma āyasmā channo bhikkhūhi sahadhammikaṃ vuccamāno attānaṃ avacanīyaṃ karissatī”ti! Atha kho te bhikkhū āyasmantaṃ channaṃ anekapariyāyena vigarahitvā bhagavato etamatthaṃ ārocesuṃ...pe... “saccaṃ kira tvam, channa, bhikkhūhi sahadhammikaṃ vuccamāno attānaṃ avacanīyaṃ karosī”ti? “Saccaṃ bhagavā”ti. Vigarahi buddho bhagavā...pe... “kathaṅhi nāma tvam, moghapurisa, bhikkhūhi sahadhammikaṃ vuccamāno attānaṃ avacanīyaṃ karissasi! Netam, moghapurisa, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

425. “**Bhikkhu paneva dubbacajātiko hoti uddesapariyāpannesu sikkhāpadesu bhikkhūhi sahadhammikaṃ vuccamāno attānaṃ avacanīyaṃ karoti – ‘mā maṃ āyasmanto kiñci avacuttha kalyāṇaṃ vā pāpakaṃ vā, ahampāyasmante na kiñci vakkhāmi kalyāṇaṃ vā pāpakaṃ vā, viramathāyasmanto mama vacanāyā’ti, so bhikkhu bhikkhūhi evamassa vacanīyo – ‘māyasmā attānaṃ avacanīyaṃ akāsi, vacanīyamevāyasmā attānaṃ karotu, āyasmāpi bhikkhū vadetu sahadhammena, bhikkhūpi āyasmantaṃ vakkhanti sahadhammena. Evaṃ saṃvaddhā hi tassa bhagavato parisā yadidaṃ aññamaññavacanena aññamaññavuṭṭhāpanenāti. Evaṅca so bhikkhu bhikkhūhi vuccamāno tatheva paggaṇheyya, so bhikkhu bhikkhūhi yāvatatiyaṃ samanubhāsitaṃ tassa paṭinissaggāya. Yāvatatiyaṅce samanubhāsīyamāno taṃ paṭinissajjeyya, iccetaṃ kusalaṃ; no ce paṭinissajjeyya, saṅghādiseso’**ti.

426. **Bhikkhū paneva dubbacajātiko hotīti** dubbaco hoti dovacassakaraṇehi dhammehi samannāgato akkhamo appadakkhiṇaggāhī anusāsanim.

Uddesapariyāpannesu sikkhāpadesūti pātimokkhapariyāpannesu sikkhāpadesu.

Bhikkhūhīti aññehi bhikkhūhi.

Sahadhammikaṃ nāma yaṃ bhagavatā paññattaṃ sikkhāpadaṃ, etaṃ sahadhammikaṃ nāma.

Tena vuccamāno attānaṃ avacanīyaṃ karoti – “mā maṃ āyasmanto kiñci avacuttha kalyāṇaṃ vā pāpakaṃ vā, ahampāyasmante na kiñci vakkhāmi kalyāṇaṃ vā pāpakaṃ vā. Viramathāyasmanto mama vacanāyā”ti.

So bhikkhūti yo so dubbacajātiko bhikkhu.

Bhikkhūhīti aññehi bhikkhūhi. Ye passanti ye suṇanti tehi vattabbo – “māyasmā attānaṃ avacanīyaṃ akāsi. Vacanīyameva āyasmā attānaṃ karotu. Āyasmāpi bhikkhū vadetu sahadhammena, bhikkhūpi āyasmantaṃ vakkhanti sahadhammena. Evaṃ saṃvaddhā hi tassa bhagavato parisā yadidaṃ aññamaññavacanena aññamaññavuṭṭhāpanenā”ti. Dutiyampi vattabbo. Tatiyampi vattabbo. Sace paṭinissajjati, iccetaṃ kusalaṃ; no ce paṭinissajjati, āpatti dukkaṭassa. Sutvā na vadanti, āpatti dukkaṭassa. So bhikkhu saṅghamajjhampi ākaḍḍhitvā vattabbo – “māyasmā attānaṃ avacanīyaṃ akāsi...pe... aññamaññavuṭṭhāpanenā”ti. Dutiyampi vattabbo. Tatiyampi vattabbo. Sace paṭinissajjati, iccetaṃ kusalaṃ; no ce paṭinissajjati, āpatti dukkaṭassa. So bhikkhu samanubhāsitaṃ. Evaṅca pana,

bhikkhave, samanubhāsitaḥ. Byattena bhikkhunā paṭibaleṇa saṅgho ñāpetabbo –

427. “Suṇātu me, bhante, saṅgho. Ayaṃ itthannāmo bhikkhu bhikkhūhi sahadhammikaṃ vuccamāno attānaṃ avacaṇīyaṃ karoti. So taṃ vatthuṃ na paṭinissajjati. Yaḍi saṅghassa pattakallaṃ, saṅgho itthannāmaṃ bhikkhuṃ samanubhāseyya tassa vatthussa paṭinissaggāya. Esā ñatti.

“Suṇātu me, bhante, saṅgho. Ayaṃ itthannāmo bhikkhu bhikkhūhi sahadhammikaṃ vuccamāno attānaṃ avacaṇīyaṃ karoti. So taṃ vatthuṃ na paṭinissajjati. Saṅgho itthannāmaṃ bhikkhuṃ samanubhāsati tassa vatthussa paṭinissaggāya. Yassāyasmato khamati itthannāmassa bhikkhuno samanubhāsanā tassa vatthussa paṭinissaggāya, so tuṇhassa; yassa nakkhamati, so bhāseyya.

“Dutiyampi etamatthaṃ vadāmi...pe... tatiyampi etamatthaṃ vadāmi – “suṇātu me, bhante, saṅgho. Ayaṃ itthannāmo bhikkhu bhikkhūhi sahadhammikaṃ vuccamāno attānaṃ avacaṇīyaṃ karoti. So taṃ vatthuṃ na paṭinissajjati. Saṅgho itthannāmaṃ bhikkhuṃ samanubhāsati tassa vatthussa paṭinissaggāya. Yassāyasmato khamati itthannāmassa bhikkhuno samanubhāsanā tassa vatthussa paṭinissaggāya, so tuṇhassa; yassa nakkhamati, so bhāseyya.

“Samanubhaṭṭho saṅghena itthannāmo bhikkhu tassa vatthussa paṭinissaggāya. Khamati saṅghassa, tasmā tuṇhī, evametaṃ dhārayāmi”’ti.

428. Ñattiyā dukkaṭaṃ, dvīhi kammavācāhi thullaccayā, kammavācāpariyosāne āpatti saṅghādisesassa. Saṅghādisesaṃ ajjhāpajjantassa ñattiyā dukkaṭaṃ, dvīhi kammavācāhi thullaccayā paṭippassambhanti.

Saṅghādisesoti...pe... tenapi vuccati saṅghādisesoti.

429. Dhammakamme dhammakammasaññī na paṭinissajjati, āpatti saṅghādisesassa.

Dhammakamme vematiko na paṭinissajjati, āpatti saṅghādisesassa.

Dhammakamme adhammakammasaññī na paṭinissajjati, āpatti saṅghādisesassa.

Adhammakamme dhammakammasaññī, āpatti dukkaṭassa.

Adhammakamme vematiko, āpatti dukkaṭassa.

Adhammakamme adhammakammasaññī, āpatti dukkaṭassa.

430. Anāpatti asamanubhāsantassa, paṭinissajjantassa, ummattakassa, ādikammikassāti.

Dubbacasikkhāpadaṃ niṭṭhitaṃ dvādasamaṃ.

13. Kuladūsakasikkhāpadaṃ

431. [idaṃ vatthu cūḷava. 21] Tena samayena buddho bhagavā sāvattiyā viharati jetavane anāthapiṇḍikassa ārāme. Tena kho pana samayena assajipunabbasukā nāma [nāma bhikkhū (ka.)] kīṭāgirismim āvāsikā honti alajjino pāpabhikkhū. Te [cūḷava. 293] evarūpaṃ anācāraṃ ācaranti – mālāvaccamaṃ ropentipi ropāpentipi, siṅcantipi siṅcāpentipi, ocinantipi ocināpentipi, ganthentipi ganthāpentipi, ekatovaṇṭikamālaṃ karontipi kārāpentipi, ubhatovaṇṭikamālaṃ karontipi kārāpentipi, mañjarikaṃ karontipi kārāpentipi, vidhūtikaṃ karontipi kārāpentipi, vaṭṭasakaṃ karontipi kārāpentipi,

āveḷaṃ karontipi kārāpentipi, uracchadaṃ karontipi kārāpentipi. Te kulitthīnaṃ kuladhītānaṃ kulakumārīnaṃ kulasuṇhānaṃ kuladāsīnaṃ ekatovaṇṭikamālaṃ harantipi harāpentipi, ubhatovaṇṭikamālaṃ harantipi harāpentipi, mañjarikaṃ harantipi harāpentipi, vidhūtikaṃ harantipi harāpentipi, vaṭamsakaṃ harantipi harāpentipi, āveḷaṃ harantipi harāpentipi, uracchadaṃ harantipi harāpentipi. Te kulitthīhi kuladhītāhi kulakumārīhi kulasuṇhāhi kuladāsīhi saddhiṃ ekabhājanepi bhūñjanti, ekathālakepi pivanti, ekāsanepi nisīdanti, ekamañcepi tuvaṭṭenti, ekattharaṇāpi tuvaṭṭenti, ekapāvuraṇāpi tuvaṭṭenti, ekattharaṇapāvuraṇāpi tuvaṭṭenti, vikālepi bhūñjanti, majjampi pivanti, māḷāgandhavilepanampi dhārenti, naccantipi gāyantipi vādentipi lāsenti, naccantiyāpi naccanti, naccantiyāpi gāyanti, naccantiyāpi vādenti, naccantiyāpi lāsenti, gāyantiyāpi naccanti, gāyantiyāpi gāyanti, gāyantiyāpi vādenti, gāyantiyāpi lāsenti, vādentiyāpi naccanti, vādentiyāpi gāyanti, vādentiyāpi vādenti, vādentiyāpi lāsenti, lāsentiyaṃ naccanti, lāsentiyaṃ gāyanti, lāsentiyaṃ vādenti, lāsentiyaṃ lāsenti. Aṭṭhapadepi kīḷanti, dasapadepi kīḷanti, ākāsepi kīḷanti, parihārapathepi kīḷanti, santikāyapi kīḷanti, khalikāyapi kīḷanti, ghaṭikāyapi kīḷanti, salākahatthenapi kīḷanti, akkhenapi kīḷanti, paṅgacārenapi kīḷanti, vaṅkakenapi kīḷanti, mokkhacikāyapi kīḷanti, ciṅgulakenapi kīḷanti, pattāḷhakenapi kīḷanti, rathakenapi kīḷanti, dhanukenapi kīḷanti, akkharikāyapi kīḷanti, manesikāyapi kīḷanti, yathāvajjenapi kīḷanti. Hatthismimpi sikkhanti, assasmimpi sikkhanti, rathasmimpi sikkhanti, dhanusmimpi sikkhanti, tharusmimpi sikkhanti, hatthissapi purato dhāvanti, assassapi purato dhāvanti, rathassapi purato [purato dhāvanti (syā.)] dhāvantiyāpi ādhāvantiyāpi, usseḷentipi, apphotentipi, nibbujjhantipi, muṭṭhīhipi yujjhanti, raṅgamajjhepi saṅghāṭiṃ pattharivā naccakīṃ [naccantiṃ (sī. syā.)] evaṃ vadanti – idha, bhagini, naccassūti, nalāṭīkampi denti, vividhampi anācāraṃ ācaranti.

432. Tena kho pana samayena aññataro bhikkhu kāsīsu vassaṃvuṭṭho sāvattiṃ gacchanto bhagavantaṃ dassanāya, yena kīṭāgiri tadavasari. Atha kho so bhikkhu pubbaṅhasamayāṃ nivāsetvā pattacīvaramādāya kīṭāgiriṃ piṇḍāya pāvīsi pāsādikena abhikkantena paṭikkantena ālokitena vilokitena samīñjitena pasāritena okkhittacakkhu iriyāpathasampanno. Manussā taṃ bhikkhuṃ passitvā evamāhaṃsu – “kvāyaṃ abalabalo viya mandamando viya bhākuṭīkabhākuṭīko viya? Ko imassa upagatassa piṇḍakaṃ dassati? Amhākaṃ pana ayyā assajipunabbasukā saṅhā sakhiḷā sukhasambhāsā mihitapubbaṅgamā ehivāgatavādino abbhākuṭīkā uttānamukhā pubbabhāsino. Tesāṃ kho nāma piṇḍo dātabbo”ti.

Addasā kho aññataro upāsako taṃ bhikkhuṃ kīṭāgirisimhiṃ piṇḍāya carantaṃ. Disvāna yena so bhikkhu tenupasaṅkami; upasaṅkamtivā taṃ bhikkhuṃ abhivādetvā etadavoca – “api, bhante, piṇḍo labbhati”ti? “Na kho, āvuso, piṇḍo labbhati”ti. “Ehi, bhante, gharaṃ gamissāma”ti. Atha kho so upāsako taṃ bhikkhuṃ gharaṃ netvā bhojetvā etadavoca – “kahaṃ, bhante, ayyo gamissati”ti? “Sāvattiṃ kho ahaṃ, āvuso, gamissāmi bhagavantaṃ dassanāya”ti. “Tena hi, bhante, mama vacanena bhagavato pāde sirasā vanda, evaṅca vadehi – ‘duṭṭho, bhante, kīṭāgirisimhiṃ āvāso. Assajipunabbasukā nāma kīṭāgirisimhiṃ āvāsikā alajjino pāpabhikkhū. Te evarūpaṃ anācāraṃ ācaranti – māḷāvaccaṃ ropentipi ropāpentipi, siñcantipi siñcāpentipi...pe... vividhampi anācāraṃ ācaranti. Yepi te, bhante, manussā pubbe saddhā ahesuṃ pasannā tepi etarahi assaddhā appasannā. Yānipi tāni saṅghassa pubbe dānapathāni tānipi etarahi upacchinnāni. Riñcanti pesalā bhikkhū, nivasanti pāpabhikkhū. Sādhu, bhante, bhagavā kīṭāgiriṃ bhikkhū pahiṇeyya yathāyaṃ kīṭāgirisimhiṃ āvāso saṅghaheyyā”ti.

Evamāvusoti kho so bhikkhu tassa upāsakassa paṭissutvā yena sāvatti tena pakkāmi. Anupubbena yena sāvatti jetavanaṃ anāthapiṇḍikassa āraṃmo yena bhagavā tenupasaṅkami; upasaṅkamtivā bhagavantaṃ abhivādetvā ekamantaṃ nisīdi. Āciṇṇaṃ kho panetaṃ buddhānaṃ bhagavantaṃ āgantukehi bhikkhūhi saddhiṃ paṭisammudituṃ. Atha kho bhagavā taṃ bhikkhuṃ etadavoca – “kacci, bhikkhu, khamanīyaṃ kacci yāpanīyaṃ, kaccisi appakilamathena addhānaṃ āgato, kuto ca tvaṃ bhikkhu āgacchasi”ti? “Khamanīyaṃ, bhagavā, yāpanīyaṃ, bhagavā. Appakilamathena cāhaṃ, bhante, addhānaṃ āgato. Idhāhaṃ, bhante, kāsīsu vassaṃvuṭṭho sāvattiṃ āgacchanto bhagavantaṃ dassanāya yena kīṭāgiri tadavasariṃ. Atha khvāhaṃ, bhante, pubbaṅhasamayāṃ nivāsetvā pattacīvaramādāya kīṭāgiriṃ piṇḍāya pāvīsiṃ. Addasā kho maṃ, bhante, aññataro upāsako kīṭāgirisimhiṃ piṇḍāya carantaṃ.

Disvāna yenāhaṃ tenupasaṅkami; upasaṅkamitvā maṃ abhivādetvā etadavoca – ‘api, bhante, piṇḍo labbhatī’? ‘Na kho, āvuso, piṇḍo labbhatī’ti. ‘Ehi, bhante, gharaṃ gamissāmā’ti. Atha kho, bhante, so upāsako maṃ gharaṃ netvā bhojetvā etadavoca – ‘kahaṃ, bhante, ayyo gamissasī’? ‘Sāvatthiṃ kho ahaṃ, āvuso, gamissāmi bhagavantaṃ dassanāyā’ti. Tena hi, bhante, mama vacanena bhagavato pāde sirasā vanda, evaṅca vadehi – ‘duṭṭho, bhante, kīṭāgirismim āvāso, assajipunabbasukā nāma kīṭāgirismim āvāsikā alajjino pāpabhikkhū. Te evarūpaṃ anācāraṃ ācaranti – mālāvacchaṃ ropentipi ropāpentipi, siñcantipi siñcāpentipi...pe... vividhampi anācāraṃ ācaranti. Yepi te, bhante, manussā pubbe saddhā ahesuṃ pasannā tepi etarahi assaddhā appasannā, yānipi tāni saṅghassa pubbe dānāpathāni tānipi etarahi upacchinnāni, riñcanti pesalā bhikkhū nivasanti pāpabhikkhū. Sādhu, bhante, bhagavā kīṭāgiriṃ bhikkhū pahīneyya yathāyaṃ kīṭāgirismim āvāso saṅghaheyyā’ti. Tato ahaṃ, bhagavā, āgacchāmi’’ti.

433. Atha kho bhagavā etasmim nidāne etasmim pakaraṇe bhikkhusaṅghaṃ sannipātāpetvā bhikkhū paṭipucchi – ‘saccaṃ kira, bhikkhave, assajipunabbasukā nāma kīṭāgirismim āvāsikā alajjino pāpabhikkhū te evarūpaṃ anācāraṃ ācaranti – mālāvacchaṃ ropentipi ropāpentipi, siñcantipi siñcāpentipi ...pe... vividhampi anācāraṃ ācaranti, yepi te, bhikkhave, manussā pubbe saddhā ahesuṃ pasannā tepi etarahi assaddhā appasannā; yānipi tāni saṅghassa pubbe dānāpathāni tānipi etarahi upacchinnāni; riñcanti pesalā bhikkhū nivasanti pāpabhikkhū’? ‘Saccaṃ, bhagavā’’ti. Vigarahi buddho bhagavā...pe... ‘kathaṅhi nāma te, bhikkhave, moghapurisā evarūpaṃ anācāraṃ ācarissanti – mālāvacchaṃ ropessantipi ropāpessantipi, sañcissantipi siñcāpessantipi, ocinissantipi ocināpessantipi, ganthissantipi ganthāpessantipi, ekatovaṅṭikamālaṃ karissantipi kārāpessantipi, ubhatovaṅṭikamālaṃ karissantipi kārāpessantipi, mañjarikaṃ karissantipi kārāpessantipi, vidhūtikaṃ karissantipi kārāpessantipi, vaṭaṃsakaṃ karissantipi kārāpessantipi, āveḷaṃ karissantipi kārāpessantipi, uracchadaṃ karissantipi kārāpessantipi. Te kulitthīnaṃ kuladhītānaṃ kulakumārīnaṃ kulasuṅhānaṃ kuladāsīnaṃ ekatovaṅṭikamālaṃ harissantipi hārāpessantipi, ubhatovaṅṭikamālaṃ harissantipi hārāpessantipi, mañjarikaṃ harissantipi hārāpessantipi, vidhūtikaṃ harissantipi hārāpessantipi, vaṭaṃsakaṃ harissantipi hārāpessantipi, āveḷaṃ harissantipi hārāpessantipi, uracchadaṃ harissantipi hārāpessantipi. Te kulitthīhi kuladhītāhi kulakumārīhi kulasuṅhāhi kuladāsīhi saddhim ekabhājanepi bhuñjissanti, ekathālakepi pivissanti, ekāsanepi nisīdissanti, ekamañcepi tuvaṭṭissanti, ekattharaṇāpi tuvaṭṭissanti, ekapāvuraṇāpi tuvaṭṭissanti, ekattharaṇāpāvuraṇāpi tuvaṭṭissanti, vikālepi bhuñjissanti, majjampi pivissanti, mālāgandhavigāṇāpāni dhārissantipi, naccissantipi gāyissantipi vādessantipi lāsessantipi, naccantiyāpi naccissantipi naccantiyāpi gāyissantipi naccantiyāpi vādessanti naccantiyāpi lāsessantipi, gāyantiyāpi naccissantipi gāyantiyāpi gāyissantipi gāyantiyāpi vādessanti gāyantiyāpi lāsessantipi, vādentiyāpi naccissantipi vādentiyāpi gāyissantipi vādentiyāpi vādessanti vādentiyāpi lāsessantipi, lāsentiyaṃ naccissantipi lāsentiyaṃ gāyissantipi lāsentiyaṃ vādessanti lāsentiyaṃ lāsessantipi, aṭṭhapadepi kīḷissantipi dasapadepi kīḷissantipi, akāsepi kīḷissantipi, parihārapathepi kīḷissantipi, santikāyāpi kīḷissantipi, khalikāyāpi kīḷissantipi, ghaṭikāyāpi kīḷissantipi, salākāhatthenāpi kīḷissantipi, akkhenāpi kīḷissantipi, paṅgacīrenāpi kīḷissantipi, vaṅkakenāpi kīḷissantipi, mokkhacikāyāpi kīḷissantipi, ciṅgulakenāpi kīḷissantipi, pattālhakenāpi kīḷissantipi, rathakenāpi kīḷissantipi, dhanukenāpi kīḷissantipi, akkharikāyāpi kīḷissantipi, manesikāyāpi kīḷissantipi, yathāvajjenāpi kīḷissantipi, hatthismimpī sikkhissantipi, assasmimpī sikkhissantipi, rathasmimpī sikkhissantipi, dhanusmimpī sikkhissantipi, tharusmimpī sikkhissantipi, hatthissapī purato dhāvissantipi, assassapī purato dhāvissantipi, rathassapī purato [purato dhāvissantipi (syā.)] dhāvissantipi ādhāvissantipi, usseḷessantipi, apphoṭessantipi, nibbujjhissantipi, muṭṭhīhipi yujjhissantipi, raṅgamajjhēpi saṅghātiṃ pattharivā naccakim evaṃ vakkhanti ‘‘idha bhagini naccassū’’ti nalāṭikampi dassanti, vividhampi anācāraṃ ācarissantipi! Netāṃ, bhikkhave, appasannānaṃ vā pasādāya...pe... vīgarahitvā dhammiṃ kathaṃ katvā sārīputtamoggallāne āmantesi – ‘‘gacchatha tumhe, sārīputtā, kīṭāgiriṃ gantvā assajipunabbasukānaṃ bhikkhūnaṃ kīṭāgirisā pabbājanīyakammaṃ karotha. Tumhākaṃ ete saddhivihārikā’’ti.

‘‘Kathaṃ mayaṃ, bhante, assajipunabbasukānaṃ bhikkhūnaṃ kīṭāgirisā pabbājanīyakammaṃ karotha? Caṇḍā te bhikkhū pharusā’’ti. ‘‘Tena hi tumhe, sārīputtā, bahukehi bhikkhūhi saddhim gacchatha’’ti. ‘‘Evaṃ, bhante’’ti kho sārīputtamoggallānā bhagavato paccassosuṃ. ‘‘Evaṅca pana,

bhikkhave, kātappaṃ. Paṭhamam assajipunabbasukā bhikkhū codetabbā. Codetvā sāretabbā. Sāretvā āpattim ropetabbā. Āpattim ropetvā byattena bhikkhunā paṭibalena saṅgho ñāpetabbo –

434. “Suṇātu me, bhante, saṅgho. Ime assajipunabbasukā bhikkhū kuladūsakā pāpasamācārā. Imesam pāpakā samācārā dissanti ceva suyyanti ca. Kulāni ca imehi duṭṭhāni dissanti ceva suyyanti ca. Yadi saṅghassa pattakallam, saṅgho assajipunabbasukānam bhikkhūnam kīṭāgirisimā pabbājanīyakammaṃ kareyya – ‘na assajipunabbasukehi bhikkhūhi kīṭāgirisimim vatthabba’nti. Esā ñatti.

“Suṇātu me, bhante, saṅgho. Ime assajipunabbasukā bhikkhū kuladūsakā pāpasamācārā. Imesam pāpakā samācārā dissanti ceva suyyanti ca. Kulāni ca imehi duṭṭhāni dissanti ceva suyyanti ca. Saṅgho assajipunabbasukānam bhikkhūnam kīṭāgirisimā pabbājanīyakammaṃ karoti – ‘na assajipunabbasukehi bhikkhūhi kīṭāgirisimim vatthabba’nti. Yassāyasmato khamati assajipunabbasukānam bhikkhūnam kīṭāgirisimā pabbājanīyakammassa karaṇam – ‘na assajipunabbasukehi bhikkhūhi kīṭāgirisimim vatthabba’nti, so tuṅghassa; yassa nakkhamati, so bhāseyya.

“Dutiyampi etamattham vadāmi...pe... tatiyampi etamattham vadāmi – suṇātu me, bhante, saṅgho...pe... so bhāseyya.

“Katam saṅghena assajipunabbasukānam bhikkhūnam kīṭāgirisimā pabbājanīyakammaṃ – ‘na assajipunabbasukehi bhikkhūhi kīṭāgirisimim vatthabba’nti. Khamati saṅghassa, tasmā tuṅhī, evametam dhārayāmi’”ti.

435. Atha kho sārīputtamoggallānappamukho bhikkhusaṅgho kīṭāgirim gantvā assajipunabbasukānam bhikkhūnam kīṭāgirisimā pabbājanīyakammaṃ akāsi – ‘na assajipunabbasukehi bhikkhūhi kīṭāgirisimim vatthabba’nti. Te saṅghena pabbājanīyakammakatā na sammā vattanti, na lomam pātentī, na netthāram vattanti, na bhikkhū khamāpentī, akkosanti paribhāsanti chandagāmitā dosagāmitā mohagāmitā bhayagāmitā pāpentī, pakkamantipi, vibbhamantipi. Ye te bhikkhū appicchā... pe... te ujjhāyanti khiyyanti vipācentī – ‘kathaṇhi nāma assajipunabbasukā bhikkhū saṅghena pabbājanīyakammakatā na sammā vattissanti, na lomam pātesanti, na netthāram vattissanti, na bhikkhū khamāpessanti, akkosissanti paribhāsisanti, chandagāmitā dosagāmitā mohagāmitā bhayagāmitā pāpessanti pakkamissantipi vibbhamissantipi’”ti! Atha kho te bhikkhū assajipunabbasuke bhikkhū anekapariyāyena vīgarahitvā bhagavato etamattham ārocesum...pe... “saccaṃ kira, bhikkhave, assajipunabbasukā bhikkhū saṅghena pabbājanīyakammakatā na sammā vattanti...pe... vibbhamantipi’”ti? “Saccaṃ, bhagavā’”ti. Vīgarahi buddho bhagavā...pe... evaṅca pana, bhikkhave, imaṃ sikkhāpadaṃ uddiseyyātha –

436. “Bhikkhu paneva aññataram gāmaṃ vā nigamaṃ vā upanissāya viharati kuladūsako pāpasamācāro. Tassa kho pāpakā samācārā dissanti ceva suyyanti ca, kulāni ca tena duṭṭhāni dissanti ceva suyyanti ca. So bhikkhu bhikkhūhi evamassa vacanīyo – ‘āyasmā kho kuladūsako pāpasamācāro, āyasmato kho pāpakā samācārā dissanti ceva suyyanti ca, kulāni cāyasmatā duṭṭhāni dissanti ceva suyyanti ca. Pakkamatāyasmā imamah āvāsā. Alaṃ te idha vāsenā’”ti. Evaṅca so bhikkhu bhikkhūhi vuccamāno te bhikkhū evam vadeyya – ‘chandagāmino ca bhikkhū dosagāmino ca bhikkhū mohagāmino ca bhikkhū bhayagāmino ca bhikkhū tādisikāya āpattiyā ekaccaṃ pabbājentī ekaccaṃ na pabbājentī’”ti, so bhikkhu bhikkhūhi evamassa vacanīyo – ‘māyasmā evam avaca. Na ca bhikkhū chandagāmino. Na ca bhikkhū dosagāmino. Na ca bhikkhū mohagāmino. Na ca bhikkhū bhayagāmino. Āyasmā kho kuladūsako pāpasamācāro. Āyasmato kho pāpakā samācārā dissanti ceva suyyanti ca. Kulāni cāyasmatā duṭṭhāni dissanti ceva suyyanti ca. Pakkamatāyasmā imamah āvāsā. Alaṃ te idha vāsenā’”ti. Evaṅca so bhikkhu bhikkhūhi vuccamāno tatheva paggaṇheyya, so bhikkhu bhikkhūhi yāvatatiyaṃ samanubhāsitaṃ tassa paṭinissaggāya. Yāvatatiyaṅce samanubhāsīyamāno taṃ paṭinissajjeyya, iccetam kusalam; no ce

paṭinissajjeyya, saṅghādiseso”ti.

437. Bhikkhu paneva aññataraṃ gāmaṃ vā nigamaṃ vāti gāmopi nigamopi nagarampi gāmo ceva nigamo ca.

Upanissāya viharatīti tattha paṭibaddhā honti cīvarapiṇḍapātasenāsanagilānappaccayabhesajjaparikkhārā.

Kulaṃ nāma cattāri kulāni – khattiyakulaṃ, brāhmaṇakulaṃ, vessakulaṃ, suddakulaṃ.

Kuladūsakoti kulāni dūseti pupphena vā phalena vā cuṇṇena vā mattikāya vā dantakaṭṭhena vā veḷuyā vā [veḷunā vā (syā.)] vejjikāya vā jaṅghapesanikena vā.

Pāpasamācāroti mālāvaccamaṃ ropetipi ropāpetipi, siṅcatipi siṅcāpetipi, ocinātipi ocināpetipi, ganthetipi ganthāpetipi.

Dissanti ceva suyanti cāti ye saṃmukhā te passanti, ye tirokkhā te suṇanti.

Kulāni ca tena duṭṭhānīti pubbe saddhā hutvā taṃ āgamma assaddhā honti, pasannā hutvā appasannā honti.

Dissanti ceva suyanti cāti ye saṃmukhā te passanti, ye tirokkhā te suṇanti.

So bhikkhūti yo so kuladūsako bhikkhu.

Bhikkhūhīti aññehi bhikkhūhi. Ye passanti ye suṇanti. Tehi vattabbo – “āyasmā kho kuladūsako pāpasamācāro. Āyasmato kho pāpakā samācārā dissanti ceva suyanti ca. Kulāni cāyasmatā duṭṭhāni dissanti ceva suyanti ca. Pakkamatāyasmā imamhā āvāsā. Alaṃ te idha vāsenā”ti.

Evañca so bhikkhu bhikkhūhi vuccamāno te bhikkhū evaṃ vadeyya – “chandagāmino ca bhikkhū, dosagāmino ca bhikkhū, mohagāmino ca bhikkhū, bhayagāmino ca bhikkhū. Tādisikāya āpattiyā ekaccaṃ pabbājenti ekaccaṃ na pabbājenti”ti.

So bhikkhūti yo so kammakato bhikkhu.

Bhikkhūhīti aññehi bhikkhūhi. Ye passanti ye suṇanti tehi vattabbo – “māyasmā evaṃ avaca. Na ca bhikkhū chandagāmino, na ca bhikkhū dosagāmino, na ca bhikkhū mohagāmino, na ca bhikkhū bhayagāmino. Āyasmā kho kuladūsako pāpasamācāro. Āyasmato kho pāpakā samācārā dissanti ceva suyanti ca. Kulāni cāyasmatā duṭṭhāni dissanti ceva suyanti ca. Pakkamatāyasmā imamhā āvāsā. Alaṃ te idha vāsenā”ti. Dutiyampi vattabbo. Tatiyampi vattabbo.

Sace paṭinissajjati, iccetaṃ kusalaṃ. No ce paṭinissajjati, āpatti dukkaṭassa. Sutvā na vadanti, āpatti dukkaṭassa. So bhikkhu saṅghamajjhampi ākaḍḍhitvā vattabbo – “māyasmā evaṃ avaca. Na ca bhikkhū chandagāmino, na ca bhikkhū dosagāmino, na ca bhikkhū mohagāmino, na ca bhikkhū bhayagāmino. Āyasmā kho kuladūsako pāpasamācāro. Āyasmato kho pāpakā samācārā dissanti ceva suyanti ca. Kulāni cāyasmatā duṭṭhāni dissanti ceva suyanti ca. Pakkamatāyasmā imamhā āvāsā. Alaṃ te idha vāsenā”ti. Dutiyampi vattabbo. Tatiyampi vattabbo. Sace paṭinissajjati, iccetaṃ kusalaṃ. No ce paṭinissajjati, āpatti dukkaṭassa. So bhikkhu samanubhāsitaṃ. Evañca pana, bhikkhave, samanubhāsitaṃ. Byattena bhikkhunā paṭibalena saṅgho ñāpetabbo –

438. “Suṇātu me, bhante, saṅgho. Ayaṃ itthannāmo bhikkhu saṅghena pabbājanīyakammakato bhikkhū chandagāmitā dosagāmitā mohagāmitā bhayagāmitā pāpeti. So taṃ vatthuṃ na paṭinissajjati. Yadi saṅghassa pattakallaṃ, saṅgho itthannāmaṃ bhikkhuṃ samanubhāseyya tassa vatthussa paṭinissaggāya. Esā ñatti.

“Suṇātu me, bhante, saṅgho. Ayaṃ itthannāmo bhikkhu saṅghena pabbājanīyakammakato bhikkhū chandagāmitā dosagāmitā mohagāmitā bhayagāmitā pāpeti. So taṃ vatthuṃ na paṭinissajjati. Saṅgho itthannāmaṃ bhikkhuṃ samanubhāsati tassa vatthussa paṭinissaggāya. Yassāyasmato khamati itthannāmassa bhikkhuno samanubhāsāna tassa vatthussa paṭinissaggāya, so tuṅhassa; yassa nakkhamati, so bhāseyya.

“Dutiyampi etamatthaṃ vadāmi...pe... tatiyampi etamatthaṃ vadāmi...pe....

“Samanubhaṭṭho saṅghena itthannāmo bhikkhu tassa vatthussa paṭinissaggāya. Khamati saṅghassa, tasmā tuṅhī, evametaṃ dhārayāmi”’ti.

439. Ñattiyā dukkaṭaṃ, dvīhi kammavācāhi thullaccayā, kammavācāpariyosāne āpatti saṅghādisesassa. Saṅghādisesaṃ ajjhāpajjantassa ñattiyā dukkaṭaṃ, dvīhi kammavācāhi thullaccayā paṭippassambhanti.

Saṅghādisesoti saṅghova tassā āpattiyā parivāsaṃ deti, mūlāya paṭikassati, mānattaṃ deti, abbheti; na sambahulā, na ekapuggalo. Tena vuccati – ‘saṅghādiseso’’ti, tasseva āpattinikāyassa nāmakammaṃ adhivacanaṃ. Tenapi vuccati saṅghādisesoti.

440. Dhammakamme dhammakammasaññī na paṭinissajjati, āpatti saṅghādisesassa.

Dhammakamme vematiko na paṭinissajjati, āpatti saṅghādisesassa.

Dhammakamme adhammakammasaññī na paṭinissajjati, āpatti saṅghādisesassa.

Adhammakamme dhammakammasaññī, āpatti dukkaṭassa.

Adhammakamme vematiko, āpatti dukkaṭassa.

Adhammakamme adhammakammasaññī, āpatti dukkaṭassa.

441. Anāpatti asamanubhāsantassa, paṭinissajjantassa, ummattakassa, ādikammikassāti.

Kuladūsakasikkhāpadaṃ niṭṭhitaṃ terasamaṃ.

442. Uddiṭṭhā kho, āyasmanto, terasa saṅghādisesā dhammā, nava paṭhamāpattikā, cattāro yāvattiyakā. Yesaṃ bhikkhu aññataraṃ vā aññataraṃ vā āpajjitvā yāvatiṃ jānaṃ paṭicchādeti tāvatīhaṃ tena bhikkhunā akāmā parivatthabbaṃ. Parivutthaparivāseṇa bhikkhunā uttari chāratthaṃ bhikkhumānattāya paṭipajjitabbaṃ. Ciṇṇamānatto bhikkhu yattha siyā vīsatiṃ bhikkhusaṅgho tattha so bhikkhu abbhetaṃ. Ekenapi ce ūno vīsatiṃ bhikkhusaṅgho taṃ bhikkhuṃ abhēyya, so ca bhikkhu anabbhito, te ca bhikkhū gārayhā, ayaṃ tattha sāmīci. Tatthāyasmante pucchāmi – ‘kaccittha parisuddhā’? Dutiyampi pucchāmi – ‘kaccittha parisuddhā’? Tatiyampi pucchāmi – ‘kaccittha parisuddhā’? Parisuddhetthāyasmanto. Tasmā tuṅhī, evametaṃ dhārayāmi.

Terasakaṃ niṭṭhitaṃ.

Tassuddānaṃ –

Vissaṭṭhi kāyasamsaggaṃ, duṭṭhullaṃ attakāmañca;
Sañcarittaṃ kuṭi ceva, vihāro ca amūlakaṃ.

Kiñcilesañca bhedo ca, tasseva anuvattakā;
Dubbacaṃ kuladūsañca, sañghādisesā terasāti.

Sañghādisesakaṇḍaṃ niṭṭhitaṃ.

3. Aniyatakaṇḍaṃ

1. Paṭhamaaniyatāsikkhāpadaṃ

Ime kho panāyasmanto dve aniyatā dhammā

Uddesaṃ āgacchanti.

443. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena āyasmā udāyī sāvatthiyaṃ kulūpako hoti, bahukāni kulāni upasaṅkamati. Tena kho pana samayena āyasmato udāyissa upaṭṭhākakulassa kumārikā aññatarassa kulassa kumārakassa dinnā hoti. Atha kho āyasmā udāyī pubbaṅhasamayam nivāsetvā pattacīvaramādāya yena taṃ kulaṃ tenupasaṅkami; upasaṅkamitvā manusse pucchi – “kahaṃ itthannāmā”’ti? Te evamāhaṃsu – “dinnā, bhante, amukassa kulassa kumārakassā”’ti. Tampi kho kulaṃ āyasmato udāyissa upaṭṭhākaṃ hoti. Atha kho āyasmā udāyī yena taṃ kulaṃ tenupasaṅkami; upasaṅkamitvā manusse pucchi – “kahaṃ itthannāmā”’ti? Te evamāhaṃsu – “esāya, ovarake nisinnā”’ti. Atha kho āyasmā udāyī yena sā kumārikā tenupasaṅkami; upasaṅkamitvā tassā kumārikāya saddhiṃ eko ekāya raho paṭicchanne āsane alaṃkammaniye nisajjaṃ kappesi kālayuttaṃ samullapanto kālayuttaṃ dhammaṃ bhaṅanto.

Tena kho pana samayena visākhā migāramātā bahuputtā hoti bahunattā arogaputtā aroganattā abhimaṅgalasammata. Manussā yaññesu chaṇesu ussavesu visākhā migāramātaraṃ paṭhamaṃ bhojenti. Atha kho visākhā migāramātā nimantitā taṃ kulaṃ agamāsi. Addasā kho visākhā migāramātā āyasmantaṃ udāyim tassā kumārikāya saddhiṃ ekaṃ ekāya raho paṭicchanne āsane alaṃkammaniye nisinnaṃ. Disvāna āyasmantaṃ udāyim etadavoca – “idaṃ, bhante, nacchannaṃ nappatirūpaṃ yaṃ ayyo mātugāmena saddhiṃ eko ekāya raho paṭicchanne āsane alaṃkammaniye nisajjaṃ kappeti. Kiñcāpi, bhante, ayyo anathhiko tena dhammena, apica dussaddhāpayā appasannā manussā”’ti. Evampi kho āyasmā udāyī visākhāya migāramātuyā vuccamāno nādiyi. Atha kho visākhā migāramātā nikkhamitvā bhikkhūnaṃ etamatthaṃ ārocesi. Ye te bhikkhū appicchā...pe... te ujjhāyanti khiyyanti vipācenti – “kathañhi nāma āyasmā udāyī mātugāmena saddhiṃ eko ekāya raho paṭicchanne āsane alaṃkammaniye nisajjaṃ kappessatī”’ti! Atha kho te bhikkhū āyasmantaṃ udāyim anekapariyāyena vigarahitvā bhagavato etamatthaṃ ārocesu...pe... “saccaṃ kira tvaṃ, udāyī, mātugāmena saddhiṃ eko ekāya raho paṭicchanne āsane alaṃkammaniye nisajjaṃ kappesi”’ti? “Saccaṃ, bhagavā”’ti. Vigarahi buddho bhagavā...pe... kathañhi nāma tvaṃ, moghapurisa, mātugāmena saddhiṃ eko ekāya raho paṭicchanne āsane alaṃkammaniye nisajjaṃ kappessasi! Netam, moghapurisa, appasannaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

444. “Yo pana bhikkhu mātugāmena saddhiṃ eko ekāya raho paṭicchanne āsane alaṃkammaniye nisajjaṃ kappeyya, tamenam saddheyyavacasā upāsikā disvā tiṇṇaṃ dhammānaṃ aññatarena vadeyya – pārājikena vā sañghādisesena vā pācittiyena vā, nisajjaṃ bhikkhu paṭijānamāno tiṇṇaṃ dhammānaṃ aññatarena kāretabbo – pārājikena vā

saṅghādisesena vā pācittiyena vā yena vā sā saddheyyavacasā upāsikā vadeyya, tena so bhikkhu kāretabbo. Ayaṃ dhammo aniyato”ti.

445. Yo panāti yo yādiso...pe... **bhikkhūti**...pe... ayaṃ imasmiṃ atthe adhippeto bhikkhūti.

Mātugāmo nāma manussitthī, na yakkhī na petī na tiracchānagatā. Antamaso tadahujātāpi dārikā, pageva mahattarī.

Saddhinti ekato.

Eko ekāyāti bhikkhu ceva hoti mātugāmo ca.

Raho nāma cakkhussa raho, sotassa raho. **Cakkhussa rahonāma** na sakkā hoti akkhiṃ vā nikhaṇīyamāne bhamukaṃ vā ukkhipīyamāne sīsaṃ vā ukkhipīyamāne passitūṃ. **Sotassa rahonāma** na sakkā hoti pakatikathā sotūṃ.

Paṭicchannaṃ nāma āsanaṃ kuṭṭena vā [kuḍḍena vā (sī. syā.)] kavāṭena vā kilañjēna vā sāṇipākārena vā rukkhena vā thambhena vā kothaḷiyā vā yena kenaci paṭicchannaṃ hoti.

Alaṃkammaniyeti sakkā hoti methunaṃ dhammaṃ paṭisevitūṃ.

Nisajjaṃ kappeyyāti mātugāme nisinne bhikkhu upanisinno vā hoti upanipanno vā. Bhikkhu nisinne mātugāmo upanisinno vā hoti upanipanno vā. Ubho vā nisinnā honti ubho vā nipannā.

Saddheyyavacasā nāma āgataphalā abhisametāvinī viññātasāsanā.

Upāsikā nāma buddhaṃ saraṇaṃ gatā, dhammaṃ saraṇaṃ gatā, saṅghaṃ saraṇaṃ gatā.

Disvāti passivā.

Tiṇṇaṃ dhammānaṃ aññātarena vadeyya – pārājikena vā saṅghādisesena vā pācittiyena vā. Nisajjaṃ bhikkhu paṭijānāno tiṇṇaṃ dhammānaṃ aññātarena kāretabbo – pārājikena vā saṅghādisesena vā pācittiyena vā. Yena vā sā saddheyyavacasā upāsikā vadeyya tena so bhikkhu kāretabbo.

446. Sā ce evaṃ vadeyya – “ayyo mayā diṭṭho nisinno mātugāmassa methunaṃ dhammaṃ paṭisevanto”ti, so ca taṃ paṭijānāti, āpattiyā kāretabbo. Sā ce evaṃ vadeyya – “ayyo mayā diṭṭho nisinno mātugāmassa methunaṃ dhammaṃ paṭisevanto”ti, so ce evaṃ vadeyya – “saccāhaṃ nisinno, no ca kho methunaṃ dhammaṃ paṭisevi”nti, nisajjāya kāretabbo. Sā ce evaṃ vadeyya – “ayyo mayā diṭṭho nisinno mātugāmassa methunaṃ dhammaṃ paṭisevanto”ti, so ce evaṃ vadeyya – “nāhaṃ nisinno, apica kho nipanno”ti, nipajjāya kāretabbo. Sā ce evaṃ vadeyya – “ayyo mayā diṭṭho nisinno mātugāmassa methunaṃ dhammaṃ paṭisevanto”ti, so ce evaṃ vadeyya – “nāhaṃ nisinno apica kho ṭhito”ti, na kāretabbo.

447. Sā ce evaṃ vadeyya – “ayyo mayā diṭṭho nipanno mātugāmassa methunaṃ dhammaṃ paṭisevanto”ti, so ca taṃ paṭijānāti, āpattiyā kāretabbo. Sā ce evaṃ vadeyya – “ayyo mayā diṭṭho nipanno mātugāmassa methunaṃ dhammaṃ paṭisevanto”ti, so ce evaṃ vadeyya – “saccāhaṃ nipanno, no ca kho methunaṃ dhammaṃ paṭisevi”nti, nipajjāya kāretabbo. Sā ce evaṃ vadeyya – “ayyo mayā diṭṭho nipanno mātugāmassa methunaṃ dhammaṃ paṭisevanto”ti, so ce evaṃ vadeyya – “nāhaṃ nipanno, apica kho nisinno”ti, nisajjāya kāretabbo. Sā ce evaṃ vadeyya – “ayyo mayā diṭṭho nipanno

mātugāmassa methunaṃ dhammaṃ paṭisevanto’’ti, so ce evaṃ vadeyya – ‘‘nāhaṃ nipanno apica kho ṭhito’’ti, na kāretabbo.

448. Sā ce evaṃ vadeyya – ‘‘ayyo mayā diṭṭho nisinno mātugāmena saddhiṃ kāyasamsaggaṃ samāpajjanto’’ti, so ca taṃ paṭijānāti, āpattiyā kāretabbo...pe... saccāhaṃ nisinno no ca kho kāyasamsaggaṃ samāpajjinti, nisajjāya kāretabbo...pe... nāhaṃ nisinno apica kho nipannoti, nipajjāya kāretabbo...pe... nāhaṃ nisinno apica kho ṭhitoti, na kāretabbo.

Sā ce evaṃ vadeyya – ‘‘ayyo mayā diṭṭho nipanno mātugāmena saddhiṃ kāyasamsaggaṃ samāpajjanto’’ti, so ca taṃ paṭijānāti, āpattiyā kāretabbo...pe... saccāhaṃ nipanno, no ca kho kāyasamsaggaṃ samāpajjinti, nipajjāya kāretabbo...pe... nāhaṃ nipanno, apica kho nisinnoti, nisajjāya kāretabbo...pe... nāhaṃ nipanno, apica kho ṭhitoti, na kāretabbo.

449. Sā ce evaṃ vadeyya – ‘‘ayyo mayā diṭṭho mātugāmena saddhiṃ eko ekāya raho paṭicchanne āsane alaṃkammaniye nisinno’’ti, so ca taṃ paṭijānāti, nisajjāya kāretabbo...pe... nāhaṃ nisinno apica kho nipannoti, nipajjāya kāretabbo...pe... nāhaṃ nisinno, apica kho ṭhitoti, na kāretabbo.

450. Sā ce evaṃ vadeyya – ‘‘ayyo mayā diṭṭho mātugāmena saddhiṃ eko ekāya raho paṭicchanne āsane alaṃkammaniye nipanno’’ti, so ca taṃ paṭijānāti, nipajjāya kāretabbo...pe... nāhaṃ nipanno, apica kho nisinnoti, nisajjāya kāretabbo...pe... nāhaṃ nipanno, apica kho ṭhitoti, na kāretabbo.

Aniyatoti na niyato, pārājikaṃ vā saṅghādiseso vā pācittiyaṃ vā.

451. Gamaṇaṃ paṭijānāti, nisajjaṃ paṭijānāti, āpattiṃ paṭijānāti, āpattiyā kāretabbo. Gamaṇaṃ paṭijānāti, nisajjaṃ na paṭijānāti, āpattiṃ paṭijānāti, āpattiyā kāretabbo. Gamaṇaṃ paṭijānāti, nisajjaṃ paṭijānāti, āpattiṃ na paṭijānāti, nisajjāya kāretabbo. Gamaṇaṃ paṭijānāti, nisajjaṃ na paṭijānāti, āpattiṃ na paṭijānāti, na kāretabbo.

Gamaṇaṃ na paṭijānāti, nisajjaṃ paṭijānāti, āpattiṃ paṭijānāti, āpattiyā

Kāretabbo. Gamaṇaṃ na paṭijānāti, nisajjaṃ na paṭijānāti, āpattiṃ paṭijānāti, āpattiyā kāretabbo. Gamaṇaṃ na paṭijānāti, nisajjaṃ paṭijānāti, āpattiṃ na paṭijānāti, nisajjāya kāretabbo. Gamaṇaṃ na paṭijānāti, nisajjaṃ na paṭijānāti, āpattiṃ na paṭijānāti, na kāretabboti.

Paṭhamo aniyato niṭṭhito.

2. Dutyaaniyatasikkhāpadaṃ

452. Tena samayena buddho bhagavā sāvattiyaṃ viharati jetavane anāthapiṇḍikassa ārāme. Tena kho pana samayena āyasmā udāyī – ‘‘bhagavatā paṭikkhittaṃ mātugāmena saddhiṃ eko ekāya raho paṭicchanne āsane alaṃkammaniye nisajjaṃ kappetu’’nti tassāyeva kumārikāya saddhiṃ eko ekāya raho nisajjaṃ kappesi kālayuttaṃ samullapanto kālayuttaṃ dhammaṃ bhaṇanto. Dutiyampi kho visākhā migāramātā nimantitā taṃ kulaṃ agamāsi. Addasā kho visākhā migāramātā āyasmantaṃ udāyīṃ tassāyeva kumārikāya saddhiṃ ekaṃ ekāya raho nisinnaṃ. Disvāna āyasmantaṃ udāyīṃ etadavoca – ‘‘idaṃ, bhante, nacchannaṃ nappatirūpaṃ yaṃ ayyo mātugāmena saddhiṃ eko ekāya raho nisajjaṃ kappeti. Kiñcāpi, bhante, ayyo anattiko tena dhammena, apica dussaddhāpayā appasannā manussā’’ti. Evampi kho āyasmā udāyī visākhāya migāramātuyā vuccamāno nādiyi. Atha kho visākhā migāramātā nikkhamitvā bhikkhūnaṃ etamatthaṃ ārocesi. Ye te bhikkhū appicchā...pe... te ujjhāyanti khiyyanti vipācenti – ‘‘kathañhi nāma āyasmā udāyī mātugāmena saddhiṃ eko ekāya raho nisajjaṃ kappessati’’ti! Atha kho te bhikkhū āyasmantaṃ udāyīṃ anekapariyāyena vigarahitvā bhagavato etamatthaṃ ārocesuṃ ...pe... ‘‘saccaṃ kira tvaṃ, udāyī, mātugāmena saddhiṃ eko ekāya raho nisajjaṃ kappesi’’ti? ‘‘Saccaṃ

bhagavā’’ti. Vigarahi buddho bhagavā...pe... kathañhi nāma tvaṃ, moghapurisa, mātugāmena saddhiṃ eko ekāya raho nisajjaṃ kappessasi! Netam, moghapurisa, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

453. “Na heva kho pana paṭicchannaṃ āsanaṃ hoti nālaṃ kammaniyaṃ, alaṅca kho hoti mātugāmaṃ duṭṭhullāhi vācāhi obhāsitaṃ. Yo pana bhikkhu tathārūpe āsane mātugāmena saddhiṃ eko ekāya raho nisajjaṃ kappeyya, tamenam saddheyyavacasā upāsikā disvā dvinnaṃ dhammānaṃ aññatarena vadeyya – saṅghādisesena vā pācittiyena vā. Nisajjaṃ bhikkhu paṭijānamāno dvinnaṃ dhammānaṃ aññatarena kāretabbo – saṅghādisesena vā pācittiyena vā. Yena vā sā saddheyyavacasā upāsikā vadeyya tena so bhikkhu kāretabbo. Ayampi dhammo aniyato’’ti.

454. Na heva kho pana paṭicchannaṃ āsanaṃ hoti appaṭicchannaṃ hoti kuṭṭena vā kavāṭena vā kilañjena vā sāṇipākārena vā rukkhena vā thambhena vā kotthaḷiyā vā yena kenaci appaṭicchannaṃ hoti.

Nālaṃ kammaniyaṃ na sakkā hoti methunaṃ dhammaṃ paṭisevitaṃ.

Alaṅca kho hoti mātugāmaṃ duṭṭhullāhi vācāhi obhāsitaṃ sakkā hoti mātugāmaṃ duṭṭhullāhi vācāhi obhāsitaṃ.

Yo panāti yo yādiso...pe... **bhikkhūti**...pe... ayaṃ imasmiṃ atthe adhippeto bhikkhūti.

Tathārūpe āsaneti evarūpe āsane.

Mātugāmo nāma manussitthī, na yakkhī na petī na tiracchānagatā, viññū paṭibalā subhāsitaḍubbhāsitaṃ duṭṭhullāduṭṭhullaṃ ājānitaṃ.

Saddhinti ekato.

Eko ekāyāti bhikkhu ceva hoti mātugāmo ca.

Raho nāma cakkhussa raho, sotassa raho. **Cakkhussa raho** nāma na sakkā hoti akkhiṃ vā nikhaṇīyamāne bhamukaṃ vā ukkhipīyamāne sīsaṃ vā ukkhipīyamāne passitaṃ. **Sotassa raho** nāma na sakkā hoti pakatikathā sotuṃ.

Nisajjaṃ kappeyyāti mātugāme nisinne bhikkhu upanisinno vā hoti upanipanno vā. Bhikkhu nisinne mātugāmo upanisinno vā hoti upanipanno vā. Ubho vā nisinnā honti ubho vā nipannā.

Saddheyyavacasā nāma āgataphalā abhisametāvinī viññātasāsanā.

Upāsikā nāma buddhaṃ saraṇaṃ gatā, dhammaṃ saraṇaṃ gatā, saṅghaṃ saraṇaṃ gatā.

Disvāti passivā.

Dvinnaṃ dhammānaṃ aññatarena vadeyya saṅghādisesena vā pācittiyena vā. Nisajjaṃ bhikkhu paṭijānamāno dvinnaṃ dhammānaṃ aññatarena kāretabbo – saṅghādisesena vā pācittiyena vā. Yena vā sā saddheyyavacasā upāsikā vadeyya, tena so bhikkhu kāretabbo.

455. Sā ce evaṃ vadeyya – “ayyo mayā diṭṭho nisinno mātugāmena saddhiṃ kāyasamsaggaṃ samāpajjanto’’ti, so ca taṃ paṭijānāti, āpattiyā kāretabbo. Sā ce evaṃ vadeyya – “ayyo mayā diṭṭho

nisinno mātugāmena saddhiṃ kāyasamsaggaṃ samāpajjanto’’ti, so ce evaṃ vadeyya – ‘‘saccāhaṃ nisinno, no ca kho kāyasamsaggaṃ samāpajji’’nti, nisajjāya kāretabbo...pe... nāhaṃ nisinno, apica kho nipannoti, nipajjāya kāretabbo...pe... nāhaṃ nisinno, apica kho ʒhitoti, na kāretabbo.

Sā ce evaṃ vadeyya – ‘‘ayyo mayā diṭṭho nipanno mātugāmena saddhiṃ kāyasamsaggaṃ samāpajjanto’’ti, so ca taṃ paṭijānāti, āpattiyā kāretabbo...pe... saccāhaṃ nipanno, no ca kho kāyasamsaggaṃ samāpajjinti, nipajjāya kāretabbo...pe... nāhaṃ nipanno, apica kho nisinnoti, nisajjāya kāretabbo ...pe... nāhaṃ nipanno, apica kho ʒhitoti, na kāretabbo.

Sā ce evaṃ vadeyya – ‘‘ayyassa mayā sutam nisinna mātugāmaṃ duṭṭhullāhi vācāhi obhāsantassā’’ti, so ca taṃ paṭijānāti, āpattiyā kāretabbo. Sā ce evaṃ vadeyya – ‘‘ayyassa mayā sutam nisinna mātugāmaṃ duṭṭhullāhi vācāhi obhāsanti’’nti, nisajjāya kāretabbo...pe... nāhaṃ nisinno, apica kho nipannoti, nipajjāya kāretabbo...pe... nāhaṃ nisinno, apica kho ʒhitoti, na kāretabbo.

Sā ce evaṃ vadeyya – ‘‘ayyassa mayā sutam nipanna mātugāmaṃ duṭṭhullāhi vācāhi obhāsantassā’’ti, so ca taṃ paṭijānāti, āpattiyā kāretabbo...pe... saccāhaṃ nipanno no ca kho duṭṭhullāhi vācāhi obhāsinti, nipajjāya kāretabbo...pe... nāhaṃ nipanno, apica kho nisinnoti, nisajjāya kāretabbo...pe... nāhaṃ nipanno, apica kho ʒhitoti, na kāretabbo.

456. Sā ce evaṃ vadeyya – ‘‘ayyo mayā diṭṭho mātugāmena saddhiṃ eko ekāya raho nisinno’’ti, so ca taṃ paṭijānāti, nisajjāya kāretabbo...pe... nāhaṃ nisinno, apica kho nipannoti, nipajjāya kāretabbo...pe... nāhaṃ nisinno, apica kho ʒhitoti, na kāretabbo.

Sā ce evaṃ vadeyya – ‘‘ayyo mayā diṭṭho mātugāmena saddhiṃ eko ekāya raho nipanno’’ti, so ca taṃ paṭijānāti, nipajjāya kāretabbo...pe... nāhaṃ nipanno, apica kho nisinnoti, nisajjāya kāretabbo...pe... nāhaṃ nipanno, apica kho ʒhitoti, na kāretabbo.

Ayampīti purimaṃ upādāya vuccati.

Aniyatoti na niyato, saṅghādiseso vā pācittiyam vā.

457. Gamaṇaṃ paṭijānāti nisajjaṃ paṭijānāti āpattiṃ paṭijānāti, āpattiyā kāretabbo. Gamaṇaṃ paṭijānāti nisajjaṃ na paṭijānāti āpattiṃ paṭijānāti, āpattiyā kāretabbo. Gamaṇaṃ paṭijānāti nisajjaṃ paṭijānāti āpattiṃ na paṭijānāti, nisajjāya kāretabbo. Gamaṇaṃ paṭijānāti nisajjaṃ na paṭijānāti āpattiṃ na paṭijānāti, na kāretabbo.

Gamaṇaṃ na paṭijānāti nisajjaṃ paṭijānāti āpattiṃ paṭijānāti, āpattiyā kāretabbo. Gamaṇaṃ na paṭijānāti nisajjaṃ na paṭijānāti āpattiṃ paṭijānāti, āpattiyā kāretabbo. Gamaṇaṃ na paṭijānāti nisajjaṃ paṭijānāti āpattiṃ na paṭijānāti, nisajjāya kāretabbo. Gamaṇaṃ na paṭijānāti nisajjaṃ na paṭijānāti āpattiṃ na paṭijānāti, na kāretabbo.

Dutiyo aniyato niṭṭhito.

458. Uddiṭṭhā kho āyasmanto dve aniyatā dhammā. Tatthāyasmante pucchāmi – ‘‘kaccittha parisuddhā’’? Dutiyaṃ pucchāmi – ‘‘kaccittha parisuddhā’’? Tatiyaṃ pucchāmi – ‘‘kaccittha parisuddhā’’? Parisuddhetthāyasmanto; tasmā tuṅhī, evametam dhārayāmīti.

Tassuddānaṃ –

Alaṃ kammaniyañceva, tatheva ca naheva kho;

Aniyatā supaññattā, buddhasett̥thena tādīnāti.

Aniyatakaṇḍaṃ niṭṭhitam.

4. Nissaggiyakaṇḍaṃ

1. Cīvaravaggo

1. Paṭhamakathinasikkhāpadaṃ

Ime kho panāyasmanto tiṃsa nissaggiyā pācittiya

Dhammā uddesaṃ āgacchanti.

459. Tene समयेना बुद्धो भगवā वेसāलीयं विहारति गतमके चेतिये. Tena kho pana समयेना भगवतā भिक्खुणाम तिचिवारम अनुññāताम hoti. Chabbaggiyā bhikkhū – “bhagavatā ticīvaram अनुññāता”nti aññeneva ticīvarena gāmaṃ pavisanti, aññena ticīvarena ārāme acchanti, aññena ticīvarena nahānaṃ otaranti. Ye te bhikkhū appicchā...pe... te ujjhāyanti khiyyanti vipācenti – “kathañhi nāma chabbaggiyā bhikkhū atirekacīvaram dhāressanti”ti! Atha kho te bhikkhū chabbaggiye bhikkhū anekapariyāyena vīgarahitvā bhagavato etamattham ārocesum...pe... “saccaṃ kira tumhe, bhikkhave, atirekacīvaram dhārethā”ti? “Saccaṃ bhagavā”ti. Vīgarahi buddho bhagavā...pe... kathañhi nāma tumhe, moghapurisā, atirekacīvaram dhāressatha! Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

460. “Yo pana bhikkhu atirekacīvaram dhāreyya, nissaggiyam pācittiya”nti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

461. [mahāva. 347] Tena kho pana समयेना āyasmato ānandassa atirekacīvaram uppannaṃ hoti. Āyasmā ca ānando taṃ cīvaram āyasmato sārīputtassa dātukāmo hoti. Āyasmā ca sārīputto sākete viharati. Atha kho āyasmato ānandassa etadahosi – “bhagavatā sikkhāpadaṃ paññattaṃ – ‘na atirekacīvaram dhāretabba’nti. Idañca me atirekacīvaram uppannaṃ. Ahañcīmaṃ cīvaram āyasmato sārīputtassa dātukāmo. Āyasmā ca sārīputto sākete viharati. Kathaṃ nu kho mayā paṭipajjitabba’nti? Atha kho āyasmā ānando bhagavato etamattham ārocesi. “Kīvaciraṃ panānanda, sārīputto āgacchissati”ti? “Navamaṃ vā, bhagavā, divasaṃ dasamaṃ vā”ti. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, dasāhaparamaṃ atirekacīvaram dhāretum. Evañca pana, bhikkhave, imaṃ sikkhāpadaṃ uddiseyyātha –

462. “Niṭṭhitacīvarasmiṃ bhikkhunā ubbhata smiṃ kathine dasāhaparamaṃ atirekacīvaram dhāretabbaṃ. Taṃ atikkāmayato nissaggiyam pācittiya”nti.

463. Niṭṭhitacīvarasmiṃti bhikkhuno cīvaram kataṃ vā hoti naṭṭhaṃ vā vinaṭṭhaṃ vā daḍḍhaṃ vā cīvarāsā vā upacchinnā.

Ubbhata smiṃ kathineti aṭṭhannaṃ mātīkānaṃ aññatarāya mātīkāya ubbhataṃ hoti, saṅghena vā antarā ubbhataṃ hoti.

Dasāhaparamanti dasāhaparamatā dhāretabbaṃ.

Atirekacīvaram nāma anadhiṭṭhitam avikappitam.

Cīvaram nāma channaṃ cīvarānaṃ aññataraṃ cīvaram, vikappanupagaṃ pacchimaṃ.

Taṃ atikkāmayato nissaggiyaṃ hoti [hotīti idaṃ padaṃ sabbapothakesu atthi, sikkhāpade pana natthi, evamuparipi] ti ekādase aruṇuggamane nissaggiyaṃ hoti. Nissajjitabbaṃ saṅghassa vā gaṇassa vā puggalassa vā. Evañca pana, bhikkhave, nissajjitabbaṃ. Tena bhikkhunā saṅghaṃ upasaṅkamitvā ekaṃsaṃ uttarāsaṅgaṃ karitvā vuḍḍhānaṃ bhikkhūnaṃ pāde vanditvā ukkuṭikaṃ nisīditvā añjaliṃ paggahetvā evamassa vacanīyo – “idaṃ me, bhante, cīvaram dasāhātikkantaṃ nissaggiyaṃ, imāhaṃ saṅghassa nissajjāmī”ti. Nissajjitvā āpatti desetabbā. Byattena bhikkhunā paṭibalena āpatti paṭiggahetabbā. Nissaṭṭhacīvaram dātabbaṃ.

464. “Suṇātu me, bhante, saṅgho. Idaṃ cīvaram itthannāmassa bhikkhuno nissaggiyaṃ saṅghassa nissaṭṭhaṃ. Yadi saṅghassa pattakallaṃ, saṅgho imaṃ cīvaram itthannāmassa bhikkhuno dadeyyā”ti.

465. Tena bhikkhunā sambahule bhikkhū upasaṅkamitvā ekaṃsaṃ uttarāsaṅgaṃ karitvā vuḍḍhānaṃ bhikkhūnaṃ pāde vanditvā ukkuṭikaṃ nisīditvā añjaliṃ paggahetvā evamassu vacanīyo – “idaṃ me, bhante, cīvaram dasāhātikkantaṃ nissaggiyaṃ. Imāhaṃ āyasmantānaṃ nissajjāmī”ti. Nissajjitvā āpatti desetabbā. Byattena bhikkhunā paṭibalena āpatti paṭiggahetabbā. Nissaṭṭhacīvaram dātabbaṃ.

466. “Suṇantu me āyasmantā. Idaṃ cīvaram itthannāmassa bhikkhuno nissaggiyaṃ āyasmantānaṃ nissaṭṭhaṃ. Yādāyasmantānaṃ pattakallaṃ, āyasmantā imaṃ cīvaram itthannāmassa bhikkhuno dadeyyu”nti.

467. Tena bhikkhunā ekaṃ bhikkhuṃ upasaṅkamitvā ekaṃsaṃ uttarāsaṅgaṃ karitvā ukkuṭikaṃ nisīditvā añjaliṃ paggahetvā evamassa vacanīyo – “idaṃ me, āvuso, cīvaram dasāhātikkantaṃ nissaggiyaṃ. Imāhaṃ āyasmato nissajjāmī”ti. Nissajjitvā āpatti desetabbā. Tena bhikkhunā āpatti paṭiggahetabbā. Nissaṭṭhacīvaram dātabbaṃ – “imaṃ cīvaram āyasmato dammī”ti.

468. Dasāhātikkante atikkantasaññī, nissaggiyaṃ pācittiyaṃ. Dasāhātikkante vematiko, nissaggiyaṃ pācittiyaṃ. Dasāhātikkante anatikkantasaññī, nissaggiyaṃ pācittiyaṃ. Anadhiṭṭhite adhiṭṭhitasaññī, nissaggiyaṃ pācittiyaṃ. Avikappite vikappitasaññī, nissaggiyaṃ pācittiyaṃ. Avissajjite vissajjitasaññī, nissaggiyaṃ pācittiyaṃ. Anaṭṭhe naṭṭhasaññī, nissaggiyaṃ pācittiyaṃ. Avinaṭṭhe vinaṭṭhasaññī, nissaggiyaṃ pācittiyaṃ. Adaddhe dadḍhasaññī, nissaggiyaṃ pācittiyaṃ. Avilutte viluttasaññī, nissaggiyaṃ pācittiyaṃ.

Nissaggiyaṃ cīvaram anissajjitvā paribhuñjati, āpatti dukkaṭassa. Dasāhānatikkante atikkantasaññī, āpatti dukkaṭassa. Dasāhānatikkante vematiko, āpatti dukkaṭassa. Dasāhānatikkante anatikkantasaññī, anāpatti.

469. Anāpatti antodasāhaṃ adhiṭṭheti, vikappeti, vissajjeti, nassati, vinassati, ḍayhati, acchinditvā gaṇhanti, vissāsaṃ gaṇhanti, ummattakassa, ādikammikassāti.

470. Tena kho pana samayena chabbaggiyā bhikkhū nissaṭṭhacīvaram na denti. Bhagavato etamatthaṃ ārocesuṃ. “Na, bhikkhave, nissaṭṭhacīvaram na dātabbaṃ. Yo na dadeyya, āpatti dukkaṭassā”ti.

Kathinasikkhāpadaṃ niṭṭhitaṃ paṭhamaṃ.

2. Udositasikkhāpadaṃ

471. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena

kho pana samayena bhikkhū bhikkhūnaṃ hatthe cīvaraṃ nikkhipitvā santaruttarena janapadacārikaṃ pakkamanti. Tāni cīvarāni ciraṃ nikkhittāni kaṇṇakitāni honti. Tāni bhikkhū otāpenti. Addasā kho āyasmā ānando senāsanacārikaṃ āhiṇḍanto te bhikkhū tāni cīvarāni otāpente. Disvāna yena te bhikkhū tenupasaṅkami; upasaṅkamitvā te bhikkhū etadavoca – “kassimāni, āvuso, cīvarāni kaṇṇakitāni”ti? Atha kho te bhikkhū āyasmato ānandassa etamatthaṃ ārocesuṃ. Āyasmā ānando ujjhāyati khiyyati vipāceti – “kathaṅhi nāma bhikkhū bhikkhūnaṃ hatthe cīvaraṃ nikkhipitvā santaruttarena janapadacārikaṃ pakkamissanti”ti! Atha kho āyasmā ānando te bhikkhū anekapariyāyena vigarahitvā bhagavato etamatthaṃ ārocesi...pe... “saccaṃ kira, bhikkhave, bhikkhū bhikkhūnaṃ hatthe cīvaraṃ nikkhipitvā santaruttarena janapadacārikaṃ pakkamanti”ti? “Saccaṃ, bhagavā”ti. Vigarahi buddho bhagavā...pe... kathaṅhi nāma te, bhikkhave, moghapurisā bhikkhūnaṃ hatthe cīvaraṃ nikkhipitvā santaruttarena janapadacārikaṃ pakkamissanti! Netam, bhikkhave, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

472. “Niṭṭhitacīvarasmim bhikkhunā ubbhatasmim kathine ekarattampi ce bhikkhu ticīvarena vippavaseyya, nissaggiyaṃ pācittiya”nti.

Evaṅcidaṃ bhagavatā bhikkhūnaṃ sikkhāpadaṃ paññattaṃ hoti.

473. Tena kho pana samayena aññataro bhikkhu kosambiyaṃ gilāno hoti. Nātakā tassa bhikkhuno santike dūtaṃ pāhesuṃ – “āgacchatu bhadanto, mayaṃ, upaṭṭhahissāmā”ti. Bhikkhūpi evamāhaṃsu – “gacchāvuso, ñātakā taṃ upaṭṭhahissanti”ti. So evamāha – “bhagavatāvuso, sikkhāpadaṃ paññattaṃ – ‘na ticīvarena vippavasitabba’nti. Ahaṅcamhi gilāno. Na sakkomi ticīvaraṃ ādāya pakkamituṃ. Nāhaṃ gamissāmī”ti. Bhagavato etamatthaṃ ārocesuṃ. Atha kho bhagavā etasmim nidāne etasmim pakaraṇe dhammim kathaṃ katvā bhikkhū āmantesi – “anujānāmi, bhikkhave, gilānassa bhikkhuno ticīvarena avippavāsasammutim dātuṃ. Evaṅca pana, bhikkhave, dātābbā. Tena gilānena bhikkhunā saṅghaṃ upasaṅkamitvā ekamsaṃ uttarāsaṅgaṃ karitvā vuḍḍhānaṃ bhikkhūnaṃ pāde vanditvā ukkuṭikaṃ nisīditvā añjaliṃ paggaḥetvā evamassa vacanīyo – ‘ahaṃ, bhante, gilāno. Na sakkomi ticīvaraṃ ādāya pakkamituṃ. Sohaṃ, bhante, saṅghaṃ ticīvarena avippavāsasammutim yācāmi”ti. Dutiyampi yācitābbā. Tatiyampi yācitābbā. Byattena bhikkhunā paṭibalena saṅgho ñāpetabbo –

474. “Suṇātu me, bhante, saṅgho. Ayaṃ itthannāmo bhikkhu gilāno. Na sakkoti ticīvaraṃ ādāya pakkamituṃ. So saṅghaṃ ticīvarena avippavāsasammutim yācati. Yadi saṅghassa pattakallaṃ, saṅgho itthannāmassa bhikkhuno ticīvarena avippavāsasammutim dadeyya. Esā ñatti.

“Suṇātu me, bhante, saṅgho. Ayaṃ itthannāmo bhikkhu gilāno. Na sakkoti ticīvaraṃ ādāya pakkamituṃ. So saṅghaṃ ticīvarena avippavāsasammutim yācati. Saṅgho itthannāmassa bhikkhuno ticīvarena avippavāsasammutim deti. Yassāyasmato khamati itthannāmassa bhikkhuno ticīvarena avippavāsasammutiyā dānaṃ, so tuṅhassa; yassa nakkhamati, so bhāseyya.

“Dinnā saṅghena itthannāmassa bhikkhuno ticīvarena avippavāsasammuti. Khamati saṅghassa, tasmā tuṅhī, evametam dhārayāmi”ti.

Evaṅca pana, bhikkhave, imaṃ sikkhāpadaṃ uddiseyyātha –

475. “Niṭṭhitacīvarasmim bhikkhunā ubbhatasmim kathine ekarattampi ce bhikkhu ticīvarena vippavaseyya, aññatra bhikkhusammutiyā, nissaggiyaṃ pācittiya”nti.

476. “Niṭṭhitacīvarasminti bhikkhuno cīvaraṃ kataṃ vā hoti naṭṭhaṃ vā vinaṭṭhaṃ vā daḍḍhaṃ vā cīvarāsā vā upacchinnā.

Ubbhatasmim kathineti aṭṭhannaṃ mātikānaṃ aññatarāya mātikāya ubbhatam hoti, saṅghena vā

antarā ubbhatam hoti.

Ekarattampi ce bhikkhu ticivarena vippavaseyyāti saṅghāṭiyā vā uttarāsaṅgena vā antaravāsakena vā.

Aññatra bhikkhusammutiyāti ṭhapetvā bhikkhusammutim.

Nissaggiyam hotīti saha aruṇuggamanā [aruṇuggamanena (sī. syā.)] nissaggiyam hoti.

Nissajjitabbaṃ saṅghassa vā gaṇassa vā puggalassa vā. Evañca pana, bhikkhave, nissajjitabbaṃ...pe... idaṃ me, bhante, cīvaraṃ rattivippavutthaṃ [rattim vippavutthaṃ (sī.)] aññatra bhikkhusammutiyā nissaggiyam, imāhaṃ saṅghassa nissajjāmīti...pe... dadeyyāti...pe... dadeyyuntī...pe... āyasmato dammīti.

477. Gāmo ekūpacāro nānūpacāro. Nivesanaṃ ekūpacāraṃ nānūpacāraṃ. Udosito ekūpacāro nānūpacāro. Aṭṭo ekūpacāro nānūpacāro. Mālo ekūpacāro nānūpacāro. Pāsādo ekūpacāro nānūpacāro. Hammiyaṃ ekūpacāraṃ nānūpacāraṃ. Nāvā ekūpacārā nānūpacārā. Sattho ekūpacāro nānūpacāro. Khettaṃ ekūpacāraṃ nānūpacāraṃ. Dhaññakaraṇaṃ ekūpacāraṃ nānūpacāraṃ. Ārāmo ekūpacāro nānūpacāro. Vihāro ekūpacāro nānūpacāro. Rukkhamūlaṃ ekūpacāraṃ nānūpacāraṃ. Ajjhokāso ekūpacāro nānūpacāro.

478. Gāmo ekūpacāro nāma ekakulassa gāmo hoti parikkhitto ca. Antogāme cīvaraṃ nikkhipitvā antogāme vatthabbaṃ. Aparikkhitto hoti, yasmim̄ ghare cīvaraṃ nikkhittaṃ hoti tasmim̄ ghare vatthabbaṃ, hatthapāsā vā na vijahitabbaṃ.

479. Nānākulassa gāmo hoti parikkhitto ca. Yasmim̄ ghare cīvaraṃ nikkhittaṃ hoti tasmim̄ ghare vatthabbaṃ sabhāye vā dvāramūle vā, hatthapāsā vā na vijahitabbaṃ. Sabhāyaṃ gacchantena hatthapāse cīvaraṃ nikkhipitvā sabhāye vā vatthabbaṃ dvāramūle vā, hatthapāsā vā na vijahitabbaṃ. Sabhāye cīvaraṃ nikkhipitvā sabhāye vā vatthabbaṃ dvāramūle vā, hatthapāsā vā na vijahitabbaṃ. Aparikkhitto hoti, yasmim̄ ghare cīvaraṃ nikkhittaṃ hoti tasmim̄ ghare vatthabbaṃ, hatthapāsā vā na vijahitabbaṃ.

480. Ekakulassa nivesanaṃ hoti parikkhittaṃca, nānāgabbhā nānāovarakā. Antonivesane cīvaraṃ nikkhipitvā antonivesane vatthabbaṃ. Aparikkhittaṃ hoti, yasmim̄ gabbhe cīvaraṃ nikkhittaṃ hoti tasmim̄ gabbhe vatthabbaṃ, hatthapāsā vā na vijahitabbaṃ.

481. Nānākulassa nivesanaṃ hoti parikkhittaṃca, nānāgabbhā nānāovarakā. Yasmim̄ gabbhe cīvaraṃ nikkhittaṃ hoti tasmim̄ gabbhe vatthabbaṃ dvāramūle vā, hatthapāsā vā na vijahitabbaṃ. Aparikkhittaṃ hoti, yasmim̄ gabbhe cīvaraṃ nikkhittaṃ hoti tasmim̄ gabbhe vatthabbaṃ, hatthapāsā vā na vijahitabbaṃ.

482. Ekakulassa udosito hoti parikkhitto ca, nānāgabbhā nānāovarakā. Antoudosite cīvaraṃ nikkhipitvā antoudosite vatthabbaṃ. Aparikkhitto hoti, yasmim̄ gabbhe cīvaraṃ nikkhittaṃ hoti tasmim̄ gabbhe vatthabbaṃ, hatthapāsā vā na vijahitabbaṃ.

483. Nānākulassa udosito hoti parikkhitto ca, nānāgabbhā nānāovarakā. Yasmim̄ gabbhe cīvaraṃ nikkhittaṃ hoti tasmim̄ gabbhe vatthabbaṃ dvāramūle vā, hatthapāsā vā na vijahitabbaṃ. Aparikkhitto hoti, yasmim̄ gabbhe cīvaraṃ nikkhittaṃ hoti tasmim̄ gabbhe vatthabbaṃ, hatthapāsā vā na vijahitabbaṃ.

484. Ekakulassa aṭṭo hoti, antoaṭṭe cīvaraṃ nikkhipitvā antoaṭṭe vatthabbaṃ. Nānākulassa aṭṭo hoti, nānāgabbhā nānāovarakā. Yasmim̄ gabbhe cīvaraṃ nikkhittaṃ hoti tasmim̄ gabbhe vatthabbaṃ dvāramūle vā, hatthapāsā vā na vijahitabbaṃ.

485. Ekakulassa māḷo hoti, antomāḷe cīvaraṃ nikkhipitvā antomāḷe vatthabbaṃ. Nānākulassa māḷo hoti nānāgabbhā nānāovarakā, yasmim̄ gabbhe cīvaraṃ nikkhittaṃ hoti tasmim̄ gabbhe vatthabbaṃ dvāramūle vā, hatthapāsā vā na vijahitabbaṃ.

486. Ekakulassa pāsādo hoti, antopāsāde cīvaraṃ nikkhipitvā antopāsāde vatthabbaṃ. Nānākulassa pāsādo hoti, nānāgabbhā nānāovarakā. Yasmim̄ gabbhe cīvaraṃ nikkhittaṃ hoti tasmim̄ gabbhe vatthabbaṃ dvāramūle vā, hatthapāsā vā na vijahitabbaṃ.

487. Ekakulassa hammiyaṃ hoti. Antohammiye cīvaraṃ nikkhipitvā antohammiye vatthabbaṃ. Nānākulassa hammiyaṃ hoti, nānāgabbhā nānāovarakā. Yasmim̄ gabbhe cīvaraṃ nikkhittaṃ hoti tasmim̄ gabbhe vatthabbaṃ dvāramūle vā, hatthapāsā vā na vijahitabbaṃ.

488. Ekakulassa nāvā hoti. Antonāvāya cīvaraṃ nikkhipitvā antonāvāya vatthabbaṃ. Nānākulassa nāvā hoti nānāgabbhā nānāovarakā. Yasmim̄ ovarake cīvaraṃ nikkhittaṃ hoti tasmim̄ ovarake vatthabbaṃ, hatthapāsā vā na vijahitabbaṃ.

489. Ekakulassa sattho hoti. Satthe cīvaraṃ nikkhipitvā purato vā pacchato vā sattabbhantarā na vijahitabbā, passato abbhantaram̄ na vijahitabbaṃ. Nānākulassa sattho hoti, satthe cīvaraṃ nikkhipitvā hatthapāsā na vijahitabbaṃ.

490. Ekakulassa khettaṃ hoti parikkhittaṇca. Antokhette cīvaraṃ nikkhipitvā antokhette vatthabbaṃ. Aparikkhittaṃ hoti, hatthapāsā na vijahitabbaṃ. Nānākulassa khettaṃ hoti parikkhittaṇca. Antokhette cīvaraṃ nikkhipitvā dvāramūle vā vatthabbaṃ, hatthapāsā vā na vijahitabbaṃ. Aparikkhittaṃ hoti, hatthapāsā na vijahitabbaṃ.

491. Ekakulassa dhaññakaraṇaṃ hoti parikkhittaṇca. Antodhaññakaraṇe cīvaraṃ nikkhipitvā antodhaññakaraṇe vatthabbaṃ. Aparikkhittaṃ hoti, hatthapāsā na vijahitabbaṃ. Nānākulassa dhaññakaraṇaṃ hoti parikkhittaṇca. Antodhaññakaraṇe cīvaraṃ nikkhipitvā dvāramūle vā vatthabbaṃ, hatthapāsā vā na vijahitabbaṃ. Aparikkhittaṃ hoti, hatthapāsā na vijahitabbaṃ.

492. Ekakulassa ārāmo hoti parikkhitto ca. Antoārāme cīvaraṃ nikkhipitvā antoārāme vatthabbaṃ. Aparikkhitto hoti, hatthapāsā na vijahitabbaṃ. Nānākulassa ārāmo hoti parikkhitto ca. Antoārāme cīvaraṃ nikkhipitvā dvāramūle vā vatthabbaṃ, hatthapāsā vā na vijahitabbaṃ. Aparikkhitto hoti, hatthapāsā na vijahitabbaṃ.

493. Ekakulassa vihāro hoti parikkhitto ca. Antovihāre cīvaraṃ nikkhipitvā antovihāre vatthabbaṃ. Aparikkhitto hoti, yasmim̄ vihāre cīvaraṃ nikkhittaṃ hoti tasmim̄ vihāre vatthabbaṃ, hatthapāsā vā na vijahitabbaṃ. Nānākulassa vihāro hoti parikkhitto ca. Yasmim̄ vihāre cīvaraṃ nikkhittaṃ hoti tasmim̄ vihāre vatthabbaṃ dvāramūle vā, hatthapāsā vā na vijahitabbaṃ. Aparikkhitto hoti, yasmim̄ vihāre cīvaraṃ nikkhittaṃ hoti tasmim̄ vihāre vatthabbaṃ, hatthapāsā vā na vijahitabbaṃ.

494. Ekakulassa rukkhamūlaṃ hoti, yaṃ majjhanhike kāle samantā chāyā pharati, antochāyāya cīvaraṃ nikkhipitvā antochāyāya vatthabbaṃ. Nānākulassa rukkhamūlaṃ hoti, hatthapāsā na vijahitabbaṃ.

Ajjhokāso ekūpacāro nāma agāmake araññe samantā sattabbhantarā ekūpacāro, tato paraṃ nānūpacāro.

495. Vipavutthe vipavutthasaññī aññatra bhikkhusammutiyā, nissaggiyaṃ pācittiyaṃ. Vipavutthe vematiko, aññatra bhikkhusammutiyā, nissaggiyaṃ pācittiyaṃ. Vipavutthe avipavutthasaññī, aññatra bhikkhusammutiyā, nissaggiyaṃ pācittiyaṃ. Appaccuddhaṭe

paccuddhaṭṭasaññī...pe... avissajjite vissajjitasaññī... anaṭṭhe natṭhasaññī... avinatṭhe vinatṭhasaññī... adaddhe daddhasaññī...pe... avilutte viluttasaññī, aññatra bhikkhusammutiyā, nissaggiyaṃ pācittiyaṃ.

Nissaggiyaṃ cīvaraṃ anissajjitvā paribhuñjati, āpatti dukkaṭassa. Avippavutthe vippavutthasaññī, āpatti dukkaṭassa. Avippavutthe vematiko, āpatti dukkaṭassa. Avippavutthe avippavutthasaññī, anāpatti.

496. Anāpatti antoaruṇe paccuddharati, vissajjeti, nassati, vinassati, ḍayhati, acchinditvā gaṇhanti, vissāsaṃ gaṇhanti, bhikkhusammutiyā, ummattakassa, ādikammikassāti.

Udositasikkhāpadaṃ niṭṭhitaṃ dutiyaṃ.

3. Tatiyakathinasikkhāpadaṃ

497. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena aññatarassa bhikkhuno akālacīvaraṃ uppannaṃ hoti. Tassa taṃ cīvaraṃ kayiramānaṃ nappahoti. Atha kho so bhikkhu taṃ cīvaraṃ ussāpetvā punappunaṃ vimajjati. Addasā kho bhagavā senāsanacārikaṃ āhiṇḍanto taṃ bhikkhuṃ taṃ cīvaraṃ ussāpetvā punappunaṃ vimajjantaṃ. Disvāna yena so bhikkhu tenupasaṅkami; upasaṅkamitvā taṃ bhikkhuṃ etadavoca – “kissa tvam, bhikkhu, imaṃ cīvaraṃ ussāpetvā punappunaṃ vimajjasī”ti? “Idaṃ me, bhante, akālacīvaraṃ uppannaṃ. Kayiramānaṃ nappahoti. Tenāhaṃ imaṃ cīvaraṃ ussāpetvā punappunaṃ vimajjāmī”ti. “Atthi pana te, bhikkhu, cīvarapaccāsā”ti? “Atthi, bhagavā”ti. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā, bhikkhū āmantesi – “anujānāmi, bhikkhave, akālacīvaraṃ paṭiggahetvā cīvarapaccāsā nikkhipitu”nti.

498. Tena kho pana samayena bhikkhū – “bhagavatā anuññātaṃ akālacīvaraṃ paṭiggahetvā cīvarapaccāsā nikkhipitu”nti akālacīvarāni paṭiggahetvā atirekamāsaṃ nikkhipanti. Tāni cīvarāni cīvaravaṃse bhaṇḍikābaddhāni tiṭṭhanti. Addasā kho āyasmā ānando senāsanacārikaṃ āhiṇḍanto tāni cīvarāni cīvaravaṃse bhaṇḍikābaddhāni tiṭṭhante. Disvāna bhikkhū āmantesi – “kassimāni, āvuso, cīvarāni cīvaravaṃse bhaṇḍikābaddhāni tiṭṭhanti”ti? “Amhākaṃ, āvuso, akālacīvarāni cīvarapaccāsā nikkhittāni”ti. “Kīvaciraṃ panāvuso, imāni cīvarāni nikkhittāni”ti? “Atirekamāsaṃ, āvuso”ti. Āyasmā ānando ujjhāyati khiyyati vipāceti – “kathaṃhi nāma bhikkhū akālacīvaraṃ paṭiggahetvā atirekamāsaṃ nikkhipissanti”ti! Atha kho āyasmā ānando te bhikkhū anekapariyāyena vigarahitvā bhagavato etamatthaṃ ārocesi...pe... “saccaṃ kira, bhikkhave, bhikkhū akālacīvaraṃ paṭiggahetvā atirekamāsaṃ nikkhipanti”ti? “Saccaṃ, bhagavā”ti. Vigarahi buddho bhagavā...pe... kathaṃhi nāma te, bhikkhave, moghapurisā akālacīvaraṃ paṭiggahetvā atirekamāsaṃ nikkhipissanti! Netam, bhikkhave, appasannānaṃ vā pasādāya...pe... evaṃca pana, bhikkhave, imaṃ sikkhāpadaṃ uddiseyyātha –

499. “Niṭṭhitacīvarasmim bhikkhunā ubbhatasmim kathine bhikkhuno paneva akālacīvaraṃ uppajjeyya, ākaṅkhamānena bhikkhunā paṭiggahetabbam. Paṭiggahetvā khippameva kāretabbam. Nocassa pāripūri, māsaparamaṃ tena bhikkhunā taṃ cīvaraṃ nikkhipitabbam ūnassa pāripūriyā satiyā paccāsāya. Tato ce uttari [uttarim (sī. syā.)] nikkhipiyya, satiyāpi paccāsāya, nissaggiyaṃ pācittiya”nti.

500. Niṭṭhitacīvarasminti bhikkhuno cīvaraṃ kataṃ vā hoti natṭhaṃ vā vinatṭhaṃ vā daddhaṃ vā cīvarāsā vā upacchinnā.

Ubbhatasmim kathineti aṭṭhannaṃ mātikānaṃ aññatarāya mātikāya ubbhatam hoti, saṅghena vā antarā ubbhatam hoti.

Akālacīvaraṃ nāma anattate kathine ekādasamāse uppannaṃ, atthate kathine sattamāse

uppannaṃ, kālepi ādissa dinnam, etaṃ akālacīvaram nāma.

Uppajjeyyāti uppajjeyya saṅghato vā gaṇato vā ñātito vā mittato vā paṃsukūlaṃ vā attano vā dhanena.

Ākaṅkhamānenāti icchamānena paṭiggahetabbaṃ.

Paṭiggahetvā khippameva kāretabbanti dasāhā kāretabbaṃ.

No cassa pāripūrīti kayiramānaṃ nappahoti.

Māsaparamaṃ tena bhikkhunā taṃ cīvaram nikkhipitabbanti māsaparamatā nikkhipitabbaṃ.

Ūnassa pāripūriyāti ūnassa pāripūratthāya.

Satiyā paccāsāyāti paccāsā hoti saṅghato vā gaṇato vā ñātito vā mittato vā paṃsukūlaṃ vā attano vā dhanena.

Tato ce uttari nikkhipeyya satiyāpi paccāsāyāti tadahuppanne mūlacīvare paccāsācīvaram uppajjati, dasāhā kāretabbaṃ. Dvīhuppanne mūlacīvare paccāsācīvaram uppajjati, dasāhā kāretabbaṃ. Tīhuppanne mūlacīvare...pe... catūhuppanne... pañcāhuppanne... chāhuppanne... sattāhuppanne... aṭṭhāhuppanne ... navāhuppanne... dasāhuppanne mūlacīvare paccāsācīvaram uppajjati, dasāhā kāretabbaṃ. Ekādase uppanne...pe... dvādase uppanne... tērase uppanne... cuddase uppanne... pannarase uppanne... soḷase uppanne... sattarase uppanne... aṭṭhārase uppanne... ekūnavīse uppanne... vīse uppanne mūlacīvare paccāsācīvaram uppajjati, dasāhā kāretabbaṃ. Ekavīse uppanne mūlacīvare paccāsācīvaram uppajjati, navāhā kāretabbaṃ. Dvāvīse uppanne...pe... tevīse uppanne... catuvīse uppanne... pañcavīse uppanne... chabbīse uppanne... sattavīse uppanne... aṭṭhavīse uppanne... ekūnatimse uppanne mūlacīvare paccāsācīvaram uppajjati, ekāhaṃ kāretabbaṃ... timse uppanne mūlacīvare paccāsācīvaram uppajjati, tadaheva adhiṭṭhātabbaṃ vikappetabbaṃ vissajjetabbaṃ. No ce adhiṭṭheyya vā vikappeyya vā vissajjeyya vā, ekatimse aruṇuggamane nissaggiyaṃ hoti. Nissajjitabbaṃ saṅghassa vā gaṇassa vā puggalassa vā. Evañca pana, bhikkhave, nissajjitabbaṃ...pe... idaṃ me, bhante, akālacīvaram māsatikkantaṃ nissaggiyaṃ, imāhaṃ saṅghassa nissajjāmīti...pe... dadeyyāti... pe... dadeyyunti...pe... āyasmato dammīti.

Visabhāge uppanne mūlacīvare paccāsācīvaram uppajjati, rattiyo ca sesā honti, na akāmā kāretabbaṃ.

501. Māsātikkante atikkantasaññī, nissaggiyaṃ pācittiyaṃ. Māsātikkante vematiko nissaggiyaṃ pācittiyaṃ. Māsātikkante anatikkantasaññī nissaggiyaṃ pācittiyaṃ. Anadhiṭṭhite adhiṭṭhitasaññī...pe... avikappite vikappitasaññī... avissajjite vissajjitasaññī... anaṭṭhe naṭṭhasaññī... avinaṭṭhe vinaṭṭhasaññī... adaḍḍhe daḍḍhasaññī... avilutte viluttasaññī, nissaggiyaṃ pācittiyaṃ.

Nissaggiyaṃ cīvaram anissajjitvā paribhuñjati, āpatti dukkaṭassa. Māsānatikkante atikkantasaññī, āpatti dukkaṭassa. Māsānatikkante vematiko, āpatti dukkaṭassa. Māsānatikkante anatikkantasaññī, anāpatti.

502. Anāpatti antomāse adhiṭṭheti, vikappeti, vissajjeti, nassati, vinassati, ḍayhanti, acchinditvā gaṇhanti, vissāsaṃ gaṇhanti, ummattakassa, ādikammikassāti.

Tatīyakathinasikkhāpadaṃ niṭṭhitaṃ.

4. Purāṇacīvarasikkhāpadam

503. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena āyasmato udāyissa purāṇadutiyaikā bhikkhunīsu pabbajitā hoti. Sā āyasmato udāyissa santike abhikkhaṇaṃ āgacchati. Āyasmāpi udāyī tassā bhikkhuniyā santike abhikkhaṇaṃ gacchati. Tena kho pana samayena āyasmā udāyī tassā bhikkhuniyā santike bhattavissaggaṃ karoti. Atha kho āyasmā udāyī pubbaṅhasamayaṃ nivāsetvā pattacīvaramādāya yena sā bhikkhunī tenupasaṅkami; upasaṅkamitvā tassā bhikkhuniyā purato aṅgajātaṃ vivaritvā āsane nisīdi. Sāpi kho bhikkhunī āyasmato udāyissa purato aṅgajātaṃ vivaritvā āsane nisīdi. Atha kho āyasmā udāyī sāratto tassā bhikkhuniyā aṅgajātaṃ upanijjhāyi. Tassa asuci mucci. Atha kho āyasmā udāyī taṃ bhikkhuniṃ etadavoca – “gaccha, bhagini, udakaṃ āhara, antaravāsakaṃ dhovissāmi”ti. “Āharayya, ahameva dhovissāmi”ti taṃ asuciṃ ekadesaṃ mukhena aggahesi ekadesaṃ aṅgajāte pakkhipi. Sā tena gabbhaṃ gaṇhi. Bhikkhuniyo evamāhaṃsu – “abrahmacāriniṃ ayaṃ bhikkhunī, gabbhinī”ti. “Nāhaṃ, ayye, abrahmacārini”ti bhikkhunīnaṃ etamatthaṃ ārocesi. Bhikkhuniyo ujjhāyanti khiyyanti vipācenti – “kathaṅhi nāma ayyo udāyī bhikkhuniyā purāṇacīvaraṃ dhovāpessati”ti! Atha kho tā bhikkhuniyo bhikkhūnaṃ etamatthaṃ ārocesuṃ. Ye te bhikkhū appicchā...pe... te ujjhāyanti khiyyanti vipācenti – “kathaṅhi nāma āyasmā udāyī bhikkhuniyā purāṇacīvaraṃ dhovāpessati”ti! Atha kho te bhikkhū āyasmantaṃ udāyiṃ anekapariyāyena vigarahitvā bhagavato etamatthaṃ ārocesuṃ...pe... “saccaṃ kira tvaṃ, udāyi, bhikkhuniyā purāṇacīvaraṃ dhovāpesi”ti? “Saccaṃ, bhagavā”ti. “Ñātikā te, udāyi, aññātikā”ti? “Aññātikā, bhagavā”ti. “Aññātako, moghapurisa, aññātikāya na jānāti patirūpaṃ vā appatirūpaṃ vā pāsādikaṃ vā apāsādikaṃ vā. Tattha nāma tvaṃ, moghapurisa, aññātikāya bhikkhuniyā purāṇacīvaraṃ dhovāpessasi! Netam, moghapurisa, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

504. “Yo pana bhikkhu aññātikāya bhikkhuniyā purāṇacīvaraṃ dhovāpeyya vā rajāpeyya vā ākoṭāpeyya vā, nissaggiyaṃ pācittiya”nti.

505. Yo panāti yo yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Aññātikā nāma mātito vā pitito vā yāva sattamā pitāmahayugā asambaddhā.

Bhikkhunī nāma ubhatosaṅghe upasampannā.

Purāṇacīvaraṃ nāma sakiṃ nivatthampi sakiṃ pārutampi.

Dhovāti āṇāpeti, āpatti dukkaṭassa. Dhotam nissaggiyaṃ hoti. Rajāti āṇāpeti, āpatti dukkaṭassa. Rattam nissaggiyaṃ hoti. Ākoṭehīti āṇāpeti, āpatti dukkaṭassa. Sakiṃ paṇippahāraṃ vā muggarappahāraṃ vā dinne nissaggiyaṃ hoti. Nissajjitabbaṃ saṅghassa vā gaṇassa vā puggalassa vā. Evaṅca pana, bhikkhave, nissajjitabbaṃ...pe... idaṃ me, bhante, purāṇacīvaraṃ aññātikāya bhikkhuniyā dhovāpitaṃ nissaggiyaṃ. Imāhaṃ saṅghassa nissajjāmīti...pe... dadeyyāti...pe... dadeyyunti...pe... āyasmato dammīti.

506. Aññātikāya aññātikasaṅgāni purāṇacīvaraṃ dhovāpeti, nissaggiyaṃ pācittiyaṃ. Aññātikāya aññātikasaṅgāni purāṇacīvaraṃ dhovāpeti rajāpeti, nissaggiyena āpatti dukkaṭassa. Aññātikāya aññātikasaṅgāni purāṇacīvaraṃ dhovāpeti ākoṭāpeti, nissaggiyena āpatti dukkaṭassa. Aññātikāya aññātikasaṅgāni purāṇacīvaraṃ dhovāpeti rajāpeti ākoṭāpeti, nissaggiyena āpatti dvinnam dukkaṭānaṃ.

Aññātikāya aññātikasaṅgāni purāṇacīvaraṃ rajāpeti, nissaggiyaṃ pācittiyaṃ. Aññātikāya aññātikasaṅgāni purāṇacīvaraṃ rajāpeti ākoṭāpeti, nissaggiyena āpatti dukkaṭassa. Aññātikāya aññātikasaṅgāni purāṇacīvaraṃ dhovāpeti, nissaggiyena āpatti dukkaṭassa. Aññātikāya aññātikasaṅgāni purāṇacīvaraṃ rajāpeti ākoṭāpeti dhovāpeti, nissaggiyena āpatti dvinnam dukkaṭānaṃ.

Aññātikāya aññātikasaññī purāṇacīvaram ākoṭāpeti, nissaggiyaṃ pācittiyaṃ. Aññātikāya aññātikasaññī purāṇacīvaram ākoṭāpeti dhovāpeti, nissaggiyena āpatti dukkaṭassa. Aññātikāya aññātikasaññī purāṇacīvaram ākoṭāpeti rajāpeti, nissaggiyena āpatti dukkaṭassa. Aññātikāya aññātikasaññī purāṇacīvaram ākoṭāpeti dhovāpeti rajāpeti, nissaggiyena āpatti dvinnam dukkaṭānam.

Aññātikāya vematiko...pe... aññātikāya ñātikasaññī...pe... aññassa purāṇacīvaram dhovāpeti, āpatti dukkaṭassa. Nisīdanapaccattharaṇam dhovāpeti, āpatti dukkaṭassa. Ekatoupasampannāya dhovāpeti, āpatti dukkaṭassa. Ñātikāya aññātikasaññī, āpatti dukkaṭassa. Ñātikāya vematiko, āpatti dukkaṭassa. Ñātikāya ñātikasaññī, anāpatti.

507. Anāpatti ñātikāya dhovantiyā aññātikā dutiyā hoti, avuttā dhovati, aparibhuttaṃ dhovāpeti, cīvaram ṭhapetvā aññam parikkhāram dhovāpeti, sikkhamānāya, sāmaṇeriyā, ummattakassa, ādikammikassāti.

Purāṇacīvarasikkhāpadam niṭṭhitam catuttham.

5. Cīvarapaṭiggahaṇasikkhāpadam

508. Tena samayena buddho bhagavā rājagahe viharati veḷuvane kalandakanivāpe. Tena kho pana samayena uppalavaṇṇā bhikkhunī sāvatthiyaṃ viharati. Atha kho uppalavaṇṇā bhikkhunī pubbaṇhasamayam nivāsetvā pattacīvaramādāya sāvatthiṃ piṇḍāya pāvisi. Sāvatthiyaṃ piṇḍāya caritvā pacchābhattaṃ piṇḍapātappaṭikkantā yena andhavanam tenupasaṅkami divāvihārāya. Andhavanam ajjhogāhetvā aññatarasmiṃ rukkhamūle divāvihāram nisīdi. Tena kho pana samayena corā katakammā gāviṃ vadhitvā maṃsam gahetvā andhavanam pavisimsu. Addasā kho coragāmaṇiko uppalavaṇṇam bhikkhuniṃ aññatarasmiṃ rukkhamūle divāvihāram nisinnam. Disvānassa etadahosi – “sace me puttabhātukā passissanti viheṭṭhissanti imaṃ bhikkhuni”nti aññena maggena agamāsi. Atha kho so coragāmaṇiko maṃse pakke varamaṃsāni gahetvā paṇṇapuṭam [paṇṇena puṭam (syā.)] bandhitvā uppalavaṇṇāya bhikkhuniyā avidūre rukkhe ālaggetvā – “yo passati samaṇo vā brāhmaṇo vā dinnamyeva haratū”ti, vatvā pakkāmi. Assosi kho uppalavaṇṇā bhikkhunī samādhimhā vuṭṭhahitvā tassa coragāmaṇikassa imaṃ vācam bhāsamānassa. Atha kho uppalavaṇṇā bhikkhunī taṃ maṃsam gahetvā upassayaṃ agamāsi. Atha kho uppalavaṇṇā bhikkhunī tassā rattiyā accayena taṃ maṃsam sampādetvā uttarāsaṅgena bhaṇḍikaṃ bandhitvā vehāsam abbhuggantvā veḷuvane paccuṭṭhāsi [paccupattḥāsi (?)].

Tena kho pana samayena bhagavā gāmaṃ piṇḍāya pavitṭho hoti. Āyasmā udāyī ohiyyako hoti viharāpālo. Atha kho uppalavaṇṇā bhikkhunī yenāyasmā udāyī tenupasaṅkami; upasaṅkamitvā āyasmantaṃ udāyimaṃ etadavoca – “kahaṃ, bhante, bhagavā”ti? “Pavitṭho, bhagini, bhagavā gāmaṃ piṇḍāyā”ti. “Imaṃ, bhante, maṃsam bhagavato dehī”ti. “Santappito tayā, bhagini, bhagavā maṃsena. Sace me tvam antaravāsakaṃ dadeyyāsi, evaṃ ahampi santappito bhavyeṃyam antaravāsakenā”ti. “Mayam kho, bhante, mātuḡamā nāma kicchalābhā. Idañca me antimaṃ pañcamaṃ cīvaram. Nāham dassāmi”ti. “Seyyathāpi, bhagini, puriso hatthiṃ datvā kacche sajjeyya [vissajjeyya (syā.)] evameva kho tvam bhagini bhagavato maṃsam datvā mayi antaravāsake sajjasī”ti [antaravāsakaṃ na sajjasīti (ka.), mayham antaravāsakaṃ vissajjehīti (syā.)]. Atha kho uppalavaṇṇā bhikkhunī āyasmatā udāyinaṃ nippīḷiyamānā antaravāsakaṃ datvā upassayaṃ agamāsi. Bhikkhuniyo uppalavaṇṇāya bhikkhuniyā pattacīvaram paṭiggaṇhantiyo uppalavaṇṇam bhikkhuniṃ etadavocum – “kahaṃ te, ayye, antaravāsako”ti? Uppalavaṇṇā bhikkhunī bhikkhuniṃ etamattham ārocesi. Bhikkhuniyo ujjhāyanti khiyyanti vipācenti – “kathañhi nāma ayyo udāyī bhikkhuniyā cīvaram paṭiggahessati kicchalābho mātuḡamo”ti. Atha kho tā bhikkhuniyo bhikkhūnam etamattham ārocesum. Ye te bhikkhū appicchā... pe... te ujjhāyanti khiyyanti vipācenti – “kathañhi nāma āyasmā udāyī bhikkhuniyā cīvaram paṭiggahessati”ti! Atha kho te bhikkhū āyasmantaṃ udāyimaṃ anekapariyāyena vigarahitvā bhagavato etamattham ārocesum...pe... “saccaṃ kira tvam, udāyī, bhikkhuniyā cīvaram paṭiggahesi”ti? “Saccaṃ, bhagavā”ti. “Ñātikā te, udāyī, aññātikā”ti? “Aññātikā, bhagavā”ti. “Aññātakō,

moghapurisa, aññātikāya na jānāti patirūpaṃ vā appatirūpaṃ vā santaṃ vā asantaṃ vā. Tattha nāma tvaṃ, moghapurisa, aññātikāya bhikkhuniyā hatthato cīvaraṃ paṭiggahessasi! Netam moghapurisa, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

509. “Yo pana bhikkhu aññātikāya bhikkhuniyā hatthato cīvaraṃ paṭiggaṇheyya, nissaggiyaṃ pācittiya”nti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

510. Tena kho pana samayena bhikkhū kukkucāyanta bhikkhunīnaṃ pārivattakacīvaraṃ na paṭiggaṇhanti. Bhikkhuniyo ujjhāyanti khiyyanti vipācenti – “kathañhi nāma ayyā amhākaṃ pārivattakacīvaraṃ na paṭiggahessanti”ti! Assosum kho bhikkhū tāsāṃ bhikkhunīnaṃ ujjhāyantīnaṃ khiyyantīnaṃ vipācentīnaṃ. Atha kho te bhikkhū bhagavato etamatthaṃ ārocesu. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, pañcannaṃ pārivattakaṃ paṭiggahetuṃ – bhikkhussa, bhikkhuniyā, sikkhamānāya, sāmaṇerassa, sāmaṇeriyā. Anujānāmi, bhikkhave, imesaṃ pañcannaṃ pārivattakaṃ paṭiggahetuṃ. Evañca pana, bhikkhave, imaṃ sikkhāpadaṃ uddiseyyātha.

511. “Yo pana bhikkhu aññātikāya bhikkhuniyā hatthato cīvaraṃ paṭiggaṇheyya, aññatra pārivattakā, nissaggiyaṃ pācittiya”nti.

512. Yo panāti yo yādiso...pe... **bhikkhūti**...pe... ayaṃ imasmiṃ atthe adhippeto bhikkhūti.

Aññātikā nāma mātito vā pitito vā yāva sattamā pitāmahayugā asambaddhā.

Bhikkhunī nāma ubhatosaṅghe upasampannā.

Cīvaraṃ nāma channaṃ cīvarānaṃ aññataraṃ cīvaraṃ vikappanupagaṃ pacchimaṃ.

Aññatra pārivattakāti ṭhapetvā pārivattakaṃ.

Paṭiggaṇhāti, payoge dukkaṭaṃ. Paṭilābhena nissaggiyaṃ hoti. Nissajjitabbaṃ saṅghassa vā gaṇassa vā puggalassa vā. Evañca pana, bhikkhave, nissajjitabbaṃ...pe... idaṃ me, bhante, cīvaraṃ aññātikāya bhikkhuniyā hatthato paṭiggahitaṃ, aññatra pārivattakā, nissaggiyaṃ. Imāhaṃ saṅghassa nissajjāmīti...pe... dadeyyāti...pe... dadeyyunti...pe... āyasmato dammīti.

513. Aññātikāya aññātikasaññī cīvaraṃ paṭiggaṇhāti, aññatra pārivattakā, nissaggiyaṃ pācittiyaṃ. Aññātikāya vematiko cīvaraṃ paṭiggaṇhāti, aññatra pārivattakā, nissaggiyaṃ pācittiyaṃ. Aññātikāya ñātikasaññī cīvaraṃ paṭiggaṇhāti, aññatra pārivattakā, nissaggiyaṃ pācittiyaṃ.

Ekatoupasampannāya hatthato cīvaraṃ paṭiggaṇhāti, aññatra pārivattakā, āpatti dukkaṭassa. Ñātikāya aññātikasaññī, āpatti dukkaṭassa. Ñātikāya vematiko, āpatti dukkaṭassa. Ñātikāya ñātikasaññī, anāpatti.

514. Anāpatti ñātikāya, pārivattakaṃ parittena vā vipulaṃ, vipulena vā parittaṃ, bhikkhu vissāsaṃ gaṇhāti, tāvakālikāṃ gaṇhāti, cīvaraṃ ṭhapetvā aññaṃ parikkhāraṃ gaṇhāti, sikkhamānāya, sāmaṇeriyā, ummattakassa, ādikammikassāti.

Cīvaraṃ paṭiggahaṇasikkhāpadaṃ niṭṭhitaṃ pañcamaṃ.

6. Aññātakaviññattisikkhāpadam

515. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena āyasmā upanando sakyaputto paṭṭo [paṭṭho (syā. ka.)] hoti dhammiṃ kathāṃ kātuṃ. Atha kho aññataro seṭṭhiputto yenāyasmā upanando sakyaputto tenupasaṅkami; upasaṅkamitvā āyasmantaṃ upanandaṃ sakyaputtaṃ abhivādetvā ekamantaṃ nisīdi. Ekamantaṃ nisinnaṃ kho taṃ seṭṭhiputtaṃ āyasmā upanando sakyaputto dhammiyā kathāya sandassesī samādapesi samuttejesī sampahaṃsesī. Atha kho so seṭṭhiputto āyasmatā upanandena sakyaputtena dhammiyā kathāya sandassito samādapito samuttejito sampahaṃsito āyasmantaṃ upanandaṃ sakyaputtaṃ etadavoca – “vadeyyātha, bhante, yena attho. Paṭibalā mayā ayyassa dātuṃ yadidaṃ cīvarapiṇḍapātasenāsanagilānappaccayabhesajjaparikkhāra”nti. “Sace me tvam, āvuso, dātukāmosi, ito ekaṃ sātakaṃ dehi”ti. “Amhākaṃ kho, bhante, kulaputtānaṃ kismiṃ viya ekasātakaṃ gantuṃ. Āgamehi, bhante, yāva gharaṃ gacchāmi. Gharaṃ gato ito vā ekaṃ sātakaṃ paṇiṇissāmi ito vā sundaratarā”nti. Dutiyampi kho āyasmā upanando sakyaputto taṃ seṭṭhiputtaṃ etadavoca “sace me tvam āvuso dātukāmosi ito ekaṃ sātakaṃ dehi”ti. Amhākaṃ kho bhante kulaputtānaṃ kismiṃ viya ekasātakaṃ gantuṃ, āgamehi bhante yāva gharaṃ gacchāmi, gharaṃ gato ito vā ekaṃ sātakaṃ paṇiṇissāmi ito vā sundarataranti. Tatiyampi kho āyasmā upanando sakyaputto taṃ seṭṭhiputtaṃ etadavoca “sace me tvam āvuso dātukāmosi, ito ekaṃ sātakaṃ dehi”ti. Amhākaṃ kho bhante kulaputtānaṃ kismiṃ viya ekasātakaṃ gantuṃ, āgamehi bhante yāva gharaṃ gacchāmi, gharaṃ gato ito vā ekaṃ sātakaṃ paṇiṇissāmi ito vā sundarataranti. “Kiṃ pana tayā, āvuso, adātukāmena pavāritena yaṃ tvam pavāretvā na desī”ti.

Atha kho so seṭṭhiputto āyasmatā upanandena sakyaputtena nippīyamāno ekaṃ sātakaṃ datvā agamāsi. Manussā taṃ seṭṭhiputtaṃ etadavocuṃ – “kissa tvam ayyo ekasātako āgacchasi”ti? Atha kho so seṭṭhiputto tesam manussānaṃ etamatthaṃ ārocesi. Manussā ujjhāyanti khiyyanti vipācenti – “mahicchā ime samaṇā sakyaputtiyā asantuttā. Nayimesaṃ sukarā dhammanimantanāpi kātuṃ [nayime sukarā dhammanimantanāyapi kātuṃ (syā.)]. Kathaṅhi nāma seṭṭhiputtena dhammanimantanāya kayiramānāya sātakaṃ gahessanti”ti! Assosuṃ kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācenti – “kathaṅhi nāma āyasmā upanando sakyaputto seṭṭhiputtaṃ cīvaraṃ viññāpessati”ti! Atha kho te bhikkhū āyasmantaṃ upanandaṃ sakyaputtaṃ anekapariyāyena vigarahitvā bhagavato etamatthaṃ ārocesuṃ...pe... “saccaṃ kira tvam, upananda, seṭṭhiputtaṃ cīvaraṃ viññāpesī”ti? “Saccaṃ, bhagavā”ti. “Ñātaṃ te, upananda, aññātaṃ”ti? “Aññātaṃ, bhagavā”ti. “Aññātaṃ, moghapurisa, aññātakassa na jānāti patirūpaṃ vā appatirūpaṃ vā santaṃ vā asantaṃ vā. Tattha nāma tvam, moghapurisa, aññātakam seṭṭhiputtaṃ cīvaraṃ viññāpessasi! Netam, moghapurisa, appasannānaṃ vā pasādāya...pe... evaṅca pana, bhikkhave, imaṃ sikkhāpadam uddiseyyātha –

516. “Yo pana bhikkhu aññātakam gahapatiṃ vā gahapatāniṃ vā cīvaraṃ viññāpeyya, nissaggiyaṃ pācittiya”nti.

Evañcidaṃ bhagavatā bhikkhūnaṃ sikkhāpadam paññattaṃ hoti.

517. Tena kho pana samayena sambahulā bhikkhū sāketā sāvatthiṃ 2 addhānamaggappaṭipannā honti. Antarāmagge corā nikkhamitvā te bhikkhū acchindiṃsu. Atha kho te bhikkhū – “bhagavatā paṭikkhittaṃ aññātakam gahapatiṃ vā gahapatāniṃ vā cīvaraṃ viññāpetu”nti, kukkucāyantaṃ na viññāpesuṃ. Yathānaggāva sāvatthiṃ gantvā bhikkhū abhivādentī. Bhikkhū evamāhaṃsu – “sundarā kho ime, āvuso, ājivakā ye ime bhikkhūsu abhivādentī”ti. Te evamāhaṃsu – “na mayam, āvuso, ājivakā, bhikkhū maya”nti. Bhikkhū āyasmantaṃ upāliṃ etadavocuṃ – “iṅghāvuso upāli, ime anuyuñjāhi”ti. Atha kho āyasmatā upālinā anuyuñjiyamānā te bhikkhū etamatthaṃ ārocesuṃ. Atha kho āyasmā upāli te bhikkhū anuyuñjitvā bhikkhū etadavoca – “bhikkhū ime, āvuso. Detha nesaṃ cīvarāni”ti. Ye te bhikkhū appicchā...pe... te ujjhāyanti khiyyanti vipācenti – “kathaṅhi nāma bhikkhū

naggā āgacchissanti! Nanu nāma tiṇena vā paṇṇena vā paṭicchādetvā āgantabba’’nti. Atha kho te bhikkhū te anekapariyāyena vigarahitvā bhagavato etamatthaṃ ārocesuṃ. Atha kho bhagavā etasmim̐ nidāne etasmim̐ pakaraṇe dhammim̐ kathaṃ katvā bhikkhū āmantesi – ‘‘anujānāmi, bhikkhave, acchinnacīvarassa vā naṭṭhacīvarassa vā aññātakam̐ gahapatim̐ vā gahapatānim̐ vā cīvaram̐ viññāpetuṃ. Yaṃ āvāsam̐ paṭhamam̐ upagacchati, sace tattha hoti saṅghassa vihāracīvaram̐ vā uttarattharaṇam̐ vā bhūmattharaṇam̐ vā bhisicchavi vā, tam̐ gahetvā pārupituṃ labhitvā odahissāmī’’ti. No ce hoti saṅghassa vihāracīvaram̐ vā uttarattharaṇam̐ vā bhūmattharaṇam̐ vā bhisicchavi vā tiṇena vā paṇṇena vā paṭicchādetvā āgantabbaṃ; na tveva naggena āgantabbaṃ. Yo āgaccheyya, āpatti dukkaṭassa. Evañca pana, bhikkhave, imaṃ sikkhāpadam̐ uddiseyyātha –

518. ‘‘Yo pana bhikkhu aññātakam̐ gahapatim̐ vā gahapatānim̐ vā cīvaram̐ viññāpeyya, aññatra samayā, nissaggiyam̐ pācittiyam̐. Tatthāyam̐ samayo – acchinnacīvaro vā hoti bhikkhu naṭṭhacīvaro vā. Ayam̐ tattha samayo’’ti.

519. Yo panāti yo yādiso...pe... **bhikkhūti**...pe... ayam̐ imasmim̐ atthe adhippeto bhikkhūti.

Aññātake nāma mātito vā pitito vā yāva sattamā pitāmahayugā asambaddho.

Gahapati nāma yo koci agāram̐ ajjhāvasati.

Gahapatānī nāma yā kāci agāram̐ ajjhāvasati.

Cīvaram̐ nāma channaṃ cīvarānaṃ aññataraṃ cīvaram̐ vikappanupagam̐ pacchimaṃ.

Aññatra samayāti ṭhapetvā samayam̐.

Acchinnacīvaro nāma bhikkhussa cīvaram̐ acchinnaṃ hoti rājūhi vā corehi vā dhuttehi vā, yehi kehici vā acchinnaṃ hoti.

Naṭṭhacīvaro nāma bhikkhussa cīvaram̐ agginā vā daḍḍham̐ hoti, udakena vā vulham̐ hoti, undūrehi vā upacikāhi vā khāyitam̐ hoti, paribhogajijñam̐ vā hoti.

Aññatra samayā viññāpeti, payoge dukkaṭam̐. Paṭilābhena nissaggiyam̐ hoti. Nissajjitabbaṃ saṅghassa vā gaṇassa vā puggalassa vā. Evañca pana, bhikkhave, nissajjitabbaṃ...pe... idam̐ me, bhante, cīvaram̐ aññātakam̐ gahapatikam̐, aññatra samayā viññāpitam̐, nissaggiyam̐. Imāham̐ saṅghassa nissajjāmīti...pe... dadeyyāti...pe... dadeyyunti...pe... āyasmato dammīti.

520. Aññātake aññātakasaññī, aññatra samayā, cīvaram̐ viññāpeti, nissaggiyam̐ pācittiyam̐. Aññātake vematiko, aññatra samayā, cīvaram̐ viññāpeti, nissaggiyam̐ pācittiyam̐. Aññātake ñātakasaññī, aññatra samayā, cīvaram̐ viññāpeti, nissaggiyam̐ pācittiyam̐.

Ñātake aññātakasaññī, āpatti dukkaṭassa. Ñātake vematiko, āpatti dukkaṭassa. Ñātake ñātakasaññī, anāpatti.

521. Anāpatti samaye, ñātakānam̐, pavāritānam̐, aññassatthāya, attano dhanena, ummattakassa, ādikammikassāti.

Aññātakaviññāttisikkhāpadam̐ niṭṭhitam̐ chaṭṭham̐.

7. Tatuttarisikkhāpadam̐

522. Tena samayena buddho bhagavā sāvattthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū acchinnacīvarake bhikkhū upasaṅkamitvā evaṃ vadanti – ‘bhagavatā, āvuso, anuññātaṃ – ‘acchinnacīvarassa vā naṭṭhacīvarassa vā aññātakam gahapatiṃ vā gahapatāniṃ vā cīvaram viññāpetuṃ’; viññāpetha, āvuso, cīvara’nti. ‘Alaṃ, āvuso, laddhaṃ amhehi cīvara’nti. ‘Mayaṃ āyasmantānaṃ viññāpemā’nti. ‘Viññāpetha, āvuso’nti. Atha kho chabbaggiyā bhikkhū gahapatike upasaṅkamitvā etadavocuṃ – ‘acchinnacīvarakā, āvuso, bhikkhū āgatā. Detha nesaṃ cīvarāni’nti, bahuṃ cīvaram viññāpesuṃ.

Tena kho pana samayena aññataro puriso sabhāyaṃ nisinno aññataram purisaṃ etadavoca – ‘acchinnacīvarakā ayyo bhikkhū āgatā. Tesam mayā cīvaram dinna’nti. Sopi evamāha – ‘mayāpi dinna’nti. Aparopi evamāha – ‘mayāpi dinna’nti. Te ujjhāyanti khiyyanti vipācenti – ‘kathaṃhi nāma samaṇā sakyaputtiyā na mattaṃ jānitvā bahuṃ cīvaram viññāpessanti, dussavāṇijjaṃ vā samaṇā sakyaputtiyā karissanti, paggāhikasālaṃ [paṭaggāhikasālaṃ (?)] vā pasāressanti’nti! Assosam kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā... pe... te ujjhāyanti khiyyanti vipācenti – ‘kathaṃhi nāma chabbaggiyā bhikkhū na mattaṃ jānitvā bahuṃ cīvaram viññāpessanti’nti! Atha kho te bhikkhū chabbaggiye bhikkhū anekapariyāyena vigarahitvā bhagavato etamatthaṃ ārocesuṃ...pe... ‘saccaṃ kira tumhe, bhikkhave, na mattaṃ jānitvā bahuṃ cīvaram viññāpetha’nti? ‘Saccaṃ, bhagavā’nti. Vigarahi buddho bhagavā...pe... kathaṃhi nāma tumhe, moghapurisā, na mattaṃ jānitvā bahuṃ cīvaram viññāpessatha! Netam, moghapurisā, appasannānaṃ vā pasādāya...pe... evaṃca pana, bhikkhave, imaṃ sikkhāpadaṃ uddiseyyātha –

523. ‘**Taṅce aññātako gahapati vā gahapatāni vā bahūhi cīvarehi abhihaṭṭhuṃ pavāreyya santaruttaraparamaṃ tena bhikkhunā tato cīvaram sādītappaṃ. Tato ce uttari sādīyeyya, nissaggiyaṃ pācittiya’nti.**

524. **Taṅceti** acchinnacīvarakaṃ bhikkhuṃ.

Aññātakō nāma mātito vā pitito vā yāva sattamā pitāmahayugā asambaddho.

Gahapati nāma yo koci agāraṃ ajjhāvasati.

Gahapatāni nāma yā kāci agāraṃ ajjhāvasati.

Bahūhi cīvarehīti bahukehi cīvarehi.

Abhihaṭṭhuṃ pavāreyyāti yāvatakaṃ icchasi tāvatakaṃ gaṇhāhīti.

Santaruttaraparamaṃ tena bhikkhunā tato cīvaram sādītabbanti sace tīṇi naṭṭhāni honti dve sādītabbāni, dve naṭṭhāni ekaṃ sādītappaṃ, ekaṃ naṭṭhaṃ na kiñci sādītappaṃ.

Tato ce uttari sādīyeyyāti tatuttari viññāpeti, payoge dukkaṭaṃ. Paṭilābhena nissaggiyaṃ hoti. Nissajjitappaṃ saṅghassa vā gaṇassa vā puggalassa vā. Evaṃca pana, bhikkhave, nissajjitappaṃ...pe... idaṃ me, bhante, cīvaram aññātakam gahapatikam upasaṅkamitvā tatuttari viññāpitaṃ nissaggiyaṃ. Imāhaṃ saṅghassa nissajjāmīti...pe... dadeyyāti...pe... dadeyyunti...pe... āyasmato dammīti.

525. Aññātake aññātakasaññī tatuttari cīvaram viññāpeti, nissaggiyaṃ pācittiyaṃ. Aññātake vematiko tatuttari cīvaram viññāpeti, nissaggiyaṃ pācittiyaṃ. Aññātake ñātakasaññī tatuttari cīvaram viññāpeti, nissaggiyaṃ pācittiyaṃ.

Ñātake aññātakasaññī, āpatti dukkaṭassa. Ñātake vematiko, āpatti dukkaṭassa. Ñātake ñātakasaññī, anāpatti.

526. Anāpatti – “sesakaṃ āharissāmī”ti haranto gacchati, “sesakaṃ tuyheva hotū”ti denti, na acchinnakāraṇā denti, na naṭṭhakāraṇā denti, ñātakānaṃ, pavāritānaṃ, attano dhanena, ummattakassa, ādikammikassāti.

Tatuttarisikkhāpadaṃ niṭṭhitaṃ sattamaṃ.

8. Upakkhaṭasikkhāpadaṃ

527. Tena samayena buddho bhagavā sāvattiyaṃ viharati jetavane anāthapiṇḍikassa ārāme. Tena kho pana samayena aññataro puriso pajāpatiṃ etadavoca – “ayyaṃ upanandaṃ cīvarena acchādessāmī”ti. Assosi kho aññataro piṇḍacāriko bhikkhu tassa purisassa imaṃ vācaṃ bhāsamānassa. Atha kho so bhikkhu yenāyasmā upanando sakyaputto tenupasaṅkami; upasaṅkamitvā āyasmantaṃ upanandaṃ sakyaputtaṃ etadavoca – “mahāpuññosi tvam, āvuso upananda, amukasmim okāse aññataro puriso pajāpatiṃ etadavoca – “ayyaṃ upanandaṃ cīvarena acchādessāmī”ti. “Atthāvuso, maṃ so upaṭṭhāko”ti. Atha kho āyasmā upanando sakyaputto yena so puriso tenupasaṅkami; upasaṅkamitvā taṃ purisaṃ etadavoca – “saccaṃ kira maṃ tvam, āvuso, cīvarena acchādetukāmosi”ti? “Api meyya, evaṃ hoti – ‘ayyaṃ upanandaṃ cīvarena acchādessāmī’”ti. “Sace kho maṃ tvam, āvuso, cīvarena acchādetukāmosi, evarūpena cīvarena acchādehi. Kyāhaṃ tena acchannopi karissāmi yāhaṃ na paribhuñjissāmī”ti.

Atha kho so puriso ujjhāyati khiyyati vipāceti – “mahicchā ime samaṇā sakyaputtiyā asantuṭṭhā. Nayime sukarā cīvarena acchādetuṃ. Kathañhi nāma ayyo upanando mayā pubbe appavārito maṃ upasaṅkamitvā cīvare vikappaṃ āpajjissatī”ti! Assosum kho bhikkhū tassa purisassa ujjhāyantassa khiyyantassa vipācentassa. Ye te bhikkhū appicchā...pe... te ujjhāyyanti khiyyanti vipācenti – “kathañhi nāma āyasmā upanando sakyaputto pubbe appavārito gahapatikaṃ upasaṅkamitvā cīvare vikappaṃ āpajjissatī”ti! Atha kho te bhikkhū āyasmantaṃ upanandaṃ sakyaputtaṃ anekapariyāyena vīgarahitvā bhagavato etamatthaṃ ārocesuṃ ...pe... “saccaṃ kira tvam, upananda, pubbe appavārito gahapatikaṃ upasaṅkamitvā cīvare vikappaṃ āpajjissatī”ti? “Saccaṃ, bhagavā”ti. “Ñātako te, upananda, aññātako”ti? “Aññātako, bhagavā”ti. “Aññātako, moghapurisa, aññātakassa na jānāti patirūpaṃ vā appatirūpaṃ vā santam vā asantaṃ vā. Tattha nāma tvam, moghapurisa, pubbe appavārito aññātakam gahapatikaṃ upasaṅkamitvā cīvare vikappaṃ āpajjissasi! Netam, moghapurisa, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

528. “**Bhikkhuṃ paneva uddissa aññātakassa gahapatissa vā gahapatāniyā vā cīvaracetāpannaṃ [cīvaracetāpanaṃ (syā.)] upakkhaṭaṃ hoti – ‘iminā cīvaracetāpanna cīvaraṃ cetāpetvā itthannāmaṃ bhikkhuṃ cīvarena acchādessāmī’ti; tatra ce so bhikkhu pubbe appavārito upasaṅkamitvā cīvare vikappaṃ āpajjeyya – ‘sādhu vata maṃ āyasmā iminā cīvaracetāpanna evarūpaṃ vā evarūpaṃ vā cīvaraṃ cetāpetvā acchādehi’ti, kalyāṇakamyataṃ upādāya, nissaggiyaṃ pācittiya’**”nti.

529. **Bhikkhuṃ paneva uddissāti** bhikkhussatthāya, bhikkhuṃ ārammaṇaṃ karitvā, bhikkhuṃ acchādetukāmo.

Aññātako nāma mātito vā pitito vā yāva sattamā pitāmahayugā asambaddho.

Gahapati nāma yo koci agāraṃ ajjhāvasati.

Gahapatānī nāma yā kāci agāraṃ ajjhāvasati.

Cīvaracetāpannaṃ nāma hiraññaṃ vā suvaṇṇaṃ vā muttā vā maṇi vā pavāḷo vā phaliko vā paṭako vā suttaṃ vā kappāso vā.

Iminā cīvaracetāpannenāti paccupaṭṭhitena.

Cetāpetvāti parivattetvā.

Acchādessāmīti dassāmi.

Tatra ce so bhikkhūti yaṃ bhikkhuṃ uddissa cīvaracetāpannaṃ upakkhaṭaṃ hoti so bhikkhu.

Pubbe appavāritoti pubbe avutto hoti – “kīdisena te, bhante, cīvarena attho, kīdisaṃ te cīvaraṃ cetāpemi’ ti?”

Upasaṅkamtivāti gharaṃ gantvā yattha katthaci upasaṅkamtivā .

Cīvare vikappaṃ āpajjeyyāti āyataṃ vā hotu vitthataṃ vā appitaṃ vā saṅhaṃ vā.

Iminā cīvaracetāpannenāti paccupaṭṭhitena.

Evarūpaṃ vā evarūpaṃ vāti. Āyataṃ vā vitthataṃ vā appitaṃ vā saṅhaṃ vā.

Cetāpetvāti parivattetvā.

Acchādehīti dajjehi.

Kalyāṇakamyataṃ upādāyāti sādhatthiko [sādhutthiko (syā.)] mahagghatthiko. Tassa vacanena āyataṃ vā vitthataṃ vā appitaṃ vā saṅhaṃ vā cetāpeti, payoge dukkaṭaṃ. Paṭilābhena nissaggiyaṃ hoti. Nissajjitabbaṃ saṅghassa vā gaṇassa vā puggalassa vā. Evañca pana, bhikkhave, nissajjitabbaṃ...pe... idaṃ me, bhante, cīvaraṃ pubbe appavārito aññātakamaṃ gahapatikaṃ upasaṅkamtivā cīvare vikappaṃ āpannaṃ nissaggiyaṃ, imāhaṃ saṅghassa nissajjāmīti...pe... dadeyyāti...pe... dadeyyunti...pe... āyasmato dammīti.

530. Aññātake aññātakasaññī pubbe appavārito gahapatikaṃ upasaṅkamtivā cīvare vikappaṃ āpajjati, nissaggiyaṃ pācittiyaṃ. Aññātake vematiko pubbe appavārito gahapatikaṃ upasaṅkamtivā cīvare vikappaṃ āpajjati, nissaggiyaṃ pācittiyaṃ. Aññātake ñātakasaññī pubbe appavārito gahapatikaṃ upasaṅkamtivā cīvare vikappaṃ āpajjati, nissaggiyaṃ pācittiyaṃ.

Ñātake aññātakasaññī, āpatti dukkaṭassa. Ñātake vematiko, āpatti dukkaṭassa. Ñātake ñātakasaññī, anāpatti.

531. Anāpatti ñātakānaṃ, pavāritānaṃ, aññassatthāya, attano dhanena, mahagghaṃ cetāpetukāmassa appagghaṃ cetāpeti, ummattakassa, ādikammikassāti.

Upakkhaṭasikkhāpadaṃ niṭṭhitaṃ aṭṭhamaṃ.

9. Dutiyupakkhaṭasikkhāpadaṃ

532. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena aññataro puriso aññataraṃ purisaṃ etadavoca – “ayyaṃ upanandaṃ cīvarena acchādessāmī’ ti. Sopi evamāha – “ahampi ayyaṃ upanandaṃ cīvarena acchādessāmī’ ti. Assosi kho aññataro piṇḍacāriko bhikkhu tesāṃ purisānaṃ imaṃ kathāsallāpaṃ. Atha kho so bhikkhu yenāyasmā upanando sakyaputto tenupasaṅkami; upasaṅkamtivā āyasmantaṃ upanandaṃ sakyaputtaṃ etadavoca –

“mahāpuññosi tvam, āvuso upananda. Amukasmiṃ okāse aññataro puriso aññataram purisaṃ etadavoca – ‘ayyaṃ upanandaṃ cīvarena acchādessāmi’”ti. Sopi evamāha – ‘ahampi ayyaṃ upanandaṃ cīvarena acchādessāmi’”ti. “Atthāvuso, maṃ te upaṭṭhākā”ti.

Atha kho āyasmā upanando sakyaputto yena te purisā tenupasaṅkami; upasaṅkamtivā te purise etadavoca – “saccaṃ kira maṃ tumhe, āvuso, cīvarehi acchādetukāmāthā”ti? “Api nayya, evaṃ hoti – ‘ayyaṃ upanandaṃ cīvarehi acchādessāma’”ti. “Sace kho maṃ tumhe, āvuso, cīvarehi acchādetukāmāthā, evarūpena cīvarena acchādettha, kyāhaṃ tehi acchannopi karissāmi, yānāhaṃ na paribhuñjissāmi”ti. Atha kho te purisā ujjhāyanti khiyyanti vipācenti – “mahicchā ime samaṇā sakyaputtiyā asantuṭṭhā. Nayime sukarā cīvarehi acchādetuṃ. Kathañhi nāma ayyo upanando amhehi pubbe appavārito upasaṅkamtivā cīvare vikappaṃ āpajjissati”ti!

Assosuṃ kho bhikkhū tesam purisānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācenti – “kathañhi nāma āyasmā upanando sakyaputto pubbe appavārito gahapatike upasaṅkamtivā cīvare vikappaṃ āpajjissati”ti! Atha kho te bhikkhū āyasmantaṃ upanandaṃ sakyaputtaṃ anekapariyāyena vigarahitvā bhagavato etamatthaṃ ārocesuṃ...pe... “saccaṃ kira tvam, upananda, pubbe appavārito gahapatike upasaṅkamtivā cīvare vikappaṃ āpajjasi”ti? “Saccaṃ, bhagavā”ti. “Ñātakā te, upananda, aññatakā”ti? “Aññatakā, bhagavā”ti. “Aññatāko, moghapurisa, aññatakānaṃ na jānāti patirūpaṃ vā appatirūpaṃ vā santaṃ vā asantaṃ vā. Tattha nāma tvam, moghapurisa, pubbe appavārito aññātāko gahapatike upasaṅkamtivā cīvare vikappaṃ āpajjissasi! Netam, moghapurisa, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

533. “Bhikkhuṃ paneva uddissa ubhinnaṃ aññatakānaṃ gahapatīnaṃ vā gahapatānīnaṃ vā paccekacīvaracetāpannāni upakkhaṭāni honti – ‘imehi mayaṃ paccekacīvaracetāpannehi paccekacīvarāni cetāpetvā itthannāmaṃ bhikkhuṃ cīvarehi acchādessāma’”ti; tatra ce so bhikkhu pubbe appavārito upasaṅkamtivā cīvare vikappaṃ āpajjeyya – ‘sādhu vata maṃ āyasmanto imehi paccekacīvaracetāpannehi evarūpaṃ vā evarūpaṃ vā cīvaraṃ cetāpetvā acchādettha, ubhova santā ekenā’”ti, kalyāṇakamyatam upādāya, nissaggiyaṃ pācittiya”nti.

534. Bhikkhuṃ paneva uddissāti bhikkhussatthāya, bhikkhuṃ ārammaṇaṃ karitvā, bhikkhuṃ acchādetukāma.

Ubhinnanti dvinnaṃ.

Aññatakā nāma mātito vā pitito vā yāva sattamā pitāmahayugā asambaddhā.

Gahapatī nāma ye keci agāra ajjhāvasanti.

Gahapatāniyo nāma yā kāci agāraṃ ajjhāvasanti.

Cīvaracetāpannāni nāma hiraññā vā suvaṇṇā vā muttā vā maṇī vā pavāḷā vā phalikā vā paṭākā vā suttā vā kappāsā vā.

Imehi paccekacīvaracetāpannehi paccupaṭṭhitehi.

Cetāpetvāti parivattetvā.

Acchādessāmāti dassāma.

Tatra ce so bhikkhūti yaṃ bhikkhuṃ uddissa cīvaracetāpannāni upakkhaṭāni honti so bhikkhu.

Pubbe appavāritoti pubbe avutto hoti – “kīdisena te, bhante, cīvarena attho, kīdisaṃ te cīvaraṃ cetāpema”ti.

Upasaṅkamtivāti gharaṃ gantvā yattha katthaci upasaṅkamtivā.

Cīvare vikappaṃ āpajjeyyāti āyatam vā hotu vitthataṃ vā appitaṃ vā saṅhaṃ vā.

Imehi paccakacīvaracetāpannehīti paccupaṭṭhitehi.

Evarūpaṃ vā evarūpaṃ vāti āyatam vā vitthataṃ vā appitaṃ vā saṅhaṃ vā.

Cetāpetvāti parivattetvā.

Acchādehāti dajjetha.

Ubhova santā ekenāti dvepi janā ekena.

Kalyāṇakamyataṃ upādāyāti sādhatthiko mahagghatthiko.

Tassa vacanena āyatam vā vitthataṃ vā appitaṃ vā saṅhaṃ vā cetāpenti, payoge dukkaṭam. Paṭilābhena nissaggiyaṃ hoti. Nissajjitabbaṃ saṅghassa vā gaṇassa vā puggalassa vā. Evañca pana, bhikkhave, nissajjitabbaṃ...pe... idaṃ me, bhante, cīvaraṃ pubbe appavārito aññātake gahapatike upasaṅkamtivā cīvare vikappaṃ āpannaṃ nissaggiyaṃ. Imāhaṃ saṅghassa nissajjāmīti...pe... dadeyyāti...pe... dadeyyunti...pe... āyasmato dammīti.

535. Aññātake aññātakasaññī pubbe appavārito gahapatike upasaṅkamtivā cīvare vikappaṃ āpajjati, nissaggiyaṃ pācittiyaṃ. Aññātake vematiko pubbe appavārito gahapatike upasaṅkamtivā cīvare vikappaṃ āpajjati, nissaggiyaṃ pācittiyaṃ. Aññātake ñātakasaññī pubbe appavārito gahapatike upasaṅkamtivā cīvare vikappaṃ āpajjati, nissaggiyaṃ pācittiyaṃ.

Ñātake aññātakasaññī, āpatti dukkaṭassa. Ñātake vematiko, āpatti dukkaṭassa. Ñātake ñātakasaññī, anāpatti.

536. Anāpatti – ñātakānaṃ, pavāritānaṃ, aññassatthāya, attano dhanena, mahagghaṃ cetāpetukāmānaṃ appagghaṃ cetāpeti, ummattakassa, ādikammikassāti.

Dutiyaupakkhaṭasikkhāpadaṃ niṭṭhitaṃ navamaṃ.

10. Rājasikkhāpadaṃ

537. Tena samayena buddho bhagavā sāvattiyaṃ viharati jetavane anāthapiṇḍikassa ārāme. Tena kho pana samayena āyasmato upanandassa sakyaputtassa upaṭṭhāko mahāmatto āyasmato upanandassa sakyaputtassa dūtena cīvaracetāpannaṃ pāhesi – “iminā cīvaracetāpannena cīvaraṃ cetāpetvā ayyaṃ upanandaṃ cīvarena acchādehī”ti. Atha kho so dūto yenāyasmā upanando sakyaputto tenupasaṅkami; upasaṅkamtivā āyasmantaṃ upanandaṃ sakyaputtaṃ etadavoca – “idaṃ kho, bhante, āyasmantaṃ uddissa cīvaracetāpannaṃ ābhatam. Paṭiggaṇhātu āyasmā cīvaracetāpanna”nti. Evaṃ vutte āyasmā upanando sakyaputto taṃ dūtaṃ etadavoca – “na kho mayaṃ, āvuso, cīvaracetāpannaṃ paṭiggaṇhāma, cīvarañca kho mayaṃ paṭiggaṇhāma kālena kappiya”nti. Evaṃ vutte so dūto āyasmantaṃ upanandaṃ

sakyaputtam etadavoca – “atthi panāyasmato koci veyyāvaccakaro”’ti? Tena kho pana samayena aññataro upāsako ārāmaṃ agamāsi kenacideva karaṇīyena. Atha kho āyasmā upanando sakyaputto taṃ dūtaṃ etadavoca – “eso kho, āvuso, upāsako bhikkhūnaṃ veyyāvaccakaro”’ti. Atha kho so dūto taṃ upāsakaṃ saññāpetvā yenāyasmā upanando sakyaputto tenupasaṅkami; upasaṅkamitvā āyasmantaṃ upanandaṃ sakyaputtam etadavoca – “yaṃ kho, bhante, āyasmā veyyāvaccakaraṃ niddisi saññatto so mayā. Upasaṅkamatu āyasmā kālena, cīvarena taṃ acchādessatī”’ti.

Tena kho pana samayena so mahāmatto āyasmato upanandassa sakyaputtassa santike dūtaṃ pāhesi – “paribhuñjatu ayyo taṃ cīvaraṃ, icchāma mayaṃ ayyena taṃ cīvaraṃ paribhutta”’nti. Atha kho āyasmā upanando sakyaputto taṃ upāsakaṃ na kiñci avacāsi. Dutiyampi kho so mahāmatto āyasmato upanandassa sakyaputtassa santike dūtaṃ pāhesi – “paribhuñjatu ayyo taṃ cīvaraṃ, icchāma mayaṃ ayyena taṃ cīvaraṃ paribhutta”’nti. Dutiyampi kho āyasmā upanando sakyaputto taṃ upāsakaṃ na kiñci avacāsi. Tatiyampi kho so mahāmatto āyasmato upanandassa sakyaputtassa santike dūtaṃ pāhesi – “paribhuñjatu ayyo taṃ cīvaraṃ, icchāma mayaṃ ayyena taṃ cīvaraṃ paribhutta”’nti.

Tena kho pana samayena negamassa samayo hoti. Negamena ca katikā katā hoti – “yo pacchā āgacchati paññāsaṃ baddho”’ti. Atha kho āyasmā upanando sakyaputto yena so upāsako tenupasaṅkami; upasaṅkamitvā taṃ upāsakaṃ etadavoca – “attho me, āvuso, cīvarena”’ti. “Ajjāṇho, bhante, āgamehi, ajja negamassa samayo. Negamena ca katikā katā hoti – “yo pacchā āgacchati paññāsaṃ baddho”’ti. “Ajjeva me, āvuso, cīvaraṃ dehi”’ti ovaṭṭikāya parāmasi. Atha kho so upāsako āyasmataṃ upanandena sakyaputtana nippīliyamāno āyasmato upanandassa sakyaputtassa cīvaraṃ cetāpetvā pacchā agamāsi. Manussā taṃ upāsakaṃ etadavocum – “kissa tvam, ayyo, pacchā āgato, paññāsaṃ jīnosī”’ti.

Atha kho so upāsako tesam manussānaṃ etamattham ārocesi. Manussā ujjhāyanti khiyyanti vipācenti – “mahicchā ime samaṇā sakyaputtiyā asantuṭṭhā. Nayimesaṃ sukaraṃ veyyāvaccampi kātum. Kathaṅhi nāma āyasmā upanando upāsakena – ‘ajjaṇho, bhante, āgamehi’’ti vuccamāno nāgamessatī”’ti! Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā... te ujjhāyanti khiyyanti vipācenti – “kathaṅhi nāma āyasmā upanando sakyaputto upāsakena – ‘ajjaṇho, bhante, āgamehi’’ti vuccamāno nāgamessatī”’ti! Atha kho te bhikkhū āyasmantaṃ upanandaṃ sakyaputtam anekapariyāyena vīgarahitvā bhagavato etamattham ārocesum... pe... “saccaṃ kira tvam, upananda, upāsakena – ‘ajjaṇho, bhante, āgamehi’’ti vuccamāno nāgamessi”’ti? “Saccaṃ, bhagavā”’ti. Vīgarahi buddho bhagavā...pe... kathaṅhi nāma tvam, moghapurisa, upāsakena – ‘ajjaṇho, bhante, āgamehi’’ti vuccamāno nāgamessasi! Netam, moghapurisa, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

538. “Bhikkhum paneva uddissa rājā vā rājabhoggo vā brāhmaṇo vā gahapatiko vā dūtena cīvaracetāpannaṃ paṇeṇya – ‘iminā cīvaracetāpanna cīvaraṃ cetāpetvā itthannāmaṃ bhikkhum cīvarena acchādehī’’ti. So ce dūto taṃ bhikkhum upasaṅkamitvā evaṃ vadeyya – ‘idaṃ kho, bhante, āyasmantaṃ uddissa cīvaracetāpannaṃ ābhatam, paṭiggaṇhātu āyasmā cīvaracetāpanna’nti, tena bhikkhunā so dūto evamassa vacanīyo – ‘na kho mayaṃ, āvuso, cīvaracetāpannaṃ paṭiggaṇhāma. Cīvaraṅca kho mayaṃ paṭiggaṇhāma, kālena kappiya’nti. So ce dūto taṃ bhikkhum evaṃ vadeyya – ‘atthi panāyasmato koci veyyāvaccakaro’’ti, cīvaratthikena, bhikkhave, bhikkhunā veyyāvaccakaro niddisitabbo ārāmiko vā upāsako vā – ‘eso kho, āvuso, bhikkhūnaṃ veyyāvaccakaro’’ti. So ce dūto taṃ veyyāvaccakaraṃ saññāpetvā taṃ bhikkhum upasaṅkamitvā evaṃ vadeyya – ‘yaṃ kho, bhante, āyasmā veyyāvaccakaraṃ niddisi saññatto so mayā, upasaṅkamatu āyasmā kālena, cīvarena taṃ acchādessatī’’ti, cīvaratthikena, bhikkhave, bhikkhunā veyyāvaccakaro upasaṅkamitvā dvattikkhattum codetabbo sāretabbo – ‘attho me, āvuso, cīvarena’’ti. Dvattikkhattum codayamāno sārāyamāno taṃ cīvaraṃ abhinipphādeyya, iccetam kusalam; no ce abhinipphādeyya, catukkhattum pañcakkhattum chakkhattuparamaṃ tuṅhībhūtena uddissa ṭhātabbam. Catukkhattum pañcakkhattum chakkhattuparamaṃ tuṅhībhūto uddissa tiṭṭhamāno taṃ cīvaraṃ abhinipphādeyya, iccetam

kusalaṃ; tato ce uttari vāyamamāno taṃ cīvara abhinipphādeyya, nissaggiyaṃ pācittiyaṃ. No ce abhinipphādeyya, yatassa cīvaracetāpannaṃ ābhaṭaṃ, tattha sāmaṃ vā gantabbaṃ dūto vā pāhetabbo – ‘yaṃ kho tumhe āyasmanto bhikkhuṃ uddissa cīvaracetāpannaṃ paṇiṭṭha, na taṃ tassa bhikkhuno kiñci atthaṃ anubhoti, yuñjantāyasmanto sakaṃ, mā vo sakaṃ vinassā’ti, ayaṃ tattha sāmīcī’ti.

539. Bhikkhuṃ paneva uddissāti bhikkhussatthāya, bhikkhuṃ ārammaṇaṃ karitvā, bhikkhuṃ acchādetukāmo.

Rājā nāma yo koci rajjaṃ kāreti.

Rājabhoggo nāma yo koci rañño bhattavetanāhāro.

Brāhmaṇo nāma jātiyā brāhmaṇo.

Gahapatiko nāma ṭhapetvā rājaṃ rājabhoggaṃ brāhmaṇaṃ avaseso gahapatiko nāma.

Cīvaracetāpannaṃ nāma hiraññaṃ vā suvaṇṇaṃ vā muttā vā maṇi vā.

Iminā cīvaracetāpannenāti paccupaṭṭhitena.

Cetāpetvāti parivattetvā.

Acchādehīti dajjehi.

So ce dūto taṃ bhikkhuṃ upasaṅkamitvā evaṃ vadeyya – ‘‘idaṃ kho, bhante, āyasmantaṃ uddissa cīvaracetāpannaṃ ābhaṭaṃ. Paṭiggaṇhātu āyasmā cīvaracetāpanna’’nti, tena bhikkhunā so dūto evamassa vacanīyo – ‘‘na kho mayaṃ, āvuso, cīvaracetāpannaṃ paṭiggaṇhāma. Cīvarañca kho mayaṃ paṭiggaṇhāma, kālena kappiya’’nti. So ce dūto taṃ bhikkhuṃ evaṃ vadeyya – ‘‘atthi paṇāyasmato koci veyyāvaccakaro’’ti? Cīvaratthikena, bhikkhave, bhikkhunā veyyāvaccakaro niddisitaṃ āramiko vā upāsako vā – ‘‘eso kho, āvuso, bhikkhūnaṃ veyyāvaccakaro’’ti. Na vattaṃ – ‘‘tassa dehīti vā, so vā nikkhipissati, so vā parivattessati, so vā cetāpessati’’ti.

So ce dūto taṃ veyyāvaccakaraṃ saññāpetvā taṃ bhikkhuṃ upasaṅkamitvā evaṃ vadeyya – ‘‘yaṃ kho, bhante, āyasmā veyyāvaccakaraṃ niddisi saññatto so mayā. Upasaṅkamatu āyasmā kālena, cīvarena taṃ acchādessati’’ti, cīvaratthikena, bhikkhave, bhikkhunā veyyāvaccakaro upasaṅkamitvā dvattikkhattuṃ codetabbaṃ sāretabbaṃ – ‘‘attho me, āvuso, cīvarena’’ti. Na vattaṃ – ‘‘dehi me cīvaraṃ, āhara me cīvaraṃ, parivatthehi me cīvaraṃ, cetāpehi me cīvara’’nti. Dutiyampi vattaṃ. Tatiyampi vattaṃ. Sace abhinipphādeti, iccetaṃ kusalaṃ; no ce abhinipphādeti, tattha gantvā tuṇhībhūtena uddissa ṭhātabbaṃ. Na āsane nisīditabbaṃ. Na āmisāṃ paṭiggahetabbaṃ. Na dhammo bhāsitaṃ. ‘‘Kiṃ kāraṇā āgatosī’’ti pucchiyamāno ‘‘jānāhi, āvuso’’ti vattaṃ. Sace āsane vā nisīdati, āmisāṃ vā paṭiggaṇhāti, dhammaṃ vā bhāsati, ṭhānaṃ bhañjati. Dutiyampi ṭhātabbaṃ. Tatiyampi ṭhātabbaṃ. Catukkhattuṃ codetvā catukkhattuṃ ṭhātabbaṃ. Pañcakkhattuṃ codetvā dvikkhattuṃ ṭhātabbaṃ. Chakkhattuṃ codetvā na ṭhātabbaṃ. Tato ce uttari vāyamamāno taṃ cīvaraṃ abhinipphādeti, payoge dukkaṭaṃ. Paṭilābhena nissaggiyaṃ hoti. Nissajjitabbaṃ saṅghassa vā gaṇassa vā puggalassa vā. Evañca pana, bhikkhave, nissajjitabbaṃ...pe... idaṃ me, bhante, cīvaraṃ atirekatikkhattuṃ codanāya atirekachakkhattuṃ ṭhānena abhinipphāditāṃ nissaggiyaṃ. Imāhaṃ saṅghassa nissajjāmīti...pe... dadeyyāti...pe... dadeyyunti...pe... āyasmato dammīti.

No ce abhinipphādeyya, yatassa cīvaracetāpannaṃ ābhaṭaṃ tattha sāmaṃ vā gantabbaṃ dūto vā pāhetabbo – ‘‘yaṃ kho tumhe āyasmanto bhikkhuṃ uddissa cīvaracetāpannaṃ paṇiṭṭha na taṃ tassa

bhikkhuno kiñci atthaṃ anubhoti. Yuñjantāyasmanto sakam, mā vo sakam vinassā’’ti.

Ayaṃ tattha sāmīcīti ayaṃ tattha anudhammatā.

540. Atirekatikkhattuṃ codanāya atirekachakkhattuṃ ṭhānena atirekasaññī abhinipphādeti, nissaggiyaṃ pācittiyaṃ. Atirekatikkhattuṃ codanāya atirekachakkhattuṃ ṭhānena vematiko abhinipphādeti, nissaggiyaṃ pācittiyaṃ. Atirekatikkhattuṃ codanāya atirekachakkhattuṃ ṭhānena ūnakasaññī abhinipphādeti, nissaggiyaṃ pācittiyaṃ.

Ūnakatikkhattuṃ codanāya ūnakachakkhattuṃ ṭhānena atirekasaññī, āpatti dukkaṭassa. Ūnakatikkhattuṃ codanāya ūnakachakkhattuṃ ṭhānena vematiko, āpatti dukkaṭassa. Ūnakatikkhattuṃ codanāya ūnakachakkhattuṃ ṭhānena ūnakasaññī anāpatti.

541. Anāpatti – tikkhattuṃ codanāya, chakkhattuṃ ṭhānena, ūnakatikkhattuṃ codanāya, ūnakachakkhattuṃ ṭhānena, acodiyamāno deti, sāmikā codetvā denti, ummattakassa, ādikammikassāti.

Rājasikkhāpadaṃ niṭṭhitaṃ dasamaṃ.

Kathinavaggo paṭhamo.

Tassuddānaṃ –

Ubbhataṃ kathinaṃ tīṇi, dhovanañca paṭiggaho;
Aññātakāni tīṇeva, ubhinnaṃ dūtakena cāti.

2. Kosiyavaggo

1. Kosiyasikkhāpadaṃ

542. Tena samayena buddho bhagavā āḷaviyaṃ viharati aggāḷave cetiye. Tena kho pana samayena chabbaggiyā bhikkhū kosiyakārake upasaṅkamitvā evaṃ vadanti – ‘‘bahū, āvuso, kosakārake pacatha, amhākampi dassatha, mayampi icchāma kosiyamissakaṃ santhataṃ kātu’’nti. Te ujjhāyanti khiyyanti vipācenti – ‘‘kathañhi nāma samaṇā sakyaputtiyā amhe upasaṅkamitvā evaṃ vakkhanti – ‘bahū, āvuso, kosakārake pacatha, amhākampi dassatha, mayampi icchāma kosiyamissakaṃ santhataṃ kātu’’nti! Amhākampi alābhā, amhākampi dulladdhaṃ, ye mayaṃ ājīvassa hetu puttadārassa kāraṇā bahū khuddake pāṇe saṅghātaṃ āpādemā’’ti. Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācenti – ‘‘kathañhi nāma chabbaggiyā bhikkhū kosiyakārake upasaṅkamitvā evaṃ vakkhanti – ‘bahū, āvuso, kosakārake pacatha, amhākampi dassatha, mayampi icchāma kosiyamissakaṃ santhataṃ kātu’’nti! Atha kho te bhikkhū chabbaggiye bhikkhū anekapariyāyena vīgarahitvā bhagavato etamatthaṃ ārocesum...pe... ‘‘saccaṃ kira tumhe, bhikkhave, kosiyakārake upasaṅkamitvā evaṃ vadetha – ‘bahū, āvuso, kosakārake pacatha, amhākampi dassatha, mayampi icchāma kosiyamissakaṃ santhataṃ kātu’’nti? ‘‘Saccaṃ, bhagavā’’ti. Vīgarahi buddho bhagavā...pe... kathañhi nāma tumhe, moghapurisā, kosiyakārake upasaṅkamitvā evaṃ vakkhatha – bahū, āvuso, kosakārake pacatha, amhākampi dassatha, mayampi icchāma kosiyamissakaṃ santhataṃ kātunti. Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

543. ‘‘Yo pana bhikkhu kosiyamissakaṃ santhataṃ kāraṇe, nissaggiyaṃ pācittiya’’nti.

544. Yo panāti yo yādiso...pe... bhikkhūti...pe... ayaṃ imasmim atthe adhippeto bhikkhūti.

Santhatam nāma santharivā kataṃ hoti avāyimaṃ.

Kārāpeyyāti ekenapi kosiyamsunā missitvā karoti vā kārāpeti vā, payoge dukkaṭaṃ. Paṭilābhena nissaggiyaṃ hoti. Nissajjitabbaṃ saṅghassa vā gaṇassa vā puggalassa vā. Evañca pana, bhikkhave, nissajjitabba...pe... idaṃ me, bhante, kosiyamissakaṃ santhatam kārāpitaṃ nissaggiyaṃ. Imāhaṃ saṅghassa nissajjāmīti...pe... dadeyyāti...pe... dadeyyunti...pe... āyasmato dammīti.

545. Attanā vippakataṃ attanā pariyosāpeti, nissaggiyaṃ pācittiyaṃ. Attanā vippakataṃ parehi pariyosāpeti, nissaggiyaṃ pācittiyaṃ. Parehi vippakataṃ attanā pariyosāpeti, nissaggiyaṃ pācittiyaṃ. Parehi vippakataṃ parehi pariyosāpeti, nissaggiyaṃ pācittiyaṃ.

Aññassatthāya karoti vā kārāpeti vā, āpatti dukkaṭassa. Aññena kataṃ paṭilabhitvā paribhuñjati, āpatti dukkaṭassa.

546. Anāpatti vitānaṃ vā bhūmattharaṇaṃ vā sāṇipākāraṃ vā bhisim vā bibbohanaṃ vā karoti, ummattakassa, ādikammikassāti.

Kosiyasikkhāpadaṃ niṭṭhitaṃ paṭhamam.

2. Suddhakālakasikkhāpadaṃ

547. Tena samayena buddho bhagavā vesāliyaṃ viharati mahāvane kūṭāgārasālāyaṃ. Tena kho pana samayena chabbaggiyā bhikkhū suddhakālakānaṃ eḷakalomānaṃ santhatam kārāpentī. Manussā viharacārikaṃ āhiṇḍantā passitvā ujjhāyanti khiyyanti vipācentī – ‘‘kathañhi nāma samaṇā sakyaputtiyā suddhakālakānaṃ eḷakalomānaṃ santhatam kārāpessanti, seyyathāpi gihī kāmabhogino’’ti! Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācentī – ‘‘kathañhi nāma chabbaggiyā bhikkhū suddhakālakānaṃ eḷakalomānaṃ santhatam kārāpessanti’’ti! Atha kho te bhikkhū chabbaggiye bhikkhū anekapariyāyena vīgarahitvā bhagavato etamattham ārocesuṃ...pe... ‘‘saccaṃ kira tumhe, bhikkhave, suddhakālakānaṃ eḷakalomānaṃ santhatam kārāpethā’’ti? ‘‘Saccaṃ, bhagavā’’ti. Vīgarahi buddho bhagavā...pe... kathañhi nāma tumhe, moghapurisā, suddhakālakānaṃ eḷakalomānaṃ santhatam kārāpessatha! Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

548. ‘‘Yo pana bhikkhu suddhakālakānaṃ eḷakalomānaṃ santhatam kārāpeyya, nissaggiyaṃ pācittiya’’nti.

549. Yo panāti yo yādiso...pe... bhikkhūti...pe... ayaṃ imasmim atthe adhippeto bhikkhūti.

Kālakam nāma dve kālakāni – jātiyā kālakam vā rajanakālakam vā.

Santhatam nāma santharivā kataṃ hoti avāyimaṃ.

Kārāpeyyāti karoti vā kārāpeti vā, payoge dukkaṭaṃ. Paṭilābhena nissaggiyaṃ hoti. Nissajjitabbaṃ saṅghassa vā gaṇassa vā puggalassa vā. Evañca pana, bhikkhave, nissajjitabbaṃ ...pe... idaṃ me, bhante, suddhakālakānaṃ eḷakalomānaṃ santhatam kārāpitaṃ nissaggiyaṃ. Imāhaṃ saṅghassa nissajjāmīti...pe... dadeyyāti...pe... dadeyyunti...pe... āyasmato dammīti.

550. Attanā vippakataṃ attanā pariyosāpeti, nissaggiyaṃ pācittiyaṃ. Attanā vippakataṃ parehi pariyosāpeti, nissaggiyaṃ pācittiyaṃ. Parehi vippakataṃ attanā pariyosāpeti, nissaggiyaṃ pācittiyaṃ.

Parehi vippakatam parehi pariyosāpeti, nissaggiyam pācittiyam.

Aññassatthāya karoti vā kārāpeti vā, āpatti dukkaṭassa. Aññena kataṃ paṭilabhitvā paribhuñjati, āpatti dukkaṭassa.

551. Anāpatti vitānaṃ vā bhūmattharaṇaṃ vā sāṇipākāraṃ vā bhisim vā bibbohanaṃ vā karoti, ummattakassa, ādikammikassāti.

Suddhakālakasikkhāpadaṃ niṭṭhitam dutiyam.

3. Dvebhāgasikkhāpadaṃ

552. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena chabbaggiyā bhikkhū – “bhagavatā paṭikkhittam suddhakālakānaṃ eḷakalomānaṃ santhataṃ kārāpetu”nti, te thokaṃyeva odātam ante ādiyitvā tatheva suddhakālakānaṃ eḷakalomānaṃ santhataṃ kārāpentī. Ye te bhikkhū appicchā... te ujjhāyanti khiyyanti vipācentī – “kathañhi nāma chabbaggiyā bhikkhū thokaṃyeva odātam ante ādiyitvā tatheva suddhakālakānaṃ eḷakalomānaṃ santhataṃ kārāpessanti”ti! Atha kho te bhikkhū chabbaggiye bhikkhū anekapariyāyena vigarahitvā bhagavato etamattham ārocesum...pe... “saccaṃ kira tumhe, bhikkhave, thokaṃyeva odātam ante ādiyitvā tatheva suddhakālakānaṃ eḷakalomānaṃ santhataṃ kārāpethā”ti? “Saccaṃ, bhagavā”ti. Vigarahi buddho bhagavā...pe... kathañhi nāma tumhe, moghapurisā, thokaṃyeva odātam ante ādiyitvā tatheva suddhakālakānaṃ eḷakalomānaṃ santhataṃ kārāpessatha! Netam, moghapurisā, appasannānaṃ vā pasādāya...pe... evañca pana, bhikkhave, imam sikkhāpadaṃ uddiseyyātha –

553. “**Navam pana bhikkhunā santhataṃ kārayamānena dve bhāgā suddhakālakānaṃ eḷakalomānaṃ ādātābā tatiyam odātānaṃ catuttham gocariyānaṃ. Anādā ce bhikkhu dve bhāge suddhakālakānaṃ eḷakalomānaṃ tatiyam odātānaṃ catuttham gocariyānaṃ navam santhataṃ kārāpeyya, nissaggiyam pācittiya**”nti.

554. Navam nāma karaṇam upādāya vuccati.

Santhataṃ nāma santharivā kataṃ hoti avāyimaṃ.

Kārayamānenāti karonto vā kārāpento vā.

Dve bhāgā suddhakālakānaṃ eḷakalomānaṃ ādātābāti dhārayitvā dve tulā ādātābā.

Tatiyam odātānanti tulaṃ odātānaṃ.

Catuttham gocariyānanti tulaṃ gocariyānaṃ.

Anādā ce bhikkhu dve bhāge suddhakālakānaṃ eḷakalomānaṃ tatiyam odātānaṃ catuttham gocariyānanti. Anādiyitvā dve tule suddhakālakānaṃ eḷakalomānaṃ tulaṃ odātānaṃ tulaṃ gocariyānaṃ navam santhataṃ karoti vā kārāpeti vā payoge dukkaṭam, paṭilābhena nissaggiyam hoti. Nissajjītabbam saṅghassa vā gaṇassa vā puggalassa vā. Evañca pana, bhikkhave, nissajjītabbam...pe... idaṃ me, bhante, santhataṃ anādiyitvā dve tule suddhakālakānaṃ eḷakalomānaṃ tulaṃ odātānaṃ tulaṃ gocariyānaṃ kārāpitaṃ nissaggiyam. Imāham saṅghassa nissajjāmīti...pe... dadeyyāti...pe... dadeyyunti...pe... āyasmato dammīti.

555. Attanā vippakatam attanā pariyosāpeti, nissaggiyam pācittiyam. Attanā vippakatam parehi

pariyosāpeti, nissaggiyaṃ pācittiyaṃ. Parehi vippakataṃ attanā pariyosāpeti, nissaggiyaṃ pācittiyaṃ. Parehi vippakataṃ parehi pariyosāpeti, nissaggiyaṃ pācittiyaṃ.

Aññassatthāya karoti vā kārāpeti vā, āpatti dukkaṭassa. Aññena kataṃ paṭilabhitvā paribhuñjati, āpatti dukkaṭassa.

556. Anāpatti tulaṃ odātānaṃ tulaṃ gocariyānaṃ ādiyitvā karoti, bahutaraṃ odātānaṃ bahutaraṃ gocariyānaṃ ādiyitvā karoti, suddhaṃ odātānaṃ suddhaṃ gocariyānaṃ ādiyitvā karoti, vitānaṃ vā bhūmattharaṇaṃ vā sāṇipākāraṃ vā bhisim vā bibbohanaṃ vā karoti, ummattakassa, ādikammikassāti.

Dvebhāgasikkhāpadaṃ niṭṭhitaṃ tatiyaṃ.

4. Chabbassasikkhāpadaṃ

557. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhikkhū anuvassaṃ santhataṃ kārāpentī. Te yācanabahulā viññattibahulā viharanti – “eḷakalomāni detha. Eḷakalomehi attho”’ti. Manussā ujjhāyanti khiyyanti vipācentī – “kathañhi nāma samaṇā sakyaputtiyā anuvassaṃ santhataṃ kārāpessanti, yācanabahulā viññattibahulā viharissanti – ‘eḷakalomāni detha, eḷakalomehi attho’”’ti! Amhākaṃ pana sakim katāni santhatāni pañcapi chapī vassāni honti, yesaṃ no dārakā uhadantipi ummihantipi undūrehipi khajjanti. Ime pana samaṇā sakyaputtiyā anuvassaṃ santhataṃ kārāpentī, yācanabahulā viññattibahulā viharanti – “eḷakalomāni detha, eḷakalomehi attho”’ti!

Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācentī – “kathañhi nāma bhikkhū anuvassaṃ santhataṃ kārāpessanti, yācanabahulā viññattibahulā viharissanti – ‘eḷakalomāni detha, eḷakalomehi attho’”’ti! Atha kho te bhikkhū te anekapariyāyena vigarahitvā bhagavato etamatthaṃ ārocesum...pe... saccam kira, bhikkhave, bhikkhū anuvassaṃ santhataṃ kārāpentī, yācanabahulā viññattibahulā viharanti – ‘eḷakalomāni detha, eḷakalomehi attho’? “Saccam, bhagavā”’ti. Vigarahi buddho bhagavā...pe... kathañhi nāma te, bhikkhave, moghapurisā anuvassaṃ santhataṃ kārāpessanti, yācanabahulā viññattibahulā viharissanti – ‘eḷakalomāni detha, eḷakalomehi attho’! Netam, bhikkhave, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

558. “**Navam pana bhikkhunā santhataṃ kārāpetvā chabbassāni dhāretabbaṃ. Orena ce channaṃ vassānaṃ taṃ santhataṃ vissajjetvā vā avissajjetvā vā aññaṃ navam santhataṃ kārāpeyya, nissaggiyaṃ pācittiya**”’nti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

559. Tena kho pana samayena aññataro bhikkhu kosambiyaṃ gilāno hoti. Ñātakā tassa bhikkhuno santike dūtaṃ pāhesum – “āgacchatu, bhadanto mayaṃ upaṭṭhahissāmā”’ti. Bhikkhūpi evamāhaṃsu – “gacchāvuso, ñātakā taṃ upaṭṭhahissanti”’ti. So evamāha – “bhagavatā, āvuso, sikkhāpadaṃ paññattaṃ – ‘navam pana bhikkhunā santhataṃ kārāpetvā chabbassāni dhāretabba’nti. Ahañcamhi gilāno, na sakkomi santhataṃ ādāya pakkamituṃ. Mayhañca vinā santhatā na phāsu hoti. Nāhaṃ gamissāmī”’ti. Bhagavato etamatthaṃ ārocesum. Atha kho bhagavā etasmim nidāne etasmim pakaraṇe dhammim kathaṃ katvā bhikkhū āmantesi – “anujānāmi, bhikkhave, gilānassa bhikkhuno santhatasammutuṃ dātuṃ. Evañca pana, bhikkhave, dātābā. Tena gilānena bhikkhunā saṅghaṃ upasaṅkamitvā ekamsam uttarāsaṅgaṃ karitvā vuḍḍhānaṃ bhikkhūnaṃ pāde vanditvā ukkuṭikaṃ nisiditvā añjalim paggaḥetvā evamassa vacanīyo – ‘ahaṃ, bhante, gilāno. Na sakkomi santhataṃ ādāya pakkamituṃ. Sohaṃ, bhante, saṅghaṃ santhatasammutuṃ yācāmī”’ti. Dutiyampi yācitābā. Tatiyampi yācitābā. Byattena bhikkhunā paṭibalena saṅgho ñāpetabbo –

560. “Suṇātu me, bhante, saṅgho. Ayaṃ itthannāmo bhikkhu gilāno. Na sakkoti santhataṃ ādāya pakkamituṃ. So saṅghaṃ santhatasammutiṃ yācati. Yadi saṅghassa pattakallaṃ, saṅgho itthannāmassa bhikkhuno santhatasammutiṃ dadeyya. Esā ñatti.

“Suṇātu me, bhante, saṅgho. Ayaṃ itthannāmo bhikkhu gilāno. Na sakkoti santhataṃ ādāya pakkamituṃ. So saṅghaṃ santhatasammutiṃ yācati. Saṅgho itthannāmassa bhikkhuno santhatasammutiṃ deti. Yassāyasmato khamati itthannāmassa bhikkhuno santhatasammutiyā dānaṃ, so tuṅghassa; yassa nakkhamati, so bhāseyya.

“Dinnā saṅghena itthannāmassa bhikkhuno santhatasammuti. Khamati saṅghassa, tasmā tuṅhī, evametam dhārayāmi”’ti.

Evañca pana, bhikkhave, imaṃ sikkhāpadaṃ uddiseyyātha –

561. “**Navam pana bhikkhunā santhataṃ kārāpetvā chabbassāni dhāretabbaṃ. Orena ce channaṃ vassānaṃ taṃ santhataṃ vissajjtvā vā avissajjtvā vā aññaṃ navam santhataṃ kārāpeyya, aññaṃtra bhikkhusammutiyā, nissaggiyaṃ pācittiya**”’nti.

562. Navam nāma karaṇaṃ upādāya vuccati.

Santhataṃ nāma santharivā kataṃ hoti avāyimaṃ.

Kārāpetvāti karitvā vā kārāpetvā vā.

Chabbassāni dhāretabbanti chabbassaparamatā dhāretabbaṃ.

Orena ce channaṃ vassānanti ūnakachabbassāni.

Taṃ santhataṃ vissajjtvāti aññesaṃ datvā.

Avissajjtvāti na kassaci datvā.

Aññaṃtra bhikkhusammutiyāti ṭhapetvā bhikkhusammutiṃ aññaṃ navam santhataṃ karoti vā kārāpeti vā, payoge dukkaṭaṃ. Paṭilābhena nissaggiyaṃ hoti. Nissajjitabbaṃ saṅghassa vā gaṇassa vā puggalassa vā. Evañca pana, bhikkhave, nissajjitabbaṃ...pe... idaṃ me, bhante, santhataṃ ūnakachabbassāni kārāpitaṃ, aññaṃtra bhikkhusammutiyā, nissaggiyaṃ. Imāhaṃ saṅghassa nissajjāmīti...pe... dadeyyāti...pe... dadeyyunti...pe... āyasmato dammīti.

563. Attanā vipakataṃ attanā pariyosāpeti, nissaggiyaṃ pācittiyaṃ. Attanā vipakataṃ parehi pariyosāpeti, nissaggiyaṃ pācittiyaṃ. Parehi vipakataṃ attanā pariyosāpeti, nissaggiyaṃ pācittiyaṃ. Parehi vipakataṃ parehi pariyosāpeti, nissaggiyaṃ pācittiyaṃ.

564. Anāpatti chabbassāni karoti, atirekachabbassāni karoti, aññassatthāya karoti vā kārāpeti vā, aññena kataṃ paṭilābhivā paribhuñjati, vitānaṃ vā bhūmattharaṇaṃ vā sāṇipākāraṃ vā bhisim vā bibbohanaṃ vā karoti, bhikkhusammutiyā, ummattakassa, ādikammikassāti.

Chabbassasikkhāpadaṃ niṭṭhitaṃ catutthaṃ.

5. Nisīdanasanthasikkhāpadaṃ

565. Tena samayena buddho bhagavā sāvattiyam viharati jetavane anāthapiṇḍikassa ārāme. Atha kho bhagavā bhikkhū āmantesi – “icchāmaham, bhikkhave, temāsam paṭisalliyitum. Namhi kenaci upasaṅkamitabbo, aññatra ekena piṇḍapātanihārakena”ti. “Evaṃ, bhante,”ti kho te bhikkhū bhagavato paṭissuṇitvā nāssudha koci bhagavantam upasaṅkamati, aññatra ekena piṇḍapātanihārakena. Tena kho pana samayena sāvattiyā saṅghena katikā katā hoti – “icchatāvuso, bhagavā temāsam paṭisalliyitum. Na bhagavā kenaci upasaṅkamitabbo, aññatra ekena piṇḍapātanihārakena. Yo bhagavantam upasaṅkamati so pācittiyam desāpetabbo”ti. Atha kho āyasmā upaseno vaṅgantaputto, sapaṛiso yena bhagavā tenupasaṅkami; upasaṅkamitvā bhagavantam abhivādetvā ekamantaṃ nisīdi. Āciṇṇam kho panetaṃ buddhānaṃ bhagavantānaṃ āgantukehi bhikkhūhi saddhiṃ paṭisammoditum. Atha kho bhagavā āyasmantaṃ upasenaṃ vaṅgantaputtaṃ etadavoca – “kacci vo, upasena, khamanīyam kacci yāpanīyam, kaccittha appakilamathena addhānaṃ āgatā”ti? “Khamanīyam, bhagavā, yāpanīyam, bhagavā. Appakilamathena ca mayam, bhante, addhānaṃ āgatā”ti.

Tena kho pana samayena āyasmato upasenassa vaṅgantaputtassa saddhivihāriko bhikkhu bhagavato avidūre nisinno hoti. Atha kho bhagavā taṃ bhikkhum etadavoca – “manāpāni te, bhikkhu, paṃsukūlāni”ti? “Na kho me, bhante, manāpāni paṃsukūlāni”ti. “Kissa pana tvam, bhikkhu, paṃsukūliko”ti? “Upajjhāyo me, bhante, paṃsukūliko. Evaṃ ahampi paṃsukūliko”ti. Atha kho bhagavā āyasmantaṃ upasenaṃ vaṅgantaputtaṃ etadavoca – “pāsādikā kho tyāyam, upasena, parisā. Kathaṃ tvam, upasena, parisam vinesī”ti? “Yo maṃ, bhante, upasampadaṃ yācati tamahaṃ [tāham (ka.)] evaṃ vadāmi – ‘ahaṃ kho, āvuso, ārañṇiko piṇḍapātiko paṃsukūliko. Sace tvampi ārañṇiko bhavissasi piṇḍapātiko paṃsukūliko, evāhaṃ taṃ upasampādessāmi”ti. Sace me paṭissuṇāti upasampādemī, no ce me paṭissuṇāti na upasampādemī. Yo maṃ nissayaṃ yācati tamahaṃ [tāham (ka.)] evaṃ vadāmi – ‘ahaṃ kho, āvuso, ārañṇiko piṇḍapātiko paṃsukūliko. Sace tvampi ārañṇiko bhavissasi piṇḍapātiko paṃsukūliko, evāhaṃ te nissayaṃ dassāmi”ti. Sace me paṭissuṇāti nissayaṃ demī, no ce me paṭissuṇāti na nissayaṃ demī. Evaṃ kho ahaṃ, bhante, parisam vinemī”ti.

“Sādhu sādhu, upasena. Sādhu kho tvam, upasena, parisam vinesi. Jānāsi pana tvam, upasena, sāvattiyā saṅghassa katika”nti? “Na kho ahaṃ, bhante, jānāmi sāvattiyā saṅghassa katika”nti. “Sāvattiyā kho, upasena, saṅghena katikā katā – icchatāvuso, bhagavā temāsam paṭisalliyitum. Na bhagavā kenaci upasaṅkamitabbo, aññatra ekena piṇḍapātanihārakena. Yo bhagavantam upasaṅkamati so pācittiyam desāpetabbo”ti. “Paññāyissati, bhante, sāvattiyā saṅgho sakāya katikāya, na mayam apaññattaṃ paññapessāma paññattaṃ vā na samucchindissāma, yathāpaññattesu sikkhāpadesu samādāya vattissāmā”ti. “Sādhu sādhu, upasena, apaññattaṃ na paññapetabbaṃ, paññattaṃ vā na samucchinditabbaṃ, yathāpaññattesu sikkhāpadesu samādāya vattitabbaṃ. Anujānāmi, upasena, ye te bhikkhū ārañṇikā piṇḍapātikā paṃsukūlikā yathāsukhaṃ maṃ dassanāya upasaṅkamantū”ti.

566. Tena kho pana samayena sambahulā bhikkhū bahidvārakoṭṭhake ṭhitā honti – “mayam āyasmantaṃ upasenaṃ vaṅgantaputtaṃ pācittiyam desāpessāmā”ti. Atha kho āyasmā upaseno vaṅgantaputto sapaṛiso utthāyāsanā bhagavantam abhivādetvā padakkhiṇam katvā pakkāmi. Atha kho te bhikkhū āyasmantaṃ upasenaṃ vaṅgantaputtaṃ etadavocum – “jānāsi tvam, āvuso upasena, sāvattiyā saṅghassa katika”nti. “Bhagavāpi maṃ, āvuso, evamāha – ‘jānāsi pana tvam, upasena, sāvattiyā saṅghassa katika’nti? Na kho ahaṃ, bhante, jānāmi sāvattiyā saṅghassa katika”nti. “Sāvattiyā kho, upasena, saṅghena katikā katā – icchatāvuso, bhagavā temāsam paṭisalliyitum. Na bhagavā kenaci upasaṅkamitabbo, aññatra ekena piṇḍapātanihārakena. Yo bhagavantam upasaṅkamati so pācittiyam desāpetabbo”ti. “Paññāyissati, bhante, sāvattiyā saṅgho sakāya katikāya, na mayam apaññattaṃ paññapessāma paññattaṃ vā na samucchindissāma, yathāpaññattesu sikkhāpadesu samādāya vattissāmāti. Anujānātvuso, bhagavatā – ‘ye te bhikkhū ārañṇikā piṇḍapātikā paṃsukūlikā yathāsukhaṃ maṃ dassanāya upasaṅkamantū”ti.

Atha kho te bhikkhū – “saccaṃ kho āyasmā upaseno āha – ‘na apaññattaṃ paññapetabbaṃ, paññattaṃ vā na samucchinditabbaṃ, yathāpaññattesu sikkhāpadesu samādāya vattitabba’”nti. Assosum

kho bhikkhū – “anuññātā kira bhagavatā – ‘ye te bhikkhū āraññikā piṇḍapātikā paṃsukūlikā yathāsukhaṃ maṃ dassanāya upasaṅkamantū’”ti. Te bhagavantam dassanam pihentā [dassanāya pihayamāna (syā.)] santhatāni ujjhitvā āraññikaṅgaṃ piṇḍapātikaṅgaṃ paṃsukūlikaṅgaṃ samādiyimsu. Atha kho bhagavā sambahulehi bhikkhūhi saddhiṃ senāsanacārikaṃ āhiṇḍanto addasa santhatāni taḥaṃ taḥaṃ ujjhitāni. Passitvā bhikkhū āmantesi – “kassimāni, bhikkhave, santhatāni taḥaṃ taḥaṃ ujjhitāni”ti? Atha kho te bhikkhū bhagavato etamatthaṃ ārocesuṃ. Atha kho bhagavā etasmim nidāne etasmim pakaraṇe dhammiṃ kathaṃ katvā bhikkhū āmantesi – “tena hi, bhikkhave, bhikkhūnaṃ sikkhāpadaṃ paññapessāmi dasa atthavase paṭicca – saṅghasutṭhūṭāya, saṅghaphāsutāya, ...pe... evañca pana, bhikkhave, imaṃ sikkhāpadaṃ uddiseyyātha –

567. “Nisīdanasanthatam pana bhikkhunā kārayamānena purāṇasanthatassa sāmantā sugatavidatthi ādātābbā dubbaṇṇakaraṇāya, anādā ce bhikkhu purāṇasanthatassa sāmantā sugatavidatthim navam nisīdanasanthatam kārāpeyya, nissaggiyam pācittiya”nti.

568. Nisīdanam nāma sadasam vuccati.

Santhatam nāma santharivā kataṃ hoti avāyimaṃ.

Kārayamānenāti karonto vā kārāpento vā.

Purāṇasanthatam nāma sakim nivatthampi sakim pārutampi.

Sāmantā sugatavidatthi ādātābbā dubbaṇṇakaraṇāyāti thirabhāvāya vaṭṭam vā caturassam vā chinditvā ekadese vā santharitabbaṃ vijaṭetvā vā santharitabbaṃ.

Anādā ce bhikkhu purāṇasanthatassa sāmantā sugatavidatthinti anādiyitvā purāṇasanthatassa sāmantā sugatavidatthim navam nisīdanasanthatam karoti vā kārāpeti vā, payoge dukkaṭam, paṭilābhena nissaggiyam hoti. Nissajjitabbaṃ saṅghassa vā gaṇassa vā puggalassa vā. Evañca pana, bhikkhave, nissajjitabbaṃ...pe... idaṃ me, bhante, nisīdanasanthatam anādiyitvā purāṇasanthatassa sāmantā sugatavidatthim kārāpitam nissaggiyam. Imāhaṃ saṅghassa nissajjāmīti...pe... dadeyyāti...pe... āyasmato dammīti.

569. Attanā vipakataṃ attanā pariyosāpeti, nissaggiyam pācittiyam. Attanā vipakataṃ parehi pariyosāpeti, nissaggiyam pācittiyam. Parehi vipakataṃ attanā pariyosāpeti, nissaggiyam pācittiyam. Parehi vipakataṃ parehi pariyosāpeti, nissaggiyam pācittiyam.

Aññassatthāya karoti vā kārāpeti vā, āpatti dukkaṭassa.

570. Anāpatti – purāṇasanthatassa sāmantā sugatavidatthim ādiyitvā karoti, alabhanto thokataram ādiyitvā karoti, alabhanto anādiyitvā karoti, aññena kataṃ paṭilābhivā paribhuñjati, vitānaṃ vā bhūmattharaṇam vā sāṇipākāram vā bhisim vā bibbohanaṃ vā karoti, ummattakassa ādikammikassāti.

Nisīdanasanthatasikkhāpadaṃ niṭṭhitam pañcamam.

6. Eḷakalomasikkhāpadaṃ

571. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena aññatarassa bhikkhuno kosalesu janapade sāvattim gacchantassa antarāmagge eḷakalomāni uppajimsu. Atha kho so bhikkhu tāni eḷakalomāni uttarāsaṅgena bhaṇḍikaṃ bandhitvā agamāsi. Manussā taṃ bhikkhum passitvā uppaṇḍesuṃ – “kittakena te, bhante, kītāni? Kittako udayo

bhavissatī”ti? So bhikkhu tehi manussehi uppaṇḍiyamāno maṅku ahoṣi. Atha kho so bhikkhu sāvattḥim gantvā tāni eḷakalomāni tḥitakova āsumbhi. Bhikkhū taṃ bhikkhuṃ etadavocum – “kissa tvam, āvuso, imāni eḷakalomāni tḥitakova āsumbhasī”ti? “Tathā hi panāham, āvuso, imesaṃ eḷakalomānaṃ kāraṇā manussehi uppaṇḍito”ti. “Kīva dūrato pana tvam, āvuso, imāni eḷakalomāni āharī”ti? “Atirekatiyojanaṃ, āvuso”ti. Ye te bhikkhū appicchā...pe... te ujjhāyanti khiyyanti vipācenti – “kathaṅhi nāma bhikkhu atirekatiyojanaṃ eḷakalomāni āharissatī”ti! Atha kho te bhikkhū taṃ bhikkhuṃ anekapariyāyena vigarahitvā bhagavato etamatthaṃ ārocesum...pe... saccam kira tvam, bhikkhu, atirekatiyojanaṃ eḷakalomāni āharīti? “Saccam, bhagavā”ti. Vigarahi buddho bhagavā...pe... kathaṅhi nāma tvam, moghapurisa, atirekatiyojanaṃ eḷakalomāni āharissasi! Netam moghapurisa, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

572. “Bhikkhuno paneva addhānamaggappaṭipannassa eḷakalomāni uppajjayyūṃ. Ākaṅkhamānena bhikkhunā paṭiggahetabbāni. Paṭiggahetvā tiyojanaparamaṃ sahatthā haritabbāni [hāretabbāni (sī. syā. ka.)], asante hārake. Tato ce uttari hareyya, asantepi hārake, nissaggiyaṃ pācittiya”nti.

573. Bhikkhuno paneva addhānamaggappaṭipannassāti panthaṃ gacchantassa.

Eḷakalomāni uppajjeyyunti uppajjeyyūṃ saṅghato vā gaṇato vā ñātito vā mittato vā paṃsukūlam vā attano vā dhanena.

Ākaṅkhamānenāti icchamānena paṭiggahetabbāni.

Paṭiggahetvā tiyojanaparamaṃ sahatthā haritabbānīti tiyojanaparamatā sahatthā haritabbāni.

Asante hāraketi nāñño koci hārako hoti itthī vā puriso vā gahaṭṭho vā pabbajito vā.

Tato ce uttari hareyya, asantepi hāraketi paṭhamam pādam tiyojanaṃ atikkāmeti, āpatti dukkaṭassa. Dutiyam pādam atikkāmeti, nissaggiyaṃ pācittiyaṃ [nissaggiyāni honti (syā.)]. Antotiyojane tḥito bahitiyojanaṃ pātetī, nissaggiyaṃ pācittiyaṃ [nissaggiyāni honti (syā.)]. Aññassa yāne vā bhaṇḍe vā ajānantassa pakkhipitvā tiyojanaṃ atikkāmeti, nissaggiyāni honti. Nissajjitabbāni saṅghassa vā gaṇassa vā puggalassa vā. Evaṅca pana, bhikkhave, nissajjitabbāni...pe... imāni me, bhante, eḷakalomāni tiyojanaṃ atikkāmitāni nissaggiyāni. Imānāham saṅghassa nissajjāmīti...pe... dadeyyāti...pe... dadeyyuntī...pe... āyasmato dammīti.

574. Atirekatiyojane atirekasaññī atikkāmeti [tiyojanaṃ atikkāmeti (syā.)], nissaggiyaṃ pācittiyaṃ. Atirekatiyojane vematiko atikkāmeti [tiyojanaṃ atikkāmeti (syā.)], nissaggiyaṃ pācittiyaṃ. Atirekatiyojane ūnakasaññī atikkāmeti [tiyojanaṃ atikkāmeti (syā.)], nissaggiyaṃ pācittiyaṃ.

Ūnakatiyojane atirekasaññī, āpatti dukkaṭassa. Ūnakatiyojane vematiko, āpatti dukkaṭassa. Ūnakatiyojane ūnakasaññī, anāpatti.

575. Anāpatti tiyojanaṃ harati, ūnakatiyojanaṃ harati, tiyojanaṃ haratipi, paccāharatipi, tiyojanaṃ vāsādhippāyo gantvā tato param harati, acchinnaṃ paṭilabhivā harati, nissatṭham paṭilabhivā harati, aññaṃ harāpeti katabhaṇḍam, ummattakassa, ādikammikassāti.

Eḷakalomasikkhāpadaṃ niṭṭhitam chaṭṭham.

7. Eḷakalomadhovāpanasikkhāpadaṃ

576. Tena samayena buddho bhagavā sakkesu viharati kapilavatthusmiṃ nigrodhārāme. Tena kho pana samayena chabbaggiyā bhikkhū bhikkhunīhi eḷakalomāni dhovāpentipi rajāpentipi vijaṭāpentipi. Bhikkhuniyo eḷakalomāni dhovantiyo rajantiyo vijaṭentiyo riñcanti uddesaṃ paripucchaṃ adhisīlaṃ adhiccaṃ adhipaññaṃ. Atha kho mahāpajāpati gotamī yena bhagavā tenupasaṅkami; upasaṅkamitvā bhagavantam abhivādetvā ekamantaṃ aṭṭhāsi. Ekamantaṃ ṭhitaṃ kho mahāpajāpatiṃ gotamiṃ bhagavā etadavoca – “kacci, gotami, bhikkhuniyo appamattā ātāpiniyo pahitattā viharantī”’ti? “Kuto, bhante, bhikkhunīnaṃ appamādo! Ayyā chabbaggiyā bhikkhunihi eḷakalomāni dhovāpentipi rajāpentipi vijaṭāpentipi. Bhikkhuniyo eḷakalomāni dhovantiyo rajantiyo vijaṭentiyo riñcanti uddesaṃ paripucchaṃ adhisīlaṃ adhiccaṃ adhipañña”’nti.

Atha kho bhagavā mahāpajāpatiṃ gotamiṃ dhammiyā kathāya sandassesī samādapesī samuttejesī sampahaṃsesī. Atha kho mahāpajāpati gotamī bhagavatā dhammiyā kathāya sandassitā samādapitā samuttejitā sampahaṃsitā bhagavantam abhivādetvā padakkhiṇaṃ katvā pakkāmi. Atha kho bhagavā etasmim nidāne etasmim pakaraṇe bhikkhusaṅghaṃ sannipātāpetvā chabbaggiye bhikkhū paṭipucchi – “saccaṃ kira tumhe, bhikkhave, bhikkhunīhi eḷakalomāni dhovāpethapi rajāpethapi vijaṭāpethapī”’ti? “Saccaṃ, bhagavā”’ti. “Ñātikāyo tumhākaṃ, bhikkhave, aññātikāyo”’ti? “Aññātikāyo, bhagavā”’ti. “Aññātakā, moghapurisā, aññātikānaṃ na jānanti patirūpaṃ vā appatirūpaṃ vā pāsādikaṃ vā apāsādikaṃ. Tattha nāma tumhe, moghapurisā, aññātikāhi bhikkhunīhi eḷakalomāni dhovāpessathapi rajāpessathapi vijaṭāpessathapi! Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

577. “Yo pana bhikkhu aññātikāya bhikkhuniyā eḷakalomāni dhovāpeyya vā rajāpeyya vā vijaṭāpeyya vā, nissaggiyaṃ pācittiya”’nti.

578. Yo panāti yo yādiso...pe... **bhikkhūti**...pe... ayaṃ imasmiṃ atthe adhippeto bhikkhūti.

Aññātikā nāma mātito vā pitito vā yāva sattamā pitāmahayugā asambaddhā.

Bhikkhunī nāma ubhatosaṅghe upasampannā.

Dhovāti āṇāpeti, āpatti dukkaṭassa. Dhotāni nissaggiyāni honti. Rajāti āṇāpeti, āpatti dukkaṭassa. Rattāni nissaggiyāni honti. Vijaṭehīti āṇāpeti, āpatti dukkaṭassa. Vijaṭitāni nissaggiyāni honti. Nissajjitabbāni saṅghassa vā gaṇassa vā puggalassa vā. Evañca pana, bhikkhave, nissajjitabbāni...pe... imāni me, bhante, eḷakalomāni aññātikāya bhikkhuniyā dhovāpitāni nissaggiyāni. Imānāhaṃ saṅghassa nissajjāmīti...pe... dadeyyāti...pe... dadeyyunti...pe... āyasmato dammīti.

579. Aññātikāya aññātikasaññī eḷakalomāni dhovāpeti, nissaggiyaṃ pācittiyaṃ. Aññātikāya aññātikasaññī eḷakalomāni dhovāpeti rajāpeti, nissaggiyena āpatti dukkaṭassa. Aññātikāya aññātikasaññī eḷakalomāni dhovāpeti vijaṭāpeti, nissaggiyena āpatti dukkaṭassa. Aññātikāya aññātikasaññī eḷakalomāni dhovāpeti rajāpeti vijaṭāpeti, nissaggiyena āpatti dvinnam dukkaṭānaṃ.

Aññātikāya aññātikasaññī eḷakalomāni rajāpeti, nissaggiyaṃ pācittiyaṃ. Aññātikāya aññātikasaññī eḷakalomāni rajāpeti vijaṭāpeti, nissaggiyena āpatti dukkaṭassa. Aññātikāya aññātikasaññī eḷakalomāni rajāpeti dhovāpeti, nissaggiyena āpatti dukkaṭassa. Aññātikāya aññātikasaññī eḷakalomāni rajāpeti vijaṭāpeti dhovāpeti, nissaggiyena āpatti dvinnam dukkaṭānaṃ.

Aññātikāya aññātikasaññī eḷakalomāni vijaṭāpeti, nissaggiyaṃ pācittiyaṃ. Aññātikāya aññātikasaññī eḷakalomāni vijaṭāpeti dhovāpeti, nissaggiyena āpatti dukkaṭassa. Aññātikāya aññātikasaññī eḷakalomāni vijaṭāpeti rajāpeti, nissaggiyena āpatti dukkaṭassa. Aññātikāya aññātikasaññī eḷakalomāni vijaṭāpeti dhovāpeti rajāpeti, nissaggiyena āpatti dvinnam dukkaṭānaṃ.

580. Aññātikāya vematiko...pe... aññātikāya ñātikasaññī...pe... aññassa eḷakalomāni dhovāpeti, āpatti dukkaṭassa. Ekato upasampannāya dhovāpeti, āpatti dukkaṭassa. Ñātikāya aññātikasaññī, āpatti dukkaṭassa. Ñātikāya vematiko, āpatti dukkaṭassa. Ñātikāya ñātikasaññī, anāpatti.

581. Anāpatti ñātikāya dhāvantiyā aññātikā dutiyā hoti, avuttā dhovati, aparibhuttaṃ katabhaṇḍam dhovāpeti, sikkhamānāya sāmaṇeriyā ummattakassa ādikammikassāti.

Eḷakalomadhovāpanasikkhāpadaṃ niṭṭhitam sattamaṃ.

8. Rūpiyasikkhāpadaṃ

582. Tena samayena buddho bhagavā rājagahe viharati veḷuvane kalandakanivāpe. Tena kho pana samayena āyasmā upanando sakyaputto aññatarassa kulassa kulūpako hoti niccabhattiko. Yaṃ tasmim kule uppajjati khādanīyaṃ vā bhojanīyaṃ vā tato āyasmato upanandassa sakyaputtassa paṭiviso ṭhapiyyati. Tena kho pana samayena sāyaṃ tasmim kule maṃsaṃ uppannaṃ hoti. Tato āyasmato upanandassa sakyaputtassa paṭiviso ṭhapito hoti. Tassa kulassa dārako rattiyā paccūsasamayaṃ paccuṭṭhāya rodati – ‘maṃsaṃ me dethā’ ti. Atha kho so puriso pajāpatim etadavoca – ‘ayyassa paṭivisaṃ dārakassa dehi. Aññaṃ cetāpetvā ayyassa dassāmā’ ti.

Atha kho āyasmā upanando sakyaputto pubbaṇhasamayaṃ nivāsetvā pattacīvaram ādāya yena taṃ kulaṃ tenupasaṅkami; upasaṅkamitvā paññatte āsane nisīdi. Atha kho so puriso yenāyasmā upanando sakyaputto tenupasaṅkami; upasaṅkamitvā āyasmantaṃ upanandaṃ sakyaputtaṃ abhivādetvā ekamantaṃ nisīdi. Ekamantaṃ nisinna kho so puriso āyasmantaṃ upanandaṃ sakyaputtaṃ etadavoca – ‘hiyyo kho, bhante, sāyaṃ maṃsaṃ uppannaṃ aho. Tato ayyassa paṭiviso ṭhapito. Ayaṃ, bhante, dārako rattiyā paccūsasamayaṃ paccuṭṭhāya rodati – ‘maṃsaṃ me dethā’ ti. Ayyassa paṭiviso dārakassa dinno. Kahāpaṇena, bhante, kiṃ āhariyyatū’ ti? ‘Pariccatto me, āvuso, kahāpaṇo’ ti? ‘Āma, bhante, pariccatto’ ti. ‘Tañña me, āvuso, kahāpaṇaṃ dehi’ ti.

Atha kho so puriso āyasmato upanandassa sakyaputtassa kahāpaṇaṃ datvā ujjhāyati khiyyati vipāceti – ‘tatheva mayaṃ rūpiyaṃ paṭiggaṇhāma evamevime samaṇā sakyaputtiyā rūpiyaṃ paṭiggaṇhantī’ ti. Assosum kho bhikkhū tassa purisassa ujjhāyantassa khiyyantassa vipācentassa. Ye te bhikkhū appicchā...pe... te ujjhāyanti khiyyanti vipācenti – ‘kathañhi nāma āyasmā upanando sakyaputto rūpiyaṃ paṭiggahessati’ ti! Atha kho te bhikkhū āyasmantaṃ upanandaṃ sakyaputtaṃ anekapariyāyena vigaravitvā bhagavato etamatthaṃ ārocesum...pe... ‘saccaṃ kira tvaṃ, upananda, rūpiyaṃ paṭiggahe’ ti [paṭiggaṇhāsīti (syā.)]? ‘Saccaṃ, bhagavā’ ti. Vigarahi buddho bhagavā...pe... kathañhi nāma tvaṃ, moghapurisa, rūpiyaṃ paṭiggahessasi! Netam, moghapurisa, appasannānaṃ vā pasādāya...pe... evaṇca pana, bhikkhave, imaṃ sikkhāpadaṃ uddiseyyātha –

583. ‘Yo pana bhikkhu jātarūparajataṃ uggaṇheyya vā uggaṇhāpeyya vā upanikkhittaṃ vā sādiyeyya, nissaggiyaṃ pācittiya’ nti.

584. Yo panāti yo yādiso...pe... bhikkhūti...pe... ayaṃ imasmim atthe adhippeto bhikkhūti.

Jātarūpaṃ nāma satthuvaṇṇo vuccati.

Rajataṃ nāma kahāpaṇo lohamāsako dārumāsako jatumāsako ye vohāraṃ gacchanti.

Uggaṇheyyāti sayam gaṇhāti nissaggiyaṃ pācittiyaṃ [nissaggiyaṃ hoti (syā.)].

Uggaṇhāpeyyāti aññaṃ gāhāpeti nissaggiyaṃ pācittiyaṃ [nissaggiyaṃ hoti (syā.)].

Upanikkhittam vā sādīyeyyāti idaṃ ayyassa hotūti upanikkhittam sādīyati, nissaggiyaṃ hoti. Saṅghamajjhe nissajjitabbaṃ. Evañca pana, bhikkhave, nissajjitabbaṃ – tena bhikkhunā saṅghaṃ upasaṅkamtivā ekamsaṃ uttarāsaṅgaṃ karitvā vuḍḍhānaṃ bhikkhūnaṃ pāde vanditvā ukkuṭikaṃ nisīditvā añjaliṃ paggahetvā evamassa vacanīyo – “ahaṃ, bhante, rūpiyaṃ paṭiggahesiṃ. Idaṃ me nissaggiyaṃ. Imāhaṃ saṅghassa nissajjāmi”ti. Nissajjitvā āpatti desetabbā. Byattena bhikkhunā paṭibalena āpatti paṭiggahetabbā. Sace tattha āgacchati ārāmiko vā upāsako vā so vattabbo – “āvuso, imaṃ jānāhi”ti. Sace so bhaṇati – “iminā kiṃ āhariyyatū”ti, na vattabbo – “imaṃ vā imaṃ vā āharā”ti. Kappiyaṃ ācikkhitabbaṃ – sappi vā telam vā madhu vā phāṇitaṃ vā. Sace so tena parivattetvā kappiyaṃ āharati rūpiyappaṭiggāhakaṃ ṭhapetvā sabbeheva paribhuñjitabbaṃ. Evañcetam labhetha, iccetam kusalam; no ce labhetha, so vattabbo – “āvuso, imaṃ chaḍḍehi”ti. Sace so chaḍḍeti, iccetam kusalam; no ce chaḍḍeti, pañcahaṅgehi samannāgato bhikkhu rūpiyachaḍḍako sammannitabbo – yo na chandāgatiṃ gaccheyya, na dosāgatiṃ gaccheyya, na mohāgatiṃ gaccheyya, na bhayāgatiṃ gaccheyya, chaḍḍitāchaḍḍitañca jāneyya. Evañca pana, bhikkhave, sammannitabbo. Paṭhamam bhikkhu yācītabbo. Yācivā byattena bhikkhunā paṭibalena saṅho nāpetabbo –

585. “Suṇātu me, bhante, saṅho. Yadi saṅghassa pattakallam, saṅho itthannāmaṃ bhikkhuṃ rūpiyachaḍḍakaṃ sammanneyya. Esā ñatti.

“Suṇātu me, bhante, saṅho. Saṅho itthannāmaṃ bhikkhuṃ rūpiyachaḍḍakaṃ sammannati. Yassāyasmato khamati itthannāmassa bhikkhuno rūpiyachaḍḍakassa sammuti, so tuṅhassa; yassa nakkhamati, so bhāseyya.

“Sammato saṅghena itthannāmo bhikkhu rūpiyachaḍḍako. Khamati saṅghassa, tasmā tuṅhī, evametaṃ dhārayāmi”ti.

Tena sammatena bhikkhunā animittaṃ katvā pātetabbaṃ. Sace nimittaṃ katvā pāteteti, āpatti dukkaṭassa.

586. Rūpiye rūpiyasaññī rūpiyaṃ paṭiggaṇhāti, nissaggiyaṃ pācittiyaṃ. Rūpiye vematiko rūpiyaṃ paṭiggaṇhāti, nissaggiyaṃ pācittiyaṃ. Rūpiye arūpiyasaññī rūpiyaṃ paṭiggaṇhāti, nissaggiyaṃ pācittiyaṃ.

Arūpiye rūpiyasaññī, āpatti dukkaṭassa. Arūpiye vematiko, āpatti dukkaṭassa. Arūpiye arūpiyasaññī, anāpatti.

Anāpatti ajjhārāme vā ajjhāvasathe vā uggahetvā vā uggahāpetvā vā nikkhipati – yassa bhavissati so harissatīti, ummattakassa, ādikammikassāti.

Rūpiyasikkhāpadaṃ niṭṭhitaṃ aṭṭhamam.

9. Rūpiyasaṃvohārasikkhāpadaṃ

587. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū nānappakāraṃ rūpiyasaṃvohāraṃ samāpajjanti. Manussā ujjhāyanti khiyyanti vipācenti – “kathañhi nāma samaṇā sakyaputtiyā nānappakāraṃ rūpiyasaṃvohāraṃ samāpajjissanti, seyyathāpi gihi kāmabhogino”ti! Assosam kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācenti – “kathañhi nāma chabbaggiyā bhikkhū nānappakāraṃ rūpiyasaṃvohāraṃ samāpajjissanti”ti! Atha kho te bhikkhū chabbaggiye bhikkhū anekapariyāyena vīgarahitvā bhagavato etamattham ārocesum...pe... “saccaṃ kira tumhe, bhikkhave, nānappakāraṃ rūpiyasaṃvohāraṃ samāpajjathā”ti? “Saccaṃ, bhagavā”ti. Vīgarahi buddho bhagavā...pe... kathañhi nāma tumhe,

moghapurisā, nānappakāraṃ rūpiyaṃvohāraṃ samāpajjissatha! Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

588. “Yo pana bhikkhu nānappakāraṃ rūpiyaṃvohāraṃ samāpajjeyya, nissaggiyaṃ pācittiya”nti.

589. Yo panāti yo yādiso...pe... bhikkhūti...pe... ayaṃ imasmim atthe adhippeto bhikkhūti.

Nānappakāraṃ nāma katampi akatampi katākatampi. **Kataṃ** nāma sīsūpagaṃ gīvūpagaṃ hatthūpagaṃ pādūpagaṃ kaṭūpagaṃ. **Akataṃ** nāma ghanakataṃ vuccati. **Katākatam** nāma tadubhayam.

Rūpiyaṃ nāma satthuvaṇṇo kahāpaṇo, lohamāsako, dārumāsako, jatumāsako ye vohāraṃ gacchanti.

Samāpajjeyyāti katena kataṃ cetāpeti, nissaggiyaṃ pācittiyaṃ [nissaggiyaṃ hoti (syā.)]. Katena akataṃ cetāpeti, nissaggiyaṃ pācittiyaṃ. Katena katākatam cetāpeti, nissaggiyaṃ pācittiyaṃ. Akatena kataṃ cetāpeti, nissaggiyaṃ pācittiyaṃ. Akatena akataṃ cetāpeti, nissaggiyaṃ pācittiyaṃ. Akatena katākatam cetāpeti, nissaggiyaṃ pācittiyaṃ. Katākatena kataṃ cetāpeti, nissaggiyaṃ pācittiyaṃ. Katākatena akataṃ cetāpeti, nissaggiyaṃ pācittiyaṃ. Katākatena katākatam cetāpeti, nissaggiyaṃ pācittiyaṃ. Saṅghamajjhe nissajjitabbaṃ. Evañca pana, bhikkhave, nissajjitabbaṃ. Tena bhikkhunā saṅgham upasaṅkamitvā ekaṃsaṃ uttarāsaṅgaṃ karitvā vuḍḍhānaṃ bhikkhūnaṃ pāde vanditvā ukkuṭikaṃ nisīditvā añjaliṃ paggahetvā evamassa vacanīyo – “ahaṃ, bhante, nānappakāraṃ rūpiyaṃvohāraṃ samāpajjīṃ. Idaṃ me nissaggiyaṃ. Imāhaṃ saṅghassa nissajjāmi”ti. Nissajjitvā āpatti desetabbā. Byattena bhikkhunā paṭibalena āpatti paṭiggahetabbā. Sace tattha āgacchatī āramiko vā upāsako vā so vattabbo – “āvuso, imaṃ jānāhi”ti. Sace so bhaṇati – “iminā kiṃ āhariyyatū”ti, na vattabbo – “imaṃ vā imaṃ vā āharā”ti. Kappiyaṃ ācikkhitabbaṃ – sappi vā telam vā madhu vā phāṇitaṃ vā. Sace so tena parivattetvā kappiyaṃ āharati, rūpiyacetaṃ pakāṃ ṭhapetvā, sabbeheva paribhuñjitabbaṃ. Evañcetaṃ labhetha, iccetaṃ kusalam; no ce labhetha, so vattabbo – “āvuso, imaṃ chaḍḍehi”ti. Sace so chaḍḍeti, iccetaṃ kusalam; no ce chaḍḍeti, pañcahaṅgehi samannāgato bhikkhu rūpiyachaḍḍako sammannitabbo – yo na chandāgatim gaccheyya, na dosāgatim gaccheyya, na mohāgatim gaccheyya, na bhayāgatim gaccheyya, chaḍḍitāchaḍḍitañca jāneyya. Evañca pana, bhikkhave, sammannitabbo. Paṭhamam bhikkhu yācītabbo. Yācivā byattena bhikkhunā paṭibalena saṅho ñāpetabbo –

590. “Suṇātu me, bhante, saṅho. Yadi saṅghassa pattakallam, saṅho itthannāmaṃ bhikkhum rūpiyachaḍḍakaṃ sammanneyya. Esā ñatti.

“Suṇātu me, bhante, saṅho. Saṅho itthannāmaṃ bhikkhum rūpiyachaḍḍakaṃ sammannati. Yassāyasmato khamati itthannāmassa bhikkhuno rūpiyachaḍḍakassa sammuti, so tuṅhassa; yassa nakkhamati, so bhāseyya.

“Sammato saṅghena itthannāmo bhikkhu rūpiyachaḍḍako. Khamati saṅghassa, tasmā tuṅhi, evametaṃ dhārayāmi”ti.

Tena sammatena bhikkhunā animittam katvā pātetabbaṃ. Sace nimittam katvā pātetī, āpatti dukkaṭṭassa.

591. Rūpiye rūpiyasaññī rūpiyaṃ cetāpeti, nissaggiyaṃ pācittiyaṃ. Rūpiye vematiko rūpiyaṃ cetāpeti, nissaggiyaṃ pācittiyaṃ. Rūpiye arūpiyasaññī rūpiyaṃ cetāpeti, nissaggiyaṃ pācittiyaṃ. Arūpiye rūpiyasaññī rūpiyaṃ cetāpeti, nissaggiyaṃ pācittiyaṃ. Arūpiye vematiko rūpiyaṃ cetāpeti,

nissaggiyaṃ pācittiyaṃ. Arūpiye arūpiyasaññī rūpiyaṃ cetāpeti, nissaggiyaṃ pācittiyaṃ.

Arūpiye rūpiyasaññī, āpatti dukkaṭassa. Arūpiye vematiko, āpatti dukkaṭassa. Arūpiye arūpiyasaññī, anāpatti.

592. Anāpatti ummattakassa, ādikammikassāti.

Rūpiyaṃvohārasikkhāpadaṃ niṭṭhitam navamaṃ.

10. Kayavikkayaṃsikkhāpadaṃ

593. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena āyasmā upanando sakyaputto paṭṭo hoti cīvarakammaṃ kātuṃ. So paṭapilotikānaṃ saṅghāṭiṃ karitvā surattaṃ suparikammakataṃ katvā pārūpi. Atha kho aññataro paribbājako mahagghaṃ paṭaṃ pārūpitvā yenāyasmā upanando sakyaputto tenupasaṅkami; upasaṅkamitvā āyasmantaṃ upanandaṃ sakyaputtaṃ etadavoca – “sundarā kho tyāyaṃ, āvuso, saṅghāṭi; dehi me paṭeṇā”ti. “Jānāhi, āvuso”ti. “Āmāvuso, jānāmī”ti. “Handāvuso”ti, adāsi. Atha kho so paribbājako taṃ saṅghāṭiṃ pārūpitvā paribbājakārāmaṃ agamāsi. Paribbājakā taṃ paribbājakaṃ etadavocum – “sundarā kho tyāyaṃ, āvuso, saṅghāṭi; kuto tayā laddhā”ti? “Tena me, āvuso, paṭena parivattitā”ti. “Katihipi tyāyaṃ, āvuso, saṅghāṭi bhavissati, soyeva te paṭo varo”ti.

Atha kho so paribbājako – “saccaṃ kho paribbājakā āhaṃsu – ‘katihipi myāyaṃ saṅghāṭi bhavissati! Soyeva me paṭo varo’”ti yenāyasmā upanando sakyaputto tenupasaṅkami; upasaṅkamitvā āyasmantaṃ upanandaṃ sakyaputtaṃ etadavoca – “handā te, āvuso, saṅghāṭi [saṅghāṭiṃ (syā. ka.)]; dehi me paṭa”nti. “Nanu tvam, āvuso, mayā vutto – ‘jānāhi, āvuso’ti! Nāha dassāmī”ti. Atha kho so paribbājako ujjhāyati khiyyati vipāceti – “gihīpi naṃ gihissa vippaṭisārissa denti, kiṃ pana pabbajito pabbajitassa na dassatī”ti! Assosum kho bhikkhū tassa paribbājakassa ujjhāyantassa khiyyantassa vipācentassa. Ye te bhikkhū appicchā...pe... te ujjhāyanti khiyyanti vipācenti – “kathaṅhi nāma āyasmā upanando sakyaputto paribbājakena saddhiṃ kayavikkayaṃ samāpajjissatī”ti! Atha kho te bhikkhū āyasmantaṃ upanandaṃ sakyaputtaṃ anekapariyāyena vīgarahitvā bhagavato etamattaṃ ārocesum...pe... “saccaṃ kira tvam, upananda, paribbājakena saddhiṃ kayavikkayaṃ samāpajjasī”ti? “Saccaṃ, bhagavā”ti. Vīgarahi buddho bhagavā...pe... kathaṅhi nāma tvam, moghapurisa, paribbājakena saddhiṃ kayavikkayaṃ samāpajjissasi! Netam, moghapurisa, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

594. “Yo pana bhikkhu nānappakāraṃ kayavikkayaṃ samāpajjeyya, nissaggiyaṃ pācittiya”nti.

595. Yo panāti yo yādiso...pe... bhikkhūti...pe... ayaṃ imasmim atthe adhippeto bhikkhūti.

Nānappakāraṃ nāma cīvarapiṇḍapātasenāsanagilānappaccayabhesajjaparikkhārā, antamaso cuṇṇapiṇḍopi dantakaṭṭhampi dasikasuttampi.

Kayavikkayaṃ samāpajjeyyāti iminā imaṃ dehi, iminā imaṃ āhara, iminā imaṃ parivattehi, iminā imaṃ cetāpehīti. Ajjhācarati, āpatti dukkaṭassa. Yato kayitaṅca hoti vikkayitaṅca attano bhaṇḍam parahatthagataṃ parabhaṇḍam attano hatthagataṃ, nissaggiyaṃ hoti. Nissajjitabbaṃ saṅghassa vā gaṇassa vā puggalassa vā. Evaṅca pana, bhikkhave, nissajjitabbaṃ...pe... aham, bhante, nānappakāraṃ kayavikkayaṃ samāpajjiṃ. Imaṃ me nissaggiyaṃ. Imāham saṅghassa nissajjāmīti...pe... dadeyyāti...pe... dadeyyunti...pe... āyasmato dammīti.

596. Kayavikkaye kayavikkayasaññī, nissaggiyaṃ pācittiyaṃ. Kayavikkaye vematiko, nissaggiyaṃ

pācittiyaṃ. Kayavikkaye nakayavikkayasāññī, nissaggiyaṃ pācittiyaṃ.

Nakayavikkaye kayavikkayasāññī, āpatti dukkaṭassa. Nakayavikkaye vematiko, āpatti dukkaṭassa. Nakayavikkaye nakayavikkayasāññī, anāpatti.

597. Anāpatti – aggaṃ pucchati, kappiyakārakassa ācikkhati, ‘idaṃ amhākaṃ atthi, amhākañca iminā ca iminā ca attho’ ti bhaṇati, ummattakassa, ādikammikassāti.

Kayavikkayasikkhāpadaṃ niṭṭhitaṃ dasamaṃ.

Kosiyavaggo dutiyo.

Tassuddānaṃ –

Kosiyā suddhadvebhāgā, chabbassāni nisīdanaṃ;
Dve ca lomāni uggaṇhe, ubho nānappakārakāti.

3. Pattavaggo

1. Pattasikkhāpadaṃ

598. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū bahū patte sannicayaṃ karonti. Manussā vihāracārikaṃ āhiṇḍantā passivā ujjhāyanti khiyyanti vipācenti – ‘kathañhi nāma samaṇā sakyaputtiyā bahū patte sannicayaṃ karissanti, pattavāñijjaṃ vā samaṇā sakyaputtiyā karissanti āmattikāpaṇaṃ vā pasāressanti’ ti! Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācenti – ‘kathañhi nāma chabbaggiyā bhikkhū atirekapattaṃ dhāressanti’ ti! Atha kho te bhikkhū chabbaggiye bhikkhū anekapariyāyena vīgarahitvā bhagavato etamatthaṃ ārocesum...pe... ‘saccaṃ kira tumhe, bhikkhave, atirekapattaṃ dhārethā’ ti? ‘Saccaṃ, bhagavā’ ti. Vīgarahi buddho bhagavā...pe... kathañhi nāma tumhe, moghapurisā, atirekapattaṃ dhāressatha! Netam, moghapurisā, appasannānaṃ vā pasādāya ...pe... evañca pana, bhikkhave, imaṃ sikkhāpadaṃ uddiseyyātha –

599. ‘Yo pana bhikkhu atirekapattaṃ dhāreyya, nissaggiyaṃ pācittiya’ nti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

600. Tena kho pana samayena āyasmato ānandassa atirekapatto uppanno hoti. Āyasmā ca ānando taṃ pattaṃ āyasmato sārīputtassa dātukāmo hoti. Āyasmā ca sārīputto sākete viharati. Atha kho āyasmato ānandassa etadahosi – ‘bhagavatā sikkhāpadaṃ paññattaṃ – ‘na atirekapatto dhāretabbo’ ti. Ayañca me atirekapatto uppanno. Ahañcīmaṃ pattaṃ āyasmato sārīputtassa dātukāmo. Āyasmā ca sārīputto sākete viharati. Kathaṃ nu kho mayā paṭipajjitabba’ nti? Bhagavato etamatthaṃ ārocesi. ‘Kīvaciraṃ panānanda, sārīputto āgacchissati’ ti? ‘Navamaṃ vā, bhagavā, divasaṃ dasamaṃ vā’ ti. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – ‘anujānāmi, bhikkhave, dasāhaparamaṃ atirekapattaṃ dhāretuṃ. Evañca pana, bhikkhave, imaṃ sikkhāpadaṃ uddiseyyātha –

601. ‘Dasāhaparamaṃ atirekapatto dhāretabbo. Taṃ atikkāmayato nissaggiyaṃ pācittiya’ nti.

602. Dasāhaparamanti dasāhaparamatā dhāretabbo.

Atirekapatto nāma anadhiṭṭhito avikappito.

Patto nāma dve pattā ayopatto mattikāpattoti.

Tayo pattassa vaṇṇā ukkaṭṭho patto majjhimo patto omako patto. **Ukkaṭṭho** nāma **patto** aḍḍhālhakodanaṃ gaṇhāti catubhāgaṃ khādanaṃ tadupiyaṃ byañjanaṃ. **Majjhimo** nāma **patto** nālikodanaṃ gaṇhāti catubhāgaṃ khādanaṃ tadupiyaṃ byañjanaṃ. **Omako** nāma **patto** patthodanaṃ gaṇhāti catubhāgaṃ khādanaṃ tadupiyaṃ byañjanaṃ. Tato ukkaṭṭho apatto, omako apatto.

Taṃ atikkāmayato nissaggiyo hotīti ekādase aruṇuggamane nissaggiyo hoti. Nissajjitabbo saṅghassa vā gaṇassa vā puggalassa vā. Evañca pana, bhikkhave, nissajjitabbo. Tena bhikkhunā saṅhaṃ upasaṅkamitvā ekaṃsaṃ uttarāsaṅgaṃ karitvā vuḍḍhānaṃ bhikkhūnaṃ pāde vanditvā ukkuṭikaṃ nisīditvā añjaliṃ paggahetvā evamassa vacanīyo – “ayaṃ me, bhante, patto dasāhātikkanto nissaggiyo. Imāhaṃ saṅghassa nissajjāmī”ti. Nissajjitvā āpatti desetabbā. Byattena bhikkhunā paṭibalena āpatti paṭiggahetabbā, nissatṭhapatto dātabbo.

603. “Suṇātu me, bhante, saṅho. Ayaṃ patto itthannāmassa bhikkhuno nissaggiyo saṅghassa nissatṭho. Yadi saṅghassa pattakallaṃ, saṅho imaṃ pattam itthannāmassa bhikkhuno dadeyya”ti.

604. Tena bhikkhunā sambahule bhikkhū upasaṅkamitvā ekaṃsaṃ uttarāsaṅgaṃ karitvā vuḍḍhānaṃ bhikkhūnaṃ pāde vanditvā ukkuṭikaṃ nisīditvā añjaliṃ paggahetvā evamassu vacanīyā – “ayaṃ me, bhante, patto dasāhātikkanto nissaggiyo. Imāhaṃ āyasmantānaṃ nissajjāmī”ti. Nissajjitvā āpatti desetabbā. Byattena bhikkhunā paṭibalena āpatti paṭiggahetabbā, nissatṭhapatto dātabbo.

605. “Suṇantu me āyasmantā. Ayaṃ patto itthannāmassa bhikkhuno nissaggiyo āyasmantānaṃ nissatṭho. Yādāyasmantānaṃ pattakallaṃ, āyasmantā imaṃ pattam itthannāmassa bhikkhuno dadeyyu”nti.

606. Tena bhikkhunā ekaṃ bhikkhuṃ upasaṅkamitvā ekaṃsaṃ uttarāsaṅgaṃ karitvā ukkuṭikaṃ nisīditvā añjaliṃ paggahetvā evamassa vacanīyo – “ayaṃ me, āvuso, patto dasāhātikkanto nissaggiyo. Imāhaṃ āyasmato nissajjāmī”ti. Nissajjitvā āpatti desetabbā. Tena bhikkhunā āpatti paṭiggahetabbā, nissatṭhapatto dātabbo – “imaṃ pattam āyasmato dammī”ti.

607. Dasāhātikkante atikkantasaññī, nissaggiyaṃ pācittiyaṃ. Dasāhātikkante vematiko, nissaggiyaṃ pācittiyaṃ. Dasāhātikkante anatikkantasaññī, nissaggiyaṃ pācittiyaṃ. Anadhiṭṭhite adhiṭṭhitasaññī, nissaggiyaṃ pācittiyaṃ. Avikappite vikappitasaññī, nissaggiyaṃ pācittiyaṃ. Avissajjite vissajjitasaññī, nissaggiyaṃ pācittiyaṃ. Anaṭṭhe naṭṭhasaññī nissaggiyaṃ pācittiyaṃ. Avinaṭṭhe vinaṭṭhasaññī, nissaggiyaṃ pācittiyaṃ. Abhinne bhinnasaññī, nissaggiyaṃ pācittiyaṃ. Avilutte viluttasaññī, nissaggiyaṃ pācittiyaṃ.

Nissaggiyaṃ pattam anissajjitvā paribhuñjati, āpatti dukkaṭassa. Dasāhānatikkante atikkantasaññī, āpatti dukkaṭassa. Dasāhānatikkante vematiko, āpatti dukkaṭassa. Dasāhānatikkante anatikkantasaññī, anāpatti.

608. Anāpatti antodasāhaṃ adhiṭṭheti, vikappeti, vissajjeti, nassati, vinassati, bhijjati, acchinditvā gaṇhanti, vissāsaṃ gaṇhanti, ummattakassa, ādikammikassāti.

Tena kho pana samayena chabbaggiyā bhikkhū nissatṭhapattam na denti. Bhagavato etamattham ārocesuṃ. “Na, bhikkhave, nissatṭhapatto na dātabbo. Yo na dadeyya, āpatti dukkaṭassa”ti.

Pattasikkhāpadaṃ niṭṭhitam paṭhamam.

2. Ūnapañcabandhanasikkhāpadaṃ

609. Tena samayena buddho bhagavā sakkesu viharati kapilavatthusmiṃ nigrodhārāme. Tena kho pana samayena aññatarena kumbhakārena bhikkhū pavāritā honti – “yesaṃ ayyānaṃ pattena attho ahaṃ pattena”’ti. Tena kho pana samayena bhikkhū na mattaṃ jānitvā bahū patte viññāpentī. Yesaṃ khuddakā pattā te mahante patte viññāpentī. Yesaṃ mahantā pattā te khuddake patte viññāpentī. Atha kho so kumbhakāro bhikkhūnaṃ bahū patte karonto na sakkoti aññaṃ vikkāyikaṃ bhaṇḍaṃ kātuṃ, attanāpi na yāpeti, puttadārāpissa kilamanti. Manussā ujjhāyanti khiyyanti vipācentī – “kathañhi nāma samaṇā sakyaputtīyā na mattaṃ jānitvā bahū patte viññāpessanti! Ayaṃ imesaṃ bahū patte karonto na sakkoti aññaṃ vikkāyikaṃ bhaṇḍaṃ kātuṃ, attanāpi na yāpeti, puttadārāpissa kilamanti”’ti.

Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācentī – “kathañhi nāma bhikkhū na mattaṃ jānitvā bahū patte viññāpessanti”’ti! Atha kho te bhikkhū te anekapariyāyena vīgarahitvā bhagavato etamattaṃ ārocesum...pe... saccaṃ kira, bhikkhave, bhikkhū na mattaṃ jānitvā bahū patte viññāpentīti? “Saccaṃ, bhagavā”’ti. Vīgarahi buddho bhagavā...pe... kathañhi nāma te, bhikkhave, moghapurīsā na mattaṃ jānitvā bahū patte viññāpessanti! Netam, bhikkhave, appasannānaṃ vā pasādāya...pe... vīgarahitvā dhammiṃ kathaṃ katvā bhikkhū āmantesi – “na, bhikkhave, patto viññāpetabbo. Yo viññāpeyya, āpatti dukkaṭṭassa”’ti.

610. Tena kho pana samayena aññatarassa bhikkhuno patto bhinno hoti. Atha kho so bhikkhu – “bhagavatā paṭikkhittam pattaṃ viññāpetu”’nti kukkucāyanto na viññāpeti. Hatthesu piṇḍāya carati. Manussā ujjhāyanti khiyyanti vipācentī – “kathañhi nāma samaṇā sakyaputtīyā hatthesu piṇḍāya carissanti, seyyathāpi titthiyā”’ti! Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Atha kho te bhikkhū bhagavato etamattaṃ ārocesum. Atha kho bhagavā etasmim nidāne etasmim pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, naṭṭhapattassa vā bhinnapattassa vā pattaṃ viññāpetu”’nti.

611. Tena kho pana samayena chabbaggiyā bhikkhū – “bhagavatā anuññātam naṭṭhapattassa vā bhinnapattassa vā pattaṃ viññāpetu”’nti appamattakenapi bhinnena appamattakenapi khaṇḍena vilikhitamattenapi bahū patte viññāpentī. Atha kho so kumbhakāro bhikkhūnaṃ tatheva bahū patte karonto na sakkoti aññaṃ vikkāyikaṃ bhaṇḍaṃ kātuṃ, attanāpi na yāpeti, puttadārāpissa kilamanti. Manussā tatheva ujjhāyanti khiyyanti vipācentī – “kathañhi nāma samaṇā sakyaputtīyā na mattaṃ jānitvā bahū patte viññāpessanti! Ayaṃ imesaṃ bahū patte karonto na sakkoti aññaṃ vikkāyikaṃ bhaṇḍaṃ kātuṃ, attanāpi na yāpeti, puttadārāpissa kilamanti”’ti.

Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācentī – “kathañhi nāma chabbaggiyā bhikkhū appamattakenapi bhinnena appamattakenapi khaṇḍena vilikhitamattenapi bahū patte viññāpessanti”’ti! Atha kho te bhikkhū chabbaggiye bhikkhū anekapariyāyena vīgarahitvā bhagavato etamattaṃ ārocesum...pe... “saccaṃ kira tumhe, bhikkhave, appamattakenapi bhinnena appamattakenapi khaṇḍena vilikhitamattenapi bahū patte viññāpethā”’ti? “Saccaṃ, bhagavā”’ti. Vīgarahi buddho bhagavā...pe... kathañhi nāma tumhe, moghapurīsā, appamattakenapi bhinnena appamattakenapi khaṇḍena vilikhitamattenapi bahū patte viññāpessatha! Netam, moghapurīsā, appasannānaṃ vā pasādāya...pe... evaṇca pana, bhikkhave, imaṃ sikkhāpadaṃ uddiseyyātha –

612. “Yo pana bhikkhu ūnapañcabandhanena pattena aññaṃ navaṃ pattaṃ cetāpeyya, nissaggiyaṃ pācittiyaṃ. Tena bhikkhunā so patto bhikkhuparisāya nissajjitabbo. Yo ca tassā bhikkhuparisāya pattapariyanto so tassa bhikkhuno padātabbo – ‘ayaṃ te, bhikkhu, patto yāva

bhedanāya dhāretabbo'ti. Ayaṃ tattha sāmīcī'ti.

613. Yo panāti yo yādiso...pe... **bhikkhūti**...pe... ayaṃ imasmiṃ atthe adhippeto bhikkhūti.

Ūnapañcabandhano nāma patto abandhano vā ekabandhano vā dvibandhano vā tibandhano vā catubandhano vā. Abandhanokāso nāma patto yassa dvaṅgulā rāji na hoti. Bandhanokāso nāma patto yassa dvaṅgulā rāji hoti. **Navo** nāma patto viññattiṃ upādāya vuccati.

Cetāpeyyāti viññāpeti, payoge dukkaṭaṃ. Paṭilābhena nissaggiyo hoti. Saṅghamajjhe nissajjitabbo. Sabbeheva adhiṭṭhitapattaṃ gahetvā sannipatitabbaṃ. Na lāmako patto adhiṭṭhātabbo – “mahagghaṃ pattaṃ gahessāmī”ti. Sace lāmakaṃ pattaṃ adhiṭṭheti – “mahagghaṃ pattaṃ gahessāmī”ti, āpatti dukkaṭassa. Evañca pana, bhikkhave, nissajjitabbo. Tena bhikkhunā saṅghaṃ upasaṅkamitvā ekaṃsaṃ uttarāsaṅgaṃ karitvā vuḍḍhānaṃ bhikkhūnaṃ pāde vanditvā ukkuṭikaṃ nisīditvā añjaliṃ paggahetvā evamassa vacanīyo – “ayaṃ me, bhante, patto ūnapañcabandhanena pattena cetāpito nissaggiyo. Imāhaṃ saṅghassa nissajjāmī”ti. Nissajjitvā āpatti desetabbā. Byattena bhikkhunā paṭibalena āpatti paṭiggahetabbā. Pañcahaṅgehi samannāgato bhikkhu pattaḡgāhāpako sammannitabbo – yo na chandāgatiṃ gaccheyya, na dosāgatiṃ gaccheyya, na mohāgatiṃ gaccheyya, na bhayāgatiṃ gaccheyya, gāhitāgāhitañca jāneyya. Evañca pana, bhikkhave, sammannitabbo. Paṭhamaṃ bhikkhu yācitabbo. Yācitvā byattena bhikkhunā paṭibalena saṅgho ñāpetabbo –

614. “Suṇātu me, bhante, saṅgho. Yadi saṅghassa pattakallaṃ, saṅgho itthannāmaṃ bhikkhuṃ pattaḡgāhāpakaṃ sammanneyya. Esā ñatti.

“Suṇātu me, bhante, saṅgho. Saṅgho itthannāmaṃ bhikkhuṃ pattaḡgāhāpakaṃ sammannati. Yassāyasmato khamati itthannāmassa bhikkhuno pattaḡgāhāpakassa sammuti, so tuṅhassa; yassa nakkhamati, so bhāseyya.

“Sammato saṅghena itthannāmo bhikkhu pattaḡgāhāpako. Khamati saṅghassa, tasmā tuṅhī, evametaṃ dhārayāmī”ti.

615. Tena sammatena bhikkhunā patto gāhetabbo. Thero vattabbo – “gaṇhātu, bhante, thero patta”nti. Sace thero gaṇhāti, therassa patto dutiyassa gāhetabbo. Na ca tassa anuddayatāya na gahetabbo. Yo na gaṇheyya, āpatti dukkaṭassa. Apattakassa na gāhetabbo. Eteneva upāyena yāva saṅghanavakā gāhetabbā. Yo ca tassā bhikkhuparisāya pattapariyanto, so tassa bhikkhuno padātabbo – “ayaṃ te, bhikkhu, patto yāva bhedanāya dhāretabbo”ti.

Tena bhikkhunā so patto na adese nikkhipitabbo, na abhogena bhuñjitabbo, na vissajjetabbo – “kathāyaṃ patto nasseyya vā vinasseyya vā bhijjeyya vā”ti? Sace adese vā nikkhipati abhogena vā bhuñjati vissajjeti vā, āpatti dukkaṭassa.

Ayaṃ tattha sāmīcīti ayaṃ tattha anudhammatā.

616. Abandhanena pattena abandhanaṃ pattaṃ cetāpeti, nissaggiyaṃ pācittiyaṃ. Abandhanena pattena ekabandhanaṃ pattaṃ cetāpeti, nissaggiyaṃ pācittiyaṃ. Abandhanena pattena dvibandhanaṃ pattaṃ cetāpeti, nissaggiyaṃ pācittiyaṃ. Abandhanena pattena tibandhanaṃ pattaṃ cetāpeti, nissaggiyaṃ pācittiyaṃ. Abandhanena pattena catubandhanaṃ pattaṃ cetāpeti, nissaggiyaṃ pācittiyaṃ.

Ekabandhanena pattena abandhanaṃ pattaṃ cetāpeti, nissaggiyaṃ pācittiyaṃ. Ekabandhanena pattena ekabandhanaṃ pattaṃ cetāpeti, nissaggiyaṃ pācittiyaṃ. Ekabandhanena pattena dvibandhanaṃ pattaṃ cetāpeti, nissaggiyaṃ pācittiyaṃ. Ekabandhanena pattena tibandhanaṃ pattaṃ cetāpeti, nissaggiyaṃ pācittiyaṃ. Ekabandhanena pattena catubandhanaṃ pattaṃ cetāpeti, nissaggiyaṃ pācittiyaṃ.

pācittiyaṃ.

Dvibandhanena pattena abandhanaṃ pattaṃ cetāpeti, nissaggiyaṃ pācittiyaṃ. Dvibandhanena pattena ekabandhanaṃ pattaṃ...pe... dvibandhanaṃ pattaṃ... tibandhanaṃ pattaṃ... catubandhanaṃ pattaṃ cetāpeti, nissaggiyaṃ pācittiyaṃ.

Tibandhanena pattena abandhanaṃ pattaṃ...pe... ekabandhanaṃ pattaṃ...pe... dvibandhanaṃ pattaṃ... tibandhanaṃ pattaṃ... catubandhanaṃ pattaṃ cetāpeti, nissaggiyaṃ pācittiyaṃ.

Catubandhanena pattena abandhanaṃ pattaṃ...pe... ekabandhanaṃ pattaṃ... dvibandhanaṃ pattaṃ... tibandhanaṃ pattaṃ... catubandhanaṃ pattaṃ cetāpeti, nissaggiyaṃ pācittiyaṃ.

Abandhanena pattena abandhanokāsaṃ pattaṃ cetāpeti, nissaggiyaṃ pācittiyaṃ. Abandhanena pattena ekabandhanokāsaṃ pattaṃ...pe... dvibandhanokāsaṃ pattaṃ ... tibandhanokāsaṃ pattaṃ... catubandhanokāsaṃ pattaṃ cetāpeti, nissaggiyaṃ pācittiyaṃ.

Ekabandhanena pattena abandhanokāsaṃ pattaṃ...pe... ekabandhanokāsaṃ pattaṃ... dvibandhanokāsaṃ pattaṃ... tibandhanokāsaṃ pattaṃ... catubandhanokāsaṃ pattaṃ cetāpeti, nissaggiyaṃ pācittiyaṃ.

Dvibandhanena pattena abandhanokāsaṃ pattaṃ...pe... catubandhanokāsaṃ pattaṃ cetāpeti, nissaggiyaṃ pācittiyaṃ.

Tibandhanena pattena abandhanokāsaṃ pattaṃ...pe... catubandhanokāsaṃ pattaṃ cetāpeti, nissaggiyaṃ pācittiyaṃ.

Catubandhanena pattena abandhanokāsaṃ pattaṃ...pe... ekabandhanokāsaṃ pattaṃ... dvibandhanokāsaṃ pattaṃ... tibandhanokāsaṃ pattaṃ... catubandhanokāsaṃ pattaṃ cetāpeti, nissaggiyaṃ pācittiyaṃ.

Abandhanokāsenā pattena abandhanaṃ pattaṃ cetāpeti, nissaggiyaṃ pācittiyaṃ. Abandhanokāsenā pattena ekabandhanaṃ pattaṃ...pe... dvibandhanaṃ pattaṃ... tibandhanaṃ pattaṃ... catubandhanaṃ pattaṃ cetāpeti, nissaggiyaṃ pācittiyaṃ.

Catubandhanokāsenā pattena abandhanaṃ pattaṃ cetāpeti, nissaggiyaṃ pācittiyaṃ. Catubandhanokāsenā pattena ekabandhanaṃ pattaṃ...pe... dvibandhanaṃ pattaṃ... tibandhanaṃ pattaṃ... catubandhanaṃ pattaṃ cetāpeti, nissaggiyaṃ pācittiyaṃ.

Abandhanokāsenā pattena abandhanokāsaṃ pattaṃ...pe... ekabandhanokāsaṃ pattaṃ... dvibandhanokāsaṃ pattaṃ... tibandhanokāsaṃ pattaṃ... catubandhanokāsaṃ pattaṃ cetāpeti, nissaggiyaṃ pācittiyaṃ.

Catubandhanokāsenā pattena abandhanokāsaṃ pattaṃ...pe... ekabandhanokāsaṃ pattaṃ... dvibandhanokāsaṃ pattaṃ... tibandhanokāsaṃ pattaṃ... catubandhanokāsaṃ pattaṃ cetāpeti, nissaggiyaṃ pācittiyaṃ.

617. Anāpatti naṭṭhapattassa, bhinnapattassa, ñātakānaṃ pavāritānaṃ, aññassatthāya, attano dhanena, ummattakassa, ādikammikassāti.

Ūnapañcabandhanasikkhāpadaṃ niṭṭhitaṃ dutiyaṃ.

3. Bhesajjasikkhāpadam

618. [idam vatthu mahāva. 270] Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena āyasmā pilindavaccho rājagahe pabbhāraṃ sodhāpeti leṇaṃ kattukāmo. Atha kho rājā māgadho seniyo bimbisāro yenāyasmā pilindavaccho tenupasaṅkami; upasaṅkamitvā āyasmantaṃ pilindavacchaṃ abhivādetvā ekamantaṃ nisīdi. Ekamantaṃ nisinno kho rājā māgadho seniyo bimbisāro āyasmantaṃ pilindavacchaṃ etadavoca – “kiṃ, bhante, thero kārapeti”ti? “Pabbhāraṃ mahārāja, sodhāpemi leṇaṃ kattukāmo”ti. “Attho, bhante, ayyassa ārāmikenā”ti? “Na kho, mahārāja, bhagavatā ārāmiko anuññāto”ti. “Tena hi, bhante, bhagavantaṃ paṭipucchitvā mama āroceyyāthā”ti. “Evaṃ mahārājā”ti kho āyasmā pilindavaccho rañño māgadhasa seniyassa bimbisārassa paccassosi. Atha kho āyasmā pilindavaccho rājānaṃ māgadhaṃ seniyaṃ bimbisāraṃ dhammiyā kathāya sandassesī samādapesī samuttejesī sampahaṃsesī. Atha kho rājā māgadho seniyo bimbisāro āyasmatā pilindavacchena dhammiyā kathāya sandassito samādapito samuttejito sampahaṃsito uṭṭhāyāsanaṃ āyasmantaṃ pilindavacchaṃ abhivādetvā padakkhiṇaṃ katvā pakkāmi.

619. Atha kho āyasmā pilindavaccho bhagavato santike dūtaṃ pāhesī – “rājā, bhante, māgadho seniyo bimbisāro ārāmikaṃ dātukāmo. Kathaṃ nu kho, bhante, mayā paṭipajjitabba”nti? Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesī – “anujānāmi, bhikkhave, ārāmika”nti. Dutiyampi kho rājā māgadho seniyo bimbisāro yenāyasmā pilindavaccho tenupasaṅkami; upasaṅkamitvā āyasmantaṃ pilindavacchaṃ abhivādetvā ekamantaṃ nisīdi. Ekamantaṃ nisinno kho rājā māgadho seniyo bimbisāro āyasmantaṃ pilindavacchaṃ etadavoca – “anuññāto, bhante, bhagavatā ārāmiko”ti? “Evaṃ, mahārājā”ti. “Tena hi, bhante, ayyassa ārāmikaṃ dammi”ti. Atha kho rājā māgadho seniyo bimbisāro āyasmato pilindavacchassa ārāmikaṃ paṭissuṇitvā vissaritvā cirena satim paṭilabhitvā aññatarāṃ sabbatthakaṃ mahāmatthaṃ āmantesī – “yo mayā, bhāṇe, ayyassa ārāmiko paṭissuto, dinno so ārāmiko”ti? “Na kho, deva, ayyassa ārāmiko dinno”ti. “Kīvaciraṃ nu kho, bhāṇe, ito hi taṃ hoti”ti? Atha kho so mahāmatto rattiyo gaṇetvā [vigaṇetvā (ka.)] rājānaṃ māgadhaṃ seniyaṃ bimbisāraṃ etadavoca – “pañca, deva, rattisaṭānī”ti. “Tena hi, bhāṇe, ayyassa pañca ārāmikasaṭāni dehī”ti. “Evaṃ, devā”ti kho so mahāmatto rañño māgadhasa seniyassa bimbisārassa paṭissuṇitvā āyasmato pilindavacchassa pañca ārāmikasaṭāni pādasi [adāsi (syā.)], paṭiyekko gāmo nivisi. Ārāmikagāmakotipi naṃ āhaṃsu, pilindagāmakotipi naṃ āhaṃsu.

620. Tena kho pana samayena āyasmā pilindavaccho tasmiṃ gāmake kulūpako hoti. Atha kho āyasmā pilindavaccho pubbaṅhasamayaṃ nivāsetvā pattacīvaraṃ ādāya pilindagāmake piṇḍāya pāvīsi. Tena kho pana samayena tasmiṃ gāmake ussavo hoti. Dārakā alaṅkatā mālākitā kīlanti. Atha kho āyasmā pilindavaccho pilindagāmake sapadānaṃ piṇḍāya caramāno yena aññatarassa ārāmikassa nivesanaṃ tenupasaṅkami; upasaṅkamitvā paññatte āsane nisīdi. Tena kho pana samayena tassā ārāminiyā dhītā aññe dārake alaṅkate mālākite passitvā rodati – “mālaṃ me detha, alaṅkāraṃ me dethā”ti. Atha kho āyasmā pilindavaccho taṃ ārāminim etadavoca – “kissāyaṃ dārikā rodati”ti? “Ayaṃ, bhante, dārikā aññe dārake alaṅkate mālākite passitvā rodati – “mālaṃ me detha, alaṅkāraṃ me dethā”ti. Kuto amhākaṃ duggatānaṃ mālā kuto, alaṅkāro”ti? Atha kho āyasmā pilindavaccho aññatarāṃ tiṇaṇḍupakaṃ gahetvā taṃ ārāminim etadavoca – “handimaṃ tiṇaṇḍupakaṃ tassā dārikāya sīse paṭimuñcā”ti. Atha kho sā ārāminī taṃ tiṇaṇḍupakaṃ gahetvā tassā dārikāya sīse paṭimuñci. Sā ahoṣi suvaṇṇamālā abhirūpā dassanīyā pāsādikā. Natthi tādisā raññopi antepure suvaṇṇamālā. Manussā rañño māgadhasa seniyassa bimbisārassa ārocesuṃ – “amukassa, deva, ārāmikassa ghare suvaṇṇamālā abhirūpā dassanīyā pāsādikā. Natthi tādisā devassāpi antepure suvaṇṇamālā. Kuto tassa duggatassa! Nissaṃsayāṃ corikāya ābhatā”ti!! Atha kho rājā māgadho seniyo bimbisāro taṃ ārāmikakulaṃ bandhāpesī. Dutiyampi kho āyasmā pilindavaccho pubbaṅhasamayaṃ nivāsetvā pattacīvaraṃ ādāya pilindagāmake piṇḍāya pāvīsi. Pilindagāmake sapadānaṃ piṇḍāya caramāno yena tassa ārāmikassa nivesanaṃ tenupasaṅkami; upasaṅkamitvā paṭivissake pucchi – “kahaṃ imaṃ ārāmikakulaṃ gata”nti? “Etissā, bhante, suvaṇṇamālāya kāraṇā raññā bandhāpita”nti.

621. Atha kho āyasmā pilindavaccho yena rañño māgadhasa seniyassa bimbisārassa nivesanam tenupasaṅkami; upasaṅkamitvā paññatte āsane nisīdī. Atha kho rājā māgadho seniyo bimbisāro yenāyasmā pilindavaccho tenupasaṅkami; upasaṅkamitvā āyasmantaṃ pilindavacchaṃ abhivādetvā ekamantaṃ nisīdī. Ekamantaṃ nisinnaṃ kho rājānaṃ māgadhaṃ seniyaṃ bimbisāraṃ āyasmā pilindavaccho etadavoca – “kissa, mahārāja, ārāmikakulaṃ bandhāpita”nti? “Tassa, bhante, ārāmikassa ghare suvaṇṇamālā abhirūpā dassanīyā pāsādikā. Natthi tādisā amhākampi antepure suvaṇṇamālā. Kuto tassa duggatassa! Nissamsayaṃ corikāya ābhatā”ti!! Atha kho āyasmā pilindavaccho rañño māgadhasa seniyassa bimbisārassa pāsādaṃ suvaṇṇanti adhimucchi. So ahosi sabbasovaṇṇamayo. “Idaṃ pana te, mahārāja, tāva bahuṃ suvaṇṇaṃ kuto”ti? “Aññātaṃ, bhante, ayyasseveso iddhānubhāvo”ti. Taṃ ārāmikakulaṃ muñcāpesi. Manussā – “ayyena kira pilindavacchena sarājikāya parisāya uttarimanussadhammaṃ iddhipāṭihāriyaṃ dassita”nti, attamaṇā abhippasannā āyasmato pilindavacchassa pañca bhesajjāni abhihariṃsu, seyyathidaṃ – sappi navanītaṃ telaṃ madhu phāṇitaṃ. Pakatīyāpi ca āyasmā pilindavaccho lābhī hoti pañcannaṃ bhesajjānaṃ. Laddhaṃ laddhaṃ parisāya vissajjeti. Parisā cassa hoti bāhullikā. Laddhaṃ laddhaṃ kolambepi ghaṭepi pūretvā paṭisāmeti, parissāvanānīpi thavikāyopi pūretvā vātapānesu laggeti. Tāni olīnavilīnāni tiṭṭhanti. Undūrehipi vihārā okiṇṇavikiṇṇā honti. Manussā vihāracārikaṃ āhiṇḍantaṃ passitvā ujjhāyanti khiyyanti vipācenti – “antokoṭṭhāgārikā ime samaṇā sakyaputtīyā, seyyathāpi rājā māgadho seniyo bimbisāro”ti! Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācenti – “kathañhi nāma bhikkhū evarūpāya bāhullāya cetessanti”ti! Atha kho te bhikkhū te anekapariyāyena vīgarahitvā bhagavato etamatthaṃ ārocesum...pe... “saccaṃ kira, bhikkhave, bhikkhū evarūpāya bāhullāya cetenti”ti? “Saccaṃ, bhagavā”ti. Vīgarahi buddho bhagavā...pe... kathañhi nāma te, bhikkhave, moghapurisā evarūpāya bāhullāya cetessanti! Netam, bhikkhave, appasannānaṃ vā pasādāya...pe... evaṇca pana, bhikkhave, imaṃ sikkhāpadaṃ uddiseyyātha –

622. “Yāni kho pana tāni gilānānaṃ bhikkhūnaṃ paṭisāyanīyāni bhesajjāni, seyyathidaṃ – sappi navanītaṃ telaṃ madhu phāṇitaṃ, tāni paṭiggahetvā sattāhaparamaṃ sannidhikāraṃ paribhuñjitabbāni. Taṃ atikkāmayato nissaggiyaṃ pācittiya”nti.

623. Yāni kho pana tāni gilānānaṃ bhikkhūnaṃ paṭisāyanīyāni bhessajjānīti sappi nāma gosappi vā ajikāsappi vā mahimsasappi [mahisasappi (sī. syā.)] vā yesaṃ maṃsaṃ kappati tesam sappi. Navanītaṃ nāma tesam yeva navanītaṃ. Telaṃ nāma tilatelaṃ sāsapatelaṃ madhukatelaṃ eraṇḍatelaṃ vasātelaṃ. Madhu nāma makkhikāmadhu. Phāṇitaṃ nāma ucchumhā nibbattaṃ.

Tāni paṭiggahetvā sattāhaparamaṃ sannidhikāraṃ paribhuñjitabbānīti sattāhaparamatā paribhuñjitabbāni.

Taṃ atikkāmayato nissaggiyaṃ hotīti aṭṭhame aruṇuggamane nissaggiyaṃ hoti. Nissajjitabbaṃ saṅghassa vā gaṇassa vā puggalassa vā. Evaṇca pana, bhikkhave, nissajjitabbaṃ...pe... idaṃ me, bhante, bhesajjaṃ sattāhātikkantaṃ nissaggiyaṃ, imāhaṃ saṅghassa nissajjāmīti...pe... dadeyyāti...pe... dadeyyunti...pe... āyasmato dammīti.

624. Sattāhātikkante atikkantasaññī, nissaggiyaṃ pācittiyaṃ. Sattāhātikkante vematiko, nissaggiyaṃ pācittiyaṃ. Sattāhātikkante anatikkantasaññī, nissaggiyaṃ pācittiyaṃ. Anadhiṭṭhite adhiṭṭhitasaññī, nissaggiyaṃ pācittiyaṃ. Avissajjite vissajjitasaññī, nissaggiyaṃ pācittiyaṃ. Anaṭṭhe naṭṭhasaññī, nissaggiyaṃ pācittiyaṃ. Avinaṭṭhe vinaṭṭhasaññī, nissaggiyaṃ pācittiyaṃ. Adaḍḍhe daḍḍhasaññī, nissaggiyaṃ pācittiyaṃ. Avilutte viluttasaññī, nissaggiyaṃ pācittiyaṃ.

Nissaṭṭhaṃ paṭilabhitvā na kāyikena paribhogena paribhuñjitabbaṃ, na ajjhoharitabbaṃ, padīpe vā kāḷavaṇṇe vā upanetabbaṃ, aññena bhikkhunā kāyikena paribhogena paribhuñjitabbaṃ, na ajjhoharitabbaṃ.

Sattāhānatikkante atikkantasaññī, āpatti dukkaṭassa. Sattāhānatikkante vematiko, āpatti dukkaṭassa. Sattāhānatikkante anatikkantasaññī, anāpatti.

625. Anāpatti antosattāhaṃ adhiṭṭheti, vissajjeti, nassati, vinassati, ḍayhati, acchinditvā gaṇhanti, vissāsaṃ gaṇhanti, anupasampannassa cattena vantena muttena anapekkho datvā paṭilabhitvā paribhuñjati, ummattakassa, ādikammikassāti.

Bhesajjasikkhāpadaṃ niṭṭhitam tatiyaṃ.

4. Vassikasāṭīkāsikkhāpadaṃ

626. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhagavatā bhikkhūnaṃ vassikasāṭīkā anuññātā hoti. Chabbaggiyā bhikkhū – “bhagavatā vassikasāṭīkā anuññātā”ti, paṭīkacceva [paṭīgacceva (sī.)] vassikasāṭīkacīvaraṃ pariyesanti, paṭīkacceva katvā nivāsenti, jīṇṇāya vassikasāṭīkāya naggā kāyaṃ ovassāpenti. Ye te bhikkhū appicchā... te ujjhāyanti khiyyanti vipācenti – “kathañhi nāma chabbaggiyā bhikkhū paṭīkacceva vassikasāṭīkacīvaraṃ pariyesissanti, paṭīkacceva katvā nivāsessanti, jīṇṇāya vassikasāṭīkāya naggā kāyaṃ ovassāpessanti”ti! Atha kho te bhikkhū chabbaggiye bhikkhū anekapariyāyena vīgarahitvā bhagavato etamatthaṃ ārocesuṃ...pe... “saccaṃ kira tumhe, bhikkhave, paṭīkacceva vassikasāṭīkacīvaraṃ pariyesatha? Paṭīkacceva katvā nivāsetha? Jīṇṇāya vassikasāṭīkāya naggā kāyaṃ ovassāpethā”ti? “Saccaṃ, bhagavā”ti. Vīgarahi buddho bhagavā...pe... kathañhi nāma tumhe moghapurisā, paṭīkacceva vassikasāṭīkacīvaraṃ pariyesissatha, paṭīkacceva katvā nivāsessatha, jīṇṇāya vassikasāṭīkāya naggā kāyaṃ ovassāpessatha! Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

627. “Māso seso gimhāna’nti bhikkhunā vassikasāṭīkacīvaraṃ pariyesitabbaṃ; ‘addhamāso seso gimhāna’nti katvā nivāsetabbaṃ. ‘Orena ce māso seso gimhāna’nti vassikasāṭīkacīvaraṃ pariyeseyya, ‘orenaddhamāso seso gimhāna’nti katvā nivāseyya, nissaggiyaṃ pācittiya’nti.

628. ‘Māso seso gimhāna’nti bhikkhunā vassikasāṭīkacīvaraṃ pariyesitabbanti. Ye manussā pubbepi vassikasāṭīkacīvaraṃ denti te upasaṅkamitvā evamassu vacanīyā – “kālo vassikasāṭīkāya, samayo vassikasāṭīkāya, aññepi manussā vassikasāṭīkacīvaraṃ denti”ti. Na vattabbā – “detha me vassikasāṭīkacīvaraṃ, āharatha me vassikasāṭīkacīvaraṃ, parivattetha me vassikasāṭīkacīvaraṃ, cetāpetha me vassikasāṭīkacīvara’nti.

‘Addhamāso seso gimhāna’nti katvā nivāsetabbanti. Addhamāse sese gimhāne katvā nivāsetabbaṃ.

‘Orena ce māso seso gimhāna’nti atirekamāse sesa gimhāne vassikasāṭīkacīvaraṃ pariyesati, nissaggiyaṃ pācittiyaṃ.

‘Orenaddhamāso seso gimhāna’nti atirekaddhamāse sese gimhāne katvā nivāseti, nissaggiyaṃ hoti. Nissajjitabbaṃ saṅghassa vā gaṇassa vā puggalassa vā. Evañca pana, bhikkhave, nissajjitabbaṃ...pe... idaṃ me, bhante, vassikasāṭīkacīvaraṃ atirekamāse sese gimhāne pariyaṭṭhaṃ atirekaddhamāse sese gimhāne katvā paridahitaṃ nissaggiyaṃ. Imāhaṃ saṅghassa nissajjāmīti...Pe... dadeyyāti...pe... dadeyyunti...pe... āyasmato dammīti.

629. Atirekamāse sese gimhāne atirekasaññī vassikasāṭīkacīvaraṃ pariyesati, nissaggiyaṃ pācittiyaṃ. Atirekamāse sese gimhāne vematiko vassikasāṭīkacīvaraṃ pariyesati, nissaggiyaṃ pācittiyaṃ. Atirekamāse sese gimhāne ūnakasaññī vassikasāṭīkacīvaraṃ pariyesati, nissaggiyaṃ pācittiyaṃ.

Atirekaddhamāse sese gimhāne atirekasaññī katvā nivāseti, nissaggiyaṃ pācittiyaṃ.
Atirekaddhamāse sese gimhāne vematiko katvā nivāseti, nissaggiyaṃ pācittiyaṃ. Atirekaddhamāse sese gimhāne ūnakasaññī katvā nivāseti, nissaggiyaṃ pācittiyaṃ.

Satiyā vassikasāṭhikāya naggo kāyaṃ ovassāpeti, āpatti dukkaṭassa. Ūnakamāse sese gimhāne atirekasaññī, āpatti dukkaṭassa. Ūnakamāse sese gimhāne vematiko, āpatti dukkaṭassa. Ūnakamāse sese gimhāne ūnakasaññī, anāpatti.

Ūnakaddhamāse sese gimhāne atirekasaññī, āpatti dukkaṭassa. Ūnakaddhamāse sese gimhāne vematiko, āpatti dukkaṭassa. Ūnakaddhamāse sese gimhāne ūnakasaññī, anāpatti.

630. Anāpatti ‘māso seso gimhāna’nti vassikasāṭhikacīvaraṃ pariyesati, ‘addhamāso seso gimhāna’nti katvā nivāseti, ‘ūnakamāso seso gimhāna’nti vassikasāṭhikacīvaraṃ pariyesati, ‘ūnakaddhamāso seso gimhāna’nti katvā nivāseti, pariyaṭṭhāya vassikasāṭhikāya vassaṃ ukkaḍḍhiyyati, nivatthāya vassikasāṭhikāya vassaṃ ukkaḍḍhiyyati, dhovitvā nikkhipitabbam; samaye nivāsetabbam, acchinnacīvarassa, naṭṭhacīvarassa, āpadāsu, ummattakassa, ādikammikassāti.

Vassikasāṭhikasikkhāpadaṃ niṭṭhitaṃ catutthaṃ.

5. Cīvaraacchindanasikkhāpadaṃ

631. Tena samayena buddho bhagavā sāvattiyaṃ viharati jetavane anāthapiṇḍikassa ārāme. Tena kho pana samayena āyasmā upanando sakyaputto bhātuno saddhivihārikaṃ bhikkhuṃ etadavoca – “ehāvuso, janapadacārikaṃ pakkamissāmā”ti. “Nāhaṃ, bhante, gamissāmi; dubbalacīvaromhī”ti. “Ehāvuso, ahaṃ te cīvaraṃ dassāmi”ti tassa cīvaraṃ adāsī. Assosi kho so bhikkhu – “bhagavā kira janapadacārikaṃ pakkamissatī”ti. Atha kho tassa bhikkhuno etadahosi – “na dānāhaṃ āyasmatā upanandena sakyaputtana saddhiṃ janapadacārikaṃ pakkamissāmi, bhagavatā saddhiṃ janapadacārikaṃ pakkamissāmī”ti. Atha kho āyasmā upanando sakyaputto taṃ bhikkhuṃ etadavoca – “ehi dāni, āvuso, janapadacārikaṃ pakkamissāmā”ti. “Nāhaṃ, bhante, tayā saddhiṃ janapadacārikaṃ pakkamissāmi, bhagavatā saddhiṃ janapadacārikaṃ pakkamissāmī”ti. “Yampi tyāhaṃ, āvuso, cīvaraṃ adāsiṃ, mayā saddhiṃ janapadacārikaṃ pakkamissatī”ti, kupito anattamano acchindi.

Atha kho so bhikkhu bhikkhūnaṃ etamatthaṃ ārocesi. Ye te bhikkhū appicchā...pe... te ujjhāyanti khiyyanti vipācenti – “kathañhi nāma āyasmā upanando sakyaputto bhikkhussa sāmāṃ cīvaraṃ datvā kupito anattamano acchindissatī”ti! Atha kho te bhikkhū āyasmantaṃ upanandaṃ sakyaputtaṃ anekapariyāyena vigaravitvā bhagavato etamatthaṃ ārocesuṃ...pe... “saccaṃ kira tvam, upananda, bhikkhussa sāmāṃ cīvaraṃ datvā kupito anattamano acchindi”ti? “Saccaṃ, bhagavā”ti. Vigarahi buddho bhagavā...pe... kathañhi nāma tvam, moghapurisa, bhikkhussa sāmāṃ cīvaraṃ datvā kupito anattamano acchindissasi! Netam, moghapurisa, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

632. “Yo pana bhikkhu bhikkhussa sāmāṃ cīvaraṃ datvā kupito anattamano acchindeyya vā acchindāpeyya vā, nissaggiyaṃ pācittiya”nti.

633. Yo panāti yo yādiso...pe... bhikkhūti...pe... ayaṃ imasmim atthe adhippeto bhikkhūti.

Bhikkhussāti aññaṃ bhikkhussa.

Sāmanti sayam datvā.

Cīvaraṃ nāma channaṃ cīvarānaṃ aññataraṃ cīvaraṃ, vikappanupagaṃ pacchimaṃ.

Kupito anattamanoti anabhiraddho āhatacitto khilajāto.

Acchindeyyāti sayam acchindati, nissaggiyam pācittiyam [nissaggiyam hoti (syā)].

Acchindāpeyyāti aññaṃ āṇāpeti, āpatti dukkaṭassa. Sakim āṇatto bahukampi acchindati, nissaggiyam hoti. Nissajjitabbaṃ saṅghassa vā gaṇassa vā puggalassa vā. Evañca pana, bhikkhave, nissajjitabbaṃ...pe... idaṃ me, bhante, cīvaraṃ bhikkhussa sāmaṃ datvā acchinnaṃ nissaggiyam imāhaṃ saṅghassa nissajjāmīti...pe... dadeyyāti ...pe... dadeyyunti...pe... āyasmato dammīti.

634. Upasampanne upasampannasaññī cīvaraṃ datvā kupito anattamano acchindati vā acchindāpeti vā, nissaggiyam pācittiyam. Upasampanne vematiko cīvaraṃ datvā kupito anattamano acchindati vā acchindāpeti vā, nissaggiyam pācittiyam. Upasampanne anupasampannasaññī cīvaraṃ datvā kupito anattamano acchindati vā acchindāpeti vā, nissaggiyam pācittiyam.

Aññaṃ parikkhāraṃ datvā kupito anattamano acchindati vā acchindāpeti vā, āpatti dukkaṭassa. Anupasampanna cīvaraṃ vā aññaṃ vā parikkhāraṃ datvā kupito anattamano acchindati vā acchindāpeti vā, āpatti dukkaṭassa. Anupasampanne upasampannasaññī, āpatti dukkaṭassa. Anupasampanne vematiko, āpatti dukkaṭassa. Anupasampanne anupasampannasaññī, āpatti dukkaṭassa.

635. Anāpatti – so vā deti, tassa vā vissasanto gaṇhāti, ummattakassa ādikammikassāti.

Cīvaraacchindanasikkhāpadaṃ niṭṭhitaṃ pañcamam.

6. Suttaviññattisikkhāpadaṃ

636. Tena samayena buddho bhagavā rājagahe viharati veḷuvane kalandakanivāpe. Tena kho pana samayena chabbaggiyā bhikkhū cīvarakārasamayā bahum suttam viññāpesum. Katepi cīvare bahum suttam avasiṭṭhaṃ hoti. Atha kho chabbaggiyānaṃ bhikkhūnaṃ etadahosi – “handa mayam, āvuso, aññaṃpi suttam viññāpetvā tantavāyehi cīvaraṃ vāyāpema”ti. Atha kho chabbaggiyā bhikkhū aññaṃpi suttam viññāpetvā tantavāyehi cīvaraṃ vāyāpesum. Vītepi cīvare bahum suttam avasiṭṭhaṃ hoti. Dutiyampi kho chabbaggiyā bhikkhū aññaṃpi suttam viññāpetvā tantavāyehi cīvaraṃ vāyāpesum. Vītepi cīvare bahum suttam avasiṭṭhaṃ hoti. Tatiyampi kho chabbaggiyā bhikkhū aññaṃpi suttam viññāpetvā tantavāyehi cīvaraṃ vāyāpesum. Manussā ujjhāyanti khiyyanti vipācenti – “kathañhi nāma samaṇā sakyaputtiyā sāmam suttam viññāpetvā tantavāyehi cīvaraṃ vāyāpessanti”ti!

Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā... te ujjhāyanti khiyyanti vipācenti – “kathañhi nāma chabbaggiyā bhikkhū sāmam suttam viññāpetvā tantavāyehi cīvaraṃ vāyāpessanti”ti! Atha kho te bhikkhū chabbaggiye bhikkhū anekapariyāyena vigarahitvā bhagavato etamatthaṃ ārocesum...pe... “saccam kira tumhe, bhikkhave, sāmam suttam viññāpetvā tantavāyehi cīvaraṃ vāyāpethā”ti? “Saccam, bhagavā”ti. Vigarahi buddho bhagavā...pe... kathañhi nāma tumhe, moghapurisā, sāmam suttam viññāpetvā tantavāyehi cīvaraṃ vāyāpessatha! Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

637. “Yo pana bhikkhu sāmam suttam viññāpetvā tantavāyehi cīvaraṃ vāyāpeyya, nissaggiyam pācittiya”nti.

638. Yo panāti yo yādiso...pe... bhikkhūti...pe... ayam imasmim atthe adhippeto bhikkhūti.

Sāmanti sayam viññāpetvā.

Suttam nāma cha suttāni – khomaṃ kappāsikaṃ koseyyaṃ kambalaṃ sāṇaṃ bhaṅgaṃ.

Tantavāyehīti pesakārehi vāyāpeti, payoge payoge dukkaṭaṃ [vāyāpeti, payoge dukkaṭaṃ (syā.)]. Paṭilābhena nissaggiyaṃ hoti. Nissajjitabbaṃ saṅghassa vā gaṇassa vā puggalassa vā. Evañca pana, bhikkhave, nissajjitabbaṃ...pe... idaṃ me, bhante, cīvaraṃ sāmaṃ suttam viññāpetvā tantavāyehi vāyāpitaṃ nissaggiyaṃ. Imāhaṃ saṅghassa nissajjāmīti...pe... dadeyyāti...pe... dadeyyunti...pe... āyasmato dammīti.

639. Vāyāpīte vāyāpītasāññī, nissaggiyaṃ pācittiyaṃ. Vāyāpīte vematiko, nissaggiyaṃ pācittiyaṃ. Vāyāpīte avāyāpītasāññī, nissaggiyaṃ pācittiyaṃ.

Avāyāpīte vāyāpītasāññī, āpatti dukkaṭassa. Avāyāpīte vematiko, āpatti dukkaṭassa. Avāyāpīte avāyāpītasāññī, anāpatti.

640. Anāpatti – cīvaraṃ sibbetuṃ, āyoge, kāyabandhane, aṃsabandhake [aṃsavaṭṭake (sī.)], pattatthavikāya, pariśāvane, ñātakānaṃ, pavāritānaṃ, aññassatthāya, attano dhanena, ummattakassa, ādikammikassāti.

Suttaviññattisikkhāpadaṃ niṭṭhitaṃ chaṭṭhaṃ.

7. Mahāpesakārasikkhāpadaṃ

641. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena aññataro puriso pavāsaṃ gacchanto pajāpatiṃ etadavoca – “suttam dhārayitvā amukassa tantavāyassa dehi, cīvaraṃ vāyāpetvā nikkhīpa, āgato ayyaṃ upanandaṃ cīvarena acchādessāmī”ti. Assosi kho aññataro piṇḍacārīko bhikkhu tassa purisassa imaṃ vācaṃ bhāsamānassa. Atha kho so bhikkhu yenāyasmā upanando sakyaputto tenupasaṅkama; upasaṅkamitvā āyasmantaṃ upanandaṃ sakyaputtaṃ etadavoca – “mahāpuññosi tvaṃ, āvuso upananda, amukasmaṃ okāse aññataro puriso pavāsaṃ gacchanto pajāpatiṃ etadavoca – “suttam dhārayitvā amukassa tantavāyassa dehi, cīvaraṃ vāyāpetvā nikkhīpa, āgato ayyaṃ upanandaṃ cīvarena acchādessāmī”ti. “Atthāvuso, maṃ so upaṭṭhāko”ti. Sopi kho tantavāyo āyasmato upanandassa sakyaputtassa upaṭṭhāko hoti. Atha kho āyasmā upanando sakyaputto yena so tantavāyo tenupasaṅkama; upasaṅkamitvā taṃ tantavāyaṃ etadavoca – “idaṃ kho, āvuso, cīvaraṃ maṃ uddissa viyyati; āyataṅca karohi vitthataṅca. Appitaṅca suvītaṅca suppvāyītaṅca suvilekhitaṅca suvitacchitaṅca karohī”ti. “Ete kho me, bhante, suttam dhārayitvā adamsu; iminā suttana cīvaraṃ vināhī”ti. “Na, bhante, sakkā āyataṃ vā vitthataṃ vā appitaṃ vā kātuṃ. Sakkā ca kho, bhante, suvītaṅca suppvāyītaṅca suvilekhitaṅca suvitacchitaṅca kātu”nti. “Ingha tvaṃ, āvuso, āyataṅca karohi vitthataṅca appitaṅca. Na tena suttana paṭibaddhaṃ bhavissati”ti.

Atha kho so tantavāyo yathābhattaṃ suttam tante upanetvā yena sā itthī tenupasaṅkama; upasaṅkamitvā taṃ itthiṃ etadavoca – “suttana, ayye, attho”ti. “Nanu tvaṃ ayyo [ayya (syā.)] mayā vutto – ‘iminā suttana cīvaraṃ vināhī’”ti. “Saccāhaṃ, ayye, tayā vutto – ‘iminā suttana cīvaraṃ vināhī’ti. Apica, maṃ ayyo upanando evamāha – ‘ingha tvaṃ, āvuso, āyataṅca karohi vitthataṅca appitaṅca, na tena suttana paṭibaddhaṃ bhavissati’”ti. Atha kho sā itthī yattakamyeva suttam paṭhamam adāsi tattakam pacchā adāsi. Assosi kho āyasmā upanando sakyaputto – “so kira puriso pavāsato āgato”ti. Atha kho āyasmā upanando sakyaputto yena tassa purisassa nivesanaṃ tenupasaṅkama; upasaṅkamitvā paññatte āsane nisīdi. Atha kho so puriso yenāyasmā upanando sakyaputto tenupasaṅkama; upasaṅkamitvā āyasmantaṃ upanandaṃ sakyaputtaṃ abhivādetvā ekamantaṃ nisīdi. Ekamantaṃ nisinna kho so puriso pajāpatiṃ etadavoca – “vītaṃ taṃ cīvara”nti? “Āmāyya, vītaṃ taṃ cīvara”nti. “Āhara, ayyaṃ upanandaṃ cīvarena acchādessāmī”ti. Atha kho sā itthī taṃ cīvaraṃ nīharitvā sāmikassa datvā etamatthaṃ ārocesi. Atha kho so puriso āyasmato upanandassa sakyaputtassa cīvaraṃ datvā ujjhāyati khiyyati vipāceti – “mahicchā ime samaṇā sakyaputtīyā asantuttā. Nayime

sukarā cīvarena acchādetuṃ. Kathañhi nāma ayyo upanando mayā pubbe appavārito tantavāye [gahapatikassa tantavāye (ka.)] upasaṅkamtivā cīvare vikappaṃ āpajjissatī’’ti.

Assosuṃ kho bhikkhū tassa purisassa ujjhāyantassa khiyyantassa vipācentassa. Ye te bhikkhū appicchā...pe... te ujjhāyanti khiyyanti vipācentī – ‘‘kathañhi nāma āyasmā upanando sakyaputto pubbe appavārito gahapatikassa tantavāye upasaṅkamtivā cīvare vikappaṃ āpajjissatī’’ti! Atha kho te bhikkhū āyasmantaṃ upanandaṃ sakyaputtaṃ anekapariyāyena vigarahitvā bhagavato etamatthaṃ ārocesuṃ... pe... ‘‘saccaṃ kira tvam, upananda, pubbe appavārito gahapatikassa tantavāye upasaṅkamtivā cīvare vikappaṃ āpajjī’’ti? ‘‘Saccaṃ, bhagavā’’ti. ‘‘Ñātaṃ te, upananda, aññātaṃ’’ti? ‘‘Aññātaṃ, bhagavā’’ti. ‘‘Aññātaṃ, moghapurisa, aññātakassa na jānāti patirūpaṃ vā appatirūpaṃ vā santaṃ vā asantaṃ vā. Tattha nāma tvam, moghapurisa, pubbe appavārito aññātakassa gahapatikassa tantavāye upasaṅkamtivā cīvare vikappaṃ āpajjissasi! Netaṃ, moghapurisa, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

642. ‘‘Bhikkhuṃ paneva uddissa aññātaṃ gahapati vā gahapatānī vā tantavāyehi cīvaraṃ vāyāpeyya, tatra ce so bhikkhu pubbe appavārito tantavāye upasaṅkamtivā cīvare vikappaṃ āpajjeyya – ‘idaṃ kho, āvuso, cīvaraṃ maṃ uddissa viyyati. Āyatañca karotha vitthatañca. Appitañca suvītañca suppvāyitañca suvilekhitañca suvitacchitañca karotha. Appeva nāma mayampi āyasmantānaṃ kiñcimattaṃ anupadajjeyyāma’’ti. Evañca so bhikkhu vatvā kiñcimattaṃ anupadajjeyya antamaso piṇḍapātamaṃ, nissaggiyaṃ pācittiya’’nti.

643. Bhikkhuṃ paneva uddissāti bhikkhussatthāya bhikkhuṃ ārammaṇaṃ karitvā bhikkhuṃ acchādetukāmo.

Aññātaṃ nāma mātito vā pitito vā yāva sattamā pitāmahayugā asambaddho.

Gahapati nāma yo koci agāraṃ ajjhāvasati.

Gahapatānī nāma yā kāci agāraṃ ajjhāvasati.

Tantavāyehī pesakārehi.

Cīvaraṃ nāma channaṃ cīvarānaṃ aññataraṃ cīvaraṃ vikappanupagaṃ pacchimaṃ.

Vāyāpeyyāti vināpeti.

Tatra ce so bhikkhūti yaṃ bhikkhuṃ uddissa cīvaraṃ viyyati so bhikkhu.

Pubbe appavāritoti pubbe avutto hoti – ‘‘kīdisena te, bhante, cīvarena attho, kīdisaṃ te cīvaraṃ vāyāpemī’’ti?

Tantavāye upasaṅkamtivāti gharaṃ gantvā yattha katthaci upasaṅkamtivā.

Cīvare vikappaṃ āpajjeyyāti – ‘‘idaṃ kho, āvuso, cīvaraṃ maṃ uddissa viyyati, āyatañca karotha vitthatañca. Appitañca suvītañca suppvāyitañca suvilekhitañca suvitacchitañca karotha. Appeva nāma mayampi āyasmantānaṃ kiñcimattaṃ anupadajjeyyāma’’ti.

Evañca so bhikkhu vatvā kiñcimattaṃ anupadajjeyya antamaso piṇḍapātamaṃpīti.
Piṇḍapāto nāma yāgupi bhattampi khādanīyampi cuṇṇapiṇḍopi dantakatthampi dasikasuttampi, antamaso dhammampi bhaṇāti.

Tassa vacanena āyataṃ vā vitthataṃ vā appitaṃ vā karoti, payoge dukkaṭaṃ. Paṭilābhena nissaggiyaṃ hoti. Nissajjitabbaṃ saṅghassa vā gaṇassa vā puggalassa vā. Evañca pana, bhikkhave, nissajjitabbaṃ...pe... idaṃ me, bhante, cīvaraṃ pubbe appavārito aññātakassa gahapatikassa tantavāye upasaṅkamitvā cīvare vikappaṃ āpannaṃ nissaggiyaṃ. Imāhaṃ saṅghassa nissajjāmīti...pe... dadeyyāti...pe... dadeyyunti...pe... āyasmato dammīti.

644. Aññātake aññātakasaññī pubbe appavārito gahapatikassa tantavāye upasaṅkamitvā cīvare vikappaṃ āpajjati, nissaggiyaṃ pācittiyaṃ. Aññātake vematiko pubbe appavārito gahapatikassa tantavāye upasaṅkamitvā cīvare vikappaṃ āpajjati, nissaggiyaṃ pācittiyaṃ. Aññātake ñātakasaññī pubbe appavārito gahapatikassa tantavāye upasaṅkamitvā cīvare vikappaṃ āpajjati, nissaggiyaṃ pācittiyaṃ.

Ñātake aññātakasaññī, āpatti dukkaṭassa. Ñātake vematiko, āpatti dukkaṭassa. Ñātake ñātakasaññī, anāpatti.

645. Anāpatti – ñātakānaṃ, pavāritānaṃ, aññassatthāya, attano dhanena, mahagghaṃ vāyāpetukāmassa appagghaṃ vāyāpeti, ummattakassa, ādikammikassāti.

Mahāpesakārasikkhāpadaṃ niṭṭhitaṃ sattamaṃ.

8. Accekacīvarasikkhāpadaṃ

646. Tena samayena buddho bhagavā sāvattiyāṃ viharati jetavane anāthapiṇḍikassa ārāme. Tena kho pana samayena aññātarō mahāmatto pavāsaṃ gacchanto bhikkhūnaṃ santike dūtaṃ pāhesi – “āgacchantu bhadantā vassāvāsikaṃ dassāmī”ti. Bhikkhū – ‘vassaṃvuṭṭhānaṃ bhagavatā vassāvāsikaṃ anuññāta’nti, kukkucāyanta nāgamaṃsu. Atha kho so mahāmatto ujjhāyati khiyyati vipāceti – “kathañhi nāma bhadantā mayā dūte pahite nāgacchissanti! Ahañhi senāya gacchāmi. Dujjānaṃ jīvitaṃ dujjānaṃ maraṇa’nti. Assosūṃ kho bhikkhū tassa mahāmattassa ujjhāyantassa khiyyantassa vipācentassa. Atha kho te bhikkhū bhagavato etamatthaṃ ārocesūṃ. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, accekacīvaraṃ paṭiggahetvā nikkhipitu’nti.

647. Tena kho pana samayena bhikkhū – “bhagavatā anuññātaṃ accekacīvaraṃ paṭiggahetvā nikkhipitu’nti, accekacīvarāni paṭiggahetvā cīvarakālasamayaṃ atikkāmenti. Tāni cīvarāni cīvaravaṃse bhaṇḍikābaddhāni tiṭṭhanti. Addasa kho āyasmā ānando senāsanacārikaṃ āhiṇḍanto tāni cīvarāni cīvaravaṃse bhaṇḍikābaddhāni. Tiṭṭhante disvā bhikkhū etadavoca – “kassimāni, āvuso, cīvarāni cīvaravaṃse bhaṇḍikābaddhāni tiṭṭhanti’nti? “Amhākaṃ, āvuso, accekacīvarāni’nti. “Kīvaciraṃ panāvuso, imāni cīvarāni nikkhittāni’nti? Atha kho te bhikkhū āyasmato ānandassa yathānikkhittaṃ ārocesūṃ. Āyasmā ānando ujjhāyati khiyyati vipāceti – “kathañhi nāma bhikkhū accekacīvaraṃ paṭiggahetvā cīvarakālasamayaṃ atikkāmessanti’nti! Atha kho āyasmā ānando te bhikkhū anekapariyāyena vīgarahitvā bhagavato etamatthaṃ ārocesi...pe... – “saccaṃ kira, bhikkhave, bhikkhū accekacīvaraṃ paṭiggahetvā cīvarakālasamayaṃ atikkāmenti’nti? “Saccaṃ, bhagavā”ti. Vīgarahi buddho bhagavā...pe... kathañhi nāma te, bhikkhave, moghapurisā accekacīvaraṃ paṭiggahetvā cīvarakālasamayaṃ atikkāmessanti! Netāṃ, bhikkhave, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

648. “Dasāhānāgataṃ kattikatemāsikapuṇṇamaṃ bhikkhuno paneva accekacīvaraṃ uppajjeyya, accekaṃ maññamānena bhikkhunā paṭiggahetabbaṃ, paṭiggahetvā yāva cīvarakālasamayaṃ nikkhipitabbaṃ. Tato ce uttari nikkhipiye, nissaggiyaṃ pācittiya’nti.

649. Dasāhānāgatanti dasāhānāgatāya pavāraṇāya.

Kattikatemāsikapuṇṇamanti pavāraṇā kattikā vuccati.

Accekacīvaram nāma senāya vā gantukāmo hoti, pavāsaṃ vā gantukāmo hoti, gilāno vā hoti, gabbhinī vā hoti, assaddhassa vā saddhā uppannā hoti, appasannassa vā pasādo uppanno hoti, so ce bhikkhūnaṃ santike dūtaṃ paḥiṇeyya – “āgacchantu bhadantā vassāvāsikaṃ dassāmī”ti, etaṃ accekacīvaram nāma.

Accekam maññamānena bhikkhunā paṭiggahetabbaṃ paṭiggahetvā yāva cīvarakālasamayaṃ nikkhipitabbanti saññānaṃ katvā nikkhipitabbaṃ – “idaṃ accekacīvara”nti.

Cīvarakālasamayo nāma anattathe kathine vassānassa pacchimo māso, atthate kathine pañcamāsā.

Tato ce uttari nikkhipeyyāti anattathe kathine vassānassa pacchimaṃ divasaṃ atikkāmeti, nissaggiyaṃ pācittiyaṃ [nissaggiyaṃ hoti (syā.)]. Atthate kathine kathinuddhāradivasaṃ atikkāmeti, nissaggiyaṃ hoti. Nissajjitabbaṃ saṅghassa vā gaṇassa vā puggalassa vā. Evañca pana, bhikkhave, nissajjitabbaṃ...pe... idaṃ me, bhante, accekacīvaram cīvarakālasamayaṃ atikkāmitaṃ nissaggiyaṃ. Imāhaṃ saṅghassa nissajjāmīti...pe... dadeyyāti...pe... dadeyyunti...pe... āyasmato dammīti.

650. Accekacīvare accekacīvarasaññī cīvarakālasamayaṃ atikkāmeti, nissaggiyaṃ pācittiyaṃ. Accekacīvare vematiko cīvarakālasamayaṃ atikkāmeti, nissaggiyaṃ pācittiyaṃ. Accekacīvare anaccekacīvarasaññī cīvarakālasamayaṃ atikkāmeti, nissaggiyaṃ pācittiyaṃ. Anadhiṭṭhite adhiṭṭhitasaññī ...pe... avikappite vikappitasaññī... avissajjite vissajjitasaññī... anattthe natṭhasaññī... avinatṭhe vīnatṭhasaññī... adadḍhe daḍḍhasaññī... avilutte viluttasaññī cīvarakālasamayaṃ atikkāmeti, nissaggiyaṃ pācittiyaṃ.

Nissaggiyaṃ cīvaram anissajjitvā paribhuñjati, āpatti dukkaṭassa. Anaccekacīvare accekacīvarasaññī, āpatti dukkaṭassa. Anaccekacīvare vematiko, āpatti dukkaṭassa. Anaccekacīvare anaccekacīvarasaññī, anāpatti.

651. Anāpatti – antosamaye adhiṭṭheti, vikappeti, vissajjeti, nassati, vinassati, ḍayhati, acchinditvā gaṇhanti, vissāsaṃ gaṇhanti, ummattakassa, ādikammikassāti.

Accekacīvarasikkhāpadaṃ niṭṭhitaṃ aṭṭhamam.

9. Sāsaṅkasikkhāpadaṃ

652. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhikkhū vutthavassā āraññakesu senāsanesu viharanti. Kattikacorakā bhikkhū – “laddhalābhā”ti paripātentī. Bhagavato etamatthaṃ ārocesuṃ. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, āraññakesu senāsanesu viharantena tiṇṇaṃ cīvarānaṃ aññataraṃ cīvaram antaraghare nikkhipitu”nti.

Tena kho pana samayena bhikkhū – “bhagavatā anuññātaṃ āraññakesu senāsanesu viharantena tiṇṇaṃ cīvarānaṃ aññataraṃ cīvaram antaraghare nikkhipitu”nti tiṇṇaṃ cīvarānaṃ aññataraṃ cīvaram antaraghare nikkhipitvā atirekachāraṭṭaṃ vippavasanti. Tāni cīvarāni nassantipi vinassantipi ḍayhantipi undūrehipi khajjanti. Bhikkhū duccolā honti lūkhacīvarā. Bhikkhū evamāhaṃsu – “kissa tumhe, āvuso, duccolā lūkhacīvarā”ti? Atha kho te bhikkhū bhikkhūnaṃ etamatthaṃ ārocesuṃ. Ye te bhikkhū appicchā... te ujjhāyanti khiyyanti vipācenti – “kathañhi nāma bhikkhū tiṇṇaṃ cīvarānaṃ aññataraṃ cīvaram antaraghare nikkhipitvā atirekachāraṭṭaṃ vippavasissanti”ti! Atha kho te bhikkhū te anekapariyāyena vīgarahitvā bhagavato etamatthaṃ ārocesuṃ...pe... saccaṃ kira, bhikkhave, bhikkhū tiṇṇaṃ cīvarānaṃ aññataraṃ cīvaram antaraghare nikkhipitvā atirekachāraṭṭaṃ vippavasanti”ti?

“Saccam, bhagavā”ti. Vigarahi buddho bhagavā...pe... kathañhi nāma te, bhikkhave, moghapurisā tiṇṇaṃ cīvarānaṃ aññataraṃ cīvaraṃ antaraghare nikkhipitvā atirekachārattaṃ vippavasissanti! Netam, bhikkhave, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

653. “Upavassaṃ kho pana kattikapuṇṇamaṃ yāni kho pana tāni āraññakāni senāsanāni sāsāṅkasammatāni sappatibhayāni tathārūpesu bhikkhu senāsanesu viharanto ākaṅkhamāno tiṇṇaṃ cīvarānaṃ aññataraṃ cīvaraṃ antaraghare nikkhipeyya, siyā ca tassa bhikkhuno kocideva paccayo tena cīvarena vippavāsāya. Chārattaparamaṃ tena bhikkhunā tena cīvarena vippavasitabbaṃ. Tato ce uttari vippavaseyya, aññatra bhikkhusammutiyā, nissaggiyaṃ pācittiya”nti.

654. Upavassaṃ kho panāti vuṭṭhavassānaṃ.

Kattikapuṇṇamanti kattikacātumāsini vuccati.

[pāci. 573] **Yāni kho pana tāni āraññakāni senāsanānī āraññakaṃ** nāma senāsaṇaṃ pañcadhanusatikaṃ pacchimaṃ.

[pāci. 573] **Sāsāṅkaṃ** nāma ārāme ārāmūpacāre corānaṃ niviṭṭhokāso dissati, bhuttokāso dissati, ṭhitokāso dissati, nisinnokāso dissati, nipannokāso dissati.

[pāci. 573] **Sappatibhayaṃ** nāma ārāme ārāmūpacāre corehi manussā hatā dissanti, viluttā dissanti, ākoṭitā dissanti.

[pāci. 573] **Tathārūpesu bhikkhu senāsanesu viharantoti** evarūpesu bhikkhu senāsanesu viharanto.

Ākaṅkhamānoti icchamāno.

Tiṇṇaṃ cīvarānaṃ aññataraṃ cīvaranti saṅghāṭiṃ vā uttarāsaṅgaṃ vā antaravāsakaṃ vā.

Antaraghare nikkhipeyyāti samantā gocaragāme nikkhipeyya.

Siyā ca tassa bhikkhuno kocideva paccayo tena cīvarena vippavāsāyāti siyā paccayo siyā karaṇīyaṃ.

Chārattaparamaṃ tena bhikkhunā tena cīvarena vippavasitabbanti chārattaparamatā vippavasitabbaṃ.

Aññatra bhikkhusammutiyāti ṭhapetvā bhikkhusammutiṃ.

Tato ce uttari vippavaseyyāti sattame aruṇuggamane nissaggiyaṃ hoti. Nissajjitabbaṃ saṅghassa vā gaṇassa vā puggalassa vā. Evañca pana, bhikkhave, nissajjitabbaṃ. “Idaṃ me, bhante, cīvaraṃ atirekachārattaṃ vippavutṭhaṃ, aññatra bhikkhusammutiyā, nissaggiyaṃ. Imāhaṃ saṅghassa nissajjāmī”ti...pe... dadeyyāti...pe... dadeyyunti...pe... āyasmato dammīti.

655. Atirekachāratte atirekasaññī vippavasati, aññatra bhikkhusammutiyā, nissaggiyaṃ pācittiyaṃ. Atirekachāratte vematiko vippavasati, aññatra bhikkhusammutiyā, nissaggiyaṃ pācittiyaṃ. Atirekachāratte ūnakasaññī vippavasati, aññatra bhikkhusammutiyā, nissaggiyaṃ pācittiyaṃ.

Appaccuddhaṭe paccuddhaṭasaññī...pe... avissajjite vissajjitasaññī... anaṭṭhe naṭṭhasaññī... avinaṭṭhe vinaṭṭhasaññī... adaddhe daḍḍhasaññī ... avilutte viluttasaññī vippavasati, aññatra bhikkhusammutiyā, nissaggiyaṃ pācittiyaṃ.

Nissaggiyaṃ cīvaraṃ anissajjitvā paribhuñjati, āpatti dukkaṭassa. Ūnakachāratte atirekasaññī, āpatti dukkaṭassa. Ūnakachāratte vematiko, āpatti dukkaṭassa. Ūnakachāratte ūnakasaññī, anāpatti.

656. Anāpatti – chārattaṃ vippavasati, ūnakachārattaṃ vippavasati, chārattaṃ vippavasitvā puna gāmasīmaṃ okkamitvā vasitvā pakkamati, anto chārattaṃ paccuddharati, vissajjeti, nassati, vinassati, ḍayhati, acchinditvā gaṇhanti, vissāsaṃ gaṇhanti, bhikkhusammutiyā, ummattakassa, ādikammikassāti.

Sāsaṅkasikkhāpadaṃ niṭṭhitaṃ navamaṃ.

10. Pariṇatasikkhāpadaṃ

657. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena sāvatthiyaṃ aññatarassa pūgassa saṅghassa sacīvarabhattaṃ paṭiyattaṃ hoti – “bhojetvā cīvarena acchādessāmā”ti. Atha kho chabbaggiyā bhikkhū yena so pūgo tenupasaṅkamimṃsu; upasaṅkamitvā taṃ pūgaṃ etadavocaṃ – “dethāvuso, amhākaṃ imāni cīvarāni”ti. “Na mayaṃ, bhante, dassāma. Amhākaṃ saṅghassa anuvassaṃ sacīvarabhikkhā paññattā”ti. “Bahū, āvuso, saṅghassa dāyakā, bahū saṅghassa bhaddā [bhaddā (ka.)]. Mayaṃ tumhe nissāya tumhe sampassantā idha viharāma. Tumhe ce amhākaṃ na dassatha, atha ko carahi amhākaṃ dassati? Dethāvuso, amhākaṃ imāni cīvarāni”ti. Atha kho so pūgo chabbaggiyehi bhikkhūhi nippīliyamāno yathāpaṭiyattaṃ cīvaraṃ chabbaggiyānaṃ bhikkhūnaṃ datvā saṅhaṃ bhaddena parivisi. Ye te bhikkhū jānanti saṅghassa sacīvarabhattaṃ paṭiyattaṃ, na ca jānanti chabbaggiyānaṃ bhikkhūnaṃ dinnanti, te evamāhaṃsu – “oṇojethāvuso, saṅghassa cīvara”nti. “Natthi, bhante. Yathāpaṭiyattaṃ cīvaraṃ ayyā chabbaggiyā attano pariṇāmesu”nti. Ye te bhikkhū appicchā... te ujjhāyanti khiyyanti vipācenti – “kathaṃhi nāma chabbaggiyā bhikkhū jānaṃ saṅghikaṃ lābhaṃ pariṇataṃ attano pariṇāmessanti”ti! Atha kho te bhikkhū chabbaggiye bhikkhū anekapariyāyena vigarahitvā bhagavato etamatthaṃ ārocesuṃ...pe... “saccaṃ kira tumhe, bhikkhave, jānaṃ saṅghikaṃ lābhaṃ pariṇataṃ attano pariṇāmethā”ti? “Saccaṃ, bhagavā”ti. Vigarahi buddho bhagavā...pe... kathaṃhi nāma tumhe, moghapurisā, jānaṃ saṅghikaṃ lābhaṃ pariṇataṃ attano pariṇāmessatha! Netam, moghapurisā, appasannānaṃ vā pasādāya...pe... evaṃca pana, bhikkhave, imaṃ sikkhāpadaṃ uddiseyyātha –

658. “Yo pana bhikkhu jānaṃ saṅghikaṃ lābhaṃ pariṇataṃ attano pariṇāmeyya, nissaggiyaṃ pācittiya”nti.

659. Yo panāti yo yādiso...pe... bhikkhūti...pe... aya imasmiṃ atthe adhippeto bhikkhūti.

[pāci. 491] **Jānāti** nāma sāmaṃ vā jānāti aññe vā tassa ārocenti so vā āroceti.

[pāci. 491] **Saṅghikaṃ** nāma saṅghassa dīnaṃ hoti pariccattaṃ.

[pāci. 491] **Lābho** nāma cīvarapiṇḍapātasenāsanagilānappaccayabhesajjaparikkhārā. Antamaso cuṇṇapiṇḍopi, dantakaṭṭhampi, dasikasuttampi.

[pāci. 491] **Pariṇataṃ** nāma dassāma karissāmāti vācā bhinnā hoti.

Attano pariṇāmeti, payoge dukkaṭaṃ. Paṭilābhena nissaggiyaṃ hoti. Nissajjitabbaṃ saṅghassa vā gaṇassa vā puggalassa vā. Evaṃca pana, bhikkhave, nissajjitabbaṃ...pe... idaṃ me, bhante, jānaṃ saṅghikaṃ lābhaṃ pariṇataṃ attano pariṇāmitaṃ nissaggiyaṃ. Imāhaṃ saṅghassa nissajjāmīti...pe...

dadeyyāti...pe... dadeyyunti...pe... āyasmato dammīti.

660. Pariṇate pariṇatasaññī attano pariṇāmeti, nissaggiyaṃ pācittiyaṃ.

Pariṇate vematiko attano pariṇāmeti, āpatti dukkaṭassa. Pariṇate aparīṇatasaññī attano pariṇāmeti, anāpatti. Saṅghassa pariṇataṃ aññasāṅghassa vā cetiyassa vā pariṇāmeti, āpatti dukkaṭassa. Cetiyassa pariṇataṃ aññacetiyassa vā saṅghassa vā puggalassa vā pariṇāmeti, āpatti dukkaṭassa. Puggalassa pariṇataṃ aññapuggalassa vā saṅghassa vā cetiyassa vā pariṇāmeti, āpatti dukkaṭassa. Aparīṇate pariṇatasaññī, āpatti dukkaṭassa. Aparīṇate vematiko, āpatti dukkaṭassa. Aparīṇate aparīṇatasaññī, anāpatti.

661. Anāpatti kattha demāti pucchiyamāno yattha tumhākaṃ deyyadhammo paribhogaṃ vā labheyya paṭisaṅkhāraṃ vā labheyya ciraṭṭhitiko vā assa yattha vā pana tumhākaṃ cittaṃ pasīdati tattha dethāti bhaṇāti, ummattakassa, ādikammikassāti.

Pariṇatasikkhāpadaṃ niṭṭhitaṃ dasamaṃ.

Pattavaggo tatiyo.

Tassuddānaṃ –

Dve ca pattāni bhesajjaṃ, vassikā dānapañcamaṃ;
Sāmaṃ vāyāpanacceko, sāsāṅkaṃ saṅghikena cāti.

662. Uddiṭṭhā kho, āyasmanto, tiṃsa nissaggiyā pācittiyā dhammā. Tatthāyasmante pucchāmi – ‘kaccittha parisuddhā’? Dutiyampi pucchāmi – ‘kaccittha parisuddhā’? Tatiyampi pucchāmi – ‘kaccittha parisuddhā’? Parisuddhetthāyasmanto, tasmā tuṅhī, evametaṃ dhārayāmīti.

Nissaggiyakaṇḍaṃ niṭṭhitaṃ.

Pārājikapāli niṭṭhitā.